

ПРЕЗИДЕНТТА МАКТУБЛАР

ПРЕЗИДЕНТТА МАКТУБЛАР



66.3(57)6

Г-86



ПРЕЗИДЕНТГА МАКТУБЛАР



ТОШКЕНТ «МАЪНАВИЯТ» 2009

БИБЛИОТЕКА

№ 75007



«Президентга мактублар» китобининг иккинчи жилди бўлган ушбу тўпلامдан 2005–2009 йиллар давомида мамлакатимиз ва чет эл фуқаролари ҳамда нуфузли халқаро ташкилотларнинг раҳбарлари, таниқли сиёсатчилар, жамоат арбоблари томонидан давлатимиз раҳбари Ислом Каримов номига келган хатлар ва уларга жавоб мактубларидан айрим намуналар урин олган.

Китоб Ўзбекистон Президентининг юксак масъулиятли фаолияти, мамлакатимизнинг ички ва ташқи сиёсатига, юртдошларимизнинг кундалик ҳаёти, қувончу ташвишларига оид энг долзарб масалалар юзасидан фуқароларимиз, халқаро жамоатчилик вакиллари билан олиб бораётган доимий мулоқотлари ҳақида китобхонларнинг тасаввурини янада кенгайтиришга хизмат қилади.

СЎЗБОШИ ЎРНИДА

Мамлакатимизда хат ва хабарлар оқими бир зум ҳам тўхтамайдиган шундай бир даргоҳ борки, бу — Ўзбекистон Республикаси Президенти девонидир. Бу манзилга «Ўзбекистон Республикаси Президенти Ислом Абдуғаниевич Каримовга» деган ёзув билан ҳар куни диёримизнинг узоқ ва яқин шаҳар-қишлоқларидан, чет эллардан юзлаб хатлар келади. Албатта, улар маъно-мазмунига кўра бир-биридан фарқ қилади. Лекин уларнинг барчасини бирлаштириб турадиган ягона ва муштарак бир хусусият борки, у ҳам бўлса, Юртбошимизнинг серқирра фаолиятига, халқ манфаати, Ўзбекистон манфаатини кўзлаб олиб бораётган ички ва ташқи сиёсатга бўлган юксак ишонч туйғуси, озод Ватанимизни ривожланган давлатлар қаторида кўриш, фарзандларимизни дунёда ҳеч кимдан кам бўлмайдиган инсонлар этиб тарбиялаш орзусидир.

Давлатимиз раҳбари фуқароларимиздан келади-ган ана шундай мактублар ўзининг масъулиятли фаолияти учун катта аҳамиятга эга эканини таъкидлаб: «Бу хатлар мени ҳаёт билан, жамоатчилик вакиллари, халқ билан боғлаб турадиган муҳим восита вазифасини бажаради. Бундай мактублар-

66.3(5Ў)6
П86

Президентга мактублар / тўпловчи З. Мирзақулов; муҳаррир М. Қаршибоев; нашр учун масъул Х. Султонов. — Тошкент: «Маънавият», 2009. — 192 б.

ББК 66.3(5Ў)6

П 4702620204-21
М25(04)-09

ISBN 978-9943-04-102-8

© «Маънавият», 2009



ни ўқиганда мен гўёки оддий юртдошларимиз билан мулоқот қилиб, суҳбат қургандек бўламан. Шу боис ҳар қайси хатга жиддий эътибор бериш, уларни жавобсиз қолдирмасликни ўзим учун ҳам қарз, ҳам фарз деб биламан», — деган эди.

Ҳақиқатан ҳам, Президент девонига келадиган ҳар бир хат рўйхатга олиниб, уларда баён этилган фикрлар, таклиф ва муаммолар ҳар томонлама чуқур ўрганилиб, уларга белгиланган тартибда муносабат билдирилади, зарур чора-тадбирлар амалга оширилади. Бир сўз билан айтганда, ҳеч бир хат жавобсиз ва назоратсиз қолмайди.

Кўпгина мактубларда ватандошларимиз Президентимизнинг серқирра фаолиятини қўллаб-қувватлаб, мамлакатимиз тараққиёти билан боғлиқ турли масалалар бўйича ўз фикр-мулоҳазаларини, таклиф ва тавсияларини билдиришади. Яна бир гуруҳ хатларда эса жойларда ҳал бўлмасдан келаётган айрим муаммолар, мавжуд камчилик ва етишмовчиликлар, уларга барҳам бериш ҳақида ёрдам сўраб мурожаат қилинади. Бу ҳам бежиз эмас, албатта. Чунки одамлар ўзлари ишонч билдириб сайлаган, жамиятимиздаги барча ўзгариш ва янгиланишларнинг ташаббускори бўлган Юртбошимиз билан ана шундай ўткир муаммоларни очиқ муҳокама қилиш, ўзларини безовта этаётган, қийнаётган масалалар юзасидан эркин фикр алмашиш, зарурат туғилганда, ёрдам ва кўмак сўрашга ўзларини ҳақли деб билади.



Шу билан бирга, шундай хатлар ҳам борки, уларда оддий инсонларнинг қалбидан чиққан холис дил изҳорлари битилган бўлади. Бундай хатларнинг муаллифлари одатда давлатимиз раҳбари билан маънавий мулоқот қилишни, эртаю кеч элу юрт ташвиши билан яшайдиган инсон билан ҳаёт ҳақида, ўз оиласи, маҳалласи, меҳнат жамоасида, бутун юртимизда бўлаётган ўзгаришлар тўғрисида мактуб орқали суҳбатлашишни ўзлари учун энг катта бахт деб билади.

«Мана шундай мактублар менинг зиммамга юклатилган масъулиятли вазифани адо этишда қандайдир куч-ғайрат беради. Жойлардан билдирилган самимий фикрлар, юртдошларимизнинг юрагини очиб ёзган хатларини ўқиб, ўзим учун яқин ва қадрдон одамлар билан сирдош бўлиб, юзма-юз сўзлашгандек бўламан, — дейди Президент. — Бундай ёзишмаларнинг ҳар қандай инсон учун, биринчи навбатда раҳбар учун аҳамияти катта. Негаки, одамзот ўз сирини тасодифан дуч келган кишига очавермайди, қандай оғир вазиятга тушмасин, дарду ғамини ҳаммага ҳам баён қилмайди. Фақат ўзи ҳурмат қилган, ишонган инсонгагина дил сирларини очиши мумкин. Ва бундай ишончнинг албатта қадрига етиш керак».

Хатларнинг каттагина қисми хорижий давлатлар, халқаро ташкилотлар раҳбарлари, чет эл фуқаролари томонидан ёзилган бўлиб, уларда асосан тинчлик ва хавфсизликни сақлаш, мамлакатимиз



билан ҳамкорликнинг турли қирралари, халқимизнинг қадимий ва бой тарихи, унинг жаҳон цивилизацияси ривожига қўшган улкан ҳиссаси, Марказий Осиё минтақасидаги долзарб масалалар ечими бўйича Ўзбекистон раҳбарияти томонидан илгари сурилаётган амалий таклиф ва хулосаларнинг аҳамияти ҳақида сўз боради.

Ҳурматли китобхон!

Ёдингизда бўлса, 2006 йили «Президентга мактублар» китобининг биринчи жилди нашр этилиб, унга 1991–2005 йиллар мобайнида мамлакатимиз ва чет эл фуқарolari томонидан Президент Илом Каримов номига йўлланган минглаб мактуб ва номалар ҳамда уларга Юртбошимиз йўллаган жавоблар орасидан танлаб олинган энг эътиборли намуналар киритилган эди.

Сўнгги йилларда диёримизда ислохот ва ўзгаришлар жараёни янги босқичга кўтарилиб, халқимиз барча соҳа ва тармоқларда янги-янги юксак марраларни қўлга киритмоқда. Табиийки, ана шу ютуқларнинг барчаси юртдошларимизнинг фикру зикри, интилиш ва кайфиятининг кўзгуси бўлган, Президент номига йўлланган хатларда ўзининг яққол ифодасини топмоқда. Бу эса ўз навбатида «Президентга мактублар» китобининг иккинчи жилдини нашрга тайёрлаш ва китобхонларга тақдим этишни тақозо этмоқда.

Ана шу заруратни ҳисобга олган ҳолда, ушбу жилдга 2005–2009 йиллар давомида Юртбошимиз



номига келган хатлар ва уларга жавоб мактубларидан айрим намуналар киритилди. Ўйлаймизки, бу тўғрисида Ўзбекистон раҳбарининг юксак масъулиятли фаолияти, юртимизда янги ҳаёт, янги жамият қуриш йўлида фуқароларимиз, халқаро жамоатчилик вакиллари билан олиб борилаётган доимий ва самимий мулоқотлар ҳақидаги китобхонларимиз тасаввурларини янада кенгайтиришга хизмат қилади.



МАЪНАВИЯТ ЗИЁСИ

Барчамизга яхши маълумки, мамлакатимиз Президентини фаолиятида бугунги ҳаётимизнинг бошқа соҳалари қатори маънавият масаласига эътибор алоҳида ўрин тутди. Давлатимиз раҳбарининг бу соҳанинг долзарб мавзуларига бағишланган чиқишлари, китоб ва рисоалари юзасидан турли ёш ва касб-корга мансуб юртдошларимиз ўз мактубларида алоҳида тўхталиб шахсий фикр-мулоҳазаларини билдирадilar.

Айни пайтда мамлакатимизда маънавий соҳа ривожига катта ҳисса қўшиб келаётган адабиёт ва маданият намояндаларининг таваллуд саналари, уларнинг ижодий ютуқлари ҳам Юртбошимиз эътиборидан четда қолмайди. Шу муносабат билан халқимиз маънавий ҳаётида, миллий тафаккуримиз ривожига муҳим ўрин тутадиган хат ва ёзишмалар вужудга келади.

Ўз навбатида ана шу мавзуга яқин яна бир йўналиш борки, у — ёшлар тарбияси. Юртдошларимиз ўз мактубларида маънавият мавзусини кўпинча бугунги ва эртанги ҳаётимизнинг асосий шартини ва гаровини бўлган ёшлар тарбияси билан биргаликда қайд этиб, фикр юритадилар. Бу табиий, албатта. Чунки биз



орзу қилаётган ҳар томонлама соғлом ва баркамол авлодни юксак маънавиятсиз тасаввур этиб бўлмайди.

Шунинг учун ҳам китобнинг ушбу биринчи фаслига ана шу мавзуларга бевосита дахлдор, ўзаро уйғун ва ҳамоҳанг бўлган хатлар киритилди.



**Ўзбекистон Республикаси Президенти
Ислом Абдуғаниевич Каримовга**

Муҳтарам Ислом Абдуғаниевич!

Ўзбекистон халқ шоираси Зулфиянинг оила аъзолари Сизга чуқур эҳтиром билан ушбу мактубни йўллашни ўзларининг қиёматли қарзлари деб биладилар. Шоира ўз ҳаётининг сўнгги йилларида Сизни кўп эслар ва «Бу шахс ўзбек халқининг бошига қўнган бахт қуши бўлди», дер эдилар.

Шоира Зулфия номига Сиз йўллаган мактуб ўша кезларда кекса ижодкорнинг умрига умр қўшгани, унга янги ҳаётий илҳом бахш этганига биз гувоҳмиз. Кейинроқ Зулфия номини абадийлаштириш учун мактаб ва кўчаларга унинг номи берилиши, 1999 йилда махсус Фармон билан Зулфия номидаги мукофотнинг таъсис этилиши ҳам Сизнинг бу ижодкорга бўлган юксак ҳурматингиз намунаси эканини ҳис этиб турдик.

2008 йилнинг илк баҳор куни эса бошимиз осмонга етди: Тошкенти азимнинг энг сулим гуша-сида Зулфия ҳайкали ўрнатилди. Бу ҳайкални яратиш ташаббуси, унинг тимсолида қандай образ акс этиши, бу бадиий обида қандай кўриниш ва қиёфада бўлиши тўғрисидаги маслаҳатлар бевосита Сиз



томонингиздан билдирилгани ва бир неча бор жиддий назарингиздан ўтказилгани учун ҳам у ғоят гузал ва маҳобатли кўриниш касб этгани рост.

Ҳурматли Ислом Абдуғаниевич, дарҳақиқат, ҳаёт куйчиси Зулфия айтганидек, ўзбек халқининг бошига қўнган бахт қуши мисоли узоқ умр кўринг. Икки ижодкор — Ҳамид Олимжон ва Зулфия Исроилова фарзандлари эса бир умр Сиздан миннатдорлик ва қарздорлик ҳисси билан яшашдан бахтиёрмиз.

Ҳурмат ва эҳтиром билан,

Хулкар ва Омон Олимжоновлар

*Тошкент шаҳри,
2008 йил 4 март*

(«Халқ сузи» газетаси, 2008 йил 5 март)



**Ўзбекистон халқ ёзувчиси
Пиримқул Қодировга**

Муҳтарам Пиримқул Қодирович!

Авваламбор, Сизни ҳаётингиздаги қутлуг сана — муборак 80 ёшингиз билан чин қалбимдан самимий табриклайман.

Сизнинг бугунги таваллуд айёмингиз барча китобхонлар, бутун адабиёт аҳлининг катта байрамидир. Эл-юртимиз Сизни атоқли адиб, етук адабиётшунос олим ва таниқли жамоат арбоби сифатида яхши билади ва қадрлайди. Сизнинг қаламингизга мансуб бадиий баркамол ва чуқур ҳаётийлик руҳи билан суғорилган қатор қисса ва романлар халқимизнинг маънавий юксалишида муҳим ўрин тутиб, катта тарбиявий аҳамият касб этиб келмоқда. Юксак инсоний фазилатларни тараннум этувчи бу асарлар жаҳоннинг қуплаб тилларига таржима қилингани билан ҳам эътиборлидир.

Айниқса, собиқ шўро мафкураси тазйиқлари ва қаршиликларига қарамай, Сиз халқимиз тарихининг ёрқин саҳифаларидан бўлмиш буюк темурийлар даврини, дилбар шоир ва давлат арбоби Заҳриддин Муҳаммад Бобур ва унинг авлодларининг мураккаб, машаққатли ҳаёт йўлини ҳаққоний акс



эттирган «Юлдузли тунлар», «Авлодлар довони» сингари гузал асарлар яратдингиз ва улар адабиётимиз хазинасидан муносиб ўрин олиб, халқимизнинг маънавий мулкига айланди.

Истиқлол руҳи Сизнинг ижодингизга янги куч-қувват ва илҳом бергани сўнгги йилларда ёзилган асарларингизда яққол намоён бўлиб турибди. Хусусан, шу улуг ва табаррук ёшда ҳам ҳормай-толмай ижод қилиб, «Тил ва эл», «Амир Темур сиймоси» сингари пухта изланиш ва тадқиқотларга бой китоблар яратганингиз ёш адиблар учун ибрат намунаси бўлиб хизмат қилади. Таваллуд кунингиз муносабати билан яна бир бор муборакбод этар эканман, Сизга мустаҳкам соғлиқ, ижод ва илҳом завқи, хонадонингизга файзу барака доимо ёр бўлишини тилайман.

Эҳтиром билан,

**Ислом Каримов,
Ўзбекистон Республикаси Президенти**

*Тошкент шаҳри,
2008 йил 24 октябрь*

(«Халқ сўзи» газетаси, 2008 йил 25 октябрь)



**Ўзбекистон Республикаси Президенти
Ислом Абдуғаниевич Каримовга**

Ассалому алайкум, мухтарам Ислом Абдуғаниевич!

Сизнинг буюк саховат ва ғамхўрлик билан менга йўллаган мактубингиз саксон йиллик умримнинг энг масъуд дамларида етиб келгани учун тақдирга шукрона айтаман. Алоҳида инсон тақдири тарих яратувчи улкан сиймолар фаолияти билан нақадар боглиқ эканини Сиз Ўзбекистонимизнинг Бош раҳбари бўлиб майдонга чиққанингиздан буён дилдидан ҳис қилиб келаман.

Мустабид тузум даврида бизни иккинчи даражали инсонлар деб камситишларга қарши Абдулла Қодирий ва Чўлпон қалами қурол қилиб, Отабек, Анвар, Кумуш, Раъно, Зеби каби ажойиб қаҳрамонларни яратдилар. Аслида бундай жозибали инсонлар ҳар бир халқда бор.

Мен ҳам, шуни ҳисобга олиб, халқимиз орасидан етишиб чиққан маънавий етук ва гузал шахсларни қисса ва романларнинг бош қаҳрамонлари қилиб тасвирлашга интилдим. Бу китобларда миллий туйғуни уйғотадиган муаммолар кўтарилгани мустабид тузум мафкурачиларига ёқмас эди. Бунинг устига, Бобур Мирзо ва Акбаршоҳ каби дил-



бар шахслар қиёфасида тасвирланган романлар ёзилди. Бу романлардан бири олти йилгача йўли тўсилиб босилмай ётди. Иккинчиси яна уч йил тақиқ остида тўхтатиб қўйилди, босмахонада нашрга тайёрлаб қўйилган бу асарларнинг ҳарфлари икки марта сочиб ташланди.

Қадрли Ислом Абдуғаниевич, Сиз Йўлбошчиси бўлган истиқлолнинг ғалабаси мени бу огир аҳволдан қутқарди. Салкам ўн йил тақиқ остида қолган ушбу романлар мустақиллик йилларида уч мартадан қайта нашр этилди. Шунинг ўзи бугун нишонланаётган саксон йиллик умрнинг энг самарали, қутлуғ йиллари истиқлол даврига тўғри келганини яққол кўрсатади.

Мухтарам Ислом Абдуғаниевич!

Сиз, қанчалик банд бўлишингизга қарамай, менинг камтарона роман ва қиссаларимни ўқиб чиққанингиз, уларга заршунослик нигоҳи билан қараб, теран маъноли фикрлар билдирганингиз учун чин қалбимдан миннатдорлик билдираман.

Сизнинг «Юксак маънавият — енгилмас куч» номли янги китобингиз маънавий ҳаётимизда унутилмас воқеа бўлиб, бу асарда миллий маданиятимизнинг бой тарихи, бугунги ривож ва порлоқ истиқболи ёрқин тафаккур ёрдамида жуда теран таҳлил этилгандир. Адабиётимиз шу буюк маънавият хазинасининг марказий қисмидан ўрин олганини Сиз улуг адибимиз Чўлпоннинг «Адабиёт



яшаса, миллат яшайди» деган сўзлари мисолида якқол кўрсатиб бергансиз. Мен эллик йилдан буён бу доно сўзларни дилимда такрорлаб баҳра оламан. Бугун адабиётимизга Сизнинг шунчалик катта гамхўрлик кўрсатаётганингиз бизни юксак ижодий камолотга ундайди. Бошқа адиблар қатори мен ҳам бутун умримни, бор куч ва қобилиятимни миллий маънавиятимиз ва унинг узвий қисми бўлган адабиётимизни юксалтиришга сарф этаман.

Сизга теран эҳтиром билан,

Пиримкул Қодиров,
Ўзбекистон халқ ёзувчиси

*Тошкент шаҳри,
2008 йил 27 октябрь*

(«Халқ сўзи» газетаси, 2008 йил 30 октябрь)



Ўзбекистон Қаҳрамони, халқ шоири
Эркин Воҳидовга

Муҳтарам Эркин Воҳидович!

Авваламбор, Сизни ҳаётингиздаги қутлуғ сана — муборак 70 ёшингиз билан чин қалбимдан самимий табриклайман.

Эл-юртимиз Сизни бир умр эзгулик ва гўзалликни, халқимизнинг озодлигини, унинг олижаноб фазилатларини юксак маҳорат билан тараннум этган ҳассос шоир ва таниқли жамоат арбоби сифатида билади ва эъзозлайди. Сизнинг нафис ва дилбар ғазалларингиз, ёрқин тафаккур руҳи билан йўғрилган шеър ва дostonларингиз, драматик асарларингиз, жаҳон адабиётининг мумтоз намуналаридан қилган таржималарингиз китобхонлар қалбидан чуқур жой эгаллаб, халқимизнинг маънавий мулкига айланиб қолгани билан айниқса эътиборлидир.

Сиз бундан буён ҳам ўз фаолиятингиз билан адабиёт ва санъатимизни ривожлантириш, ёш авлодимизни Ватанга муҳаббат ва садоқат руҳида тарбиялаш ишига муносиб ҳисса қўшасиз, деб ишонаман.

Сизга сиҳат-саломатлик, узоқ умр, доимо ижодий қувончлар ёр бўлишини тилайман.

Ислом Каримов,
Ўзбекистон Республикаси Президенти

*Тошкент шаҳри,
2006 йил 26 декабрь*



Муҳтарам Ислон Абдуғаниевич!

Камтарин хизматларимни бу қадар юқори баҳолаб йўллаган табрик мактубингиздан бошим кўкка етди. Халқимиз бахтига, маънавият ва маърифат камоли учун меҳнат қилаётган ижодкорлар бахтига умрингиз боқий бўлсин, яна кўп йиллар Йўлбошчиликнинг шарафли ва залворли юкини кўтаришдан толманг.

Сиз ижод қадрини яхши биладиган чин заршунос сифатида, буюк ва олижаноб қалб эгаси сифатида ижодкорларни ҳамиша ардоқлайсиз. Ҳеч бир юрт, ҳеч бир халқда адабиёт бу қадар ҳурмат, эъзоз топмаган, юксак қадрланмаган ва тақдирланмаган.

Бугун мен шукроналик ёшига етиб, ким эдим-у, ким бўлдим, дея ўзимга ўзим савол бераман. Халқимни улуғлаб, топталган она тилимни ёқлаб ёзган шеърларим учун дашномлар эшитганим, сўроқларга тутилганим ёдимдан чиқармиди?..

Бугун мен мамлакатимиз Президенти юксак ишонч билдирган сенаторман, «Ўзбекистон Қаҳрамони» деган шарафли унвон эгаси, ўз халқим, ўз қадриятларим қад ростлаган кунларга етиб келган бахтли инсонман. Мана шундай ёруғ кунлар-



нинг бош сабабчиси ким, дея яна ўзимга савол бераман ва бу саволлар шеърим сатрлар бўлиб қоғозга тушади. Бу сатрлар самимий кўнгил изҳори, халқ дилидаги туйғулар ифодасидир.

Сизга юксак эҳтиром ва чексиз миннатдорлик билан,

Эркин Воҳидов



ЮРТИМ ҲУРРИЯТИ БЎЛСИН БАРДАВОМ...

Нақадар буюкдир инсон бардоши,
Чексиз азобларга қилолгай тоқат.
Лекин эгилмасин номусдан боши,
Қадри топталмасин эл ичра фақат.

Ёдимда, оламга этиб қангома,
Халқим шаъни қора қилинган айём.
«Ўзбек иши» деган қабих айбнома,
«Пахта қули» деган шармандали ном.

Элим изтиробда қонлар ютаркан,
«Йўқ» деган исёнкор сўзни ким деди?
Ҳароми тўдадан юртни қутқарган,
Қаддимиз кутарган раҳбар ким эди?

Ўт қуйиб қочгандек чекингувчи ёв,
Фитна алангасин ёққанда шўро,
Фарғонадан чиққан даҳшатли олов
Хавфида қолганда Ўрта Осиё —

Бир ён Андижонда алқасос учун
Ўш сари отланган чоғда оломон,



Биз жар ёқасида турган ўша кун
Балоларга кўксин ким қилди қалқон?

Ким эди қиргинни даф қилолган зот,
Оловга от суриб кирган ким эди?
Жон чекиб бу кунги бизнинг тинч ҳаёт,
Хотири жамликни берган ким эди?

Москва қудратда, Горбачёв — бардам,
«Юввошлар пойтахти» бўлганда Тошкент,
Болтиқбўйиданми, Украинадан,
Қай юртдан чиқди илк миллий Президент?

Ўша анжуманнинг ёниқ шукуҳи,
Сурури ёдимдан чиқмайди ҳамон,
У кун Чулпон ила Қодирий руҳи,
Не ажаб яйраган бўлса шодимон.

Салтанат зарбидан ҳайиқмасдан тик,
Мен Президентман деб турган ким эди?
Жаҳон саҳнасига ўзбекча мардлик,
Шижоат кўрсатиб кирган ким эди?

Нон бер, сув бер, демас қадрин билган эл,
Озодлик бер, дея айтар бегумон.
Нечунким, оч қолмас ғайрат қилган эл,
Бир парча нонини топар ҳур инсон.



Хуррият — қутлуғ сўз олам тилида,
Инсонга йўқ ундан зиёда иқбол.
Эркинлик деб ёнган инсон дилида
Ватан деган сўзга эгиз Истиқлол.

Сана — тўқсон бирда, август сўнгида
Мустақиллик эълон қилган ким эди?
Тамаддун олами кўзи ўнгида
Ўзбек номин дoston қилган ким эди?

Бу тупроқда ўтган Кайхисрав, Доро,
Искандар от сурган, олган халифа...
Она юртим, кўҳна тарихинг аро
Истиқлолинг очди олтин саҳифа.

Бугун элим озод ҳаёт қурмоқда,
Фурурли кўксида ишонч барқарор.
Ватан пештоқида турган Байроқда
Менинг ҳам не орзу-армонларим бор.

Шу байроқ остига халқни қилиб жам
Ёруғ манзилларга элтаётган ким?
Ўзбекнинг мардона сўзини олам —
Минбаридан баён этаётган ким?

Жаҳон уммониға чиққан ҳар кема
Дарғаси йўл танлар эмин, бехатар.
У билар — сув ости қояси нима,
Нимадир денгизда тўфон, долғалар.



Озод Ўзбекистон — улкан кемадир,
Йўл олган саодат соҳили томон.
Кемага тушганнинг ахир жони бир,
Дарғамиз бор бўлсин, жонимиз — омон.

Ҳушёр посбон бўлиб халқига бу кун
Эминлик ғамини чекаётган ким?
Эртанинг яшнаган боғлари учун
Эзгулик ниҳолин экаётган ким?

Десамки, ҳар иш соз, олам гулистон,
Албатта шоирнинг сўзи ёлғондир.
Жаҳолат, қабоҳат бор, демак осон,
Уларни қуритмоқ — ғайри имкондир.

Жоҳил мутаассиб, тамагир номард
Заволиға ожиз қўлимда қалам.
Президент гоҳ куйиб сўзласа, бу дард —
Менинг ҳам кўксимни тирнаган алам.

Бепарво бўлма, деб, ёниб яша деб
Бизни курашларга йўллаётган ким?
Адлу жасоратни элга фарз этиб
Зардоб ютганларни ўйлаётган ким?

Ёзсам, саволим кўп ҳаддин зиёда,
Жавобин виждонга ҳавола қилдим.
Оллоҳим кечирсин, ёруғ дунёда
Камроқ шукр қилдим, кўп нола қилдим.



Бандамиз, гоҳ хушмиз, гоҳида нохуш,
Ҳасрат, изтиробнинг балки узри бор.
Қафасдаги донга ўргатилган қуш
Озод бўлса гоҳи қоларкан ночор...

Шеърга нуқта қўйдим айна саҳарлаб,
Қутлуғ арафада хайрли айём:
Тилагим — Ҳақ ўзи элимни асраб,
Юртим ҳуррияти бўлсин бардавом.

Эркин Воҳидов

(«Туркистон» газетаси, 2007 йил 5 январь)



**Ассалому алайкум, муҳтарам
Юртбошимиз Ислоҳ ака!**

Авваламбор, Сизга Оллоҳ таолодан соғлиқ-саломатлик, узоқ умр тилайман.

Яқинда телевизор орқали «Юксак маънавият — енгилмас куч» китобингизнинг тақдимот маросимини кўрдим. Албатта, бундай китобни фақат бу дунёнинг пасту баландини чуқур биладиган, ўз халқини чин дилдан яхши кўрадиган, ўз юрти учун фидойи бўлган инсонгина ёзиши мумкин.

Мен Сизнинг кўп китобларингизни ўқиб чиққанман. Айниқса, «Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари» асарингиздан бир олам таассурот ва хулосалар олганман.

«Юксак маънавият — енгилмас куч» ана шундай сермазмун китобларингизнинг давоми, деб ўйлайман. Биз юксак маънавият ва гузал ахлоқни қаердан топамиз? Албатта, излаб-излаб ва яна излаб бетақдор миллий қадриятларимиздан, муқаддас ислом динидан топамиз.

Сиз ўз асарингизда ҳақиқий маъносини очиб берган, халқимизга хос юксак ахлоқ-одоб ва маънавият ўз-ўзидан пайдо бўлиб қолмаган. Яратган-



нинг ўзи берган бу олий неъматни халқимиз асрлар давомида не-не машаққатлар билан асраб-авайлаб, ривожлантириб келган, буюк аجدодларимиз улкан кашфиётлари, юксак фазилатлари орқали уни камолга етказганлар.

Албатта, «қизил империя» даврида миллий қадриятларимиз оёқости қилинди, динимиз топталди. Энди ҳушёр бўлишимиз, бундай фожиаларга ҳеч қачон йўл қўймаслигимиз керак. Халқимизнинг қалбидан, юрагидан ҳеч ким азалий қадрият ва анъаналаримизни, гузал ахлоқимизни чиқара олмайди.

Ҳеч шубҳасиз, Сиз бугун буюк аجدодларимизнинг шу борадаги эзгу ишларини давом эттириб, барчамизга намуна бўлмоқдасиз.

Сизнинг ушбу китобингизни ҳар бир ўзбек фуқароси ўқиб чиқиши, керак бўлса, қалбига жо этиши лозим, деб ўйлайман.

Сизга яна бир бор эзгу тилаклар билдириб, ҳурмат ва эҳтиром ила,

**Сулаймон Нажимов,
Самарқанд вилояти, Пайариқ шаҳри,
Уйғун кўчаси, 7-уй, 2-хонадон**

2008 йил 18 май



**Ассалому алайкум, ҳурматли
Ислом Абдуғаниевич!**

Сизга хат ёзишимдан мақсад — яқинда чоп этилган «Юксак маънавият — енгилмас куч» китобингиз билан табриклаб, миннатдорлик билдирмоқчиман. Мен телевизор орқали ана шу китобга бағишланган кўрсатувни кўриб бўлгандан кейин ўқувчиларимни ҳам бу қувончли воқеадан бохабар қилиш учун дарҳол эртага бўладиган синф йиғилишини шу масалага бағишлашга қарор қилдим. Эртаси куни синф йиғилишида кун тартибини эълон қилсам, ўқувчиларимнинг кўпчилиги кўрсатувни кўрганини айтишди, бундан жуда хурсанд бўлдим. Ўқувчиларим ўз фикрлари билан ўртоқлашишди.

Бундан ташқари, бу масала бўйича мактабимиз ўқитувчилари иштирокидаги педагогик кенгаш йиғилишида ҳам фикр алмашдик. Ўзим эса ўқитувчиларнинг анъанавий август кенгаши учун тайёрлаган маърузам мавзусини «Юксак маънавият — енгилмас куч» китобига бағишладим.

Талабалар, ёш ўқитувчилар қўлида китобингизни кўриб, улардан таассуротларини сўрадим. Улар китоб оддий одамлар ўқиса ҳам тушунадиган, сод-



да ва равон тилда, самимий ёзилганини таъкидлаб, ҳар бири ўз фикрини билдирди. Уларнинг сўзларини тинглаб, устоз сифатида шуни англадимки, бугунги ёшларимиз, ҳақиқатдан ҳам, ўзининг мустақил ва эркин фикрига эга бўлишга, уларга билдирилаётган умид ва ишончни оқлашга интиломда.

Мен 2001 йилдан буён мактабда «Миллий ғоя ва маънавият асослари» ҳамда «Ватан туйғуси» фанларидан дарс бериб келаман. Сиёсатга жуда қизиқаман. Ёшларимизнинг сиёсий онги ўсишида мазкур фанларнинг роли жуда катта, деб ўйлайман.

Китобни ўқиб чиқар эканман, у биз — устоз-муаллимлар учун тайёр қўлланма эканига амин бўлдим. Бунинг учун Сизга яна бир бор раҳмат айтишга рухсат бергайсиз.

Фурсатдан фойдаланиб, Сизга узоқ умр, сиҳат-саломатлик, ўзбек халқи бахтига омон бўлиб юришингизни тилайман.

Сизга ҳурмат ва эҳтиром билан,

**Марҳабо Курбонова,
Тошкент шаҳар, Сирғали туманидаги
300-сонли иқтидорли ва қобилиятли
болалар мактаби ўқитувчиси**

2008 йил 27 июнь



Муҳтарам Ислон Абдуганиевич!

Сизнинг «Юсак маънавият — енгилмас куч» китобингиз ҳақида эшитишим билан уни топиб ўқидим. Уни мустақил Ватанимизнинг ҳар бир фуқароси, талабалар, коллеж, академик лицей, мактаб ўқувчилари, ўқитувчилар, кенг жамоатчилик ўқиб-ўрганиши, бу асардаги барча ибратли фикрлар тўғрисида ўйлаб кўриши лозим, деб ҳисоблайман. Айниқса, бу китобни гуманитар соҳа мутахассислари ўзларига дастуруламал қилиб, ўз ишларини шу асосда ташкил этишлари муҳим аҳамиятга эга.

Аввало, мана шундай асарларингиз билан миллий ғоямизнинг фундаментал пойдеворини яратдингиз, бизнинг ўзлигимизни, ким, қандай улуг зотларнинг давомчилари эканимизни, аجدодларимиз кимлар, қандай буюк инсонлар бўлганини аввало ўзимизга, ундан кейин бутун жаҳонга танитдингиз. Дунё жамоатчилиги жаҳонда Ўзбекистон деган катта салоҳиятга эга бўлган давлат борлигини ҳақли равишда тан олди.

Сиз томонингиздан тақдим этилаётган асарлар халқимизнинг маънавий мулкига айланиб, миллий ғоямизни янада кучайтирмоқда, тафаккуримизни,



дунёқарашимизни ўзгартирмоқда. Сиз олдиндан, узоқни кўзлаб айтган қанча-қанча фикрлар бугун ҳаётда ўз тасдиғини топмоқда, тўлиқ амалга оширилмоқда, шунинг учун ҳам мустақил Ўзбекистонимиз жадал ривожланмоқда, кундан-кунга юксалиб бормоқда.

Шахсан ўзим «Юксак маънавият — енгилмас куч» асарингизни ўқиб жуда таъсирландим. Бу ноёб китоб маънавиятимиз ҳақида битилган ниҳоятда зарур ва керакли асардир. Китобни ўқиш жараёнида ҳар бир ўқувчи, у хоҳ ёш бўлсин, хоҳ кекса бўлсин, маънавият қанчалик қудратли кучга эга эканига амин бўлади. Билмаганларини билади, ўзига фойдали хулосалар чиқаради.

Бу китоб ёшларимизни ўз юртига фидоийликка, Ватанни ва халқни севишга, иймон бутунлигига, ахлоқий покликка, бошқа миллатлар ўртасида бағрикенгликка чорлайди, ёшларимиз учун ҳаёт дарслиги бўлади.

Халқ депутатлари Самарқанд вилоят кенгашининг навбатдан ташқари сессиясида сўзга чиққанымда, Сиз мени бағрингизга босиб, яхши тилаклар билдирган эдингиз. Мендек оддий фуқаро учун бундан улуг бахт борми? Бу мен учун энг олий мукофот бўлиб, Сиз менинг кучимга — куч, ғайратимга — ғайрат қўшдингиз. Ўша воқеадан сўнг Каттақўрғон туманидаги ўзим яшайдиган Пайшанба шаҳарчаси халқи келиб мени зиёрат қилди, табриклади. Бу аввало оддий одамларнинг Сизга



бўлган ҳурмат-эҳтиромидан, Ўзбекистонимизнинг бугунги ва эртанги кунига катта ишонч билан қарашидан далолат беради.

Сиз ўз асарларингизда мен учун Ўзбекистоннинг буюк келажаги, халқимнинг бахту саодати йўлида бор кучимни бериб ишлашдан бошқа ҳаёт, бошқа эзгу мақсад йўқ, деган мазмундаги, юртимизни севадиган ҳар қандай одамни тўлқинлантириб юборадиган фикрларни айтгансиз.

Фақат, ўзингиз айтгандек, буюк маънавий жасорат эгаси бўлган инсонларгина шундай фидоийликка қодир бўлади. Бугун мамлакатимизда Сизнинг раҳбарлигингизда амалга оширилаётган том маънодаги улкан ишларни мен ана шу фикрларнинг исботи деб биламан.

Муҳтарам Ислом ака, азиз бошингиз доимо омон бўлсин. Олиб бораётган барча эзгу ишларингизда Оллоҳ Сизга мададкор бўлсин. Ўзбекистонимиз доимо гуллаб-яшнайверсин.

**Қамариддин Аҳмедов,
Самарқанд вилояти, Пайшанба
шаҳарчаси фуқаролар йиғини
оқсоқоллари номидан йиғин раиси**

2008 йил 16 июль



Хурматли Президент девони ходимлари!

Мен мухтарам Президентимиз Ислом Каримовнинг «Юксак маънавият — енгилмас куч» асарини қайта-қайта ўқиб, ҳар бир одам боласи учун зарур бўлган ҳаётий ҳақиқатни — инсон тафаккурининг нақадар буюклиги ва сўз сеҳрининг илоҳий мўъжиза эканини англадим.

Бундан бир йил муқаддам 19 яшар қизим вафот этиб, юрак-бағримни куйдириб, ёруғ дунёни кўзимга тор қилиб кетди. Шундан кейин мен учун бу ҳаётнинг ҳеч қандай қадр-қиммати ҳам, қизиги ҳам қолмаган эди. Ҳеч бир онанинг бошига фарзанд доғини солмасин экан. Тақдирнинг кутилмаган бу зарбасидан тамоман тушкунликка тушиб, умидсизлик, ғам-алам ўтида тириклай ёндим. Энди мени ҳеч қандай куч бу ҳаётга қайтаролмаса керак, деб ўйладим ўшанда.

Чексиз изтироб бора-бора ўз кучини кўрсатди, оғир касал бўлиб қолдим ва шу йил апрель ойида даволаниш учун Тошкент шаҳрига келдим. Ёру дўстларим, шифокорларнинг маслаҳати билан бу ерда ўзимни китоб ва газета-журналлар мутолааси билан чалғитишга, оз бўлса-да, овунишга уриндим. Шундай кунларнинг бирида — май ойида газета-



«Ўзбекистон» халқаро анжуманлар саройининг ҳар битта зали, ҳар битта беағи ўзимизнинг мутахассисларимиз, моҳир уста ва қурувчиларимиз меҳнати билан бунёд этилди.



Донимиз ўзимизники, нонимиз ўзимизники!..



Тинчлик бўлса, ҳамма нарса бўлади.



Қани, тўйдан гапиринг!



«Бошингиз омон бўлсин, Ислон ака!»



Мана кўрасизлар, бу бола чемпион бўлади.



Сиздек миришкор фермерлар кўпайсин!



Эртанги кун бизники, марра албатта бизники бўлади!



ларда Президентимизнинг «Юксак маънавият — енгилмас куч» асари чоп этилгани ҳақидаги хабарга кўзим тушди. Нимагадир шу китобни кўргим келди ва топиб ўқидим. Тўғриси, ўзим ҳам сира кутмаган ҳолда муъжиза рўй берди — мутолаадан руҳиятим таскин топиб, илоҳий қувват олдим. Аввало Оллоҳ, қолаверса, мана шу китоб мени ҳаётга қайтарди. Яна яшашга, ҳаётдаги гузалликлардан завқланишга ундади. Атрофимдагилар, мени эъзозлаган инсонлар ва мен яхши кўрганлар учун ҳам яшашим керак, деган қатъий қарорга келдим. Гуё китоб менга битмас куч-қувват бағишлади.

Ушбу мактубим орқали китоб муаллифига, муҳтарам Юртбошимизга миннатдорлик билдираман. Илоё, мен каби минглаб оналарнинг дуоларини Оллоҳнинг ўзи ижобат қилиб, у кишига дунёдаги жамии яхшиликлар ва эзгу тилаклар ёр бўлсин.

Ўзим узоқ йиллар олий таълим даргоҳида талабаларга сабоқ бердим. Охирги икки йил давомида эса Фуқаролик жамиятини урганиш институтининг Хоразм филиалида ўриндошлик асосида ишладим.

Асосий мутахассислигим — олий маълумотли кутубхоначи, кейинчалик Иқтисодиёт университетида сиртдан ўқиб, иқтисодчи-бухгалтерлик касбини эгалладим.

Ҳозирги пайтда Президентимизнинг барча асарлари, маърузаларини қайта ўқиб чиқяпман. Шунингдек, жамиятимизда рўй бераётган ўзгаришлар,



демократик янгиланишларни имкон даражасида ўрганиш, тараққиётимиз йўлида тўсиқ бўлаётган айрим муаммоларга ўз нуқтаи назарим, муносабатимни билдириб боришга ҳаракат қиляпман.

Бирданига бундай фаол ҳаётий позицияни танлашимга ҳам юқоридаги китоб сабаб бўлди. Чунки унда шундай сатрларни ўқидим: «Виждони уйғоқ одам ён-атрофида бўлаётган воқеаларга, ёрдам ва қўмакка муҳтож инсонларнинг муаммоларига, адолатнинг топталишига бефарқ қарай олмайди... Чиндан ҳам, агар одамзот бу дунёда руҳан пок бўлиб, иродаси бақувват бўлиб яшамас экан, инсон ҳаётининг қандай маъноси қолади?»

Инсон қалби ва руҳиятига яқин бундай сатрларни ўқиган ҳар қандай одам ўзининг шу жамиятга кераклигини ҳис этиб, Ватан равнақи, унинг келажаги учун фидойилик билан хизмат қилишни ўзи учун бурч деб билиши табиийдир.

Китобда кишининг руҳий дунёсини, маънавий оламини бойитадиган бундай сермазмун фикрлар кўп ва улар инсонни иродали бўлишга, ҳар қандай қийин ва оғир вазиятда ҳам ўз кучига ишониб, ҳаракат қилишга, ён-атрофга ҳушёр боқишга, бепарво ва лоқайд инсонлардан огоҳ бўлишга ундайди.

Асарни қайта-қайта ўқиб, шундай хулосага келдим: биз эркин фуқаролик жамиятини шакллантириш ва кучли ҳуқуқий демократик давлат қуриш йўлида муаллифнинг қимматли фикр-мулоҳазала-



рини ҳар биримиз аввало ўзимиз учун, келажагимиз учун дастуруламал сифатида қабул қилсак, шу асосда жамиятдаги ўзгариш ва муаммоларга муносабат билдирсак, ўйлайманки, ислохотларимиз янада жадаллашади.

Шу ўринда мен китоб мутолааси давомида туғилган ўзимнинг айрим мулоҳазаларимни ўртага ташлаб, бир таклиф билдирмоқчиман: Президентимиз Ислом Каримов асарларини илмий асосда ўрганиш ва улардаги теран фикрлардан кенг жамоатчиликни, айниқса, ёш авлодни баҳраманд этиш мақсадида махсус илмий тадқиқот марказини ташкил этиш лозим, деб ҳисоблайман. Негаки, Президентимиз асарларининг барчасини бир жойга тўплаб, уларни комплекс ўрганишга доир изчил ва яхлит тизим яратиш фурсати етди.

Ўзбекистон Республикаси Президенти ҳузуридаги Давлат ва жамият қурилиши академиясида, Миллий ғоя ва мафкура илмий-амалий марказида, шунингдек, бошқа ўқув ва илмий муассасаларда муаллифнинг ўзимизда ва хорижда (чет тилларда) нашр этилган барча асарлари, маърузаларининг матнлари, аудио ва видео вариантлари ҳамда уларни ўрганишга доир илмий ишлар жамланиб, махсус кутубхона ташкил этиш ҳам ғоятда хайрли иш бўлур эди. Чунки мамлакатимизнинг мустақиллик давридаги буюк тарихи бевосита Президентимиз Ислом Каримов номи ва фаолияти билан боғлиқ.



Юртбошимизнинг шу йўлда олиб бораётган сиёсий, иқтисодий, ижтимоий ва маънавий соҳалардаги фаолиятини, инсоний фазилатларини ҳар қанча ўргансак ва у кишидан ибрат олсак, арзийди, албатта. Бу келажак авлодлар учун ҳам ибратнамуна мактаби бўлиб қолиши шубҳасиз, деб ўйлайман.

Ҳурмат билан,

**Ҳанифа Отажоновна,
Хоразм вилояти, Урганч шаҳри,
Хоразмий кучаси, 13-уй**



Муҳтарам Юртбошимиз Ислон Абдуганиевич!

Мен тарих фанига жуда қизиқаман. Сизнинг «Тарихий хотирасиз келажак йўқ» номли асарингизни бир неча бор ўқиб чиққанман.

Тарих бизга сиёсий фикрлашни, ўтмишда бўлиб ўтган воқеаларнинг ижобий ва салбий жиҳатларини, давлатларнинг қудратли ва заиф томонларини кўрсатади, улардан сабоқ чиқариб яшашга даъват этади. Шу асосда бугунги кунда қайси давлат билан қандай иқтисодий-сиёсий муносабатлар ўрнатиш, алоқалар олиб бориш бўйича амалий ҳулосалар чиқариш имкони туғилади. Ҳар қандай онгли одам ўз тарихини қанчалик яхши билса, у билан шунча гурурланади. Бошини мағрур кўтариб яшайди. Биз ўзбек ёшлари Спитамен, Нажмиддин Кубро, Жалолиддин Мангуберди, Амир Темур, Бобур Мирзо каби буюк, жасур боболаримиз билан ҳақли равишда фахрланиб, ҳар жабҳада уларга муносиб, комил ва баркамол инсонлар бўлишга ҳаракат қиламиз.

Тарихни чуқур ўрганиш ва англаш келажакка дадил қадам қўйишнинг асосий шarti демакдир.

Ҳеч шубҳасиз, биз, ёшлар тарихни ҳар томонлама чуқур ўрганишимиз лозим. Бу ўзимизга, ўз



куч ва имкониятларимизга ишончимизни янада оширади.

Мен ўзимдаги билим ва эркин фикрлаш кўникмасига куп жиҳатдан тарихни ўқиб-ўрганиш орқали эга бўлганман.

Мен доимо юртимиз тинч, осмонимиз мусаффо бўлишини истайман.

Шу муносабат билан Сиздан бир нарсани сўрамоқчиман.

2008 йилни «Ёшлар йили» деб эълон қилганингиздан биз ёшлар жуда миннатдормиз. 2009 йил — «Қишлоқ тараққиёти ва фаровонлиги йили»да қишлоқларимиз янада обод бўлади. Бу ҳам барчамизни хурсанд қилади.

Энди келгуси 2010 йил юртимиз тинчлиги ва хавфсизлигини таъминлаб келаётган Ватан ҳимоячилари шарафига «Ватан ҳимоячилари йили» деб эълон қилинса, менимча, айти муддао бўларди.

Негаки, тинчлик бўлса, ҳар бир инсон орзу-ниятига эришади.

Соғу саломат бўлинг!

Ҳурмат билан,

Иқбол Зокиров,
Тошкент шаҳри, Собир Раҳимов тумани,
Бўстон кўчаси, 102-уй, 55-хонадон



**Ассалому алайкум, қадрли
Ислом Абдуганиевич!**

Энг аввало, Сизни қалбларимизга қувонч олиб кирган мустақиллигимизнинг 17 йиллик байрами билан табриклайман. Сизга юрагимнинг тўридаги энг самимий тилакларимни йўллайман. Сизга, энг аввало, Оллоҳдан соғлиқ, Ватанимизни янада раванқ топтириш йўлида ҳеч қачон толмаслигингизни тилайман.

Ҳозирги ёшлар мардлик ва жасоратни Сиздан урганишларини, халқимиз ҳаётини тубдан ўзгартириб юборган 1991 йилнинг 31 августида Сизнинг олдинда қандай катта қийинчиликлар кутиб турган бўлса ҳам, бутун масъулиятни зиммангизга олиб, Ўзбекистонни мустақил деб эълон қилганингизни, умуман, ана шундай жасоратларга тўла бутун ҳаётингизни уларга ибрат қилиб кўрсатишни жуда-жуда истардим.

Тинчлик нақадар буюк сўз. Ана шу бебаҳо неъмат учун, эртанги кунимиз янада яхши бўлиши учун Сиз ҳаловат нелигини билмасдан, тунларни бедор ўтказётганингизни халқимиз албатта билиши керак ва тинчликнинг қадрига етиши керак.



Насиб этса, Оллоҳнинг бешинчи фарзи бўлмиш хаж амалларини бажариш учун Маккаи мукарамага, Мадинаи мунавварага бормоқчиман. У жойда айтадиган бир ниятим бор: Оллоҳим, ўзингга шукр, юртимиз тинч, жаннатмакон диёримиз обод, Юртбошимизнинг азиз бошлари омон бўлсин.

Сузимнинг охирида эса, эй, азиз инсонлар, тинчликнинг қадрига етинг, кўп нолиманг, шундай кунларга етказгани учун Тангрига шукроналар айтинг, дегим келади.

Сизга салом билан,

**Ботир Орипов,
Жиззах шаҳри, Кутарма маҳалласи,
Тўқимачилар кўчаси,
72-уй, 11-хонадон**

2006 йил 18 май



Ҳурматли Ислом Абдуганиевич!

Ушбу мактубни ёзишимдан мақсад аввало ўзим ҳаяжонланиб кутаётган Янги йил байрами билан Сизни муборакбод этиш бўлса, қолаверса, бир набирангиз сифатида кўнглимдаги орзу-тилақларимни билдиришдан иборат.

Мен бугун Хитой давлатида бўладиган халқаро анжуманда қатнашиш учун навбатдаги илмий мақоламни топширдим. Лекин бир томондан хурсанд бўлсам, иккинчи томондан, ўксиндим.

Чунки дадам ва бобомларга бир телефон қилиб мақтангим келди. Албатта, улар жуда хурсанд бўлиб, дуо қилган бўлардилар... Лекин бунинг иложи йўқ эди, сабаби дадам ҳам, бобом ҳам ёшлигимда оламдан ўтиб кетишган. Шу пайтда яна Сизни ўйладим. Чунки менинг шу даражага етишимга аввало Сиз сабабчисиз. Сиз туфайли мен дунёни кўрдим, аниқроғи, ҳаётга қандай кўз билан қарашни ўргандим.

Аввало, ўзимни таништираман. Мен Фарғона вилояти, Бешариқ туманида туғилиб ўсганман. Дастлаб Тошкент политехника коллежини муваффақиятли тамомлаб, Тошкент давлат техника университетининг механика факультетида таҳсил олдим.



2006 йилда Жанубий Кореянинг Куми шаҳридаги Кумо технологиялар институтига магистратурада ўқиш учун юборилдим. Ҳозирги кунда магистратурани тамомлаб, докторантурада нанотехнологиялар йўналишида таҳсилни давом эттирмоқдам.

Яқинда Жанубий Кореяда бўлиб ўтган «1st international symposium on hybrid materials and processing» халқаро илмий анжуманида «Electrodeposited ni, fe, co and cu single and multilayer nano-wire array on AAO template» номли мақолам билан иштирок этдим.

Анжуманда қатнашар эканман, жуда кўп нарсаларни ҳаёлимдан ўтказдим. Бирдан-бир орзуим — Ўзбекистонимни энг ривожланган давлатлар қаторида кўриш. Яъни, бутун дунёдаги одамлар ўртасида манаман деган давлатлар ҳақида гап кетганда, Ўзбекистон, Корея, Япония... деб бизнинг юртимизни ҳам биринчилар қатори тилга олишларини хоҳлайман.

Оллоҳим Сизга узоқ умр, мустаҳкам соғлиқ берса, албатта бундай кун келишига ишонаман. Ва буни астойдил тилайман.

Орзу қилиш яхши, лекин юртимиз ёшлари учун аниқ бир фойдам тегса, дейман. Ўйлаб-ўйлаб, ўзимга берилган имкониятлардан фойдаланган ҳолда, фан йўналишида бир журнал ташкил қилишни режалаштирдим. Шоядки, бу журнал биз учун дунёнинг энг зўр олимлари, иқтидорли ёшлари билан танишиш, уларнинг янги кашфиётлари, фан ва



ишлаб чиқариш соҳасидаги ютуқларини ўрганиб, турли йўналишларда очилмаган эшикларни очиш учун «олтин калит» вазифасини бажарса. Шу билан бирга, ўзимиз ҳам ўрганган билим ва малакамизни ошириб, янги марралар сари ҳаракат қилсак.

Мен хоҳлардимки, янги — 2010 йил фан ва кашфиётлар йили бўлса. 2008 йил — «Ёшлар йили»нинг ҳосиласи сифатида ташкил қилинадиган «Invention» илмий-оммабоп журналимиз Сизнинг ўғит ва маслаҳатларингиз асосида фаолият юритиб, ушбу йилни мазмунан бойитса.

Сўзимни якунлар эканман, бу мактубни хорижда таҳсил олаётган юртимиз ёшларининг дил изҳорлари сифатида қабул қиласиз, деб умид қиламан. Жонажон юртимизда тоабад тинчлик ҳукмрон бўлсин!

Ҳурмат ва эҳтиром ила,

Бобомурод Ҳамроқулов,
Жанубий Корея, Куми шаҳри,
Кумо технологиялар институтининг
нанотехнологиялар йўналиши
бўйича докторанти

2008 йил 24 декабрь

(«Туркистон» газетаси, 2008 йил 31 декабрь)



Ассалому алайкум, азиз Юртбошимиз!

Сизга бир гуруҳ навоийлик ёшлар номидан ҳурматимиз ва миннатдорлигимизни билдиришга руҳсат бергайсиз.

Сизнинг ёш оилаларни қўллаб-қувватлаш тўғрисидаги фармонингизни вилоятимиз ёшлари катта мамнуният билан кутиб олишди. Биз навоийлик 48 нафар ёш оила вакилларига янги ва чиройли, замонавий уйларнинг берилгани ҳаётимиздаги энг унутилмас воқеа бўлди. Сиз бизларга шундай бахтни ато этдингиз. Устозларимиз, ота-онамиз, ёши катталар бизнинг ана шу бахтимизга қувонч ва ҳавас билан қарашмоқда.

Бизга бундай имкониятни мустақил ва қудратли Ўзбекистон Президенти Ислам Абдуганиевич Каримов бердилар.

Сиз бугунги навқирон ёшларимиз юртимизда эркин ва фаровон ҳаёт бунёд этишда, барча эзгу орзу-умидларимиз рўёбга чиқишида Ватанимизнинг ҳақиқий таянчи ва суянчи бўлади, деб уларга доимо катта ишонч билдириб келасиз.

Сизга умрбод таъзим қиламиз ва ишончингизни оқлашга ваъда берамиз.



Бизнинг бахтимизга, халқимиз бахтига доимо омон бўлинг!

Навоийлик ёшлар номидан
ҳурмат билан,

**Муҳаббат Темирова, Мақсуд Ҳасанов,
Маҳмуд Назаров, Баҳодир Раҳмонов,
Аслиддин Деҳқонов, Гулноз Баҳромова**

**Навоий вилояти, Навоий шаҳри,
Меъморлар кўчаси, 29-уй**

2008 йил 9 октябрь



Ассалому алайкум, Ислом бобо!

Менинг исмим Нақшбанд. Яқинда кўзимни даволатиш учун Қаршига шифохонага келдик. Қарши шаҳрини кўриб жуда ҳайрон бўлдим. Қарши шаҳри жуда чиройли бўлиб кетибди. Бу ердаги спорт мажмуалари, музей, коллежларни, кенг равон йўлларни кўриб севиниб кетдим.

Дадамдан «Дадажон, нима учун авваллари шундай ишлар бўлмаган?» — деб сўраганимда, дадам: «Ўғлим, бу бунёдкорлик ишлари Ислом бобомизнинг саъй-ҳаракатлари билан бўляпти. Ҳозир оддий бир қишлоқда сиз ёшлар учун қурилаётган коллежлар бир вақтлар ҳатто собиқ СССР пойтахти Москвада ҳам йўқ эди», деб жавоб бердилар.

Ислом бобо, менинг акам Сирожиддин Муборак шаҳридаги 1-мактабда 7-синфда, мен эса 4-синфда аъло баҳолар билан ўқиймиз. Насиб бўлса, акам ҳам, мен ҳам ҳарбий бўламиз. Яъни, Ватан ҳимоячиси бўлмоқчимиз.

Ислом бобо, Сизни туғилган кунингизга атаб аям туқиган гиламчанинг расмини юборяпман.

Сизга ҳурмат билан набирангиз —

**Нақшбанд,
Қашқадарё вилояти, Муборак тумани**

2006 йил 29 январь



**Гўзал Сурхон воҳасидан табригимизни
қабул этинг!**

Ассалому алайкум, ҳурматли Президентимиз!

Авваламбор, Сизга 2008 йилни «Ёшлар йили» деб эълон қилганингиз учун барча Сурхон воҳаси, жумладан, Термиз шаҳрининг Алишер Навоий номидаги маҳалласи ёшлари номидан миннатдорлик билдирамыз. Чунки Сиз кечаю кундуз бизнинг тинч-лигимизни сақлаб, биз ёшларнинг яхши яшаб, билимли бўлишимиз, келажакда интиланган чўққиларимизга чиқишимиз учун барча йўлларни очиб берапсиз.

Сизнинг мустақилликка эришган илк кунларда ўқиган қасамёдингиз ҳали-ҳануз эсимда. Ўшанда 9-синфда ўқирдим. Сизнинг сочларингиз қоп-қора эди. Қасамёдингизга содиқ қолиб, берган ваъдаларингизни бажариш йўлида сочларингизга оқ тушди. Ҳар доим Сизни телевизор орқали кўрсам, бизни деб сочларингиз оқарди, дейман.

2007 йили яна бир бахтга мушарраф бўлдик. Сизнинг ташаббусингиз билан ота-бобом тугилиб ўсган тоғли Бойсунга темир йўл етиб келди.

Ўтган йиллар қишлоғимиз учун яхши кунларга, туйларга бой бўлди. Айниқса, янги йилни меҳр-



оқибат ва хайрия иши билан бошладик. Ёрдамга муҳтож, кўзи ожиз бўлиб қолган 55 ёшли Дюнина Нина Семёновна исмли ёлғиз онахонни ногиронлик нафақасига чиқариш ва у кишининг турмуш ўртогидан қолган икки хонали уйнинг ҳужжатларини расмийлаштириб беришни депутатларимиздан ва депутатлар гуруҳи раисидан илтимос қилиб, ёрдам сўраб бордик. Улар бизни жуда яхши кутиб олишди ва қўллаб-қувватлашди. Ҳозир ҳам қариянинг ҳолидан хабар олиб турибмиз, бу инсон маҳалламиз аҳлидан бениҳоя миннатдор.

Халқимиз фаровонлиги учун заҳмат чекиб, биз ёшларни ҳамма вақт қўллаб-қувватлаб юрганингиз учун Сизга яна бир бор ташаккур билдирамиз.

Ҳурмат билан,

**Саёҳат Сатторова,
Сурхондарё вилояти,
Термиз шаҳри, Алишер Навоий
номидаги маҳалла**

2008 йил 27 январь



Қадрли Ислом Абдуганиевич!

Мен 1973 йилдан буён Янгийўл шаҳридаги 11-сон мусиқа мактабида болаларга рубоб чалиш санъатини ўргатиб келмоқдаман.

Оилалиман, 4 қизим, 1 ўғлим, 8 нафар набирам бор. Ҳамма фарзандларим мусиқа мактабида таҳсил олишган. Ўғлим Сайдулла Кабиров 1998 йили Тошкент шаҳридаги маданият коллежини тамомлаб, ҳозирги кунда мусиқа мактабида мен билан ёнма-ён ўқувчиларга соз чалиш сирларини ўргатиб келмоқда.

2008 йил 7 январь куни эълон қилинган «Болалар мусиқа ва санъат мактабларининг моддий-техник базасини мустаҳкамлаш ва уларнинг фаолиятини янада яхшилаш бўйича 2009–2014 йилларга мўлжалланган давлат дастурини тайёрлаш чоратадбирлари тўғрисида»ги фармойишингизни шу соҳа ходимлари қатори биз, 11-сон болалар мусиқа мактаби ўқувчилари ҳамда муаллимлари ҳам катта мамнуният билан кутиб олдик.

Мен бутун умрини санъат соҳасига бағишлаган бир муаллим сифатида, бу муҳим ҳужжатни ўсиб келаётган ёш авлодга Сиз томонингиздан кўрсатилган беқиёс ғамхўрлик ифодаси деб би-



ламан. Чунки зуваласи пишиқ, иқтидорли ва билимли ёшларнинг онгу шуурига созандачилик санъати пойдевори заҳматкаш педагог ўқитувчиларнинг меҳнати орқали қўйилади. Кейинчалик бу ёшлар қаерда ва қайси йўналишда ишламасин, санъатга ҳурмат ва муҳаббат уларга доимо ҳамроҳ бўлиб қолишига, улар жамиятимизнинг етук фарзанди бўлиб етишиб чиқишига шубҳа йўқ.

Мен чорак асрдан кўпроқ вақт мобайнида мусиқа ўқитувчиси сифатида фаолият олиб бораётган бўлсам, бу соҳага ҳеч қайси замонда бу даражада юксак эътибор берилганини эслай олмайман. Мана шу меҳнатларингиз меваси бўлиб, бугун юзлаб ёш истеъдодлар Ўз санъати билан бутун дунёни лол қолдирмоқда. Бу ҳали ҳаммаси эмас, Сизнинг бевосита эътиборингиз туфайли мамлакатимизнинг барча ҳудудларида қад ростлаган юзлаб касб-ҳунар коллежлари, академик лицейларда таълим олаётган минг-минглаб ёшлар эртага келажак буюк юртнинг чин маънодаги фахр-ифтихорига айланади.

Мен пойтахтимиз Тошкентнинг қоқ марказида жойлашган, Сизнинг ташаббусингиз билан барпо этилган Ўзбекистон давлат консерваториясининг янги биносини ҳар гал кўрганимда, истиқдолга шукроналар айтаман. Мана шундай муҳташам санъат саройида таҳсил олаётган бахтли ёшларга ҳавасим келади.



Юртимиз Сизнинг раҳнамолигингизда янада гуллаб-яшнаб, обод бўлаверсин. Масъулиятли ва ғоятда шарафли ишларингизда Сизга улуг аждодларимизнинг руҳи поклари доимо мададкор бўлсин.

Сизга ҳурмат билан,

Саиджон Кабиров,
Тошкент вилояти, Янгийўл шаҳри,
Р.Назирова кўчаси, 30-уй

2008 йил 18 январь

**Ассалому алайкум, мухтарам Президент!**

Сизга бўлган юксак эҳтиромимни изҳор қилган ҳолда ушбу мактубни йўллайман. Аввало, яқинда бўлиб ўтган Президент сайловида қайта сайланганингиз билан Қашқадарё вилояти Китоб туманидаги 5-Меҳрибонлик уйи жамоаси ва тарбияланувчилари номидан чин кўнгилдан муборакбод этаман.

Мен ана шу Меҳрибонлик уйида мусиқа ўқитувчисиман. Сиз томонингиздан 2008 йил 7 январда қабул қилинган «Болалар мусиқа ва санъат мактабларининг моддий-техник базасини мустаҳкамлаш ва уларнинг фаолиятини яхшилаш бўйича 2009–2014 йилларга мўлжалланган давлат дастурини тайёрлаш бўйича чора-тадбирлар тўғрисида»ги фармойиш ёш санъат ғунчаларига улкан эътиборнинг яна бир намоёни бўлди. Бу ҳужжат, айниқса, ўзи меҳрга муҳтож, лекин қалби истеъдодга ошно ёш тарбияланувчиларимиз кўнглида ғурур, келажакка ишонч ва Ватанга муҳаббат ҳиссини уйғотди.

Ота-она меҳрига муҳтож болаларнинг бошини силаш, кўнглини кўтариш, ҳаётда тўғри йўл танлаб олишига ёрдам бериш азалий шарқона фази-



латдир. Бу борада Сизнинг олижаноб саховатингиз, хусусан, бизнинг Меҳрибонлик уйига «Suzuki» русумли автобус тўхфа қилганингиз, тарбияланувчиларимизнинг яшаш ва ўқиш масканларини таъмирлаш ишларида алоҳида эътибор билан кўрсатган ёрдамнингиз болажонларимизни беҳад мамнун қилди.

Меҳрга ташна шундай мурғак қалбларга бу ғам-хўрлигингизга жавобан Меҳрибонлик уйи қошида «Маржона» номли болалар ансамбли тузиб, «Меҳр-шафқат бор бўлсин», «Меҳр билан яшанг, одамлар» каби ўнлаб кўшиқлар яратдик.

Мухтарам Ислон Абдуғаниевич, биз — Меҳрибонлик уйи тарбиячи ва тарбияланувчилари Сизни таваллуд топган кўнингиз билан чин дилдан кўтлаймиз. Яратгандан Сизга мустаҳкам соғлиқ, куч-қувват ва омадлар тилаймиз.

Чуқур ҳурмат ва эҳтиром ила,

**Муҳиддин Абдуллаев,
Қашқадарё вилояти, Китоб тумани,
5-меҳрибонлик уйи мусиқа раҳбари**

2008 йил 16 январь



**Ассалому алайкум, мухтарам
Ислом Абдуғаниевич!**

Мен яқинда юртимиз бўйлаб 12 кунлик саёҳатда бўлдим. Саёҳат таассуротларини юрагимга сиғдириб Сизга ушбу миннатдорлик мактубини ёзишга журъат этдим.

Мен бундан бир неча йиллар илгари қишлоғимиздан четга чиқмаган ота-онамни ўлкамиздаги азиз ва табарруқ жойларни зиёрат қилдиришга олиб бораман, деб ният қилган эдим. Афсуски, қутилган вақтда бунга имкон бўлмади. Оллоҳнинг иродаси экан, ота-онамнинг куни битиб, оламдан ўтиб кетди. Тангрига минг қатла шукрлар бўлсинки, улар кўрмаган жойларни кўриш — мамлакатимизнинг муқаддас қадамжоларини зиёрат қилиш менга насиб этди.

Тошкентга бориб, биринчи бўлиб, Ҳазрати Имом мажмуасида Сиз қурдирган мухташам ва улуғвор масжидни, бу ерда Сизнинг саъй-ҳаракатларингиз билан алоҳида шароитда сақланаётган, Куръони каримнинг ҳақиқий қўлёзмасини кўрдим. Бу ҳолат мени шундай тўлқинлантирдики, беихтиёр кўзларим севинч ёшларига тўлди. Шу жойда туриб, Сиз мухтарам зотнинг бу ишингизга тасанно-



лар айтиб, Оллоҳдан Сизга узоқ умр, оилангизга тинчлик-осойишталик тиладим.

Тошкентдаги муқаддас жойларни зиёрат қилгач, Самарқандга бордим. Бу ерда Сизнинг ташаббусингиз билан қад ростлаган Имом Бухорий мажмуасида бўлдим. Бу ердаги ободончиликларни кўриб, Куръон ўқиб, яна Сизнинг ҳаққингизга дуои фотиҳалар қилдим. Самарқанддаги бошқа зиёратгоҳларни айланар эканмиз, тасодифан чет элдан келган саёҳатчилар билан бирга бўлиб қолдим. Улар билан суҳбат чоғида ўзга юрт кишилари ҳам юртимиз ҳақида кўпгина самимий фикрларни билдиришди. Бу ҳолат ҳам мени ғоят қувонтирди.

Сурхондарёда бўлганимизда Ҳаким Термизий зиёратгоҳидаги қурилишлар, ободончиликни кўриб, яна юрагим ифтихорга тўлди.

Бухорои шарифдаги Баҳоуддин Нақшбанд, ул зотнинг устозлари мақбаралари ҳам ниҳоятда обод ва файзли макон бўлганини кўрдим. Шу ерда бўлганимизда халқдан сўрасам, авваллари бу ерлар одам қадам боса олмайдиган харобага айланиб кетганини, Сизнинг эътиборингиз билан бутун асл ҳолатидан ҳам яхшироқ қиёфа касб этганини мақтаб, Сизни алқаб гапиришди.

Сўнг Хоразмда бўлдим. Ичанқалъани зиёрат қилиш чоғида Нуротадан борган 12 нафар мўйсафид билан бирга юрдим. Айтишларича, Нуротани зиёрат қилиш, ярим ҳожи бўлиш билан баробар экан. Шу оқсоқоллар билан давра қуриб ўтириб,



Ўзбекистонимиздаги тинчлик учун, амалга оширилаётган ободончиликлар учун Сизнинг ҳаққингизга дуолар қилдик. Сизга Оллоҳдан узоқ умр тиладик.

Хуллас, саёҳатдан олган таассуротларим жуда кўп. Бирма-бир ёзсам, қоғоз етмайди. Сизга ёзаётган хатим эса том маънода шукроналик мактуби.

Сиз ўз чиқишларингизда халқимни яхши кўраман, деб доимо унга бўлган меҳр ва ҳурматингизни билдириб келасиз. Мен саёҳатим давомида амин бўлдимки, халқимиз ҳам Сизни юрак-юракдан яхши кўрар экан. Айниқса, катта-катта қурилишлар, ободончиликларни амалга ошириш, буюк ажодларимиз, азиз-авлиёларимизнинг номларини, қутлуғ қадамжоларини тиклаш, уларнинг хотирасини абадийлаштириш борасидаги ишларингиздан ҳамма хурсанд. Назаримда, ана шундай эзгу ишларингиздан азиз-авлиёларимизнинг руҳи поклари ҳам шод бўлиб, Сизни қўллаб-қувватламоқда.

Ҳамиша соғу саломат бўлинг!

Ҳурмат билан,

**Муҳаммадали Боймирзаев,
Фарғона вилояти,
Олтиариқ тумани,
Эскиараб қишлоғи**

2008 йил 11 декабрь



Ассалому алайкум, азиз Ислом ота!

Бу мактубни ёзишимдан асосий мақсад — аввало Сизга узоқ умр, сиҳат-саломатлик тилашдир. Бугунги кунда юртимизнинг ҳамма ерида бўлаётган ўзгаришларга қараб инсоннинг ҳаваси келиб, яшаган сари яшагиси, изланган сари излангиси келади.

Ўйлаб қоламан, баъзи одамлар дангасалик ботқоқига ботиб, ўзи ейдиган нони ташвишини ҳам аёли зиммасига юклаб, кичик рўзгорини ҳам теб-рата олмайди. Шундай экан, катта бир юрт аҳолисини қаноти остига олиб, уларга келадиган ҳар қандай хавф-хатарга қалқон бўлиб, уларни омон сақлаб, ёруғ келажак томон бошлаб бораётган Сиз, ҳурматли раҳбаримизга қанча миннатдорлик билдирсак арзийди.

Менинг Сизга айтадиган эзгу ва самимий тилакларим бир дунё. Энг эзгу тилагим шуки, машаққатли меҳнатларингиз мевасини, роҳатини кўриб юришингизни жуда истайман.

Амир Темур ёки Алишер Навоий каби улуг ажодларимиз ҳақида ўйлаганимда уларнинг даврида яшаган инсонлар ул зотлар билан юзма-юз келиб, мулоқот қилиш бахтига муяссар бўлганмикан, деган хаёлларга борар эдим. Келажак авлодлар ҳам



биз ҳақимизда шундай ҳаёлларга борса, Ислом Каримовдек улуғ Йўлбошчи билан замондош бўлган экан-а, деб бизнинг давримиз кишиларига ҳавас билан қараса, ажаб эмас.

Ишончим комилки, ўйлаб, фикр юрита оладиган ҳар бир Ўзбекистон фуқароси Сизнинг юрагингиз тубида халқимизга бўлган беғуборлик ва самимиятни, эл-юртимиз бахтини кўзлаб қилаётган савобли ишларингизни ҳис қилади ва билади.

Кўпинча ҳаётни денгизга ўхшатадилар. Яшашни истасанг, унда суз, сузмасанг, чўкиб кетасан, дейдилар. Сиз улкан сабр, ақлу заковат билан, таъбир жоиз бўлса, одамларга «сузиш»ни ўргатдингиз. Қани энди ҳар биримиз бу ҳаётда Сиз каби халқимиз, Ватанимиз олдидаги масъулиятни ҳис қилиб яшасак.

Сизга бу хатни тинч ва осуда яшаб, эрта билан ўзининг ишига ёки ўқишига шошилиб кетаётган инсонларнинг ҳаракатидан завқланиб, эркин ва озод ҳаёт қандай буюк неъмат эканини чин қалбимдан ҳис этиб, буларнинг барчаси учун Сизга миннатдорлик билдиргим келиб ёздим.

Сизга ҳурмат ва эҳтиром билан,

**Юлдузхон Қосимова,
Андижон шаҳри, Дўстлик маҳалласи
фуқаролар йиғини,
Тарас Шевченко кўчаси, 19-уй**

2008 йил 22 октябрь



**Ассалому алайкум, муҳтарам
Ислом Абдуганиевич!**

Мен 1988 йилда Тошкент шаҳрида оддий инсонлар оиласида дунёга келдим. 1991 йилдан Учтепа туманидаги 483-болалар боғчасига қатнадим ва бу ердаги «Гунча» ашула ва рақс тўғарагида фаол иштирок эта бошладим.

1993 йил тўғарақдаги ўртоқларим қатори мен ҳам Наврўз тантаналарида иштирок этдим. Бу воқеа менинг ёдимда бир умрга муҳрланиб қолган. Чунки байрам томошасида Сиз ҳам иштирок этиб, биз — ёшларни қўллаб-қувватлаш учун саҳнага кўтарилдингиз ва қандай бахтки, ўша онда мени кўтариб олиб, ўз фарзандингиздек бағрингизга босдингиз.

Ўшанда илк бор Ватан деган, озодлик деган сўзларнинг маъносини англагандек бўлганман. Йиллар ўтгани сайин бундай гўзал диёрда, самимий одамлар орасида, улуғ ва доно Юртбоши раҳнамолиги остида яшаш катта бахт эканини янада чуқурроқ ҳис этдим.

Мендек ёш қизалоқ учун бу, чиндан ҳам, жуда қувончли воқеа эди. Мана, шундай юртда ўсиб-улғайиб, пойтахтимиздаги 1-сонли тиббиёт кол-



лежини битирдим. Ҳозирги кунда шаҳар онкология диспансерида ҳамшира бўлиб ишламоқдаман, насиб этса, шахсий ҳаётимда катта ўзгариш бўлади – турмушга чиқиш арафасида турибман.

Шу муносабат билан Сизнинг оқ фотиҳангизни олиш учун никоҳ оқшомимизга таклиф этаман. Тўйимизга ташриф буюрсангиз, яна бир бор бошим кўкка етар эди.

Сизга, Сизнинг сиёсатингизга, Ватанимизга ҳамиша содиқ набирангиз –

**Лобар Абдуллаева,
Тошкент шаҳри, Учтепа тумани,
Раҳимбобоев кўчаси,
62-уй, 28-хонадон**

Эслатма: Лобар Абдуллаева ва унинг турмуш уртоғи, иқтисодчи Шерзод Эшоновнинг никоҳ тўйи 2008 йил 9 ноябрда Тошкент шаҳридаги «Жўрабек» тўйхонасида бўлиб ўтди.

Тантанали маросимда уларга давлатимиз раҳбарининг самимий табриги ва эзгу тилаклари етказилди ҳамда Юртбошимиз номидан қимматбаҳо совғалар топширилди.



Қадрли Ислом ота!

Мен, қизингиз Назокатхон, турмуш ўртоғим Ўткирбек билан қонуний никоҳдан ўтиб, оилавий ҳаётга илк қадам қўйдик. Шу муносабат билан Сизнинг бизга кўрсатган оталарча ғамхўрлигингиз ва йўллаган меҳр тўла табригингиз бизни жуда-жуда қувонтирди ва тўлқинлантириб юборди. Бунинг юртимиз ёшларига бўлган меҳр-муҳаббатингизнинг яна бир ёрқин ифодаси, деб биламиз.

Тўйимиз куни, Сизнинг ташаббусингиз билан Мустақиллик майдонида бунёд этилган «Бахтиёр она» ҳайкали пойига гулдаста қўяётганимизда, беихтиёр ажойиб ҳиссиётлар оғушида бўлиб, айнан Ўзбекистонда, ўзбек халқининг фарзанди бўлиб туғилганимиздан, Сизнинг меҳрингизга сазовор бўлганимиздан жуда фахрландик.

Биз «Оила – юрт таянчи» деган шиорга тўла амал қилиб, Сизнинг ишончингизни оқлашга, маҳалламизнинг энг намунали оиласи бўлишга ҳаракат қиламиз.

Самимий ҳурмат билан фарзандларингиз –

**Назокатхон ва Ўткирбек Нурматовлар,
Тошкент шаҳри, Учтепа тумани,
Давлатобод маҳалласи,
5-берккуча, 7-уй**



Ўзбекистон Республикаси Президенти, Қуrollи Қучлар Олий Бош Қўмондони Ислон Қаримов номига келаетган минглаб хатлар орасида ҳарбийларимиз томонидан юборилган мактублар ҳам алоҳида ўрин тутаети.

Мана шундай хатлардан айримларини этиборингизга ҳавола этишни лозим топдик.

**Ассалому алайкум, мухтарам
Ислон Абдуганиевич!**

Мен мамлакатимиз мустақиллигининг илк кунларидан бошлаб Ватан ҳимоячиси бўлишга аҳд қилган эдим. Яхши ният — ярим давлат деганларидек, бугунги кунда ушбу касбни танлаганимдан бахтиёрман. Ватанга хизмат қилишдек шарафли ва масъулиятли ишга ўз ҳиссамни қўшаётганимдан фахрланаман.

Истиқлол йилларида миллий армиямиз анча мураккаб йўлни босиб ўтди. Сизнинг туғри ва оқилона олиб борган сиёсатингиз натижасида тарихан қисқа давр, яъни 17 йил ичида мамлакатимиз профессионал армияга эга бўлди.

Биз биламизки, Сиз кечаю кундуз тиним билмай, орому ҳузурдан кечиб халқимизни осойишталик ва тинчлик йўлидан янада фаровон ҳаёт сари



бошлаб боряпсиз. Биз ҳарбийлар Сизнинг мана бу сузларингизни ўзимизга шиор қилиб олганмиз: «Ўзбек халқи ҳеч қачон, ҳеч кимга қарам бўлмайди».

Қудратли армияси бор мамлакатнинг фуқаролари тинч ва осойишта ҳаёт кечиради. Бундай юртга ҳеч ким, ҳеч қачон дахл қила олмайди. Журъати етмайди.

Мухтарам Олий Бош Қўмондон!

Сизга шахсан ўз номимдан, қолаверса, Тошкент ҳарбий округи сержантлар тайёрлаш мактаби ўқитувчилари номидан самимий миннатдорлик билдириб, давлатимизнинг тинч-тотувлиги, ободлиги, янада гуллаб-яшнаши йўлида олиб бораётган эзгу ишларингизда ютуқлар тилайман.

Ҳурмат ва эҳтиром билан,

**Манноп Умиров,
Тошкент вилояти, Чирчиқ шаҳри,
10-микрорайон, 80-уй, 60-хонадон**



**Ассалому алайкум, мухтарам Қуролли Кучлар
Олий Бош Қўмондонни, қадрли Президент!**

Сизни яқинлашиб келаётган таваллуд айёмингиз билан мустақил Ўзбекистон Қуролли Кучлар офицерлари, шартнома асосидаги ҳарбий хизматчилар ва ўз номимдан чин дилдан муборакбод этаман. Сизга соғлиқ-саломатлик, ишларингизга ривож ва омадлар тилайман.

Сизнинг 14 январь — Ватан ҳимоячилари куни муносабати билан биз ҳарбийларга йўллаган табригингиз барчамизни янада руҳлантириб юборди. Айниқса, кейинги йилларда ёш офицер ва шартнома асосидаги ҳарбий хизматчиларга яратилаётган шарт-шароитлардан бошимиз кўкка етмоқда.

Мен ёш лейтенант сифатида доимо ўзингиз армиямизга бош бўлишингиз ва соғ-саломат юртимизга раҳбарлик қилиб юришингизни истайман.

Мен каби ёш офицерлар Ватанимизнинг тинчлиги ва осойишталиги йўлида керак бўлса, ҳатто жонини фидо этишга тайёр. Биз борки, бирорта душман ёки ёвуз ниятли кимса давлатимиз чегараларига яқинлашиб келолмайди. Биз ёш офицерлар



ва шартнома асосидаги ҳарбий хизматчилар бунга ваъда берамиз.

Мухтарам Қуролли Кучлар Олий Бош Қўмондони, яна бир бор таваллуд айёмингиз билан чин юракдан табриклайман. Сизга улкан зафарлар тилайман.

**Суҳроб Сапаров,
ҳарбий хизматчи**



САВОБ ИШНИ ҲАР КИМ ҚИЛИШИ КЕРАК, САВОБ ИШНИ ҲАР КУН ҚИЛИШ КЕРАК

Халқимиз азалдан яхшилик, меҳр-оқибат ва бағрикенглик каби фазилатларни улуғлаб келади. Мустақиллик йилларида бундай эзгу фазилатларни жамият ҳаётида қарор топтириш давлат сиёсати даражасига кўтарилди. Бунинг амалий тасдиғини Президент Ислам Каримов фаолияти мисолида ҳам яққол кўриш мумкин.

Юртбошимиз ёрдам ва кўмакка муҳтож инсонларни ҳар томонлама қўллаб-қувватлаш, ҳеч кимни эътибордан четда қолдирмаслик, ижтимоий ҳаётда меҳр-мурувват, саховат ва ўзаро ёрдам масалаларига алоҳида аҳамият бериб келмоқда. Бу борада барчага намуна бўлиб, муҳтожларга амалий ёрдам кўрсатади, бошига кулфат тушганларнинг кўнглини кўтаради. Мазкур фаслдаги ёзишмаларнинг аксарияти Юртбошимизнинг ана шундай инсоний фазилатларини намоён этиши билан қадрлидир.

**Ўзбекистон Республикаси Президенти
Ислам Абдуганиевич Каримовга**

Муҳтарам Ислам Абдуганиевич!

Сизни ажойиб китобингиз — «Юксак маънавият — енгилмас куч» асари нашр этилгани билан табриклашга ижозат бергайсиз. Бу асар, ҳеч шубҳасиз, она заминимизни севиб-ардоқлайдиган, бой



тарихимиз ва юксак маънавиятимизни қадрлайдиган бутун халқимизнинг ардоқли китоби бўлиб қолади.

Мазкур китоб учун бериладиган қалам ҳақини У. Қурбонов номидаги Республика болалар психоневрология шифохонасининг моддий-техник базасини ривожлантириш учун йўналтирганингиз ҳақидаги хабар муассасамиз жамоасини ҳаяжонга келтириб юборди ва юксак эътиборингиз учун Сизга самимий миннатдорлигимизни изҳор этамиз.

Ушбу маблағ шифохонамизда даволанаётган ногирон болаларни парвариш қилиш учун янада қулай шарт-шароитлар яратиш йўлида сарфланади.

Муҳтарам Ислам Абдуганиевич, фурсатдан фойдаланиб, Сизга чин қалбимиздан сиҳат-саломатлик, узоқ умр, Ўзбекистонимизнинг гуллаб-яшнаши йўлида битмас-туганмас куч-ғайрат тилаймиз.

Чуқур эҳтиром ва миннатдорлик билан,

**И. А. Савельева,
Республика болалар
психоневрология шифохонаси
бош шифокори**

2008 йил 28 май



Азиз Юртбошимиз Ислом Каримовга

Сизнинг саъй-ҳаракатларингиз туфайли бугун билимли, соғлом ва баркамол ёшларга, янги авлодга озод ва обод Ватан қолдиришдек эзгу истак халқимизнинг шиорига айланди.

Бевосита Сизнинг ташаббусингиз билан Ўзбекистонда «Умид ниҳоллари», «Баркамол авлод», «Универсиада» спорт ўйинларини ўтказиш гузал анъана бўлиб қолди.

Қарши шаҳрида ўтказилган «Умид ниҳоллари» республика мусобақалари якунида бизнинг Китоб туманида жойлашган вилоят миқёсидаги гўдаклар уйи жамоаси учун кутилмаган янгилик юз берди. Сизнинг совғангиз — «Дамас» русумли тез ёрдам автомашинаси минг-минглаб томошабинларнинг кўз ўнгида тантанали равишда гўдаклар уйига топширилди. Бу улкан эътибор бутун жамоамизни қувонтириб, айни пайтда ғурурлантириб юборди.

Бизга кўрсатган эътиборингиз ва совғангиз учун жамоамиз аъзолари номидан минг раҳмат, бошимиз осмонга етди. Биз катталар ва болалар «Шу азиз Ватан барчамизники», дея фахрланиб яшаётган юртимизни дунёга кўз-кўз қилгимиз келди.



Гўдаклар уйида тарбияланаётган жажжи ўғил-қизлар келажакда Ватанимизга муносиб фарзанд бўлиб, уни кўз қорачигидек асраб-авайлайди, деган умиддамиз.

Умрингиз узоқ бўлсин!

Ҳурмат билан,

**Роҳатой Ниёзова,
Қашқадарё вилояти,
«Ёш гўдаклар уйи»
бош шифокори**

2006 йил 19 июль



Хурматли Президент!

Бизнинг оиламиз Сиздан ва Сиз тузган ташкилот — «Соғлом авлод учун» жамғармасидан жуда миннатдор. Қизимиз Нилуфар Нарзиева тўрт ёшида қайноқ сувга йиқилиб, ўнг қўли ва елкаси, кўкрак қисми куйган эди. Жароҳат асоратидан бечора қизим кўп азоб чекди.

2006 йилда қизимни «Соғлом авлод учун» хайрия жамғармасининг вилоят бўлими ёрдами билан Германиядан келган шифокорлар куригига олиб бордик. Кам таъминланган оила бўлганимиз ва қизимнинг аҳволини инобатга олиб, мутахассислар уни Германияга олиб бориб даволашни лозим топишди ва Нилуфарни Германияга юбордик.

У Германияда бир йил даволаниб, ҳеч дард кўрмагандек бўлиб, соппа-соғ қайтиб келди. Мен кўзларимга ишонмас эдим: қизимда на куйиш асорати, на чандиқ, на оғриқ бор эди. Қизимнинг қувончини кўриб ҳар куни Сизга, мустақил Ўзбекистонимизга, «Соғлом авлод учун» жамғармасига чексиз ташаккурлар айтаман.

Халқимизнинг бахтига доимо омон бўлинг!

Хурмат билан,

**Умида Нарзиева,
Навоний вилояти, Кармана тумани,
Жалойир қишлоғи**

2008 йил 19 октябрь



Ассалому алайкум, азиз ва меҳрибон Президент!

Сизни Мустақиллик байрами билан чин қалбимдан муборакбод этаман. Ўзбекистонимизнинг осмони мусаффо, халқимизнинг ҳаёти осойишта бўлиши, Ватанимизнинг тобора раванқ топиб, гуллаб-яшнаши йўлида олиб бораётган ишларингизга омадлар тилайман.

Биз ёзган мактубларга бефарқ эмаслигингиз Сиздек олижаноб инсонга нисбатан ҳурматимни янада оширди. Аввалги мактубимда ёзганимдек, «оққон» касали билан оғриган бола айнан Сизнинг саъй-ҳаракатингиз билан шифо топгани Сизнинг олижаноблигингиздан, қанчадан-қанча хайрли ишларингиздан бир зарра, холос. Ҳатто шу биргина хаста бола ҳам Сизнинг юксак эътиборингиздан четда қолмагани ҳар қанча таҳсинга лойиқ. Сизга миннатдорлигимни изҳор қилишга тилим ожиз.

Телевизор орқали чиқишларингизни кўрганимда, беихтиёр кўзимга севинч ёшлари қалқийди. Чунки отамни эслолмайман, ёшлигимда вафот этганлар. Шунинг учунми, Сизни Отамдек кўраман.

Нуроний отахон ва онахонлар фотиҳага қўл очишганда, албатта Сизнинг эзгу ишларингиздан



мамнун бўлиб, дуо қиладилар. Фарзандим – Сизнинг набирангиз туйига юборган тухфангиз оддий инсонларга бўлган эътиборингиздан бир қатрадир. Шуларни айтиб онажоним Сизни доимо дуо қилиб келадилар.

Ушбу мактубимни тугатар эканман, Сизга узоқ умр, сиҳат-саломатлик тилайман.

Ҳурмат билан,

**Мавлуда Қосимова,
Наманган шаҳри,
2-Шоҳимардонов кучаси, 2-уй**

2007 йил 26 июль



**Ассалому алайкум, ҳурматли
Ислом Абдуғаниевич!**

Дастлаб ўзим ҳақимда ёзсам: мен, Баҳри Ўринбоева фаррош бўлиб ишлайман, турмуш ўртоғим Неъматулла Ўринбоев иккинчи гуруҳ ногирони. Тўртта боланинг онасиман. Икки фарзандим – 1988 йилда туғилган Бекзод Ўринбоев ва 1992 йилда туғилган қизим Мадинабону Ўринбоева туғма ногирон. Бу ҳақда Сиздан ёрдам сўраб илгари хат ёзганман.

Мен 2001 йилда Сизни уч марта тушимда кўрганман. Тушларим бир хил бўлган. Сиз ҳали куёш чиқмасидан туриб тоғ тарафдан келаётган экансиз. Мен эса Сизга пешвоз чиқиб, 2000 йилни юртимизда «Соғлом авлод йили», 2001 йилни эса «Она ва бола йили» деб эълон қилганингизни ва ўғлим Бекзоднинг юрагини Арманистонда операция қилдирмоқчи эканимни айтдим. Сиз Бекзоднинг қўлидан ушлаб, қибла томонга қараб дуо қилдингиз, унга оқ йўл тиладингиз.

Сизнинг шарофатингиз ва амалий ёрдамингиз билан тушим ўнгидан келиб, 2001 йилнинг 9 июнида Арманистон пойтахти Ереван шаҳридаги «Норк-Мараш» клиникасида ўғлим Бекзоднинг юрагини операция қилишди.



Муҳтарам Ислон ака, дунёда ҳали ҳеч қайси мамлакат Президенти ҳар бир йилни ўз халқининг кўнглидаги орзу-ниятларга шунчалик мос номлар билан атамаган, бу фақат бизнинг Ватанда — Ўзбекистонимизда доимий анъанага айланди. Буни Сизнинг ҳамisha эл-юртимиз тинчлиги, бахту саодатини уйлаб яшаётганингиз натижаси деб биламан.

Муҳтарам Юртбошим!

Яратгандан Сизнинг умрингизни узок, олтин бошингизни омон қилишини сўраб қоламан.

Сизга соғлиқ-саломатлик, тинчлик ва хотиржамлик тилайман.

Салом ва ҳурмат билан,

**Баҳри Ўринбоева,
Тошкент вилояти, Чирчиқ шаҳри,
Абдулла Қодирий кўчаси, 6-уй**

2008 йил 16 октябрь



**Ассалому алайкум, биз учун азиз ва
қадрли бўлган Ислон ота!**

Бизнинг уйимизда, оиламизда Мустақиллик байрами арафасида, яъни 1 сентябрь куни қувончли воқеа бўлди. Бизнинг суюнишимизга Сиз ҳам шерик бўласиз, деган умиддаман.

Менинг турмуш ўртоғим Султонбой Исмоилов 3-сонли қурилиш монтаж бошқармасида тракторчи бўлиб ишлайди. Ўзим эса Хива шаҳрининг марказий касалхонаси кардиология бўлимида бўлим бекаси бўлиб ишлайман. Бизнинг 5 нафар фарзандимиз — тўрт ўғил ва бир қизимиз бор.

2005 йил 7 апрель куни 1985 йилда туғилган ўғлим Азамат Исмоиловнинг қорнида кучли оғриқ турди. Уни тезлик билан Урганч шаҳридаги онкология касалхонасига ётқиздик, ўша кунлари операция қилишди. Операция тўрт соат давом этди. Шифокорлар болангизнинг аҳволи яхши эмас, дейишди. Унга «ингичка ичак раки» деб ташхис қўйишди.

Мен касалхонада бир ой давомида ўғлимнинг бошида мижжа қоқмай тунларни бедор ўтказдим. Уйга рухсат беришганидан кейин ҳам ҳар ойда бир марта бориб турли муолажаларни олиб турдик. Она бўлиш жуда қийин экан, жуда қисиндим.



Бир куни туш кўрибман. Тушимда уйимизнинг дарвозаси очилиб, Сиз кириб келдингиз. Уйимизнинг ҳамма томонини айланиб чиқиб, мен билан кўришдингиз, кўлимни маҳкам сиқиб шундай деддингиз: «Синглим, кўп қисинма, ҳали ҳаммаси яхши бўлиб кетади, олдинда яхши кунларинг бор», деб таскин бериб, чиқиб кетдингиз.

Уйғонсам, тушим. Тушимда Сизни кўрганимдан кўп суюндим. Бу ҳақда кўшнимиз кекса кампирга айтиб бердим. Кампир менга, тушинг яхшилик аломати, ҳар кимнинг ҳам тушига юртнинг отаси киравермайди, бу — хосиятли туш, Худо хоҳласа, боланг яхши бўлиб кетади, деди. Айтганларидек, кундан-кунга болам яхши бўлди. Лекин ўғлим менга, онажон, мен барибир узоққа бормасам керак, деб илтижо қилар эди. Мен унинг кўнглини кўтариб, ҳеч нима бўлмайди, мана кўрасан, умринг узоқ бўлади, мен тушимда бунинг аломатини кўрдим, деб уни юпатар эдим.

2007 йилда тўй қиладиган бўлдик. 1984 йилда туғилган ўғлим Санжарни уйлантирамыз, деб турмуш ўртоғим билан маслаҳат қилдик. Отаси Санжарга қўшиб укаси Азаматни ҳам уйлантирамыз, дедилар. Азамат эса, уйланмайман, мен кўп ўткир дори-дармон олганман, деб бизни кўп қисинтирди. Шундан сўнг биз Азаматни Тошкентга олиб бориб, малакали шифокорлар кўригидан ўтказдик. Улар эса, уйлантираверинглар, бунинг касали йўқ, ўсмасини кўрмайпмиз, яхши бўлиб кетади, деб айтишди.



Шундай қилиб, 2007 йилнинг 30 октябрь куни тўй қилдик. Икки ўғлимни уйлантириб, қўшалоқ келин туширдик. Тўй бўляпти-ю, менинг қулоғимда Сизнинг тушимда айтган насиҳатларингиз жаранглайди. Тўйдан кейин вақт-соати етиб, келинларим ҳомиладор бўлишди. 2008 йилнинг 1 сентябрида — мустақиллигимизнинг 17 йиллигини байрам қилиб турганимизда келинларимнинг бирини дард тутиб, туғруқхонага олиб кетдим. Орадан олти соат ўтар-ўтмас, биринчи келинимни туғдириб, набирали бўлиш бахтидан бошим осмонга етиб юрсам, буни қарангки, иккинчи келинимни ҳам дард тутиб қолибди. Уни ҳам орқамдан туғруқхонага олиб боришди. Ҳамма ҳайрон, қандай яхши, бир кунда тўй бўлган келинлар бир кунда, яна денг, Мустақиллик кунида туғишса-я! Бу бахтни қарангки, келинларимнинг биринчиси қиз, иккинчиси ўғил кўришди. Сиз айтганингиздек, Оллоҳнинг бундан ортиқ марҳамати бўлмаса керак. Ўшанда суюнганимдан йиғлаб юборибман.

Сизнинг тушимда айтган гапларингиз яна ёдимга тушиб, менга ҳайрон бўлиб қараётган келинларимга, биласизларми, Юртбошимиз Ислом Каримовнинг ўзлари тушимда шундай бўлишини менга айтган эдилар, мана, кўрдингларми, улуғ инсоннинг айтганлари қанчалик тўғри экан, дедим, ҳаяжонимни босолмай. Ҳа, биринчи сентябрь — Мустақиллик байрами куни қўшалоқ набирали бўлдим. Беш кундан кейин набираларимни ва ке-



линларимни туғруқхонадан олиб чиқдим. Келинларимнинг ҳам, невараларимнинг ҳам соғлиғи яхши.

Ҳайит байрамини ўтказиб, бешик тўйини ҳам белгиладик. Илоҳим, шу чақалоқлар Сизга ўхшаб элу юртини, халқини ўйлайдиган, Ватани учун жонини фидо қиладиган йигит-қиз бўлиб етишсин. Оллоҳдан эртаю кеч шуни сўрайман.

Сизга ва оилангизга омонлик тилаб, фариштали чехрангиз 100 ёшга кирганда ҳам доимо нур таратиб туришини Худодан сўраб қолувчи синглингиз –

**Зулхумор Паноева,
Хоразм вилояти, Хива шаҳри,
Тозабоб маҳалласи, II-уй**

2008 йил 20 сентябрь



**Ассалому алайкум, ҳурматли
Ислом Абдуғаниевич!**

Сизга хат ёзишдан олдин роса ўйлаб кўрдим, Сизнинг ҳар бир дақиқангиз ҳисобли бўлса, вақтингизни бекорга олмаяпманми, тўғри қиляпманми, деб кўп истиҳола қилдим. Лекин барибир Сизга хат ёзишга қарор қилдим. Чунки, кўнглимдаги гапларни негадир айнан Сиз билан – азиз Юртбошим билан ўртоқлашиш лозимдек туюлаверди. Бунинг сабаби – Сизни Оллоҳнинг ўзи юртимиздаги барча одамларнинг дарду ташвишини ҳал қила оладиган буюк инсон қилиб яратганида, деб ўйлайман.

Биз 16 йил давомида фарзанд кўрмадик. Шу вақт ичида кунда-кунора Сиз тушимга кирардингиз. Мен эса нима учун шундай катта одам, давлат раҳбари тушимга киради, деб ҳайрону лол қолар эдим. Оллоҳимнинг ўзи огоҳлантирган эканми, билмадим, охири тақдирга тан бериб 2008 йилнинг 10 май куни васийликка бир ўғил олдик. Қайнотамнинг исми Карим, хўжайинимнинг исми Абдуғани бўлгани учун ўғлимизнинг исмини Исломбек қўйдик. Энди ўғлимиз Исломбек Каримов Абдуғани ўғли бўлди. Шу-шу туш кўрмай



қўйдим. Мана, ўғлимиз соғлом бўлиб ўсмоқда, зеҳни ҳам ўткир.

Сизга ҳурмат ва эҳтиром билан Мирзалиевлар оиласи номидан —

**Барно Маъмирова,
Тошкент вилояти, Оҳангарон шаҳри,
Янгилик 5-берккўчаси, 3-уй**

2008 йил 11 сентябрь



**Ўзбекистон Республикаси Президенти
Ислом Каримовга**

Мен 1983 йилда Фарғона вилояти, Фарғона тумани, Чимён қишлоғида туғилганман, биринчи гуруҳ ногирониман.

Ёшлигимдан тасвирий санъат соҳасига жуда қизиқишим туфайли 1999 йили Тошкент шаҳрида Марказий Осиё бўйича бўлиб ўтган «Ранглар жилоси» кўрик-танловида қатнашиб, фахрли биринчи ўринга сазовор бўлдим. Аслида менинг бундан ҳам катта кўрик-танловларда қатнашиш истагим бор.

Ҳаётимда 2004 йил ўчмас из қолдирди. Шу йили Фарғона давлат университетининг гуманитар фанлар факультетига тасвирий санъат ва муҳандислик графикаси йўналиши бўйича шартнома асосида ўқишга кирдим. Бу ютуқларимнинг барчаси Сизнинг шарофатингиз туфайли, деб биламан. Университетдаги таҳсилим давомида икки марта «Камолот» ЁИХ касаба уюшмасининг стипендиясига эга бўлдим. 2005 йилда эса Сизнинг фармонингиз асосида «Жасорат» медали билан тақдирландим. Ушбу мукофот мени янада янги марралар сари руҳлантирди, гайратимга-гайрат



қушди, ўз навбатида, зиммамга ҳам катта масъулият юклади.

2008 йилнинг март ойида Фарғона шаҳрига ташриф буюрганингизда «Фарғонани энг гузал шаҳарга айлантириш учун барчамиз хизмат қилайлик» деган даъватингиз мени қайсидир маънода ана шу гузал юрт истиқболига ҳисса қўшишга ундади. Мен ҳам ҳозирги замонавий қурилишлар қатори иншоот қуриб, шаҳримизни янада чирой очишига ва халқимиз ҳаёти фаровон бўлишига ўз ҳиссамни қўшмоқчиман. Менга берилган юксак ишончни оқлаш мақсадида ўз фаолиятимдан келиб чиқиб, Фарғона шаҳрида бугунги кунда бўлаётган ўзгаришлар, янги-янги қурилишлар қатори рассомлик устахонасини қуришни бошладим. Ушбу устахонам орқали келажакда одамларни санъат асарларидан баҳраманд этиш ва ёшларни рассомлик соҳасига жалб қилиш ниятим бор.

Сизнинг юритаётган оқилона сиёсатингиз ва биз — ёшларга курсатаётган эътиборингиз мени янада олдинга юришга ундайди.

Сиз барча ёшларни фарзандларим, дейсиз. Мен ҳам фарзандларингиз қаторида эканимдан фахрланаман. Менинг ва юртдошларимнинг бахтига соғ-саломат бўлинг. Сизнинг ишончингизни оқлашга ва сизга содиқ фарзанд бўлишга интилиб яшайман.

Худо хоҳласа, шу йил оила қурмоқчиман. Сизни ана шу кун тўйимга таклиф этмоқчиман. Би-



ламан. ишларингиз ниҳоятда кўп, лекин мен учун бир фурсат вақт ажратсангиз, бошим кўкка етарди. Сизни отамдек азиз кўрганим учун тўйимнинг энг азиз меҳмони бўлишингизни хоҳлардим.

Сизга катта ҳурмат билан,

Шухрат Ўринбоев,
Фарғона давлат университети
талабаси

2008 йил 23 апрель



**Ассалому алайкум, ҳурматли
Ислом Абдуганиевич!**

Сиз Ўзбекистон халқи учун кечаю кундуз, кунни тунга, тунни кунга улаб заҳмат ва машаққат билан ишлайсиз, турли ёвуз кучлардан, ғараз ниятли оқим ва ҳаракатлардан, мавжуд хавф-хатарлардан халқимизни асраб-авайлаб, юртимизнинг гуллаб-яшнаши, бошқалардан кам бўлмаслиги, ҳаттоки устун бўлиши учун ўзингизни аямайсиз. Болачақаларимизнинг тинчлиги, фаровон яшаши учун тиним билмай меҳнат қиласиз.

Муҳтарам Ислом ака, Сиз буюк келажагимиз боғларини яратдингиз ва бу боғлар ҳосилга кирди. Истиқлол меваларидан халқимизнинг 7 ёшидан 70 ёшигача баҳраманд бўлмоқда. Сизга ҳатто бутун дунё халқи ўз баҳосини бермоқда.

Ўзбекистон Парламенти, у ерда фаолият кўрсатётган депутатлар ва сенаторлар Ўзбекистон учун қилган буюк хизматларингизни ҳисобга олиб, Сизнинг номзодингизни Нобель халқаро мукофотига тақдим этишса, ҳамманинг кўнглидагидек иш бўлар эди.

Сиз Ватан хоинларининг, турли ёвуз кучларнинг қора ниятини бартараф этиб, ҳатто ўз жо-



нингизни аямай, юртимизда тинчлик, бунёдкорлик ва фаровон ҳаётнинг кафолати бўлиб келяписиз. Ахир, бу ҳақиқий қаҳрамонлик эмасми?

Ўзим ҳақимда ёзсам, олти нафар фарзандим бор. Тўрт қиз ва икки ўғилни тарбиялаб вояга етказдим. Ҳозир 20 нафар набиранинг бобосиман. Мен катта ва бахтли оиламиз номидан Сизга Худодан узоқ умр, бахт-саодат тилаб қоламан.

Ҳурмат билан,

**Зокиржон Қодиров,
иккинчи гуруҳ ногирони,
Тошкент вилояти, Янгийул шаҳри,
Мирзо Улуғбек кўчаси, 62-уй**

2005 йил 26 ноябрь

**Ҳурматли Ислом Абдуганиевич!**

Сиз 1986 йили Қашқадарё вилоятига раҳбар бўлиб келганингизда мен чўлда жойлашган бир хўжаликнинг раҳбари эдим. Ўшанда биз — кўпчилик фаоллар Сиз билан бирга ишлаб, суҳбатлашиб, қани эди, мамлакатимизга Сиз каби мард ва жасур инсон раҳбарлик қилса, деб орзу қилгандик. Оллоҳ бизнинг истагимизни кўриб-билгандек, бир оз вақтдан сўнг Сиз республикамызга биринчи раҳбар бўлдингиз.

Мамлакатимиз Сизнинг қатъий ҳаракатларингиз, куч-ғайратингиз натижасида мустақил давлат сифатида тан олинди. Энди кўксимиз баланд, мамлакатимиз шаънини кўрқмасдан ҳимоя қилишимиз, Ўзбекистон халқини кўролмайдиган ғаразғўй кимсаларга, ташқи душманларга қарши ҳақ сўзимизни баланд овозда айтишга куч топдик. Буларнинг барчасига фақат Сиз туфайли, Сизнинг тинчликни сақлашга қаратилган сиёсатингиз натижасида эришганимиз ҳақроқ.

Аслида, мен нима учун утган вақтни ёдга олиб Сизга хат ёзгпман? Мен 76 ёшдаман. Охирги 20 йиллик ҳаётим давомида, жумладан, Нишон тумани ҳокими вазифасида ишлаган пайтимда қўлим-



дан келганича Сиз олиб бораётган сиёсатни мустаҳкамлаш, айниқса, қишлоқ хўжалиги соҳасида ҳаётимизга татбиқ этилаётган ислохотларни амалга оширишга оз бўлса-да, ўз ҳиссамни қўшишга ҳаракат қилдим.

Қашқадарё вилоятига ташриф буюрганингизда ўзингиз билан бирга ишлаганлар сафида мени йўқлаб, суриштирганингиздан бошим осмонга етди. Нишон тумани хўжаликларини айланганингизда, «бу ерларнинг эгаси деҳқон бўлиши, деҳқон ўз меҳнатининг самарасини кўриши керак», деб такрор-такрор айтган сўзларингизни эслаб, бугунги кунга қиёслайман. Сиз 20 йил олдин мамлакатимиз деҳқонларининг бугунги ҳаётини кўз олдингизга келтириб, орзу қилганингизни қишлоқдаги фермерларга, деҳқонларга сўзлаб бераман. Чунки бугун ер ҳақиқий эгасини топди, фермер — ҳақиқий мулк соҳиби, унинг ери, чорваси, боғи, узумзори ва техникаси бор.

Қарши шаҳрининг 2700 йиллик тўйи муносабати билан вилоятимиз марказида амалга оширилган бунёдкорлик ва ободонлаштириш ишлари, шаҳар ва туманлардаги йирик қурилишлар, янги-янги бино ва иншоотлар, тураржой мавзелари, бошқа кўплаб бунёдкорлик ишлари ҳақли равишда Сизнинг номингиз билан боғлиқ ва буни биз қашқадарёликларга кўрсатаётган ғамхўрлигингиз меvasи, деб биламан.



Хурматли Ислом Абдуғаниевич!

Қишлоғимиз фермерлари, оқсоқоллар, бутун меҳнатчилар яқин кунларда бўлиб ўтадиган Президент сайловида Сизнинг ғолиб бўлишингизни ис- тайдилар. Барчамиз ўзингиз бошлаган бунёдкор- лик ишларини янада кучайтириб, ўсиб келаётган янги авлоднинг келажагини кўриб, яратган боғла- рингиз мевасидан татиб юришингизни сўраб, мам- лакатимиз обрў-эътиборини мустаҳкамлаш йўли- даги ишларингизга Оллоҳдан Сизга куч-қувват ти- лаб қоламиз ва Сизни доимо дуо қиламиз.

Сизга ва Сиз орқали оилангиз аъзоларига мус- таҳкам соғлиқ, мамлакатимиз равнақи йўлида олиб бораётган машаққатли ишларингизда куч-қувват тилайман.

Сизга ҳурмат ва эҳтиром билан,

Ҳайитмурод Фармонов,
Қашқадарё вилояти, Нишон тумани,
У.Юсупов номли
қишлоқ фуқаролар йиғини

2007 йил 5 декабрь



Хурматли Ислом Абдуғаниевич!

Мен кўп йиллардан буён Сизнинг вилоятларда бўлиб, пахтакор ва ғаллакорлар ҳузурида, қурувчи ва фермерлар, ишбилармон ва тадбиркорлар, ўқитувчи ва шифокорлар, аскар ва чегарачи посбон- лар, талаба ёшлар орасида айтадиган гапла- рингизни, катта-катта анжуман ва байрамларда қилган маърузаларингизни тинглаб, Ўзбекистон ва унинг келажаги учун жонкуярлигингизни кўриб- билиб, Сизга миннатдорлик билдириш иштиёқида юрардим.

Айниқса «Ўзбекистоннинг 16 йиллик мустақил тараққиёт йўли» номли маърузангиздан илҳом- ланиб, Сизга дил сўзларимни ёзиб юборишга қарор қилдим.

Мен 82 ёшдаман, шўро замонини кўрдим. Иш фаолиятимда кўпдан-кўп раҳбарларнинг маъруза- ларини тинглаганман. Лекин Сиз каби «Ватани- мизда яшаётган ҳар бир фуқаро юртимизда бўла- ётган ишларга ўз ҳиссасини қўшиши билан бирга, ўз фикр ва мулоҳазаларини ҳам эркин билдиришга ҳақлидир» деган сўзларни ҳеч ким айтмаган. Раҳ- мат, бу раҳбарнинг ўз халқига ишончини тасдиқ- лайдиган ёрқин далилдир.



Авваламбор, мустақиллик — бу ўз-ўзидан бўлгани йўқ, қанча-қанча курашлар, қурбонлар эвазига қўлга киритилди. Биз — қариялар бунини яхши биламиз ва ёшларга ҳам ўшанда олдимизда бўлган қийинчиликларни енгитиш, мустақилликка эришиш осон бўлмаганини тушунтираемиз.

Мустақилликни қўлга киритиш йўлида қанча-қанча иқтисодий қийинчиликлар юз берди. Бу муаммолар ҳам Сизнинг раҳбарлигингизда, халқимизнинг қаҳрамонларча меҳнати туфайли бартараф этилди. Бугун Ўзбекистонда тарихида бўлмаган ғалабаларга эришилиб, кейинги йилларда 6 миллион тоннадан кўпроқ ғалла йиғиштириб олинмоқда.

Амударё устига қурилган кўприк, Навоий — Нукус, Тошгузар — Бойсун — Қумқўрғон темир йўллари, Қамчиқ довони орқали ўтадиган автомобиль йўли каби замонавий йирик қурилишлар қисқа муддатларда халқимиз хизматига топширилгани кимнинг бошчилигида бўлди? Ёки дунё бизни кимнинг раҳбарлигида таниди ва ҳурматимизни ўрнига қўйиб келмоқда? Бундай юксак ютуқларга эришишимиз осон бўлмаганини яхши биламиз.

Энг муҳими, Сизнинг раҳбарлигингизда фарзандларимиз Ватанимизни ҳар қандай бузғунчилардан, террорчи ва бошқа душманлардан ҳимоя қилишга қодир, қўрқмас-ботир аскарлар



бўлиб вояга етди ва биз уларни шундай тарбияламоқдамиз. Бизнинг ҳозирги армиямиз ташқаридан бўладиган ҳар қандай хуружга муносиб жавоб бериш ва керак бўлса, уни енгитиш қудратига эга.

Таълим-тарбия соҳасидаги катта ислохотлар, қишлоқ ва туман марказларида қурилган ва қуриляётган мактаб, лицей ва коллежлар ҳам Сизнинг ташаббусингиз билан бўлаётганини халқимиз яхши билади. Сиз томонингиздан кўп йиллар аввал ўртага ташланган «Ўзбекистон — келажаги буюк давлат» шиори амалда ишотини топмоқда. Масалан, ҳозирги пайтда республикамизнинг 60 дан ортиқ олий ўқув юртида 300 мингдан зиёд талаба турли касб ва йўналишда таҳсил олаётганининг ўзи бунини тасдиқлаб турибди.

Шўро замонида унутиб кетаётган кўплаб авлиё ва алломаларимизнинг қадамжолари ўзининг илгариги аҳволдан ҳам яхшиланиб, муқаддас зиёратгоҳга айлантирилгани буюк ибратга муносиб ишдир.

Барча шаҳару қишлоқларимиздаги бунёдкорликлар ҳам ўз-ўзидан бўлаётгани йўқ. Бунга узоқни, келажакни ўйлайдиган талабчан раҳбар, беҳисоб маблаг кераклиги ҳаммага аён. Бундай савобли ишларга Сиз раҳбарлик қилиб келмоқдасиз.



Ота-онасиз, ногирон болаларга ғамхўрлик қилиб келаётганингиз учун Оллоҳ таоло Сизнинг ишларингизга қушойиш бермоқда, деб ўйлайман.

Ўрнатли Ислон ака, мен бошқа юзлаб кексалар қатори Сизга узок умр, сиҳат-саломатлик, куч-ғайрат тилайман. Доимо Сизнинг дуои жонингизда бўламиз.

Ўрнат билан уруш ва меҳнат фаҳрийси —

**Юсуф ота Ибрагимов,
Хоразм вилояти, Хива шаҳри,
Амир Темур кўчаси, 18-уй**



Муҳтарам Ислон Абдуғаниевич!

Сизни ва оила аъзоларингизни мустақиллигимизнинг 17 йиллиги муносабати билан оиламиз номидан чин юракдан табриклайман.

Бу йилги байрам халқимиз учун жуда файзли бўлди, десам янглишмайман. Байрам арафасида фойдаланишга топширилаётган янги-янги муҳташам иншоотларни айтмайсизми? Мамлакатимизнинг ҳар бир ҳудуди тобора янгиланиб, ўзгариб бораётгани туфайли бир кўрган жойингизни иккинчи бор кўрганда танитай қоласиз. Тошкент шаҳри билан бир қаторда туман марказлари, маҳаллалар, чекка-чекка ҳудудлар ҳам ўзгариб, янгиланиб борапти.

Пойтахтимизда бўлиб ўтган байрам тантанасини телевизор орқали томоша қилиб, жуда завқландим. Ҳақиқий халқ байрамига айланиб кетди. Томошага йиғилган юртдошларимизнинг завқланиб, ўйинга тушиб кетгани ҳам байрам қандай чиройли бўлганидан далолат бериб турди.

Бу йилги Мустақиллик байрамини ўзим туғилган Юқори Чирчиқ туманида ўтказдим. Байрамонга безатилган туман марказидаги истироҳат боғига йиғилган юртдошларим, айниқса, болаларнинг



шодон кайфиятини кўриб, шундай тинч ва осойишта юртда яшаётганимга шукроналар айтдим.

Эртасига, 2 сентябрь куни биринчи набирамни шу туманнинг Кавардон қишлоғидаги 3-мактабнинг I-синфига қизим билан бирга олиб бордик. Ўқитувчилар, ўқувчилар, ота-оналарнинг кайфиятлари байрамона. Биринчи синфга келган болаларнинг — 17 йиллик мустақиллик полапонларининг қувончлари чексиз. Уларга Сизнинг совғаларингиз топширилди. Болалар чехрасида ҳаяжон, қувонч, энг муҳими, буюк Ватанимиз келажагига ишонч порлаб турганини кўриб, жуда хурсанд бўлдим.

Мен ҳам 5 нафар боламини мактабга кузатганман. Лекин ҳеч қачон ўша кундагидек ҳаяжонланмаган эдим. Бу анъана мустақил юртимизнинг энг чиройли анъанаси бўлиб қолади.

Хатимнинг ниҳоясида Сизга қалбим тубидаги энг эзгу тилакларимни тилаб қоламан.

**Муяссархон Ғозихўжаева,
Зангиота тумани, Бўзсув қишлоғи,
Наврўз маҳалласи,
Нодирабегим кўчаси, 14-уй**



**Ўзбекистон Республикаси Президенти
мухтарам Ислом Абдуғаниевич Каримовга**

Сиз давлатимиз раҳбари сифатида халқимизнинг фаровон яшаши учун чин юракдан меҳнат қилиб, барчамиз учун фидойилик намунасини кўрсатиб келяпсиз.

Ҳурматли Ислом Абдуғаниевич!

Мустақиллик йиллари барча ижобий ишларимизни кўролмайдиган ёвуз, нияти бузуқ кимсалар томонидан муқаддас динимиз ниқоби остида бир неча бор фитналар уюштирилди ва давлатга қарши қўпоровчилик жиноятлари содир этилди. Сиз шу воқеаларни тинч йўл билан ҳал этиш ва халқимиз осойишталиги, мамлакатимиз тинчлигини сақлаш учун ўз жонингизни аямадингиз, қатъият билан миллат манфаатини, юртимизни ҳимоя қилдингиз.

Сиз халқимизни яхши кўрасиз, ёшларни ўз фарзандингиздек биласиз, кексаларнинг қадрини ўз урнига қўясиз. Ўз навбатида, эл-юртимиз ҳам Сизни чин қалбдан ҳурмат қилади.

Табиий ва интеллектуал бойликларга эга бўлган мамлакатимиз Сизнинг саъй-ҳаракатларингиз ва талабчанлигингиз, фидойи меҳнатларингиз тўғрисида тобора ривож топапти.



Сизнинг катта-катта анжуманларда, йиғилишларда сўзлаган маърузаларингизни диққат билан эшитиб бораман. Ҳамма вақт халқимиз, Ватанимизнинг тинчлигини, фуқароларимизнинг бой-бадавлат бўлиб, бахтли ҳаёт кечиришини Оллоҳдан сўрайсиз. Иншооллоҳ, ниятингизга етинг!

Қадрли Ислом Абдуғаниевич!

Шахсан Сиз жонажон Ўзбекистонимизни кўркам ва жаннатмакон, обод юртга айлантириш, фуқароларимизнинг тинчлигини сақлаш, халқимизнинг фаровон яшаши учун, айниқса, ёшларнинг келажagini ўйлаб, кечаю кундуз тинмай ишлаб келяпсиз. Бунинг учун Бухоро халқи Сизни кўриб-билиб турибди.

Жумладан, Бухоро шаҳрининг обод бўлиши, муқаддас қадамжоларнинг тикланиши, шаҳарсозлик, архитектура ва ободончилик ишлари бевосита Сизнинг кўрсатмангиз ва талабингиз асосида амалга оширилмоқда. Бунинг учун Бухоро халқи Сизни бениҳоя яхши кўради ва меҳнатларингизни муносиб қадрлайди.

Муҳтарам Ислом Абдуғаниевич!

Сизга мактуб ёзишимнинг сабаби шундаки, меннинг ёшим — 70 да. Шахсан ўзимнинг талаб ва истагим, оиламиз, фарзандларим ва барча қонқариндошларим, маҳалла фуқароларимиз номидан ягона илтимосимиз шуки, ҳурматли Ислом Абдуғаниевич, Сизнинг 2007 йил декабрь ойида бўлиб



ЮНЕСКО билан ҳамкорлигимиз янада ривож топсин!
(ЮНЕСКО Бош директори Коичиро Мацуура билан)



Самимий мулоқот



Ўзбекистоннинг ҳар қарич тупроғида буюк тарих мужассам.
(Академик Э. Ргвеладзе ва япон олими Кюдзо Като билан)



Бундай мард ўғлонлар — юртимиз фахри.



«Буюк ипак йўли» медалини ўзбек халқининг қадимий тарихи ва маданиятига юксак ҳурмат-эҳтиром рамзи сифатида қабул қилишга рухсат этгайсиз.
(ЮНЕСКО Бош конференцияси ташкилотининг раиси Мусо бин Жаъфардан мукофотни қабул қилиб олиш пайти)



Медалларинг кўпайсин, болам!



Бўш келманглар, қизларим!



Ўзбекистонга хуш келибсиз!
(ФИФА Президенти Жозеф Блаттер билан)

ўтадиган Президент сайловида албатта қатнаши-
шингизни ва голиб чиқишингизни илтимос қилиб
сўрайман.

Халқимизга, жумладан, табаррук Бухорои ша-
риф аҳлига Президент сифатида фақат Ислон Аб-
дуғаниевич Каримов керак.

Салом ва эҳтиром ила,

**Яҳёжон Маҳмудов,
иккинчи гуруҳ ногирони,
Бухоро шаҳри, Амир Темур номидаги
маҳалла фуқаролар йиғини оқсоқоли**

2006 йил 14 сентябрь



**Ўзбекистон Республикаси Президенти
Ислом Каримовга**

Ушбу хатни ёзишдан мақсадимиз, энг аввало, Сизга ўз миннатдорлигимизни билдиришдир.

Дадамиз Андижон вилояти ички ишлар бошқармасида катта инспектор бўлиб хизмат қилар эди. 2005 йил 13 май куни Андижонда хизмат бурчини адо этаётган пайтда террорчилар қўлида ҳалок бўлди. Дадамнинг хизматлари юқори баҳоланиб, Сизнинг фармонингизга кўра 2005 йили «Жасорат» медали билан тақдирланди.

Биз оилада аям ва уч фарзанд бирга яшаймиз. Аям Наргиза Зокирова Избоскан туманидаги 5-ўрта мактабда рус тили фанидан дарс беради. Укамиз Шоҳжаҳон Эргашев 2005–2006 ўқув йилида 4-синфни тугатди. Уни Тошкентга, Ички ишлар вазирлигининг махсус ҳарбийлаштирилган академик лицейига ўқишга олиб бордик ва ҳужжатларини топширдик. 2006 йил август ойида тест синовларини топшириб, ўқишга қабул қилинди.

Шу махсус ҳарбийлаштирилган академик лицейда яратилган шароитлар учун Сизга минг бор раҳмат айтмоқчимиз. Шоҳжаҳон дадамнинг ишини давом эттираман, деб ният қилган. У келажак-



да Ватанимиз ва халқимизнинг тинчлигини сақлаш учун етук инсон бўлиб камол топишига ишонамиз.

Ҳурматли Ислом ота, Андижонда рўй берган фожиаги воқеаларда биз дадажонимиздан айрилдик. Аммо бахтимизга Сиз бор. Бизнинг оиламизга кўрсатилган катта моддий ёрдам учун миннатдорлик билдирамыз.

Бизнинг бахтимизга Сиз ҳамisha соғ-омон булинг, юртимиз тинч бўлсин, халқимизнинг озоийишталиги ҳеч қачон бузилмасин.

Салом ва катта ҳурмат билан, фарзандларингиз —

**Гулжаҳон ва Мадинабону Эргашевалар,
Андижон вилояти,
Избоскан тумани, Пойтуғ шаҳри,
Иттифоқ кўчаси, 6-уй**

2006 йил 6 сентябрь

**Ассалому алайкум, ҳурматли Ислом ота!**

Бу мактубни Сиздан бир умрга қарздор бўлган оддий бир ўзбек аёли номидан деб билгайсиз.

Менинг бир қиз, икки ўғлим бор. Ўртанча ўғлим Бобомуродни туғилганидаёқ шифокорлар дуркун ва соғлом бола бўлади, дейишганди. Уч ёшга тулганида уни кўрган қариндошлар ва маҳалла-қўй «бу ҳали катта бўлса, раҳбар бўлади», деб қўйишарди.

Ўшанда мен уларга, ҳа, ўғлим Президентимизга таржимон бўлади, ўғлим Ватанимизнинг содиқ посбони бўлади, деб қўярдим. Шундай бўлишини ич-ичимдан ҳавас қилардим-да.

Энди Сизнинг гапларингиз мени асраб қолгани ҳақида айтай. Аслида мен табиатан ношукур одам эмасман. Бориға қаноат қилиб яшайман. Лекин ҳаёт бошимга аччиқ синовларни солди. Унда фарзандларим ҳали ёш эди. Бир куни синглим менга айтган гапдан дунё қоронғу зулматга айланди гўё.

Дунёда ўзингиз ишониб, қадрлаб яшаган кишингиз хиёнат қилса, яшашнинг ҳеч бир қизиги қолмас экан. Бундай хиёнатга чидаб яшаш ниҳоятда қийин. Ҳаётим оғирлашиб, кун сайин баттар бўлиб борди. Мендан кейин фарзандларим етим қолса, ёш болаларимга ўғай она кун бермайди,



шунинг учун болаларимни ҳам ўзим билан у дунёга олиб кетаман, деган шумхаёлга ҳам бордим. Ҳатто шунга аҳд ҳам қилдим. Бу йўлдан мени ҳеч ким қайтара олмас эди. Фақат Сизнинг ҳар бир одам қалбига етиб борадиган доно гапларингиз туфайли мен ёмон ҳаёллардан қутулдим.

Бир куни телевизорда террорчи тўдалар Президентга суиқасд уюштирди, деган совуқ хабарни эшитиб қолдим. Шунда Сиз, Ислом ота, халққа мурожаат қилиб, шундай сўзладингизки, кўзим ярқ этиб очилди. Сизнинг «ўзбек халқи кечиримли, вазмин, ҳар қандай оғир синовларни енгиб ўтган халқ. Баъзи ёшларнинг билиб-билмай қилган хатосини кечираман, ўз уйига қайтсин, тинч ҳаётини давом эттирсин, бу адашган ёшлар ҳам менинг фарзандларим», деган ҳақиқий оталарга хос сўзларингиз менга жуда таъсир қилди.

Юртбошимиз билиб-билмай гуноҳга қўл урган, жонига қасд қилган гумроҳларни кечириб, бағрикенглик қилиб турганда, мен кимман, менга ҳеч ким қасд ҳам қилмади-ку, дедиму кечиримли бўлишга, яшаш учун курашиб, ҳаётимни фарзандларим учун бахшида этишга қарор қилдим. Умр шундай, оқар сувдек ўтар экан, фарзандларим қандай вояга етганини ҳам билмай қолибман.

Ўғлим 9-синфни битирганидан сўнг бир куни «ҳарбий лицейга кириб, ҳарбий бўлиб Президентимга, Ватанимга содиқ хизмат қиламан. Ҳеч қачон Андижон воқеалари такрорланмайди, онажон. Мен



албатта ўқийман. Худо хоҳласа, ҳарбий бўлиб Ватанимизни, Президентимизни, сизни балолардан асрайман, қалқон бўлиб қуриқлайман», деди. Бунини шундай қатъият ва ишонч билан айтдики, мен ич-ичимдан суюниб, йиғлаб юбордим. Сабр қилсанг, кечиримли бўлсанг, Оллоҳ ўзи сени қўллай-вераркан.

Муҳтарам Президент, ўғлим катта бўлса, эл-юртга хизмат қилади, деб адашмаган эканман, Худога шукур. Ҳозир у Асака ҳарбий лицейида ўқийди. Фарзандимга форма шундай ярашганки, илоҳим куз тегмасин.

Исломжон ота, ўшандаги доно гапларингиз билан ҳаётимни, оиламни, фарзандларимни асраб қолганингизни Сиз ҳатто билмайсиз ҳам. Бундайлар, менимча, биргина мен бўлмасам керак. Кўплаб оналарнинг ҳаётини сақлаб қолган, қанча-қанча норасидаларни етимликдан асраб қолган ўша сўзларингиз учун қандай миннатдорлик изҳор қилай, ахир. Агар ўшанда Сизнинг гапларингиз менга далда бўлмаганида... Эсласам, ўзим ҳам кўрқиб кетаман, Худо асрасин.

Фарзандларимнинг орзу-умиди улкан, қизим тиббиёт ходими бўлмоқчи, кичик ўғлим эса хорижда ўқишни ният қилган.

2006 йилнинг декабрь ойида собиқ Ш.Юсупов ширкат ҳужалиги фермерликка айлантирилди. Болаларимнинг орзу-ҳавасини кўрай деб, айниқса, Сизнинг деҳқонлар ерга эгалик қилсин, деган гап-



ларингиздан руҳланиб мен ҳам тендерда иштирок этдим. Лекин рақибим олий маълумотли бўлгани учун 4 балл кўпроқ туплади ва тендерда ютди.

Шундан кейин менга 3-лойиҳага ҳеч ким ариза бермагани, ҳатто иш юритувчиси ҳам йўқлигини айтишди. Бориб кўрдим. Сув чиқмайдиган, тошлоқ ер экан. Мен бу ерни олишга қатъий аҳд қилдим. Ушбу масалада туман ҳокимлигига мурожаат қилдим. Ҳокимлик раҳбарлари билан далани бирга бориб кўрдик. Тошлоқ жой ерни тез чанқатади, сув чиқариш қийин экан, дедим. Ҳокимлик вакиллари тўғри маслаҳат бериб, яқиндан амалий ёрдам кўрсатишди.

Ҳурматли Ислом ота, мен бир аёл, она сифатида Сизга ваъда бермоқчиман. Яқин йиллар ичида Ўзбекистонимиздаги энг илғор фермерлардан бири бўлиб, ёруғ юз билан Сиз билан учрашиб, бу ҳаётнинг барча қийинчиликларини Сизнинг даъватингиз туфайли енгиб ўтганимни ўзингизга айтмоқчиман.

Ҳаммаси учун Сизга раҳмат.

Ҳурмат ва эҳтиром билан,

Дилоромхон Валиева,
Андижон вилояти, Избоскан тумани,
Яккатут қишлоғи,
И. Иномов кўчаси, 12-уй

**Ассалому алайкум, ҳурматли Юртбошим!**

Аввало, ўзимни таништираман: мен Зухраҳон Қосимова — 1960 йилда таваллуд топганман. Илгари Андижон маиший хизмат уйида чевар-туқувчи бўлиб ишладим. Ҳозирги кунда тадбиркорлик билан шуғулланаман.

Турмуш ўртоғим Содиқжон Қосимов — 1960 йилда туғилган, ўрта-махсус маълумотли, кўп йиллар оддий ишчи бўлган, саккиз йилдан буён учинчи гуруҳ ногирони.

Бир қиз, икки ўғлимиз бор. Бизнинг оиламиз Сиздан жуда миннатдор. Чунки Сизнинг ҳар бир қабул қилган қарорингиз халқ манфаати учун хизмат қилмоқда. Худди биз каби оилаларни кўриб тургандек, улар билан бирга яшаётгандек, оддий инсонлар учун ниҳоятда муҳим бўлган фармон ва қарорларни қабул қилмоқдасиз.

Мана, оддий бир мисол. Мен тадбиркорликни ривожлантириш мақсадида кредит олмоқчи эдим. 2005 йили банкларга қатнаб чарчадим. Иложи бўлмади. Чунки гаров учун мол-мулк, масалан, автомашина бўлиши шарт, дейишди. Афсуски, менда машина йўқ. Уни қаердан оламан? Ким гаров учун ўз машинасини берарди? Жуда кўп ўйладим. Иложи бўлмади.



2006 йили, кўнглимиздагини сезгандек, янги қарор қабул қилдингиз. Унга кўра кам таъминланган оилаларга қорамол боқиш учун банкдан кредитга беш юз минг сўмдан пул-маблаг ажратиладиган бўлди. Маҳалла фуқаролар йиғини фаоллари бизни муносиб топиб, «Халқ банки» томонидан шу пулни беришди. Хўжайиним билан бозордан икки бош қорамол сотиб олдик. Мана, 8 ойдан буён боқиб келямиз, ҳозир ҳар бири ўртача 500 минг сўмлик бўлди.

«Одамларга имконият беринглар, у ёғини ўзлари қойил қилади», деганингизни кўп эшитардим. Рост экан. Сиз ишлайман деганга шунақа шароит қилиб беряпсизки, биз бундан руҳланиб, келгусида тадбиркорликни янада ривожлантириб, оилавий фермер хўжалигини кенгайтиришни мақсад қилдик. Унинг таркибида чеварлик ва зардушликни йўлга қўйиб, шогирдлар тайёрлаш, маҳалладаги ишсиз аёл-қизлар учун янги иш ўринлари яратиш ниятимиз ҳам бор.

Энг асосийси, фарзандларимни олий маълумотли, она Ватанга содиқ қилиб тарбиялаш. Сизнинг бу ғамхўрлигингизга жавобан ёруғ юз билан муносиб жавоб қайтариш асосий мақсадимиз. Албатта, бунга ҳаракат қиламан.

Ҳурматли Ислом ота!

Сизнинг меҳрибончилигингиздан руҳланган набирангиз Зилолаҳон ҳар бир беағига меҳрини, қал-



бини бериб, Сизга узоқ умр, келгуси ишларингизда янги муваффақиятлар тилаб, ўзи тиккан зарёстикларни арзимас совға сифатида жунатди. Уни бутун оиламиз номидан деб қабул қилгайсиз.

Оллоҳдан Ватанимиз тинч, осмонимиз мусаффо, Юртбошимиз омон бўлсин, деб сураб қоламиз.

Эҳтиром билан,

**Зухраҳон Қосимова,
Андижон вилояти,
Андижон тумани, Ҳакан қишлоғи,
Бурибой маҳалласи, 86-уй**

2007 йил 29 январь



28 миллионлик Ўзбекистон халқига

Мен сўзимнинг аввалида Ўзбекистонимизнинг 28 миллионлик халқига қарата айтмоқчиман: биз ўзи шўролар замонида қандай яшаган эдик? Ўзбекистон қандай завод ва фабрикаларга эга эди? Мана энди, мустақиллик даврида-чи? Шу йиллар ичида биз нималарга эришдик?

Энг аввало, Оллоҳ бизга Ислоҳ Каримовдек буюк зотни Юртбоши этиб берди. Ҳамма учун қийин бўлган ўша даврда Президентимиз халққа мурожаат қилиб, «имкон даражасида одамларга томорқа учун ер ажратамиз, чорва қилинглари, ердан фойдаланиб, рўзгорингизни бутланг, ҳали ҳаммаси яхши бўлиб кетади, мен бунга аминман», деган эдилар.

Шундан кейин Президентимиз мамлакатимиз буйлаб ҳамма жойда завод ва фабрикалар қурдира бошлади. Бугун уларни санаб саноғига етмайсиз. Ҳозир юртимизда нималар ишлаб чиқарилмайди, дейсиз, самолёт чиқса, автомобиль чиқса, вагонлар таъмирланса, айниқса, кимё, тўқимачилик корхоналарини айтмайсизми?

Ёки болаларимизга берилаётган имкониятларга қаранг, ёшлар учун қанча-қанча лицей ва коллеж-



лар, минглаб мактаблар қурилди. Улардаги замонавий спорт саройлари, стадионларни айтмайсизми? Эҳ-э, буларнинг барчасини қоғозга тушириш қийин, албатта.

Мамлакатимизда қурилаётган иншоотларни айтинг. Бутун Ўзбекистон бўйлаб барпо этилаётган кенг ва равон йўллар, кўприklar, темир йўлларчи? Барча қурилишу ободончиликларни айтаман, десам, вақт етмайди.

Шундай экан, мақсадга ўтайлик.

Юртбошимиз шунча халқни фаровон ҳаётга олиб чиқдилар. Миллионлаб ёшларни ўқитиб, тарбиялаб, «Ўзбекистоннинг барча болалари — менинг фарзандларим», деганларида кўзларимдан ёш чиқиб кетган. Ана шу меҳнатлар бугун самара бериб, ҳосилга кирди. Энди ўзингиз ўйланг, дўстлар, биродарлар, Президентимиз бамисоли катта боғ яратиб, унинг мевасидан баҳраманд бўлмасинми энди?

Ҳурматли дўстлар, юртдошлар!

Сизларга шуни айтмоқчиманки, давлат ҳам, қонун ҳам халқ билан. Шундай экан, 2007 йил декабрь ойида бўлиб ўтадиган сайловда Юртбошимиз Ислон Каримовга овоз берайлик. Не заҳматлар билан ўқитган болаларининг роҳатини кўрсин. Халқимизни оғир синовлардан омон-эсон олиб чиқдимиз, энди омон-омон кунларида ҳам бош бўлиб юрсин! Биз, Сурхондарё аҳли шундай бў-



лишини Яратгандан сўраймиз. Ишонаманки, бутун Ўзбекистон халқи шу фикрда.

Ўзбекистон халқига, юртдошларимга тинчлик-омонлик тилаган ҳолда, барчангизни шунга даъват этаман, деб,

**80 ёшли Бўри бобо Кулмирзаев,
Сурхондарё вилояти,
Жаркўрғон тумани,
Т. Шобуров фермер хўжалиги**



ШУКРОНАЛИК МАКТУБИ

Ассалому алайкум, мухтарам Президент!

Сизга аввало ўзимни таништириб ўтсам, дейман. Менинг тақдирим, умр йўлим Ўзбекистон билан, унинг халқи билан боғлиқ. Хотирамда қолган кунлар шундоққина кўз ўнгимда турибди: Оллоҳ раҳмат қилсин, онам — Фаризод, мен — Картин Мастиева, укам — Казбек Мастиев ва бошқа юртдошларим Иккинчи жаҳон уруши даврида, яъни 1943 йилнинг апрель-май ойларида Шимолий Осетиянинг Ираф туманидан Бухоро вилоятининг Олот туманига кўчирилдик. Йўл азоби қанчалар оғир бўлганини сўз билан ифодалаш қийин.

Кўп ўтмай, онам — Фаризод Тинчиева шу ерда касалхонада вафот этди. Маҳаллий халқ, худди ўз кишисидек, барча расм-русумлар билан онамни шу ердаги Занги Бува қабристонига дафн қилишди. Мени ўзбек оилаларидан бири ўз бағрига олди. Тўрт-беш ёшларда бўлган укам Казбекни Олот тумани Чандир қишлоғида жойлашган 27-болалар уйига топширишди. Кейинчалик укам Когон шаҳридаги ва бошқа жойлардаги болалар уйларида тарбияланган.

Отам ҳарбий эди, жанг майдонидан қайтмади. Онам ва укамдан бир парча сурат — уларнинг сий-



моси менга ёдгорлик бўлиб қолди, холос. Аммо мургак қалбим билан ўзимга-ўзим таскин берардим. Албатта, укамни топаман, ахир, шу оққўнгил ўзбеклар туфайли мен омон қолдим-ку, бундан кейин ҳам ўзинг асра, дея Оллоҳга ёлворардим...

Ўша оғир йилларнинг ҳар бир куни хотирамда муҳрланиб қолган. Айниқса, мени ўз бағрига олган Холбек қишлоғи аҳлининг уруш йилларидаги меҳнат жасоратига ўзим гувоҳман. Ишга яроқли эркакларнинг барчаси фронтга олинган, эрта тонгдан то кеч шомгача давом этадиган оғир дала ишларини бажаришга асосан аёллар, бўйи кетмон дастасидан паст ёш болалар, кексалар, ҳатто ногиронлар ҳам жалб қилинган эди.

Белгиланган нормани бажаришга улгурмаганлар фонус ёруғида кечаси ҳам ишини давом эттиришарди. Айниқса, ўша йиллари қишлоқ хўжалик ишларида жорий қилинган қаттиқ тартиб-интизомга ёшу қари баб-баробар бўйсундирилган, аёллар бешикдаги боласини ҳам дала бошига олиб чиққан эди.

Ҳаммаси кўз олдимда турибди. Саратов қуёши ўзининг алангасини пуркаб турган дамларда ҳам, кеч кузнинг изғиринли кунларида ҳам, ер яхлаган қаҳратон қишда ҳам бу халқ уйига шошилмас, белгиланган юмушни охиригача бажарар эди.

Ўша мен кўрган ўзбек аёллари дала бошида бир қошиқ овқатини ҳам тик туриб ичгани, ночор кийиниб, гоҳо оч, гоҳо бориға қаноат қилиб, барча



қийинчиликларга чидаб, фронт орқасида кечаю кундуз ишлаб, соғлиғидан ажралгани, ишга жонини фидо қилганига ўзим гувоҳман. Ҳозир уларнинг кўплари орамизда йўқ, аммо номларини бирма-бир тилга олмасам-да, уларнинг руҳлари шод бўлсин, деб доимо дуо қиламан.

Уруш ва урушдан кейинги йилларда ҳам қишлоқ кишилارининг турмуши жуда ночор, қийинчиликларнинг охири кўринмас, ҳатто оддий бир оёқ кийимини икки-уч киши алмаштириб кийишга мажбур эди. Айрим хонадонларда ўчоққа ҳафталаб олов ёқилмасди. Гоҳо бир ҳовуч ундан тайёрланган оддий атала бутун бир оилани очлик азобидан сақлаб турарди.

Аммо бу халқ ўзининг тинимсиз меҳнати, сабрқаноати, ҳамжихатлиги, оғир дамларда бир-бирига бўлган меҳр-оқибати билан барча қийинчиликларни енгиб ўтди ва дўконларнинг пештахталарида нонлар бемалол сотиладиган, фарзандларига тўй-томоша қиладиган, тўкин-сочин кунларга етиб келди. Ўша йиллардаги оғир турмуш билан ҳозирги кунларимизни таққослаб, шу кунларга етгазгани учун Оллоҳга шукроналар айтамиз.

Сиздай фидойи инсоннинг Президентликка қайта сайланиши — бу Ўзбекистон халқининг хоҳиш-иродаси, Сизга билдирган буюк ишончи деб биламан.

Юртдошларим мени ҳурмат қилиб турли йиғинларга, тўй-маъракаларга чақиривади, уларнинг ҳам



Сизни алқаб гапирган фикрларини эшитаман. Дастурхон бошида дуоларимда юрт тинчлигини, халқимиз осойишталигини сақлашда ҳаммамизга бош бўлиб турган шу инсоннинг соғлиғини мустаҳкам қил, ризқ-рўзимизнинг баракасини бер, юртимизга кўз тегмасин, барча балою офатлардан ўзинг асра, деб фотиҳалар ўқийман.

Чунки мен урушнинг битмас жароҳатини 64 йилдан буён ўз юрагида сақлаб юрган бир инсон сифатида тинчлик ва осойишталикнинг қадрини яхши биламан.

Юқорида айтганимдек, мен асли осетин қизиман. Аммо ўзбек оиласи мени суйиб, эъзозлаб, ўзининг Иноят исми ўғли билан тақдиримни қўшган. Ҳозир 74 ёшдаман, 2 қиз, 2 ўғилнинг онаси, 15 неваранинг момосиман. Фарзандларим ўқимишли, ҳаммаси ўзининг иши билан банд, уйли-жойли. Невараларим мактаб ва коллежларда таҳсил олмоқда. Режали ва вазмин турмуш тарзи аввал-бошдан бизнинг оиламизга хос. Мен ўзбек халқининг берган нон-тузини оқлаш учун умр бўйи тинмай меҳнат қилдим, оқибатда саранжом-саришта, ўзига тўқ оиланинг бекаси сифатида қишлоқдошларимнинг ҳурматига сазовор бўлдим.

Ҳамқишлоқларим пахтачилик, чорвачилик, богдорчилик, полизчилик, ғаллачилик ва пиллачилик орқали етарлича даромад топишмоқда, замонавий уйлар қуриб, тўйлар қилишмоқда. Хонадонларимиз газ, тоза ичимлик суви билан таъминланган,



бозорларимиз тукин ва гавжум. Ўзимиздан етишиб чиққан малакали шифокорлар кечаю кундуз халқ саломатлиги учун хизматда.

Ўтган йили меҳрибонлик уйларида бирига ташриф буюрганингизни телевизор орқали кўриб, кўзларимга ёш тулди. Қайсидир сабабларга кўра ота-она меҳридан айрилган болаларга ҳамма шароитлар муҳайё қилинган. Етимнинг бошини силаган одамга савобнинг энг каттаси насиб қилади, етимни улуғлаганни Оллоҳ улуғлайди, дейишади. Шу баҳонада юрагимдаги кўп йиллик армонларимни халқимга, Президентимга ёзишни ният қилдим.

Яратганнинг ўзи гувоҳ, бу гапларимни юрак амри билан сўзлаяпман. Ватанимдан, ота-онам ва укамдан жудо бўлиб, етимлик азобидан қийналганимда, онам кўз олдимда ҳаёт билан видолашаётганида мен билан ёнма-ён туриб кўз ёшларимга, ўксик қалбимга ҳамдард бўлган, қўлидаги бир бурда нонини тенг бўлиб, боласи билан менга тутқазган, мени ўз боласидек, кўз қорачигидек асраган ўзбекларга, уларнинг оққўнгил фарзандларига нисбатан юрагимда меҳр ва ишонч туйғулари илдириб отган.

Муҳтарам Ислоҳ Абдуғаниевич, ўзбек миллатининг менга берган нон-тузи ҳурмати ҳаққи, оиламиз аъзоларининг чин дилдан Сизга бўлган чуқур эҳтиромининг рамзи сифатида ўзбекона урф-одатимиз бўйича Сизга бир тўн кийдирсам, деган ни-



ятим бор. Умримнинг сўнгги дақиқаларигача бу орзу-армоним мени тарк этмаслигига ишончим комил бўлгач, бу истагим хусусида Сизга мурожаат қилишга жазм қилдим. Оддий бир фуқаронинг ўз халқига, Президентига бўлган миннатдорлик туйғуларини бошқа халқлар ҳам кўриб қўйсин, дейман.

Оллоҳдан сўрайман, ниятим: узоқ умр кўринг, неvara-чевараларингизнинг, халқимизнинг туй-ҳашамларида, юртимиз байрамларида ҳамиша ўзингиз бош бўлиб юринг. Оила аъзоларингиз билан ҳамиша сиҳат-саломат ва омон бўлинг!

Сизга ҳурмат билан,

Картин Абдиева (Мастиева),
Бухоро вилояти, Олот тумани,
Гулистон фуқаролар йиғини,
Ҳосабуйи маҳалласи,
Холбек қишлоғи, 24-уй

2009 йил 17 апрель



**Ассалому алайкум, муҳтарам
Ислом Абдуғаниевич!**

Аввало, Сизга тилагим шуки, доимо халқимизга бош бўлиб юринг!

Биз истиқомат қилаётган Наманган туманидаги Ровустон қишлоғи кўчалари илгари асфальт кўрмаган эди. Қишда лой, ёзда тупроқ бўладиган бу кўчаларга мустақиллик йиллари сон кирди. Шағал тўкилиб, асфальт қилинди.

Айниқса, қишлоғимиздаги қоронғи кўчаларга симёғочлар ўрнатилиб, ёнмай ётган электр чироқлари алмаштирилди. Ҳозирги кунда тунлари ҳам қишлоқ кўчалари чароғон, ёруғ ва озода. Энг асосийси, қишлоққа тоза ичимлик суви келтирилди, хонадонларимиз газлаштирилди.

Шунинг учун биз кексалар ҳар қадамда, ҳар нафасда Президентимизни дуо қиламизки, Оллоҳ таолонинг ўзи у кишининг умрларини узун, йўллари-ни равон қилсин.

Муҳтарам Ислом ака, сўзимнинг охирида Сизга мурожаат қилмоқчиман: Юртимизга умрбод раҳбар, Президент бўлиб қолинг! Ҳозир Ўзбекистон шунга муҳтож. Чунки, дунёда қандай жанжал-мужаролар, нотинчликлар бўлаётганини ҳаммамиз



кўриб, эшитиб турибмиз. Энг оғир йилларда шунча халқнинг бурнини қонатмай, бировга ноҳақ турт-тирмай олиб ўтдингизми, бундан кейин ҳам Сизга ишонамиз.

Илоё, бошингиз омон бўлсин.

**Латифбой Муталлиев,
Наманган вилояти,
Наманган тумани,
Ўрта Ровустон қишлоғи**

**Ўзбекистон Президенти Ислоҳ Каримовга***Ассалому алайкум!*

Аслида, Сизга айтар гапим кўп эди. Лекин кўлимга қалам олдим у нима ёзишни билмай қолдим. Одам бировдан кўп яхшиликлар кўрса, уни қаттиқ ҳурмат қилса, унга қандай ташаккур изҳор қилишни билмай, шошиб қоларкан. Ҳозир мен шу аҳволдаман. Лекин кўнглимда жуда кўп гапларим бор.

Аввало, Оллоҳнинг марҳамати ва Сизнинг мендек оддий фуқаро илтимосини ерда қолдирмай, ёрдам берганингиз шарофатидан муқаддас ҳаж сафарига боришга муяссар бўлдим. Бу менинг ғамга ботган қалбимни чексиз қувончга тўлдирди. Икки фарзандим, дардкашларимнинг хурсандчилигини, юзидаги табассумни тасвирлаб беришга ожизман.

Болаларим: «Миллионлаб одамларнинг дарди-га шерик бўлаётган Президентимиз сизга ҳам шундай меҳрибонлик кўрсатиб, ғариб кўнглингизни кўтарди, демак, сизга ўз отангиздай бўлиб қолди. У киши улуг инсон экан», деб кўзларида қувонч ёшлари айланади.

Энди Сиздан яна бир илтимосим шуки, чекка бир туманда истиқомат қилаётган мен, қизингиз Саломатхон Оллоҳнинг суйган бандаси Президен-



тимизни отам деб билиб, Сизни зиёрат қилиш учун уйимга бир пиёла чойга таклиф этаман.

Яратган эгамга беадад ҳамдлар бўлсин. Сиздан, туман раҳбарлари ва дин вакилларида жуда миннатдорман. Агар Сиздан кўп нарса сўраган бўлсам, узр. Ахир, одам кўнглига яқин олган кишига илтимос қилади-да. Сизга бўлган ихлосим, ишончим минг бора ошганидан вақтингизни аямай, қишлоғимизга бир келишингизни сўрайман.

Ҳурмат билан,

**Саломатхон Тангилова,
Сурхондарё вилояти,
Денов тумани,
Ўртабўз маҳалласи**



Ассалому алайкум, мухтарам Президент!

Мен, Сайёрахон Нёматова Андижон вилояти, Хонобод шаҳрида ўрта мактабда 40 йилдан кўпроқ муддат бошлангич синф ўқитувчиси бўлиб ишладим, 6 нафар фарзандни оқ ювиб, оқ тараб вояга етказдим. Ҳозир пенсиядаман.

Сизга мактуб ёзишимнинг сабаби шуки, узоқ йиллар ушалмай келган орзу-ниятим Сиз туфайли рўёбга чиқди — мен 2008 йили муборак ҳаж зиёратига бориш шарафига муяссар бўлдим. Сафар давомида биз ҳожиларга яратилган шарт-шароитлардан ниҳоятда хурсанд бўлдик.

Айниқса, меҳмонхонада, автобусларда мамлакатимиз байроғининг ҳилпираб туриши ҳеч кўз ўнгимдан кетмайди. Биз ҳар қадамда — ҳаж зиёратини ташкил этиш борасидаги намунали тартиб-интизомда ҳам, сафарга кузатиш ва кутиб олиш маросимлари, самолётда учиш, меҳмонхонада яшаш, ҳаж амалларини адо этиш чоғида юртимиз ҳожилари, жумладан, кексалар ва аёлларнинг қийналиб қолмаслиги учун зарур шарт-шароитлар яратилганини кўрдик. Буларнинг барчасида Сизнинг бевосита ғамхўрлигингиз ва эътиборингизни сезиб турдик. Бунинг учун Сиздан миннатдормиз.



Мактубимнинг охирида Сизга узоқ умр, сиҳат-саломатлик, юртимиз равнақи йўлида олиб бораётган ишларингизга ривож ва барака тилайман.

Ҳурмат билан,

**Сайёрахон Нёматова,
Андижон вилояти,
Хонобод шаҳри,
О.Қодиров кўчаси, 18-уй**

2009 йил 5 февраль



**Ассалому алайкум, қадрли
Ислом Абдуғаниевич!**

Сизга ушбу мактубни чуқур ҳаяжон билан ёзяман. Чунки бугун ниҳоятда хурсандман: 23 декабрь эрталаб 241-сайлов округидан биринчилардан бўлиб оила аъзоларим билан Сизга овоз бердик, кейин кечгача сайлов жараёнини кузатиб турдим. Шунда халқимизнинг Сизга бўлган чексиз ҳурмат-иззати, катта ишончининг гувоҳи бўлдим.

Қадрли Ислом Абдуғаниевич, мен бир нарсага қаттиқ ишонаман. Ўзбекистонимиз ўз куч-қудрати ва қонунларига, халқпарвар Юртбошисига эга.

Мен 2002 йилда бевақт ўлим туфайли 18 ёшли қизимдан ажралдим. Фарзандимнинг ўлиmidан 40 кун ўтгач, гоҳ чап, гоҳ ўнг қўлим ишламайдиган бўлиб қолди, шифохонада ётиб ҳам чиқдим. Афсуски, дардимга даво тополмадим. Буни қарангки, 24 декабрь кечқурун Ўзбекистон Республикаси Марказий сайлов комиссиясининг овоз бериш ҳуқуқига эга бўлган 14 миллион Ўзбекистон фуқароси Сизга овоз бергани тўғрисидаги ахборотини эшитганимда, худди тўрт мучаси соппа-соғ одамдек, ўрнимдан сакраб туриб кетдим. Ўшандан буён,



Яратганнинг ўзи шифо бердими, соғломман, қўлларимда оғриқ йўқ. Севинганимдан йиғлаб, Сизга мактуб йўллайман. Ушбу хатни Сиз туфайли соғайган қўлим билан ёздим.

Ўзбекистон халқининг бахтига доимо соғ-омон бўлинг! Оллоҳ Сизга узоқ умр, ғайрат ва шижоат, толмас куч-қувват берсин!

Эҳтиром ила,

**Мирзо Абдуқодиров,
Самарқанд вилояти,
Жомбой тумани, Хурму қишлоғи**

2008 йил 16 январь

**Хурматли Ислом Абдуганиевич!**

Мустақилликдан олдин масжидларимизнинг эшигига осиб қўйилган қулфларни қўриб, унинг очилишини Оллоҳдан сўраган ва ҳасса суянганича йиғлаб, армон билан ортига қайтган боболаримизни кўп бор кўрганман, бу аламли манзаралар эсимдан чиққан эмас. Уша даврларда масжид ва мазорлар шундай хароба аҳволда эдики, уларнинг ҳатто ёнидан ўтишга ҳам қўрқар эдик. Мустақиллик туфайли уларнинг барчаси обод бўлиб, пиру устозларимизнинг руҳлари шод бўлмоқда. Йилдан-йилга ҳаж сафарига бориб келувчи ҳамюртларимиз сони кўпайиб бориб, уларнинг Сиз ҳақингизга қўллари ҳамиша дуода.

Мен 2008 йилнинг ноябрь ойида Туркманистонга борганимда, шу юрт халқи Сиз ҳақингизда завқланиб гапирганини эшитиб жуда хурсанд бўлдим. Президентимизнинг бошқа мамлакатларда ҳам мартабалари, обрў-эътибори, ҳурмати баландлигини эшитиб ва қўриб биз, ўзбекистонликлар албатта шод бўламиз, албатта ғурур ва ифтихор этамиз. Бахтимизга ҳамиша соғ-омон бўлинг!

Хурмат билан,

**Зайни Розиков,
Бухоро вилояти, Жондор тумани,
Қовчин қишлоғи**

2008 йил 15 январь

**Ўзбекистон Республикаси Президенти
Ислом Каримов Жаноби Олийларига**

Муҳтарам Президент Жаноби Олийлари!

Ассалому алайкум ва раҳматуллоҳи ва баракотуху!

Сизни ва серкуёш диёримизнинг фуқароларини қутлуғ айём — Қурбон ҳайити билан ўзбекистонлик ҳожилар номидан чин дилдан муборакбод этамиз.

Мустақилликнинг илк йиллариданоқ она Ватанимиздан муборак ҳаж сафарига бораётган мусулмонларга яратиб берилаётган қулай шароит Сизнинг миллий ва диний қадриятларимизга кўрсатаётган чинакам ғамхўрлигингиз намунасидир. Юртимиз фуқаролари манфаатини кўзлаб қилаётган хайрли ишларингиз халқимизнинг руҳини янада кутармоқда.

Оллоҳнинг инояти билан улуғ ибодатни адо этиш бахтига мушарраф бўлган биз, ўзбекистонлик ҳожилар, Маккаи мукаррамадек муқаддас заминда туриб, Сиз раҳнамолик қилаётган мустақил юртимиз ҳамиша омон, элимиз тинч ва осойишта, турмушимиз фаровон бўлишини Яратгандан илтижо ила сўраб дуолар қилмоқдамиз.



Сиз, муҳтарам Президент Жанобларига, яна бир бор самимий миннатдорлигимизни изҳор этиб, Оллоҳ таолодан Сизни, халқимизни ва гузал диёримизни ўз паноҳида асрашини тилаб қоламиз.

**Ўзбекистонлик ҳожилар,
Макка шаҳри,
Арафот водийси**

2006 йил 12 январь



Ҳурматли Президент девони ходимлари!

Мен 70 йиллик умрим давомида бир неча давлат раҳбарларини кўрдим, лекин бундай халқпарвар Юртбошини кўрмаганман. Президент Ислоҳ Каримов Ўзбекистонга бош бўлганларидан буён Ватанимиз тинч, халқимиз осойишта ва фаровон, кўплаб миллат ва элатлар бир оиладек тотув-иноқ ҳаёт кечирмоқда. Шунинг учун бўлса керак, Оллоҳ таоло ҳам юртимизни ҳар хил бало-қазолардан, табиий офатлардан ўзи асраб келяпти. Илоё, бундан кейин ҳам шундай бўлсин.

Бу гапларни шунчаки расамадига айтаётганим йўқ. Ўз ҳаётимдан келиб чиқиб ёзипман бу гапларни. Масалан, сўнгги бир йил ичида мен касалхонада икки марта бепул даволаниб чиқдим. Кам таъминланган фуқаро сифатида менга маҳалладан, «Камолот»дан озиқ-овқат маҳсулотлари ажратиб келинмоқда. Бир неча марта совғалар беришди. Ўтган йили эса ер, мулк солиғини тўлаб беришди. Чириб қолган водопроводим — сув қувурини Чилонзор тумани «Сувсоз» ташкилоти текинга тузатиб берди, қилган ишлари учун пул олмади, барака топқурлар. Уйимнинг тоmidан қорли-қировли кунларда чакка ўтиб ётар эди, уни ҳам таъмирлаб беришди.



Албатта, бу хайрли ишлар, авваламбор, давлатимиз раҳбарининг адолат ва инсонпарварликлари туфайли бўляпти, деб биламан. Бир фуқарога кўрсатиладиган ғамхўрлик, меҳр-оқибат ва муруват шунча бўлар! Ахир менга ўхшаган меҳрга, ёрдамга муҳтож инсонлар бутун мамлакатда қанчадан-қанча! Шуларнинг барини кўнглини олишнинг ўзи бўладими?

Ислом Каримовнинг қатъияти билан қадимий урф-одатларимиз, анъаналаримиз ўзимизга қайтди. Қатағон даврларини бир эслайлик, айниқса, жаноза ўқиш ва майитни қабристонга олиб бориш ҳам қаттиқ назоратда бўлиб, унда иштирок этган раҳбарлар ишдан бўшатишгани-чи?!

Мана шундай оғир кунлар бошимиздан ўтди. Шунинг учун мен истардимки, бундай юртпарвар, одил ва мард инсон доимо соғ бўлсинлар.

Ҳурмат билан,

**Назира Абдиева,
Тошкент шаҳри, Чилонзор тумани,
Гулобод маҳалласи,
Олмазор берккўчаси, 108-уй**

2007 йил 6 сентябрь



Ўзбекистон Президенти Ислом Каримовга

Муҳтарам Юртбошимиз, барча оила аъзоларимиз номидан миннатдорлигимизни қабул этинг. Бутун юртимизда бўлгани каби, бизнинг гўзал Марғилонни ҳам обод қилаётган экансиз, Оллоҳ мартабангизни бундан ҳам улуғ қилсин! Ҳеч қачон кам бўлманг.

Мен, бир оддий аёл Сизга мактуб ёзар эканман, Сиз олиб бораётган ишларни, халқим, юртим, Ватаним деб қилаётган ҳаракатларингизни кўриб, ўзингизга рўбарў бўлиб миннатдорлигимни билдиргим келади.

Болалигимда дадам айтар эдилар: вақти келиб Ўзбекистонда бир подшо чиқади, бутун оламга машҳуру манзур бўлади. Афсуски, ана ўша улуғ инсон бугун давлатимизни бошқараётганини кўриш отамга насиб этмади.

Шу сабабли фарзандларимга қайта-қайта айтаман, бундай тинч ҳаётда яшаб, эмин-эркин юргангиз учун аввало Оллоҳга шукроналар айтинг, Президентимизга садоқат кўрсатиб, шу юртнинг фидойи ва жонкуяр инсони бўлинг. Чунки дунёнинг кўп жойларида урушу тўполонлар бўлиб турган бир пайтда, бизнинг юртимиздаги тинчлик,



эминлик аввало яратган Тангримдан, қолаверса, Юртбошимиз юритаётган одил сиёсат натижасидир, дейман.

Шу уринда Марғилонимиз ўзининг 2000 йиллик тўйи муносабати билан бениҳоя кўркам ва гузал қиёфага эга бетакрор шаҳарга айланганини айтмасам бўлмайди. Марғилон Марғилон бўлиб ҳали бундай кунларни кўрмаган, кўчаю хиёбонлари бу қадар чиройли, одамлари ҳозиргидек хотиржам бўлмаган.

Халқимизнинг бахтига, марғилонликларнинг бахтига ҳар доим соғ-омон бўлинг. Танингиз дард, бошингиз ғам кўрмасин.

Сизга дуои салом билан,

**Мавжуда Аҳмедова,
Фарғона вилояти, Марғилон шаҳри,
Зарафшон кўчаси, 14-а уй**



**Ассалому алайкум, ҳурматли
Ислом Абдуғаниевич!**

Мен Чуст туманидаги 20-мактабда ишлайман. Оз бўлса-да, ҳаётнинг оғир-енгилини кўрганман, оқ-қорани ажратаман. Ҳарҳолда, ўзимга етарли ҳаёт тажрибаси ва малакасига эгаман, деб ўйлайман.

Сизнинг таълим соҳасида олиб бораётган ислохотларингиз туфайли бизнинг қишлоғимизда ҳам уч қаватли иқтисодиёт коллежи қуриб ишга туширилди. Иқтидорли ўқувчилар учун лицей ҳам очилди. Қишлоғимизнинг юзлаб болалари ўқийётган бу даргоҳларда яратилган шароитни кўриб, ҳам ҳавасимиз келади, ҳам фахрланамиз. Мустақилликнинг нима эканини шуларга қараб яна бир бор англаймиз. Қишлоғимизга «зангори олов» келгани-чи? Жоннинг ҳузури-я! Қишлоғимиз тобора замонавий қиёфага кирмоқда.

Мана шу эзгу ишларнинг бошида турган Сиздек инсоннинг Наманган вилоятига қиладиган таърифи давомида бизнинг қишлоғимизга ҳам бир келиб кетишига орзумандмиз. Илтимос, бир келинг, ўзингиз қилган ишларни бир кўринг, кўзингиз яйрайди, дилингиз қувнайди.



Биз, 37 минг аҳоли истиқомат қиладиган Олмос қишлоғи аҳли Сизга узоқ умр, сиҳат-саломатлик тилаб, юртимиз равнақи йўлидаги хайрли ишларингизни давом эттиришингизни, Ватанимиз обрўсини янада юксалтиришингизни Худодан сўраб қоламиз.

Салом ва эҳтиром билан,

**Арофатали Жураев,
Наманган вилояти, Чуст тумани,
«Олмос» маҳалла фуқаролар
йиғинига қарашли
Тоймас—1 қишлоғи**



**Ассалому алайкум, ҳурматли
Ислом Абдуғаниевич!**

Менинг 3 нафар ўғлим, 3 нафар келиним, 8 нафар набирам бор. Ҳаммалари ўқимишли. Умр йўлдошим билан бирга уларни юртни севадиган, виждонли қилиб тарбиялашга ҳаракат қиляпмиз. Фарзандларимнинг иш жойларидан раҳматномалар эшитганимда мендан бахтли она йўқ. Келинларим ҳам оқилу доно, намунали оила соҳибалари эканидан хурсандман.

Катта фарзандим Элмурод 36 ёшда. Тошкент Давлат консерваториясини тамомлаганида, устозлари пойтахтда қолишни тавсия қилишди. Ўғлим шароитдан келиб чиқиб уйга қайтди ва ҳозир Андижон давлат санъат коллежида ёш авлодга рубоб санъати сирларини ургатиб, кўплаб истеъдод соҳибларини етиштириб чиқармоқда. Ўзи Ўзбекистонда ёш ижрочилар конкурсида икки мартаба биринчи ўрин совриндори бўлган. Жаҳон куйлари ва ўзимизнинг мумтоз ва лирик куйларни маҳорат билан ижро этади, куй ҳам бас-талайди.

Сулоламизнинг ҳар бир аъзосига шу тарзда таъриф берсам, хатим анча чузилиб кетар экан. Му-



ҳими, ҳаммалари элим деб, юртим деб ёниб яшаётган фарзандлардир. Юрт бойлиги, эл тинчлиги фақат Сиз билан боғлиқ, муҳтарам Президент. Ўзингиз бошлаган ишни ўзингиз охиригача давом эттиришингизни истаймиз.

Биз оналарнинг бахтига соғу саломат, омон булинг!

Ҳурмат билан,

Раъно Худойберганова,
Андижон шаҳри,
«Темирйўл» берккўчаси, 9-уй

2007 йил 14 ноябрь



Муҳтарам Ислон Абдуганиевич!

Сизни Ўзбекистон Республикаси мустақиллигининг 17 йиллиги муносабати билан самимий табриклаб, энг эзгу тилаklarимни йўллайман.

Сиз республикамиз раҳбари сифатида иш бошлаган дастлабки вақтларда, яъни 90-йилларда ўтказган йиғилишларингизда иштирок этганим боис, юртдошларимиз учун гоёат огир кечган ўша дамларда Ватанимиз, халқимиз учун чеккан ташвишларингизни, бутун заҳматларингизни ҳалиҳануз яхши эслайман, моҳиятини чуқур ҳис этаман.

Оллоҳга шукроналар бўлсинки, Сизнинг қатъий сиёсатингиз ва мардона саъй-ҳаракатларингиз туфайли юртимиз, халқимиз не-не синовлардан, бало-қазолардан эсон-омон ўтиб, бугун ҳар томонлама тараққий этаётган, юксалиб бораётган, ривожланаётган мамлакатга айланди. Сизга ишонаман, Сизнинг бошчилигингизда Ўзбекистон дунёдаги энг яхши ривож топган мамлакат даражасига етади.

Мамлакатимиз равнақи, Ўзбекистон халқининг фаровонлиги йўлидаги орзу-истакларингиз-



нинг амалга ошиши учун Сизга мустаҳкам соғлиқ ва куч-қувват беришини Оллоҳдан сўраб қоламан.

Хурмат ва эҳтиром билан,

**Ўктам Хўжакулов,
Сирдарё вилояти,
Сардоба тумани,
Дўстлик кўчаси, 19-уй**

2008 йил 18 январь



**Ассалому алайкум, ҳурматли ва қадрли
Ислом Абдуганиевич!**

Мен Сизни 2008 йил — Янги йил билан ҳамда эл-юрт ишончига яна бир бор сазовор бўлганингиз билан чин юракдан табриклайман. Биз яхши биламизки, Ўзбекистон тинчлиги ва осойишталигига, эл-юрт фаровонлигига, озод ва обод Ватанга ўз-ўзидан эришилгани йўқ. Бугун миллат ва Ватан келажаги, эл-юрт равнақи учун мустаҳкам пойдевор қўйилмоқда.

Ёш бўлсам-да, собиқ тузумнинг айрим аянчли манзаралари эсимда қолган: дўкон ва бозор расталари бўм-бўш, эрталаб уйқудан уйгонган ота-она фарзандининг бугунини, рўзгорининг қандай ўтишини ўйлар эди, холос. Эндиликда ота-она ардоқ билан тарбиялаётган фарзандининг саодатли ўтаётган кунларидан мамнун, ўсиб келаётган ёш авлоднинг ёруғ келажагини ҳам аниқ тасаввур қиладим. Бугунги ёшлар ҳам мутлақо бошқача — янгича фикрлайдиган, дунёқараши кенг, мулоҳазакор, бир қанча тилни пухта биладиган, интеллектуал салоҳиятга эга.

Худога минг шукр, эл-юрт келажаги йўлида фидоийлик кўрсатиб ёниб яшаётган, шу муқаддас Ва-



тан учун умрини, бебаҳо соғлигини, жонини ҳам аямасдан ишлаб келаётган Сиз — фидойи Юртбоши эл ишончини қозониб, ўзбек халқи хоҳиш-иродаси ва қатъиятини яна бир карра намоён этиб, тинчлигимизни, фаровон ҳаётимизни кўролмайди-ган айрим ғаламис кимсаларга бизларнинг ким эканимизни, кимларнинг авлоди эканимизни такроран кўрсатиб қўйдингиз.

Ҳурматли Ислон Абдуғаниевич, мен Сизга мустаҳкам соғлиқ, букилмас ирода тилайман. Юрти-мизнинг дунёда мустақил ва мустаҳкам ўрни абадий бўлсин.

Ҳурмат билан,

Нуриддин Турсунов,
Самарқанд давлат тиббиёт
институтининг 3-курс магистранти

2007 йил 27 декабрь



Ҳурматли Ислон Абдуғаниевич!

Мамлакатимизда хотин-қизларни қўллаб-қувватлаш, уларнинг жамиятдаги ўрни ва ролини янада ошириш масаласи давлат сиёсати даражасига кўтарилган. Илм-фан, тадбиркорлик, спорт ва санъат, қўйингки, қайси соҳани олиб қараманг, аёлларимиз эришаётган ютуқлар фахр-ифтихорга лойиқдир.

Бугунги кунга келиб айниқса қишлоқларимизда ҳақиқий мулкдор — ер эгалари пайдо бўлди. Деҳқон меҳнатига бўлган муносабат бутунлай ўзгарди. Сиз томонингиздан деҳқон-фермерларга, тадбиркорларга юксак ишонч билдирилгани, «Тадбиркорларнинг ортида мен турибман, Президент турибди», деган даъватингиз шахсан менинг кучимга куч қўшди.

Бундан олти йил муқаддам ота-боболаримиз фойдаланиб келган оддий табиий дасмолқовоқдан турли хил шахсий гигиена маҳсулотлари — мочалкалар, даволовчи белбоғлар тайёрлай бошлаганимда кўплар ҳайрон бўлганди.

Дастлаб оила аъзоларим билан 2 турдаги маҳсулот ишлаб чиқарган бўлсак, бугунги кунга келиб унинг тури 40 дан ошиб кетди. Касаначиликни ривожлантириш мақсадида 50 нафарга яқин хотин-



қизга ҳунар ўргатиб, иш билан таъминладик. Ҳозирда оддий ўзбек аёллари тайёрлаган бу маҳсулотларга хорижда ҳам қизиқиш ортиб бораётгани қувончли, албатта.

Ўтган 2007 йил мен учун омадли келди, десам муболага бўлмайди. Чунки, мен «Ташаббус—2007» кўрик-танловининг Фарғона вилояти босқичида «Энг яхши ҳунарманд» номинацияси бўйича ғолиб бўлдим. Ҳиндистонда ўтказилган тадбиркор аёллар халқаро конференциясида иштирок этдим.

Мазкур анжуманга Англия, Швейцария, Кувайт, Беларусь каби бир қатор давлатлардан келган тадбиркор аёллар бизнинг ишларимиз билан қизиқишди. Келгусида амалий ҳамкорлик қилиш юзасидан келишиб олдик.

Биз каби аёлларга мана шундай беқиёс имкониятлар яратиб берганингиз учун яна бир бор Сизга ўз самимий миннатдорлигимни изҳор қиламан. Бошлаган эзгу ишларингизни амалга оширишда, туганмас куч-қувват, омад ҳамиша ёр бўлишини, Сизни Оллоҳ ўз паноҳида асрашини тилайман.

Самимий ҳурмат билан, маргилонлик ҳунарманд —

**Матлубахон Исмоилова,
Фарғона вилояти,
Маргилон шаҳри,
О. Азизов кўчаси, 26-уй**

2008 йил 22 февраль



Муҳтарам Президент!

Бизнинг қадимий Чуст шаҳри аҳли азалдан ҳунармандчилиги, айниқса, дуппию пичоқлари билан машҳур. Мен ҳам момоларимиз, оналаримиздан бу ноёб ҳунар сирини пухта ўрганиб, 35 йилдан буён дуппи тикиб келаман. Ҳозирги кунда 50 нафардан зиёд шогирдим бор.

Қадрли Ислом Абдуғаниевич, Сизнинг таваллуд кунингизга ўз қўлларим билан тиккан дуппимдан совға қилишни ният қилдим. Бу дуппини бор меҳримни бериб тикканман. Дуппида Сизнинг исмингиз ва Мустақиллигимизнинг 17 йиллиги сузлари муҳрланган.

Она Ватанимизнинг янада гуллаб-яшнаши, келажаги буюк давлат қуриш йўлидаги барча ишларингиз бароридан келсин. Бахтимизга ҳамиша соғсаломат юринг, азиз бошингиз доимо омон бўлсин!

Сизга самимий ҳурмат ва эҳтиром билан,

**Рисолатхон Раҳимжонова,
Наманган вилояти,
Чуст тумани, «Деҳқонобод»
маҳалласи, 227-уй**

2008 йил 6 февраль



**Ассалому алайкум, ҳурматли
Ислом Абдуганиевич!**

Мен Сизга табиий гуллардан санъат даражасида қотириб тайёрланган икэбаналар олиб келган эдим. Техника ва оз миқдордаги кимёвий усул билан қотирилган бундай табиий гуллар — икэбаналар чет элда жуда машҳур. Чунки улар ўзларида табиий гузалликни намоён этади ва бу гузалликни узоқ вақт сақлаб қолиш хусусиятига эга.

Инсонга завқ берадиган икэбаналар, айни пайтда, юрак қон-томирларининг бир маромда уришига, қон босимининг тушишига ёрдамлашади, асабни тинчлантиради, уй ҳавосининг мусаффолигини таъминлайди. Сирен — баркамоллик, улуғворлик тимсоли, оқ гуллар — поклик рамзи, шу каби бошқа гуллар ҳам шодлик ва қувонч белгисидир.

Ниятим, Оллоҳ Сизни ва оила аъзоларингизни эл бахти, юрт тинчлиги учун доимо соғ-саломат қилсин, ҳар бир ишингизда ўзи кўмакдош бўлсин! Кириб келаётган янги йилнинг ҳар бир куни қалбингизга қувонч олиб кирсин!

Сизга ҳурмат билан,

**Гулчеҳра Ғуломова,
Тошкент шаҳри, Собир Раҳимов тумани,
Янгиер кўчаси, 24-уй**

2006 йил 24 декабрь



**Ўзбекистон Президенти
Ислом Абдуганиевич Каримовга!**

Мен ўтган йили Сизнинг номингизга мактуб ёзиб, унда Марғилон тиббиёт коллежини тамомлаганим ва мутахассислигим бўйича ишга жойлашишга ёрдам беришингизни сўраб илтимос қилган эдим. Ушбу мурожаатимга Президент девонидан жавоб хати келди ва шунга асосан ўз мутахассислигим бўйича ишли бўлдим. Ҳозир ўз севган касбимда ишляпман.

Республиканинг чекка туманида истиқомат қилаётган, оддий бир ёш қизнинг мурожаатини ҳам эътиборсиз қолдирмасдан, ўз фарзандингиздек кўриб, ёрдам берганингиз учун жуда катта раҳмат айтаман. Сиздаги меҳр-оқибат, самимият, бағрикенглик, ғамхўрлик мени ҳайратга солади.

Илтимосим шуки, Фарғона водийсига, Марғилон шаҳрига келсангиз, бизнинг хонадоннинг ҳам азиз меҳмони бўлинг, бир пиёла иссиқ чой дамлаб берай, бирпас ҳордиқ олинг.

Сизга узоқ умр, сиҳат-саломатлик тилаб, самимий миннатдорлик билан,

**Ўғилой Каримова,
Фарғона вилояти, Марғилон шаҳри,
Каналбўйи кўчаси, 240-уй**



Ассалому алайкум, ҳурматли Президент!

Соғу саломат, давлат ишлари билан чарчамасдан юрибсизми? Мен Сизни ўзим ва оила аъзоларим номидан Наврўз айёми билан чин қалбимдан табриклайман. Илоҳим, халқимиз бахтига доимо бор бўлинг, узоқ умр кўринг!

Муҳтарам Ислоҳ Абдуғаниевич!

Мен Сизга 2008 йилнинг 5 ноябрида уй-жой қуриш учун ер ажратиб бериш масаласида ёрдам беришингизни сўраб мактуб йўлагандим. Ушбу мактубимни инobatта олганингиз учун Сиздан бир умр миннатдорман. Сизга йўлаган мактубим кўриб чиқиб амалий ёрдам беришлари учун Хоразм вилоятининг Хива тумани ҳокимлигига жўнатилган экан. Туман ҳокимлиги томонидан менга қонуний ёрдам кўрсатилди — уй-жой қуришим учун ер майдони ажратиб берилди.

Мустақил Ўзбекистонимиз, халқимиз бахтига Сиз, азиз Юртбошимиз соғ-саломат бўлиб, узоқ умр кўриб юринг!

Ушбу миннатдорлик изҳори битилган мактубимни яқунлаб, Сизни яна бир бор Наврўз байрами билан табриклаб қоламан.

Салом билан,

**Нодирбек Маткаримов,
Хоразм вилояти, Хива тумани,
Р. Мадаминоф фермерлар уюшмаси**

2009 йил 7 март



Муҳтарам Ислоҳ Абдуғаниевич!

Мен 57 ёшга кирган бўлсам-да, шу пайтгача бирон марта юқори идораларга хат ёзган одам эмасман. Ариза ёки шикоят билан ҳам мурожаат қилмаганман. Аммо янги, 2008 йил арафасида Сизга бир илтимос билан мурожаат этишга журъат қилдим.

Агарки, мустақилликнинг ўтган 17 йилини таҳлил қиладиган бўлсак, дунёда деярли ҳеч ким билмайдиган, шўролар республикаси бўлган Ўзбекистон Сизнинг оқилона, том маънода матонатли сиёсатингиз туфайли шу қисқа вақт ичида ҳар томонлама гуллаб-яшнаётган мамлакатлардан бирига айланди. Ўзбекистонимизни бугун Европада ҳам, Америка қитъасида ҳам, Осиё ва Африкада ҳам, Австралияда ҳам яхши билади ва ҳурмат қилади.

Халқимиз ишлаб чиқаришдан ташқари илм-фан, маданият ва спорт, маърифат соҳаларида ҳам йилдан-йилга янги марраларни забт этиб, изчил юксалиш йўлидан бормоқда. Юртдошларимиз хорижий давлатларга эмин-эркин бориб келмоқда, фарзандларимиз биз номини ҳам эшитмаган даргоҳларда ўқиб келмоқда. Ваҳоланки, илгари дунё кезиш, ўзга юртларни кўриш Ўзбекистонликлар учун ушалмас орзу эди. Энди эса ҳар биримиз ўзи-



миз истаган хорижий давлатда бемалол ўқиб, ишлаб ёки саёҳат қилиб келишимиз учун ҳамма шарт-шароит муҳайё.

Буларнинг барчасига мустақиллигимиз туфайли эришдик. Айни чоғда, тарих олдида 17 йил унчалик кўп муддат ҳам эмас...

Хурматли Ислон Абдуғаниевич!

Қуйида келтирадиган қиёсим учун мени маъзур тутишингизни сўрайман, Сиз мени туғри тушунасиз ва қойимасиз, деган умиддаман. Ўзбекистон давлати ва Ўзбекистон халқи — бу, ҳаддан ташқари қалтис халқаро муносабатлар ҳукм сурган жуда оғир бир шароитда Сиз йўргаклаб олган ва 17 ёшга етгунича муттасил меҳр-оқибат билан парвариш қилган жондек фарзандингиздир. Шундай экан, бир ўйлаб кўрайлик-чи, 17 ёшли болани ҳаёт уммонида якка-ёлғиз қўйиб юбориб бўладими? Яхшиси, уни 25—30 ёшли забардаст ўғлон бўлгунича мустақил яшашга тайёрлаб, шундан сўнг ҳаётнинг катта йўлига кузатиб қўйиш мақбул эмасми?..

Менинг Сиздан, Сиз орқали депутат ва сенаторлардан сўрайдиган энг катта илтимосим мана шу: Ислон Абдуғаниевич мамлакатимиз Президенти лавозимидаги фаолиятини давом эттириши керак!

Бунини мен ҳаммангиздан ўтиниб сўрайман. Ишончим комил, Ўзбекистон халқи менинг бу ил-



тимосимни тўла қўллаб-қувватлайди ва баҳамжиҳат бўлиб Сизга қанот бўлади.

Хатимнинг охирида Сизни мустақилликнинг 17 йиллиги билан чин дилдан муборакбод этишга ижозат бергайсиз.

Сизга сиҳат-саломатлик, узоқ умр, ўта масъулиятли ишингизда сабот ва матонат тилайман.

Чуқур эҳтиром ила,

Ринат Сахаталиев,
Тошкент вилояти, Ангрен шаҳри,
5-даҳа, 1-уй, 13-хонадон

**ДУНЁ ЭЪТИБОРИ ВА ЭЪТИРОМИ**

Мустақил Ўзбекистонимизни дунёга танитиш, уни жаҳон миқёсига олиб чиқиш ва ўз ўрнини мустақамлашида давлатимиз раҳбарининг хизматлари беқиёс. Халқаро жамоатчилик Юртбошимиз олиб бораётган сиёсат тимсолида Ўзбекистоннинг тараққиёт йўлини, унинг бугунги ҳаёти, турли соҳаларда эришаётган ютуқлари ва ёруғ келажagini кўради. Таниқли сиёсат ва маданият арбоблари, оддий инсонларнинг самимий хатлари ана шундай юксак эътироф ифодасидир.

Ўзбекистон Республикаси Президенти
Ислом Каримов жаноби олийларига

Тошкент, Ўзбекистон

Муҳтарам Президент жаноблари!

Жаноб Шигео Кацунинг яқинда Ўзбекистонга ташрифи давомида Жаҳон банки делегацияси билан ўтказган самарали мулоқотингиз, шунингдек, 2009 йил 3 март куни йўлаган мактубингиз учун Сизга миннатдорлик изҳор этишга ижозат бергайсиз.

Жаҳон банки гуруҳи сув-энергетика тармоғи Марказий Осиё мамлакатлари иқтисодиёти ва



аҳолиси учун ҳаётий муҳим аҳамиятга эга эканини эътироф этади. Минтақадаги узоқ муддатли барқарорлик ва истиқболда Марказий Осиёдаги барча мамлакатларнинг иқтисодий юксалиши кўп жиҳатдан минтақавий ҳамкорлик муваффақиятига ҳамда барча миллий стратегик манфаатларнинг ҳурмат қилинишига боғлиқдир.

Марказий Осиё мамлакатлари ҳукуматлари, шу жумладан, Ўзбекистон ҳукумати мурожаатига жавобан, Жаҳон банки гуруҳи Марказий Осиёнинг беш мамлакати билан сув-энергетика масалалари юзасидан фаол музокара олиб бормоқда. Жаҳон банки гуруҳи БМТ Бош ассамблеясининг 2008 йил 19 декабрда қабул қилинган «Энергия манбаларининг ишончли ва узлуксиз транзити ҳамда унинг барқарор ривожланиш ва халқаро ҳамкорликни таъминлашдаги роли» резолюциясига тўла мос равишда фаолият юритиб, барча аъзо мамлакатларнинг олий манфаатлари йўлида саъй-ҳаракат қилмоқда, ўз қоида ва процедуралари қўлланишига ғоят катта эътибор қаратмоқда.

Жаҳон банки гуруҳи сўнгги йиллар мобайнида Марказий Осиёдаги сув ва энергетика билан боғлиқ бир қанча лойиҳаларни амалга оширишда, бу борада тадқиқотлар олиб боришда иштирок этди. Бу лойиҳа ва тадқиқотлар Марказий Осиёдаги минтақавий иқтисодий ҳамкорлик доирасида Энергетика бўйича стратегик концепция ишлаб чиқиш имконини берди. Мазкур концепция 2008 йил



ноябрда Бокуда ўтказилган вазирлар даражасидаги конференция чоғида барча мамлакатлар томонидан маъқулланди. Жаҳон банки гуруҳи ушбу концепцияга асосланган ҳолда, минтақадаги аниқланган ва келгусида аниқланадиган энергия ресурслари, жумладан, сув ва иссиқлик энергетикаси ресурслари, қайта тикланадиган ва бошқа энергия манбаларининг ҳажмини белгилаб олиш жуда муҳим, деб ҳисоблайди. Шу асосда трансчегаравий дарёларнинг юқори қисмида жойлашган мамлакатларнинг қишки мавсумда энергияга муқаррар эҳтиёжи, трансчегаравий дарёларнинг қуйи қисмида жойлашган мамлакатларнинг ёз мавсумида экологик ва гидрологик эҳтиёжларига тегишли равишда эътибор қаратилишини ҳамда улар ўртасида мувозанат сақланишини таъминлайдиган бир қатор изчил чора-тадбирларни таклиф қилмоқчи эдик.

Тожикистон ҳукумати таклиф этган Роғун ГЭСи қурилиши лойиҳаси юзасидан қуйидагиларни баён этишга ижозат бергайсиз. Банк бу қурилишнинг минтақага салбий таъсир кўрсатадиган оқибатларини баҳолашга алоҳида эътибор қаратган ҳолда, Тожикистон ҳукумати олдида фақат дастлаб лойиҳани қай даражада амалга ошириш мумкинлигини аниқлаш учун бирламчи тадқиқотларни ўтказиш мажбуриятини зиммасига олди.

Ушбу тадқиқотлар давомида трансчегаравий сув ресурсларидан фойдаланишга оид халқаро битимларга мувофиқ, таклиф этилган лойиҳанинг тех-



ник, иқтисодий ва молиявий жиҳатдан нечоғлиқ мақсадга мувофиқ экани, шунингдек, қурилиш келтириши мумкин бўлган экологик ва ижтимоий оқибатлар аниқланади.

Шу маънода, Сизнинг минтақадаги экологик мувозанат заифлиги, бирор давлатнинг гидроэнергетика соҳасидаги имкониятлари ишга солинса, бу трансчегаравий дарёларнинг қуйи қисмида жойлашган давлатларда сув оқими камайишига олиб келмаслигини узил-кесил таъминлаш зарур экани, шунингдек, янги иншоотларни лойиҳалаштиришда улар барпо этиладиган ҳудудларнинг сейсмик хавфсизлигини инобатга олиш лозимлиги туғрисидаги фикрларингизни тула қўллаб-қувватлайман.

Бу омилларнинг барчаси, шубҳасиз, муҳим аҳамиятга эга. Қацу жаноблари, Жаҳон банки гуруҳи ушбу масалалар техник тадқиқотларнинг ажралмас қисми сифатида жуда пухта ўрганиб чиқишини кафолатлайди, деб Сизни ишонтириб айтган эди. Мен ҳам бунини алоҳида таъкидламоқчиман. Қўшимча равишда шунини айтишим керакки, ушбу тадқиқотларнинг натижалари барча манфаатдор мамлакатларга тақдим этилади ва бу каби иншоотлар қурилиши борасида умумий, ўзаро мос нуқтаи назар ва ёндашувларни шакллантириш учун муҳокама этилади.

Сиз кутарган барча масалалар ушбу тадқиқотларнинг техник вазифалари сирасига киритилади.



Тадқиқотларни Жаҳон банкининг тартиб-қоидаларига мос равишда жалб қилинадиган, халқаро миқёсда эътироф этилган консалтинг компаниялари олиб боради.

Бизнинг ички тартиб-қоидаларга мувофиқ, банк тадқиқот натижалари бўйича мустақил хулоса берадиган Халқаро мустақил экспертлар комиссиясини таъсис этади. Жаҳон банки ошкораликни ҳамда барча манфаатдор томонларни ташвишга солаётган масалалар эътиборга олиншини таъминлаш мақсадида 2009–2010 йиллар мобайнида барча манфаатдор мамлакатлар билан маслаҳатлашувларни давом эттиради, тадқиқотларнинг натижалари тайёр бўла боргани сари Халқаро мустақил экспертлар комиссияси, шунингдек, манфаатдор мамлакатлар томонидан кўриб чиқиладиган.

Томонларнинг барчаси ўзини ташвишга солаётган масалалар тўлиқ ҳал этилганига ишонч ҳосил қилиб, Роғун ГЭСи каби лойиҳаларга сармоя киритиш мақсадга мувофиқ ва фойдали эканини маъқулласа, Ўзбекистоннинг бундай инвестицион лойиҳаларда иштирок этишга қизиқиш билдиришидан мен мамнун бўлур эдим.

Сизнинг мактубингизда таъкидланганидек, Марказий Осиёнинг энергия экспорти борасидаги салоҳиятини ривожлантириш учун кўплаб имкониятлар мавжуд. Бизнинг мақсадимиз минтақага сармоя барқарор ва изчил кириб бориши учун масаланинг техник, молиявий ва экологик жиҳатла-



рини кўриб чиқиш юзасидан Марказий Осиё мамлакатлари ҳукуматлари билан ҳамкорлик қилишдан иборатдир. Шунингдек, Сиз билан Ўзбекистонга қўшни мамлакатларнинг энергетика соҳасида дуч келаётган қисқа муддатли, лекин мураккаб муаммоларини ҳал этиш бўйича ёндашувларни муҳокама этишни истар эдик.

Биз истиқболда Ўзбекистон билан ҳамкорликни давом эттиришдан фойда манфаатдормиз.

Эҳтиром ила,

**Роберт Зеллик,
Жаҳон банки президенти**

(«Халқ сузи» газетаси, 2009 йил 15 апрель)



**Ўзбекистон Республикаси Президенти
Ислом Каримов Жаноби Олийларига**

Жаноби Олийлари!

Парижга қайтгач, гўзал мамлакатингизга иккинчи ташрифим чоғида менга кўрсатилган меҳмондўстлик ва самимий қабул учун Сизга яна бир бор миннатдорлик билдиришга ижозат бергайсиз.

ЮНЕСКО билан Ўзбекистон ўртасидаги ҳамкорликнинг муҳим жиҳатларини, айниқса, ахборот-коммуникация технологиялари ёрдамида таълим соҳасини ривожлантириш, ҳам моддий, ҳам номоддий маданий меросни асраб-авайлаш ва сақлаш масалаларини Сиз билан муҳокама қилиш имкониятига эга бўлганимдан ғоят бахтиёрман.

Ўзбекистон Бош вазирининг ўринбосари, ЮНЕСКО ишлари бўйича Миллий комиссия раҳбари Р. Қосимов билан биргаликда Ўзбекистон билан ЮНЕСКО ўртасида ҳамкорлик туғрисидаги меморандумни имзолаганимизни мамнуният билан қайд этишга ижозат бергайсиз. Бу Ўзбекистон билан ташкилотимиз ўртасидаги шериклик мустаҳкамланиб, ривожланиб бораётганидан далолат берибгина қолмай, ЮНЕСКО қамраган соҳалар доирасидаги бўлғуси ҳамкорликдаги ҳаракатларимизнинг асосий йўналишларини ҳам белгилаб беради.



Тошкент Халқаро Вестминстер университети ректори билан биргаликда ЮНЕСКОнинг иқтисодиёт бўйича кафедрасини – ЮНЕСКОнинг Ўзбекистондаги ўнинчи кафедрасини очиш борасидаги ҳужжатни имзолаганимдан ҳам ғоят мамнунман.

Ишончим комилки, бизнинг, айниқса, таълим соҳасида, Ўзбекистонда атроф-муҳитни муҳофаза қилиш ҳамда тарихий обидалар ва маданий анъаналарни асраб-авайлаш борасида тобора мустаҳкамланиб бораётган ҳамкорлигимиз (ҳар икки йилда бир марта Самарқандда ўтказилаётган «Шарқ тароналари» халқаро мусиқа фестивали сингари тадбирлар) барчанинг таълим олишини таъминлаш ва таълим сифатини оширишга, маданий меросни сақлашга, ижтимоий инфратузилмаларни ривожлантиришга, институционал қурилишга қаратилган миллий дастурларни ҳаётга татбиқ этиш ишларига катта ҳисса бўлиб қўшилади.

Мамлакатингиз билан Оролбўйи минтақасида атроф-муҳитни муҳофаза қилиш борасидаги ҳамкорликни изчил давом эттирамиз, деган умиддаман. Ўзбекистон бу йўналишда катта саъй-ҳаракатлар кўрсатмоқда.

Мамлакатингизнинг янада гуллаб-яшнашини тилаб билдирган энг эзгу истаklarимни изҳор этишга ижозат бергайсиз.

Жаноби Олийлари, Сизга бўлган ғоят юксак эҳтиромларимни қабул қилгайсиз.

**Кончиरो Мацуура,
ЮНЕСКО Бош директори**

(«Халқ сўзи» газетаси, 2006 йил 18 октябрь)

**ҚУТЛОВ МАКТУБИ****Президент Ислом Каримов Жаноби Олийларига**

ЮНЕСКО Сизни бугунги қувончли воқеа — ЮНЕСКО ва бутун Ўзбекистон Республикаси бўйлаб нишонланаётган Қарши шаҳрининг 2700 йиллик тўйи муносабати билан муборакбод этади.

Қарши шаҳрининг юбилейи каби тарихий саналарни нишонлаш халқлар маданиятини ўзаро бойитишда, халқаро мулоқот ва ҳамжиҳатликни ривожлантиришда, аввало, тинчликни мустаҳкамлашда муҳим ҳаётий аҳамият касб этади.

Ўзбекистоннинг меъморий дурдонаси — Қарши дунёнинг энг кўҳна шаҳарларидан бўлиб, Марказий Осиё цивилизацияси ва маданияти тарихида муҳим ўрин тутади. Бу шаҳар Одина ва Кўкғумбаз масжидлари, Хўжа Абдулазиз мадрасаси ва Қашқадарё узра ўтган кўприк каби меъморчиликнинг ноёб намуналари билан машҳур.

Суғдлар Нахшаб, араблар ва форслар Насаф деб атаган Қарши Амир Темур замонида, ундан кейин Бухоро амирлиги даврида муҳим аҳамиятга эга шаҳарга айланди. Бугдой, пахта ва ипак етиштириш борасида дунёга донг таратди. Буюк Ипак йўли — Балх ва Бухоро ўртасидаги муҳим стратегик жой-



да, карвон йўлларининг асосий чорраҳасида жойлашган турфа маданиятли ва кўп миллатли бу шаҳар маданий, тижорий ва илмий ҳамкорлик маркази, халқлар ва маданиятлар мулоқоти маскани ҳам бўлган. Ўз тарихий-маданий анъаналарини сақлаб қолган Қарши бугун ҳам кўплаб олим ва тадқиқотчиларнинг эътиборини жалб этиб келмоқда.

Қаршининг 2700 йиллиги ЮНЕСКО иштирокида нишонланиши бу тарихий-маданий марказни келгуси авлодлар учун динлар, маданиятлар ва цивилизациялар мулоқотининг намунаси сифатида сақлаб қолиш муҳимлигини яна бир бор тасдиқлади. Бугунги Қарши — Ўзбекистон Республикаси ҳукуматининг ўзбек халқининг маданий-тарихий меросини асраб-авайлашга қаратилган сиёсати муваффақиятининг ёрқин исботидир.

Жорий йилнинг сентябрь ва октябрь ойларида ЮНЕСКО «Жаҳон илм-фани ва маданияти дурдоналари — 1000 йиллик Хоразм Маъмун академияси ва 2700 йиллик Қарши» халқаро конференцияси ва кўргазмасини ўтказиш шарафига муяссар бўлди. Бундай тадбирлар ЮНЕСКО фаолиятининг халқлар ўртасидаги мулоқотни мустаҳкамлаш борасида кенг ёйилишида муҳим аҳамият касб этади.

Ташкилотимиз қадимий маданий ва савдо йўлларининг, яъни Буюк Ипак йўлининг тикланиши кўҳна Қарши шаҳрига ЮНЕСКОнинг асосий мақсадларга эришиш йўлида яна марказий роль ўйнаш имконини яратади, деб умид қилади. Бутун



дунёда тинчликни қарор топтириш, маданий ва диний тўсиқларни бартараф этиш, маданиятлараро мулоқот ва маданий ранг-барангликни ривожлантириш, бағрикенглик ва ҳамжиҳатлик, бунёдкорлик ва тараққийпарварлик устувор бўлган жамиятларни шакллантириш — буларнинг барчаси Ташкilotимиз фаолиятининг асосий йўналишларидан ҳисобланади.

Президент Жаноблари, Сиз тараққиётнинг маънавий ва моддий жиҳатларини қушнинг икки қанотига қиёслагансиз. Ўзбекистон ҳукумати тараққиётда маданиятнинг ролига катта эътибор бераётгани, бутун инсоният меросининг ажралмас бир қисми бўлган бу қадим заминнинг ноёб маданий ва маънавий меросини асраб-авайлаш ва тиклаш ишларини изчил қўллаб-қувватлаб келаётгани учун Сизга миннатдорлик билдириш менга мамнуният бағишлайди.

**Коичиро Мацуура,
ЮНЕСКО Бош директори**

(«Халқ сузи» газетаси, 2006 йил 1 ноябрь)



Ўзбекистон Республикаси Президенти Ислом Каримовга

Муҳтарам Ислом Абдуғаниевич!

2008 йил 28 апрель — 4 май кунлари Ўзбекистон пойтахти — гузал Тошкент шаҳрида мактаб ўқувчиларининг 42-Халқаро Менделеев олимпиадасига тайёргарлик кўриш ва уни ўтказиш чоғида кўрсатган ёрдамнингиз, мададингиз ҳамда доимий эътиборингиз учун Сизга қизгин ва самимий ташаккур изҳор этишга ижозат бергайсиз.

Барча қатнашчилар: ўқувчилар, жамоалар раҳбарлари ва халқаро жюри аъзоларининг яқдил фикрига кўра, Тошкентдаги 42-Халқаро Менделеев олимпиадаси ғоят юксак ташкилий савияда ўтди. Олимпиадаларнинг бутун тарихи мобайнида илк маротаба барча олимпиада қатнашчилари учун дастур тайёрланди ва аввалги биронта ҳам олимпиадада бўлмаган барча шарт-шароитлар яратилди. 42-Менделеев олимпиадаси мамлакатингизда Ёшлар йили деб эълон қилинган йилда ўтганлиги катта рамзий маънога эга бўлиб, битта олтин, битта кумуш ва ўн битта бронза медални қўлга киритган Ўзбекистон жамоасига улкан ютуқ келтирди. Ўқувчиларни аниқ мақсадлар йўлида тайёрлаш самараси



ўлароқ, Ўзбекистон ёш кимёгарларининг муваффақияти Сизнинг мамлакатингизда ёш истеъдод соҳиблари оқилона тарбияланаётганидан далолатдир.

Ишончим комилки, таълим, илм-фан ва маданиятнинг йирик халқаро анжумани сифатида Тошкент олимпиадаси унинг барча қатнашчилари ҳаётида унутилмас ва ёрқин воқеага айланиб қолди. Жаҳон ҳамжамияти олимпиада қатнашчилари нигоҳида замонавий Ўзбекистон воқеликларини қўриш, унинг таълим ва фан, иқтисодиёт ва маданият соҳалари, фуқаролари ҳамда ўзбек халқининг тарихи туғрисида тасаввур ҳосил қилишдек ажойиб имкониятга эга бўлди.

Сизнинг доимий ғамхўрлигингиз туфайли Ўзбекистон ёшлари ўзларининг истеъдодларини ривожлантира бориб, ўз Ватанининг равнақини ва муваффақиятларга эришишини таъминлайверишига ишончим комил. Серқирра фаолиятингизда Сизга чин дилдан муваффақият ва омадлар, Ўзбекистоннинг иқтидорли ва меҳнатсевар халқига тинчлик, омонлик ва фаровонлик тилаб қоламан.

В. Садовничий,
Евроосиё университетлари уюшмаси
президенти, М. В. Ломоносов номидаги
Москва давлат университети ректори,
Россия Фанлар академияси академиги,
профессор

(«Халқ сузи» газетаси, 2008 йил 24 июнь)



Ҳазрати Олийлари
Ўзбекистон Республикаси Президенти
Ислом Каримов Жанобларига

Жаноби Олийлари!

Мен ўзим суратга туширган энг яхши фототасвирларни муносиб бир нашр тарзида тўплаб чоп этишни кўпдан буён орзу қилар эдим. Ва ниҳоят «Ёввойи табиат манзаралари» номли альбомимнинг дунё юзини қўриши туфайли ана шу орзуим рўёбга чиқди. Бу альбомда жаҳоннинг 80 та мамлакати ва 219 та шахрида мен олган фотосуратлар жамланган.

«Assoulin Inc.» нашриёти чоп этган «Ёввойи табиат манзаралари» китоб-альбоми бир-бирини такрорламайдиган турли бобларга бўлинган бўлиб, «Табиат ғўзаллиги» бобидан — гуллар, довдарахтлар, қоялар тасвирлари; «Меъморлик намуналари» бобидан — сайр-саёҳат, томоша ва зиёрат мазмунидаги расмлар, шунингдек, «Ёввойи табиат» бобидан ҳам бир қанча ноёб фотосуратлар урин олган. Ҳар бир боб муаллиф томонидан ёзилган ва китобхонда қизиқиш уйғотишга қаратилган ихчам лавҳа ва иқтибослар билан бошланади.



Бутунжаҳон ёввойи табиат ва атроф-муҳитни муҳофаза қилиш ташкилоти директори Жим Липе китобга сузбоши ёзган.

Ушбу альбом DVD (электрон диск) шаклида ҳам чиқарилган бўлиб, у муқованинг охири варағи ичкарасига биркирилган. Диск фотосуратларнинг мультимедиа слайд-шоуси учун мўлжалланган; уни фақат компьютер орқали томоша қилиш мумкин.

Мазкур альбомни Сизнинг эътиборингизга ҳавола этиш ва у Сизга манзур бўлади, деб умид қилиб қолиш менга катта мамнуният бағишлайди.

Самимият билан,

**Профессор Херш Чадха,
Қироллик фотография
жамияти (ARPS) аъзоси,
(Буюк Британия)**

2009 йил 26 январь

Эслатма: ушбу альбомга муаллиф томонидан суратга олинган Бухоро шаҳридаги қадимий ва ноёб меъморий обида — Қўшмадрасанинг фототасвири ҳам киритилган.



ЎЗБЕК ХАЛҚИНИНГ ЖАҲОН ФАНИ РИВОЖИГА ҚўШГАН УЛКАН ҲИССАСИНИНГ ЯНА БИР ЭЪТИРОФИ

Давлатимиз раҳбарининг «Биз киммиз, қандай улуг аجدодларнинг ворисларимиз» деган савол ҳар бир юртдошимизни ўйлантирмоғи лозимлиги ҳақидаги даъвати ҳаётда ўзининг амалий тасдиғини топмоқда. Хоразм Маъмун академиясининг 1000 йиллиги кенг миқёсда нишонланиши ва шу муносабат билан юртимизда амалга оширилган бунёдкорлик ишлари ҳам бу фикрнинг ёрқин далили бўла олади.

Хоразм Маъмун академиясининг 1000 йиллиги муносабати билан Президент Ислам Каримов номига қўплаб халқаро ташкилотлардан, жаҳоннинг таниқли фан ва маданият арбобларидан, хорижий давлатларнинг илмий марказлари ва олий ўқув юртлари раҳбарларидан табрик мактублари келди.

Ушбу хатларда давлатимиз раҳбарининг бевоқиф раҳбарлигида инсоният цивилизациясининг энг қадимги ўчоқларидан бири бўлмиш Ўзбекистон ҳудудида жойлашган бир неча минг йиллик маданий обидалар, ёдгорликлар, осори атиқаларни қайта тиклаш, уларга иккинчи умр бахш этиш, энг муҳими, ёш авлодни мана шу буюк меросга садоқатли ворислар этиб тарбиялаш борасида олиб



борилаётган тарихий ишларга юксак баҳо ва самимий эътироф акс этган.

Ўзбекистон Республикаси Президенти Ислом Каримов номига йўллаган табригида Ислом конференцияси ташкилоти Бош котиби Акмалиддин Эҳсон ўли куйидагиларни ёзади:

«Ислом конференцияси ташкилоти Сизнинг ўзбек халқининг нодир миллий қадриятларини тиклаш, бой илмий-маърифий, маданий ва маънавий меросини ўрганиш ва асраб-авайлаш ҳамда кенг тарғиб қилиш борасидаги саъй-ҳаракатларингизни юқори баҳолайди.

Дарҳақиқат, қадим Хоразм диёридан етишиб чиққан маърифат юлдузлари — Муҳаммад ал-Хоразмий, Абу Райҳон Беруний, аз-Замаҳшарий, Нажмиддин Кубро сингари буюк олим ва мутафаккирлар ислом цивилизацияси ривожига ва жаҳон илм-фанга тараққиётга беқиёс ҳисса қўшганликларини дунё афкор оммаси эътироф этади».

М. Ломоносов номидаги Москва давлат университети ректори академик В. Садовничийнинг давлатимиз раҳбари номига йўллаган мактубида, жумладан, шундай сатрлар бор:

«Хоразм Маъмун академиясининг жаҳон цивилизацияси тараққиётга қўшган улкан ҳиссаси, бугунги кунда ёш авлодни миллий ғурур ва ўз мамлакатига тарихига чуқур ҳурмат руҳида тарбиялаш ишидаги аҳамияти беқиёсдир. Мазкур академия минтақада илм-фанни ривожлантириш билан бирга давлатларнинг ўзаро маданий алоқаларини, турли дин-



га мансуб халқлар ўртасида дўстлик ришталарини мустаҳкамлаш борасида тарих саҳифаларида чуқур из қолдирди. Сизнинг ташаббусингиз билан қайта тикланган ушбу илм даргоҳи бугунги кунда бутун дунёда маданият ва тараққиётнинг олий мақсадларини тарғиб этишга хизмат қилмоқда.

Ҳурматли Ислом Абдуганиевич, ушбу унутилмас кунда Сизга Ўзбекистон Республикасининг равиқи ва халқининг фаровонлиги йўлидаги улкан ишларингизда янгидан-янги муваффақиятлар, Хоразм Маъмун академияси жамоасига эса илм-фан ва таълимни янада ривожлантиришда улкан ютуқлар тилайман».

Мисрдаги «Ал-Азҳар» илмий мажмуаси раҳбари Шайх Муҳаммад Саййид Тантовий ўз табригида куйидагиларни таъкидлайди:

«Сизнинг ташаббусингиз ва ҳар томонлама қўллаб-қувватлашингиз натижасида қайта тикланган мазкур тарихий-илмий марказ — Хоразм Маъмун академияси бамисоли ўтмиш ва келажакни боғлаб турувчи робитадир. Биз ушбу илм даргоҳи мисолида Ўзбекистонда илм-фан, маданият ва таълим соҳаларига берилаётган улкан эътиборнинг яққол исботини кўрамыз. 1000 йиллик юбилейнинг кенг нишонланиши эса унинг дунёда катта аҳамиятга эга эканлигидан яна бир далолатдир».

«Корея — Ўзбекистон жамияти» раиси Ким Юн Сок ўзининг самимий эътирофини куйидаги сўзлар билан ифода этган:



«Иқтисодиётнинг юксалишида, айниқса, таълим муҳим ўрин тутди. Шу муносабат билан Ўзбекистон Президенти жаноб Ислам Каримовга таълим сифатини ошириш масаласига давлат сиёсатининг устувор йўналишларидан бири сифатида аҳамият бераётгани учун ўз миннатдорлигини изҳор этмоқчиман. Менинг ўзбек миллатининг келажаги ёруғ эканига ишончим комил. Дунёга Беруний, Ибн Сино, Алишер Навоий каби буюк аллома ва мутафаккирларни берган бу халқ бутун жаҳоннинг илм-фан бешикларидан бири ҳисобланган Маъмун академияси таъсис этилганининг 1000 йиллигини кенг нишонламоқда.

Агар Ибн Сино бўлмаганида Фарб тиббиёти бугунги тараққиётига эриша олмасди. Бундан ташқари, «0» рақамини кашф этган Ал-Хоразмий бўлмаганида математика ва физика фанлари бугунги даражага кўтарила олармиди?»

«Темурийлар даври тарихи ва маданиятини ўрганиш» Франция ассоциацияси Президенти Люсьен Керен ва Бош котиби Фредерик Брессаннинг Юртбошимизга йўллаган табрик мактубида қуйидагиларни ўқиймиз:

«Биз ассоциациямиз номидан Буюк Ипак йўлида жойлашган Хива шаҳрида ЮНЕСКО шафеълигида ўз юбилейини нишонлаётган, инсон дунёни англаши учун янада кенг йўл очишга хизмат қиладиган ғояларни тарғиб этиб келган Хоразм Маъмун академияси жамоасини чин кўнгилдан табриклаймиз.



Ушбу юбилей бугунги кунда, йигирма биринчи асрда Ўзбекистон Республикаси Президенти Ислам Каримов ташаббуси билан «Байтул ҳикма»га — X—XI асрларда илм-фанни ривожлантириш йўлида беқиёс хизмат қилган илм даргоҳига кўрсатилаётган юксак ҳурмат-эътибор намунасидир. Бу Мағрибу Машриқда яшаган халқлар ўртасидаги ҳамжиҳатликнинг асосларидан бири доимо маданият бўлганини яна бир бор исботлайди».

Хоразм Маъмун академиясининг инсоният илмий-маънавий меросига қўшган буюк ҳиссасини юқори баҳолаган Корея Республикасининг Кёнги университети Президенти Бюнг Мук Ким ўз мактубида бундай ёзади:

«Шуни комил ишонч билан айтиш мумкинки, олимларнинг башарият тарихидаги илк ҳамжамияти бўлган Маъмун академияси жаҳон илм-фани ривожига беқиёс ҳисса қўшган. Шу боис, муҳтарам Президент, Сизнинг Хивада Хоразм Маъмун академиясини тиклаш туғрисидаги 1997 йилда қабул қилган фармонингиз ғоят муҳим воқеа бўлганини алоҳида таъкидламоқчиман. Бу Ўзбекистоннинг бой илмий, маънавий ва маданий меросини тиклаш ишига Сизнинг юксак эътиборингиздан яна бир далолатдир».

Япониянинг Сока университети ректори Масами Вакаэ ҳам Ўзбекистон Президентини инсоният тамаддунининг йирик илмий ўчоқларидан бўлмиш Хоразм Маъмун академиясининг 1000 йиллиги билан самимий қутлайди:



«Ушбу академияда камол топган буюк аллома, қомусий олим Абу Али ибн Сино илм-фанни инсоният йўлини ёритувчи мингларча қуёшга қиёслаган эди. Шуни ишонч билан айтиш мумкинки, бугунги кунда ҳам қайтадан дунё юзини кўрган мазкур маърифат маскани курраи заминда яшовчи халқларнинг бир-бирини маънан бойитиш, адолат, тинчлик-тотувликка интилиш йўлини нурафшон этиб турибди. Шу нуқтадан назардан қараганда, Сизнинг инсоният олдидаги хизматларингиз алоҳида эътиборга лойиқдир».

Франциянинг Сорбонна университети Президенти Пьер-Ив Энин ўзининг қутлов мактубида бундай деб ёзади:

«Хоразм Маъмун академияси бундан 1000 йил муқаддам илм-фанни ривожлантириш учун ғоят мустақам илмий асосга эга бўлган. Бу илмий ҳамжамият ўша пайтдаёқ бугун ҳам ўз аҳамиятини йўқотмай келаётган илмий тадқиқотларнинг асосий йўналишларини белгилаб берган эди.

Бугун биз ўтмишни англаш учун ўз тарихини ардоқлайдиган, эрамининг икки минг йиллиги туташган даврда яшаган ажодлари муваффақиятларининг ҳурматини жойига қўядиган ўзбек халқини муборакбод этиш имкониятига эгамиз».

Германиянинг Макс Планк номидаги фанлар тарихи институти директори Юрген Ренн Марказий Осиёнинг юрагида жойлашган Ўзбекистоннинг қадимий ва бой маданий-маърифий меросининг тарихий аҳамиятини бундай эътироф этади:



«Хоразм Маъмун академиясининг қайта тикланиши Ўзбекистон мустақилликка эришганидан кейин мамлакатда илмий-маданий меросни асраб-авайлаш ва ривожлантиришга катта эътибор берилётганидан яна бир далолатдир. Германиянинг Макс Планк фанлар тарихи институти, Хоразм Маъмун академиясини тиклаш орқали аъёналарни мустаҳкамлаш нафақат буюк ўтмиш, балки келажак учун ҳам катта имкониятлар эшигини очиб берадики, бундан турли фан ва маданиятлар интеграцияси фақат фойда кўради, деб ҳисоблайди. Академиянинг қайтадан дунё юзини кўришида мана шундай истиқбол мавжуддир».

Россия Федерациясининг «Курчатов институти» илмий маркази президенти, академик Е. Велихов табригидан қуйидаги самимий тилаклар ўрин олган:

«Хоразм Маъмун академиясини тиклаш тўғрисидаги қарор Ўзбекистон раҳбариятининг миллий илм-фанни ривожлантиришга жиддий ва комплекс ёндашувидан далолатдир.

Шу муносабат билан Сизга ва Ўзбекистоннинг бунёдкор халқига фаровонлик ва барқарорлик, қудратли ва гуллаб-яшнаётган мамлакат барпо этиш йўлида янгидан-янги муваффақиятлар тилашга ижозат бергайсиз».

Франция Фанлар академияси президенти Эдуард Брезин Ўзбекистонда нишонланаётган Хоразм Маъмун академияси юбилейи муносабати билан давлатимиз раҳбарига йўллаган табригида шундай ёзади:



«Маъмун академияси бугун мен раҳбарлик қилаётган академиядан олти асрдан кўпроқ вақт илгари мавжуд бўлгани яхши маълум. Европада илмий тафаккур юнонлар давридан кейин деярли тўхтаб қолган бир пайтда бугунги ўзбек заминида фан ва техника юксак ривож топганидан биз ҳайратда қоламиз.

Ишонамизки, бу ажойиб юбилей барча ҳамюртларингизга илҳом бағишлаб, мамлакатингизнинг ёш ва ёрқин истеъдод эгаларини ўз аجدодларининг шонли анъаналарини бойитиш йўлида сафарбар қилади. Зотан, башариятнинг эзгу мақсадлари ҳам айнан шундан иборатдир.

Яна шунга аминмизки, миллий анъаналаридан қатъи назар, курраи заминдаги барча халқларнинг ўзаро мулоқот ўрнатиши, ҳамжиҳатлик ва ҳамкорликни йўлга қўйишида фан муҳим восита бўлиб хизмат қилади. Ўзбекистон бугунги тантаналар орқали фан ва техниканинг роли ва истиқболини янада юксак даражага кўтаришига ишончимиз комил».

Корея Республикаси Миллий ассамблеяси депутаты, Бош вазирнинг собиқ ўринбосари Ким Жин Пё ўз мактубида давлатимиз раҳбарини Хоразм Маъмун академиясининг 1000 йиллиги билан қутлайди ва мазкур илм-фан марказининг аҳамиятини алоҳида таъкидлайди:

«Сиз, Жаноби Олийларини ва Сиз орқали дўст Ўзбекистон халқини тарихий сана — Хоразм Маъмун академиясининг 1000 йиллиги билан муборакбод этишдан бахтиёрман.



Ажойиб мамлакатингизнинг шонли тарихи муҳим воқеаларга бой ва уларга кўп давлатлар ҳавас қилса арзийди. Шулардан бири қадим Хоразмда Маъмун академиясининг ташкил этилишидир. У нафақат сизнинг мамлакатингиз алломалари, балки инсоният цивилизацияси тараққиётига катта ҳисса қўшган Яқин ва Ўрта Шарқ олимлари учун ҳам илмий ғоялар марказига айланган эди.

Ҳозирги қудратли давлатларнинг айримлари ҳали жаҳон харитасидан жой олмаган кезларда бугунги Ўзбекистон ҳудудида табиий ва ижтимоий фанлар соҳасида тадқиқотлар билан шуғулланувчи илмий ҳамжамият мавжуд бўлганлигининг ўзи ҳайратланарли ҳолдир. Бу ўринда Хоразм Маъмун академиясининг асосчиларидан бири, машҳур қомусий олим Абу Райҳон Берунийни эслашнинг ўзи кифоя.

Бугунги Ўзбекистоннинг бой маданий ва тарихий меросини асраш, ўзбек халқининг кўп асрлик маънавий анъаналаридан мамлакат миллий манфаатлари йўлида самарали фойдаланиш борасида Сизнинг раҳбарлигингизда олиб борилаётган сиёсат эҳтиром ва ҳайратимизни янада ошириши шубҳасиздир.

Сизнинг меҳмондўст мамлакатингизга икки марта бориш бахтига муяссар бўлганман ва ўзбек халқи ўз тарихий меросини асраб-авайлашга нечоғлиқ катта эътибор беришига ишонч ҳосил қилганман. Хоразм Маъмун академиясининг 1000 йиллиги тантаналари ҳам бунинг ёрқин далили бўлиб, дунё илмий жамоатчилиги учун муҳим аҳамиятга эгадир.



Мен Сизнинг халқингизнинг шиорига айланган, «Ўзбекистон — келажаги буюк давлат» деган сўзларингизни кўп эшитганман. Бой тарихий меросга эга ўзбек халқи вақтинчалик қийинчиликларга қарамай тез орада фаровон, иқтисодий ривожланган давлат қуришига қатъий ишонаман».

Россия тиббиёт фанлари академияси президенти, Н.Блохин номидаги Россия онкология илмий маркази директори, РФА ва РТФА академиги, профессор М.Давидов инсоният тарихидаги илк илмий академиялардан бири — Маъмун академиясининг 1000 йиллик юбилейи аҳамиятини таъкидлар экан, бундай ёзади:

«Бу юбилей ҳақиқатан ҳам жаҳоншумул аҳамиятга эга. 1004—1017 йилларда жаҳон цивилизацияси бешикларидан бўлмиш қадим ўзбек заминидида ташкил этилган Маъмун академияси Шарқнинг маънавият ва маърифат марказига айланган эди.

«Байтул-ҳикма» деб номланган ушбу академия ўша даврнинг илгор мутафаккирларини бирлаштирди. Ушбу илм даргоҳида археология, тарих, фалсафа, тил, адабиёт, биология ва бошқа кўплаб фанлар бўйича илмий тадқиқотлар ўтказилган, араб, ҳинд ва юнон мутафаккирларининг асарлари ўрганилган. Маъмун академияси Беруний, Ал-Хоразмий ва бугунги ўзбек заминининг шон-шухратини бутун дунёга ёйган бошқа буюк алломалар асос солган илмий анъаналарнинг муносиб давомчиси ҳисобланади.



Тиб илми вакили сифатида бу ишга дунёда Авиценна номи билан машҳур Абу Али ибн Синонинг қўшган улкан ҳиссасини алоҳида таъкидлаб ўтиш лозим деб ўйлайман. У кўп асрлар аввал инсониятнинг бу соҳадаги билим ва тажрибаси ривожини белгилаб берди. Бугун ҳам бутун дунё олимлари ва шифокорлари унинг ўз аҳамиятини йўқотмаган боқий асарларини ўрганмоқда.

Ажойиб юбилей муносабати билан Сизга ва бутун ўзбек халқига мустақил Ўзбекистонда қайта тикланган буюк илм ўчоғи — Маъмун академиясининг илмий ва маърифий анъаналарини янада ривожлантириш йўлида муваффақиятлар тилайман».

Қозоғистон Республикаси Таълим ва фан вазирлигининг Р. Сулейменов номидаги Шарқшунослик институти директори, тарих фанлари доктори М. Абусеитованинг Қозоғистон олимлари номидан давлатимиз раҳбари Ислам Каримовга йўллаган мактубида бундай сатрлар бор:

«Хоразм Маъмун академияси жаҳон цивилизацияси тарихида ёрқин из қолдирган ва муносиб ўрин эгаллаган илм даргоҳидир. Бу қутлуғ маскан дунёга Абу Райҳон Беруний, Ибн Сино каби даҳоларни етиштириб берди, минтақада табиий, ижтимоий ва гуманитар фанларнинг ривожланишига кенг йўл очди, халқлар ва давлатлар ўртасида маданий алоқаларни мустаҳкамлашга хизмат қилди.

Халқларимизнинг минг йиллардан буён давом этиб келаётган тарихий муштараклиги Марказий Осиё тараққиётида муҳим омил ҳисобланади. Бугун ҳам



ана шу анъана ҳозирги Марказий Осиёдаги интеграция жараёнларига ижобий таъсир кўрсатмоқда.

Сизнинг Хоразм Маъмун академиясига кўрсатаётган улкан эътибор ва ғамхўрлигингиз шонли илмий анъаналарни тиклаш, маданият, замонавий илм-фан ва технологияларни ривожлантиришга хизмат қилмоқда.

Бутун башарият тараққиётига инсонпарварлик ғоялари билан йўғрилган маданият ва фаннинг салоҳиятига таянган ҳолдагина эришиш мумкинлигига ишончимиз комил».

Мисрдаги Араб университетлари иттифоқи бош котиби Солиҳ Ҳошим давлатимиз раҳбарига йўллаган ўз табригида мазкур академиянинг жаҳон цивилизацияси тараққиётида тутган мислсиз ўрнини бундай таърифлайди:

«Сизнинг ташаббусингиз ва ҳар томонлама қўллаб-қувватлашингиз туфайли қайта тикланган мазкур илмий-тарихий марказ ўтмиш ва келажак ўртасида, жумладан, Бағдод Маъмун академияси ва Хоразм Маъмун академияси ўртасидаги робитадир. Хоразм Маъмун академияси — Ўзбекистонда фан, маданият ва таълимга кўрсатилаётган улкан эътиборнинг яққол далили, 1000 йиллик юбилейининг кенг нишонланиши эса унинг оламшумул аҳамияти эътирофидир.

Мусулмон дунёси ўзбек халқининг маданий-тарихий мероси билан ҳақли равишда фахрланади, Маъмун академияси эса бунда алоҳида ўрин тутadi».

Россия Федерацияси таълим вазири Андрей Фурсенконинг мактубида қуйидаги сатрлар бор:



«Ҳозирги замон цивилизациясининг гуманитар асосини шакллантиришга улкан ҳисса қўшган Хоразм Маъмун академиясининг 1000 йиллиги тантаналари муносабати билан самимий табрикларимни қабул қилгайсиз.

Маъмун академиясида Абу Райҳон Беруний, Абу Али ибн Сино, Муҳаммад Хоразмий каби буюк олимлар иш олиб боргани яхши маълум. Уларнинг илм-фаннинг турли соҳаларидаги кўп қиррали фаолияти натижасида инсоният табиат, жамият ва фаннинг фундаментал қонунларини билиш борасида улкан қадам ташлади.

Маъмун академияси дунё фани солномасига номлари зарҳал ҳарфлар билан битилган ўрта аср Шарқи олимларини етиштирган йирик марказга айланди.

Россия ва Ўзбекистон Маъмун академияси анъаналарини давом эттириб, турли соҳалар бўйича олим ва мутахассислар тайёрлаш борасидаги ҳамкорликни тобора кенгайтириб бормоқда. Ўтган йилнинг июнида имзоланган Касб таълими соҳасида ҳамкорлик тўғрисидаги идоралараро битим бунга яна бир мисол бўла олади.

Сизни ушбу шонли сана муносабати билан яна бир бор табриклайман ва Маъмун академиясида янги кашфиётлар, янги ғоялар туғилишини ҳамда янги-дан-янги олимлар камол топишини тилаб қоламан».

Россия Фанлар академияси президенти Ю. Осипов давлатимиз раҳбарига йўллаган мактубида Хоразм Маъмун академиясининг цивилизация тарихидаги роли ва ўрни ҳақида алоҳида тўхталади:



«Хоразм Маъмун академиясининг ташкил этилиш тарихи ва фаолияти — ўзбек халқининг жаҳон фанига, ҳозирги замон цивилизациясини шакллантиришга қўшган улкан ҳиссасининг яна бир тасдиғидир.

Ўзбекистон ўзининг бой илмий, маданий ва маънавий салоҳияти билан доимо оламни дол қолдириб келган. Хоразм Маъмун академиясининг тарихий аҳамияти шундан иборатки, унда Беруний, Ибн Сино, Ал-Хоразмий каби буюк олимлар фаолият олиб бориб, жаҳон фани тараққиётига беқиёс ҳисса қўшди.

Фаннинг кўп соҳалари, жумладан, математика, кимё, геодезия, минералогия, тиббиёт, фармакология, тарих, сиёсат, филология, фалсафа, мантиқ, ҳуқуқшунослик ушбу илм даргоҳи туфайли сифат жиҳатдан янги босқичга кўтарилди. Маъмун академияси нафақат Шарқ, балки бутун инсоният илмий тафаккурини тараққий эттиришга, давлатлар ўртасида маданий алоқаларни мустаҳкамлашга, турли мамлакатлар, миллатлар ва динларга мансуб олимлар ўртасида дўстлик ришталарини боғлашга хизмат қилди.

Россия ва Ўзбекистоннинг илмий даргоҳлари ана шу мингйиллик анъанани давом эттириб, фаол ҳамкорлик қилаётгани, илғор ғояларга асосланган ҳолда, биргаликда тадқиқотлар олиб бораётганини таъкидлашдан мамнунман.

Ишончим комилки, мухтарам Ислон Абдуганиевич, буларнинг барчаси Сизнинг мамлакат илмий салоҳиятини юксалтириш, бутун инсоният маънавий хазинасига салмоқли ҳисса қўшган ўзбек халқи-



нинг улкан маданий ва илмий меросини сақлаш ҳамда бойитишга қаратаётган алоҳида эътиборингиз натижасидир».

Малайзия Фанлар академияси президенти Аҳмад Захаруддин Идрус шонли сана муносабати билан Ўзбекистон Республикаси Президенти Ислон Каримовга юборган табригида шундай деб ёзади:

«Сизга Хоразм Маъмун академиясининг 1000 йиллиги муносабати билан Малайзия Фанлар академияси номидан табрик йўллаш мен учун катта шарафдир.

Бу сананинг нишонланиши муҳим воқеа бўлиб, у ўзида инсоният цивилизацияси тарихида улкан из қолдирган Ўзбекистон бой илмий ва маданий меросини яна бир бор намоён этади.

Ишонамизки, Хоразм Маъмун академиясида бундан буён ҳам жаҳоннинг илғор олим ва тадқиқотчиларини жалб этиш борасидаги ишлар изчил давом этади. Бу эса, ўз навбатида, келажак авлодларни тарбиялаш ишида мазкур илм даргоҳининг ўлмас меросидан фойдаланиш имкониятларини янада кенгайтиради».

Озарбойжон Миллий фанлар академияси президенти Маҳмуд Керимовнинг Ўзбекистон Президентига йўллаган табригида қуйидаги фикрларни ўқиш мумкин:

«Маъмунлар сулоласи ҳукмронлиги даврида ташкил этилган Хоразм Маъмун академиясида истеъдодли олимлар ва уларнинг шогирдлари самарали илмий фаолият олиб бориши учун кенг шаро-



ит яратилган эди. Бунинг натижасида 1017 йилга келиб мазкур илм даргоҳида фаннинг астрономия, математика, тиббиёт, кимё, физика, география, минералогия, ҳуқуқшунослик каби соҳалари изчил ривож топди.

Айниқса, фалакиёт илмида катта ютуқларга эришилди. Юлдузлар ва сайёралар ҳаракатининг астрономик жадвалларига ўзгартиришлар киритилди, янги астрономик жиҳозлар яратилди. Абу Райҳон Беруний 1004 йили ана шундай ускуналардан бирининг ёрдамида ой тутилишини олдиндан айтиб берди ва бу ҳодисани кузатди.

Хоразм Маъмун академияси фаолиятида аниқ фанлар билан бирга ижтимоий фанлар, жумладан, фалсафа, тарихга оид тадқиқотлар ҳам алоҳида ўрин тутган. Академия аynи пайтда санъат ва адабиёт маркази сифатида ҳам машҳур бўлган.

Ўзбекистонда илмий ва маданий анъаналарни тиклаш, илм-фан ва таълимни ривожлантириш, ўзбек халқининг буюк алломалари ишларининг муносиб давом эттирилишида Сизнинг, муҳтарам Президент, хизматларингиз бекиёсдир! Бунинг Сизнинг фармонингизга биноан 1997 йилда Хивада Маъмун академиясининг қайта ташкил этилиши ҳам исботлаб турибди.

Сизни Хоразм Маъмун академиясининг 1000 йиллик юбилейи билан яна бир бор муборакбод этишга ва Ўзбекистон олимларига янгидан-янги ютуқлар тилашга ижозат бергайсиз!»



Хитой Ижтимоий фанлар академиясининг Жаҳон тарихи институти директори Юй Пэй табригида шундай сатрларни ўқиймиз:

«Марказий Осиё қадимий жаҳон цивилизациясининг бешикларидан биридир. Бу ерда неча юз йиллар аввал ҳам турли маданиятлар ёнма-ён яшаган, илғор илм-фан ва технологиялар ривож топган.

Хоразм Маъмун академияси машҳур астрономлар, файласуфлар, шифокорлар ва бошқа соҳа мутахассисларининг илму маърифат ўчоғи бўлган.

Ибн Синонинг машҳур «Тиб қонунлари» асарида баён этилган даволаш усуллари анъанавий Хитой табobatiда ҳам кенг қўлланилган.

Ишонамизки, Хоразм Маъмун академияси 1000 йиллигининг кенг қўламда нишонланиши халқларимиз ўртасида илмий алоқалар ва ўзаро ҳамкорликни ривожлантиришга хизмат қилади».

Хоразм Маъмун академиясининг 1000 йиллиги муносабати билан мамлакатимиз раҳбари ва ўзбек халқи номига ЮНЕСКОнинг Париждаги Бош қароргоҳи, бошқа қўплаб илмий доиралар намояндаларидан ҳам мактублар олинди.

(ЎЗА — «Жаҳон»)

2006 йил, ноябрь



**Ўзбекистон Республикаси Президенти
Ислом Каримов Жаноби Олийларига**

Муҳтарам Президент жаноблари!

Баҳор байрами — Наврӯзи олам кириб келаётгани муносабати билан Сиз, Жаноби Олийларини ҳамда барча ватандошларимизни ушбу қутлуғ айём билан самимий муборакбод этишга ижозат бергайсиз.

Сизнинг оқилона раҳбарлигингизда Ўзбекистонда амалга оширилаётган улкан янгиланишлар ҳамда тинчлик, фаровонлик ва тараққиётни таъминлашга қаратилган саъй-ҳаракатлар биз, Саудия Арабистони Пошоҳлигида яшаётган ўзбекларни гоят қувонтиради.

Таълим, фан ва маданият масалалари бўйича Халқаро ислом ташкилоти — ISESCO томонидан Тошкентнинг 2007 йилда ислом маданияти пойтахти, деб эълон қилиниши, шубҳа йўқки, юртимизнинг, буюк аجدодларимизнинг жаҳон цивилизацияси ва ислом маданияти ривожига қўшган буюк ҳиссасининг ёрқин эътирофидир. Бу олий мақом бизга чексиз гурур ва ифтихор бахш этади.

Сиз, Жаноби Олийларининг диний қадриятларни, ўзбек заминидан етишиб чиққан буюк аллома ва мутафаккирларнинг бой меросини тиклаш ва асраб-авайлаш йўлидаги саъй-ҳаракатларингиз ҳар қанча таҳсинга лойиқдир.

Сунъий йўлдош алоқаси орқали «Ўзбекистон» телерадиоканали дастурларини кузата бориб, Сизнинг



хайрли ташаббусингиз билан Самарқанднинг 2750 йиллик ҳамда Марғилоннинг 2000 йиллик тўйларига тайёргарлик борасида амалга оширилаётган улкан бунёдкорлик ишларига гувоҳ бўлмоқдамиз. Бу қадимий ва ҳамиша навқирон шаҳарларимиз бутун ислом оламида машҳурдир. Жаноби Олийлари, Истиқлол йилларида Ўзбекистон эришаётган ютуқлар билан телевидение орқали танишиш имконияти яратилгани учун Сизга чуқур миннатдорлик изҳор этамиз.

Ушбу қувончли кунларда Парвардигордан Сизнинг доно раҳбарлигингизда тараққий топиб бораётган Она Ўзбекистонимизга узоқ йиллар тинчлик ва фаровонлик ато этишини, уни жамики балоқазолардан асрашини сўраймиз.

Камоли эҳтиром билан,

Саудия Арабистони Подшоҳлигида истиқомат қилаётган ўзбеклар номидан:

**Сафохон Жалолхон Тўра Марғилоний,
Тўрахон Жалолхон Тўра Марғилоний,
Мелибек Тошкандий,
Мўминжон Исмоилжон Андижоний,
Олимжон Исмоилжон Андижоний,
Аҳмадали Турон Туркистоний,
Абдуллажон Исмоилжон Туркистоний,
Абдурахмон Хўжа Туркистоний**

**Саудия Арабистони Подшоҳлиги,
Жидда шаҳри**

(«Халқ сузи» газетаси, 2007 йил 16 март)



**Қирғизистон Республикаси Президенти
Қ. С. Бакиев Жаноби Олийларига**

Муҳтарам Қурманбек Солиевич!

Атоқли адиб, мутафаккир, жамоат ва сиёсат арбоби Чингиз Айтматовнинг вафоти — оғир жудолик тўғрисидаги хабарни чуқур қайғу билан қабул қилдим.

Чингиз Айтматов воқеликни бадиий образларда ёрқин акс эттириб, ҳис-туйғуларимиз ва кечинмаларимизга теран таъсир ўтказиб, ўз асарлари билан жаҳон адабиёти хазинасига улкан ҳисса қўшган адибдир. У ўзининг бутун ҳаёти ва ижоди билан халқлар дўстлиги ва ҳамжиҳатлиги, маданиятларнинг бир-бирини ўзаро бойитиши ҳамда маънавий қадриятларнинг ривожланиши учун курашиб келди.

Чингиз Айтматов ўзбек халқига ҳамisha дўсту қадрдон эди ва шундай бўлиб қолади. У ўз Ватанига садоқат ҳамда фидойилик билан хизмат қилиш тимсоли сифатида хотирамизда мангу яшайди.

Марҳумнинг қариндошлари ва яқинларига чуқур таъзия билдираман ҳамда уларга самимий ҳамдардлик сузларимни етказишингизни сўрайман.

**Ислон Каримов,
Ўзбекистон Республикаси Президенти**

(«Халқ сўзи» газетаси, 2008 йил 12 июнь)



**Тошкент,
Ўзбекистон Республикаси Президенти
муҳтарам Ислон Абдуғаниевич Каримов
Жанобларига**

Сизнинг одилона олиб бораётган саъй-ҳаракатларингиз туфайли 2008 йилда ҳамма соҳада эришилган муваффақиятлар, қабул қилинган режа-дас-турларингизнинг нақадар тўғрилиги, уни амалда бажариб, Ўзбекистон Марказий Осиё республикалари орасида олдинги сафда бориши, нафақат ўзбек халқини, балки бошқа қўшни миллатларни ҳам қувонтирмоқда. Бу ўзгаришлар иқтисодиёт, маданият, маърифат, маориф ва бошқа соҳаларда бўлаётганини ўз кўзимиз билан кўриб турибмиз.

Муҳтарам Ислон ака, 1991 йили Марказий Осиё республикалари жамоатчилиги доирасида «Ён қўшни, жон қўшни» мавзусида телекурсоват тайёрланган эди. Ана шу курсоватда Қирғизистондан мен интервью берган эдим. Унда мен қандай ишлашни, мамлакат иқтисодини қандай ривожлантиришни, давлат қуриш ва унинг хавфсизлигини таъминлашни ҳамма президентлар Ислон Абдуғаниевич Каримовдан ўрганиши керак, деган эдим. Фаришталар бу сўзни менинг дилимга солган эканми, унинг натижасини бугунги турмушимиз, бугунги ҳаётимиз яққол кўрсатиб турибди.



Ҳурматли Ислоҳ Абдуғаниевич!

Сиз ўша оғир йилларда Қирғизистоннинг Ўш, Жалолобод вилоятларида ўзбек-қирғиз халқлари ўртасида юзага келган миллий низоларни вақтида бартараф этиб, фожиали қон тукилишининг олдини олганингизни бутун дунё билади. Сизнинг қабул қилган аниқ чора-тадбирларингиз туфайли Ўзбекистоннинг Фарғона водийси, қўшни Қирғизистоннинг Ўш, Ўзган каби шаҳар ва туманларида қон тукилмади. Ўша йиллари мен Сизга мактуб ёзиб, жавоб олганман. Сизнинг мактубингизни мен кўз қорачигидек асраб-авайлаб келмоқдаман. У Сиздан менга абадул-абад эсдалик бўлиб қолади.

Илоҳим, Ўзбекистон бундан кейин ҳам ривожланган, бой мамлакат бўлиб қолсин, деб Яратгандан сўрайман.

Сизга узоқ умр, сиҳат-саломатлик тилайман. Яратганнинг ўзи бало-қазолардан, ёмон кўзлардан асрасин, ниятларингиз ижобат бўлсин.

Салом билан,

**Қирғизбой Нурқулов,
пенсионер, 83 ёшда**

**Қирғизистон Республикаси,
Жалолобод вилояти,
Олабуқа тумани, Олабуқа қишлоғи,
Иккинчи Норимбоев кўчаси, 2-уй**

2009 йил 16 март



**Қирғизистон Республикаси,
Жалолобод вилояти,
Олабуқа тумани, Олабуқа қишлоғи,
Иккинчи Норимбоев кўчаси, 2-уй
Қирғизбой Нурқуловга**

Муҳтарам Қирғизбой ака!

Сизнинг мактубингизни олдик. Хатда менинг шаънимга билдирилган самимий тилаклар, қалб кўри ҳарорати уфуриб турган, асл инсоний туйғулар билан суғорилган эзгу ниятларингиз учун алоҳида миннатдорлик билдирмоқчиман. Сиз, қирғиз биродаримизнинг ҳолисона дил изҳорингиз бўлмиш ушбу мактуб Марказий Осиё халқларининг қондош ва жондошлигининг энг ишончли исботи ҳамда «Туркистон – умумий уйимиз» деган ғоянинг нақадар ҳаётий ва долзарблигидан яна бир далолатдир.

Ўзбекистон ва унинг халқи ҳамда Марказий Осиё минтақасида истиқомат қилувчи барча халқларнинг тинч ва фаровон истиқболини кўзлаган қимматли фикрларингиз учун ташаккур айтиб, Сизга сиҳат-саломатлик тилаб қоламан.

**Ўзбекистон Республикаси Президенти
Ислоҳ Каримов**

*Тошкент шаҳри,
1995 йил 30 ноябрь*



**Ўзбекистон Республикаси Президенти
Ислом Абдуғаниевич Каримовга!**

Хурматли Ислом Абдуғаниевич, мен Сизни 30 январь — туғилган кунингиз билан чин дилимдан, узим ва оила аъзоларим номидан муборакбод этмоқчиман. Янги йил барчамиз учун энг унутилмас йил бўлсин. Қалбингизни эзгулик нафаси тарк этмасин. Қишнинг оппоқ қорларидек беғуборлик, софлик ҳамиша Сиз билан бирга бўлсин.

Мен, бошқа давлатнинг фуқароси бўлсам-да, Ўзбекистоннинг равнақини кўриб, гувоҳи бўлиб турибман. Ўзбекистон Сизнинг раҳбарлигингизда ниҳоят даражада ўсди, ривожланди ва янада кўркамлашиб бормоқда. Буни очиқ айтиш керак.

Хурматли Ислом Абдуғаниевич, ўзбек халқи учун жуда кўп иш қиялсиз. Сизнинг мамлакатингиз бой ва бадавлат бўлиб бормоқда. Армияни мустақамладингиз, завод-фабрикалар ишлаб турибди, қўшма корхоналар кўпаймоқда. Четдан келган грант ва сармояларни ўз ўрнида ишлатялсиз. Машина ишлаб чиқардингиз, трактор ишлаб чиқарадиган заводларни ишга туширддингиз. Киши ҳавас қиладиган янги-янги кўприкларни қуриб фойдаланишга топширддингиз. Темир йўллар қурилмоқда. Олтин қазиб олиш ўсди, дон тайёрлаш, пахта



етиштириш режалари бажариляпти. Қатор-қатор олий ўқув юртлари, коллежлар, лицейлар, мактаблар бунёд этилди ва янгилари қурилмоқда. Эҳ-е, санасак, адоғига етолмаймиз.

Хурматли Ислом Абдуғаниевич, Сизни кўра олмаган ғанимлар, Ўзбекистоннинг гуллаб-яшнаётганини кўра олмаётган юртфурушлар, ватангадолар бир умрга кафангадо бўлиб ўтади. «Кимда-ким ўз тупроғига хиёнат қилса, у дунёю бу дунё дўзахда куяди», деб Қуръони каримда бежиз айтилмаган.

Мен Сизнинг ютуқларингиз ҳақида қанча ёзсам ҳам оз.

Сиз бутун куч-ғайратингизни, иш фаолиятингизни Ўзбекистон учун бағишладдингиз, сочларингиз оппоқ оқарди. Кечани — кеча, кундузни — кундуз демай ишлайсиз. Сиз «Элим деб, юртим деб ёниб яшаш керак» деган шиорни бекорга айтмаган ва ўртага ташламаган экансиз.

Қадрли Ислом Абдуғаниевич, биргина Андижон воқеасини олиб кўрайлик: кунни — кунга, тунни — тунга улаб, жонингизни гаровга қўйиб, Андижонда тик турдингиз. Сиз Андижонда қатъият билан зарур чора-тадбирларни белгиламаганингизда, халқ билан бирга бўлмаганингизда манфур қора ниятли кимсалар Андижондаги тинч ҳаётни издан чиқарар эди. Бунинг учун мен Сизга тасаннолар айтаман.

Муҳтарам Ислом ака, Сиз Ўш воқеасида ҳам тик туриб ўзбекларни мардонавор ғимоя қилгансиз, Қирғизистонда яшаётган ўзбеклар менинг хал-



қим дедингиз. Бундан кейин ҳам Қирғизистондаги ўзбекларни ҳар доим ҳимоя қиласиз, деган умидда яшаймиз.

Ўзбекистоннинг гуллаб-яшнаши учун ҳормайтолмай меҳнат қилаверишингизни Оллоҳдан сўраб қоламиз. Илоё, умрингиз узоқ бўлсин, дунё тургунча туринг!

Мамлакатингиз обод, халқингиз омон бўлсин!

Ҳурмат ва эҳтиром билан,

**Абдурахмон Ҳасанбоев,
иккинчи гуруҳ ногирони,
Қирғизистон Республикаси,
Жалолобод вилояти,
Олабуқа тумани, Ахтам қишлоғи**

2006 йил 20 январь



Ҳурматли Президент!

Мен қўшни Қирғизистонда яшасам-да, Ўзбекистонни ўз Ватанимдек ҳис қиламан ва севаман. Шу сабабли Сизнинг етакчилигингизда ҳеч кимдан кам бўлмаган мамлакат 17 йилдан буён ўз истиқлолини мустаҳкамлаб, янада ривожланиб бораётганидан хурсандман.

Яқинда, мустақилликнинг бош қомуси — Конституция байрами нишонланаётган 8 декабрда Тошкентдаги муҳташам залда бўлиб ўтган тантанани, унда қатнашаётган одамлар чехрасидаги қувонч ва осойишталикни, байрамона кайфиятни телевизор орқали кўриб, Сизга ва Ўзбекистон халқига жуда ҳавас қилдим.

Тантанада Сиз жамоатчилик орасидаги оддийгина инсонни — устоз муаллимни тақдирладингиз. Бу мен учун ҳам ажойиб ва қувончли воқеа бўлди. Каттами-кичикми, барча инсонларнинг қалбини меҳр нури билан ёрита олишингизга яна бир бор амин бўлдим.

Мен 30 йил муаллимлик қилдим. Қанчадан-қанча ёшлар тарбияси учун умримни, ақл-идроким, куч-қувватимни бағишладим. Уйлаб қарасам, шу ўтган давр мобайнида ақалли бирорта ёрлиқ



билан ҳам тақдирланмабман. Шундан таъсирланганимдан Сизга мактуб йўлладим.

Оиламиз — педагоглар сулоласи, 6 та фарзандим бор. Улар ҳам, биз ота-оналар ҳам Ўзбекистон Республикасининг суви ва тузини ичиб билим олдик. Барчамиз бугун Ўзбекистон ёшлари таълим олаётган кўркем мактаблар, академик лицей ва касб-ҳунар коллежлари, олий таълим муассасалари, улардаги шарт-шароит ва замонавий техникаларни кўриб ҳавас қиламиз. Қани энди бизда ҳам шундай ўқув хоналаридан бирортаси бўлса... (1927 йилда қурилган мактабни асраб қолганман.)

Ўзбекистон халқига тилагим шуки, шундай ажойиб, жасоратли Президентни ҳамиша асраб-авайланг! Мамлакатни одилонга бошқариб, элни тинч ва осойишта сақлаб туриш — бу энг катта жасорат.

Муҳтарам Ислон Абдуғаниевич, ҳеч қачон мамлакатингизга кўз тегмасин. Оллоҳ ёмон кўзлардан асрасин.

Сизга соғлиқ, узоқ умр, куч-қувват тилайман.

Лолаҳон Музаффарова,
пенсионер,
Қирғизистон Республикаси,
Олабуқа тумани, Дўстлик қишлоғи

2007 йил 11 ноябрь



МУНДАРИЖА

Сузбоши урнида.....	3
Маънавият зиёси	8
Савоб ишни ҳар ким қилиши керак, савоб ишни ҳар кун қилиш керак	66
Дунё эътибори ва эҳтироми	148

ПРЕЗИДЕНТГА МАКТУБЛАР

Тошкент «Маънавият» 2009

Нашр учун масъул *Х. Султонов*

Тупловчи *З. Мирзақулов*
Муҳаррир *М. Қаршибоев*
Нашриёт муҳаррири *С. Аҳмедов*
Рассом *Н. Попов*
Мусахҳиҳ *О. Бозорова*
Техн. муҳаррир *Т. Золотилова*
Компьютерда тайёрловчи *Ш. Соҳибов*

Босишга 20.11.2009 й. да рухсат этилди. Бичими 84×108/32. Таймс гарнитураси. Офсет босма усулида босилди. Шартли б. т. 10,08 + 0,95 рангли вкл. Нашр т. 7,69 + 1,47 рангли вкл. 5000 нусха. Бухортма № 756. Нархи шартнома асосида.

«Маънавият» нашриёти. Тошкент, Буюк Турон, 41-уй. Шартнома 27—09.

«Шарқ» нашриёт-матбаа акциядорлик компаниясида чоп этилди. 100083. Тошкент, Буюк Турон кучаси, 41-уй. 2009.

783/5-2
1784

ПРЕЗИДЕНТГА МАКТУБЛАР



ПРЕЗИДЕНТГА
МАКТУБЛАР

Миллатлар

ISBN 978-9943-04-297-1



9 789943 042971



...dusmanlari
...malice...
...larida...
...berketil...
...yil

...dusmanlari...
...malice...
...larida...
...berketil...
...yil

...dusmanlari...
...malice...
...larida...
...berketil...
...yil

...dusmanlari...
...malice...
...larida...
...berketil...
...yil

...dusmanlari...
...malice...
...larida...
...berketil...
...yil

ПРЕЗИДЕНТГА МАКТУБЛАР





ПРЕЗИДЕНТГА МАКТУБЛАР




ТОШКЕНТ – «МАЪНАВИЯТ» – 2016

УЎК 32(575.1)
КБК 66.3(5Ў)6
П 84

«Президентга мактублар» китобининг навбатдаги – тўртинчи жилдидан Ўзбекистон Республикаси Президенти Ислон Каримов номига 2013–2016 йиллар мобайнида келган хатлар ва уларга жавоб мактубларидан айрим намуналар ўрин олган бўлиб, уларнинг барчасида Ватанимиз ва халқимизга, давлатимиз раҳбарига юксак меҳр, ҳурмат-эҳтиром, эл-юртимиз қўлга киритаётган улкан ютуқ ва марралардан фахрланиш, эртанги кунга ишонч ҳисси, жамиятимиздаги улкан ўзгариш ва янгиланишларга дахлдорлик, бугунги озод ва фаровон кунларга етганимиз учун шукроналик туйғулари яққол сезилиб туради.

УЎК 32(575.1)
КБК 66.3(5Ў)6

П 84 Президентга мактублар [Матн]: К. 4 / тўпловчи З. Мирзакулов; муҳаррир М. Қаршибоев; нашр учун масъул Х. Султонов. – Тошкент: «Маънавият», 2016. – 296 б.



© «Маънавият», 2016



СЎЗБОШИ ЎРНИДА

Ҳурматли китобхон, «Президентга мактублар» китобининг ушбу янги – тўртинчи жилдида Ўзбекистон Республикаси Президенти Ислон Каримов номига 2013–2016 йиллар давомида келган хатлар ва уларга жавоб мактубларидан айрим намуналар киритилган.

Маълумки, мазкур туркумдаги китобларнинг биринчи жилди 2006 йилда, иккинчи жилди 2009 йилда, учинчи жилди эса 2013 йилда нашрдан чиқарилган ва уларнинг барчаси кенг жамоатчилик ўртасида катта қизиқиш уйғотган эди.

Халқимиз томонидан «Мактуб – кўнгил кўзгуси, дил изҳори» деган иборалар бежиз айтилмаган. Ҳақиқатан ҳам, ушбу китобдан ўрин олган хатларни ўқир эканмиз, турли соҳа ва тармоқларда меҳнат қилаётган, ёши, касбу кори, миллати ва дунёқарашига кўра бир-биридан фарқ қиладиган мактуб эгаларининг ўй-фикрлари, орзу-интилишлари нақадар холис ва самимий экани, уларни умумий бир хусусият – она Ватанимизга, халқимизга, Президентимизга меҳр ва ишонч бирлаштириб турганини яққол сезамиз, ҳис қиламиз.

Бугунги кунда ҳар бир ватандошимиз, миллион-миллион одамларимиз катори, мустақиллик



йилларида мамлакатимизнинг илгариги қоқ, иктисодиёти бирёклама ривожланган, пахта як-каҳокимлиги ҳалокатли тус олган ўлкадан саноати жадал тараққий этаётган замонавий давлатга айлангани, иктисодиётимизнинг кейинги ўн бир йил давомида 8 фоиздан кам бўлмаган суръатлар билан барқарор ўсиб келаётгани, юртимиз, шаҳар ва қишлоқларимиз тобора гўзал ва обод бўлиб бораётганини – ана шундай улкан ютуқ ва марраларимизнинг амалий натижасини ўзи, оиласи, фарзандларининг ҳаёти мисолида аниқ кўраётганини, бир сўз билан айтганда, истиклолимизнинг энг муҳим натижаларини бу хатлар бамисоли кўзгудек ёрқин намоён этади.

Бу ҳақиқатни айнан инсоннинг ҳаёт кўрсаткичларини аниқлаш бўйича ўтказилаётган халқаро рейтингларда Ўзбекистонимиз энг нуфузли ўринларни эгаллаб келаётгани ҳам тасдиқлайди.

Масалан, Бирлашган Миллатлар Ташкилоти ҳомийлигида 2015 йилда «Дунёнинг энг бахтли мамлакатлари» деган мавзуда ўтказилган тадқиқот натижасига кўра, Ўзбекистон 158 та давлат орасида 44-ўринни, Мустақил Давлатлар Ҳамдўстлигига аъзо мамлакатлар ўртасида эса 1-ўринни эгаллади.

Ёки яна бир нуфузли халқаро ташкилот – Жаҳон иктисодий форуми томонидан тузилган рейтинг бўйича, Ўзбекистон 2014–2015 йиллардаги



ривожланиш якунлари ва 2016–2017 йилларда иктисодий ўсиш прогнозларига кўра дунёдаги энг тез ривожланаётган бешта мамлакат қаторидан жой эгаллаган.

Бундан ташқари, 2015 йилда мамлакатимиз Бирлашган Миллатлар Ташкилотининг Озиқ-овқат ва қишлоқ хўжалиги ташкилотига аъзо давлатларнинг озиқ-овқат хавфсизлигини таъминлаш бўйича Мингйиллик ривожланиш мақсадларига эришгани учун бериладиган мукофотига сазовор бўлган 14 та давлатдан бири сифатида эътироф этилди.

Яна бир муҳим мисолга эътибор берайлик. АҚШдаги нуфузли Гэллуп институти томонидан «Конуний тартибларга итоат қилиш индекси» деган мавзуда ижтимоий сўров ўтказилган. Сўровномада 3 та савол бўйича одамларнинг фикри ўрганилган. Яъни, «Сиз ўзингиз яшаётган шаҳар ёки тумандаги маҳаллий полицияга ишонасизми?», «Сиз ўзингиз яшаётган шаҳар ёки туманда кечаси хавф-хатардан кўркмасдан ёлғиз юра оласизми?», «Охирги ўн икки ойда сиз ва оила аъзоларингизнинг пул ва мол-мулки ўғирланган ҳолат содир бўлганми?» деган саволлар сўров катнашчилари эътиборига ҳавола қилинган.

Ана шу сўровнома натижаларига кўра, мамлакатимиз 141 та давлат ўртасида 2-ўринни эгаллаган.



Бизнинг ана шундай ўта муҳим ҳаётий масалалар бўйича дунё микёсида юкори даражаларга кўтарилганимиз, бу соҳада олиб бораётган ишларимиз халқаро микёсда кенг эътироф этилаётгани, ҳеч шубҳасиз, барчамизга ғурур ва ифтихор бағишлайди.

Албатта, одам кўпинча кундалик ташвишлар билан банд бўлиб, бундай ютуқларни сезмаслиги, уларга эътибор бермаслиги, уларни табиий ҳол деб қабул қилиши мумкин. Лекин «Кеча ким эдигу бугун ким бўлдик?» деган қиёсий савол, мантикий ёндашув билан ҳаётга қарайдиган бўлсак, бундай улкан ўзгариш ва натижаларнинг маъно-моҳияти яққол намоён бўлади.

Ўзбекистоннинг тарихан қисқа бир даврда юз йилларга тенг тараққиёт йўлини босиб ўтгани, бугунги кундаги барқарор ўсиш ва юксалиш суръатларини таҳлил қилар экан, кўплаб хорижий давлат арбоблари, таниқли олим ва экспертлар, умуман, ҳолис фикр юритадиган барча одамлар халқимиз эришаётган ютуқларни тан олмоқда, бу ютуқларнинг негизида турган омиллар ҳақида ҳаққоний фикр юритмоқда.

Айни вақтда биз учун энг муҳими – ана шундай ютуқларнинг ижодкори ва бунёдкори бўлган халқимиз, эл-юртимиз вакиллари бўлган оддий инсонларнинг бу борада ғурур ва ифтихор билан сўз юритиши, эришилган ана шу натижалар-



да уларнинг ҳам меҳнати, муносиб ҳиссаси борлигидир.

Бир карашда юртимизнинг олис ва чекка ҳудудларида яшайдиган, баъзан кундалик турмуш ташвишлари билан бўлиб, ижтимоий ҳаёт ўзгаришларидан йироқ бўлиб туюладиган бу одамларнинг мазкур тўпламдан ўрин олган хатларидаги самимиятни, халқимиз, давлатимиз тақдири учун қуюнчақликни кўриб, киши албатта қувонади.

Ушбу хатларнинг асосий қисмида кўрсатилган меҳр-оқибат ва яхшилик, эътибор ва ғамхўрлик учун давлатимизга, халқимизга, Президентимизга самимий миннатдорлик туйғулари ифода этилган. Бу бежиз эмас. Одамзод доимо яхшиликка интилиб, эзгу ниятлар билан яшайди. Ҳаётда яхшилик ва адолат тантанасини, қандай оғир синовлардан ўтиб бўлса-да, кўришни орзу қилади. Нега деганда, муқаддас китобларимизда айтилганидек, яхшиликнинг мукофоти – фақат яхшиликдир. Шунинг учун ҳам яхшилик қилганга албатта яхшилик қайтади, ўзига қайтмаса, болаларига, набираларига қайтади.

Яна бир эътиборга лойик жиҳати шундаки, хат муаллифлари ўз ҳаётини жамиятимизда тобора қучайиб бораётган ўзаро ҳурмат, аҳиллик ва ҳамжиҳатлик муҳитидан, бугунги эркин ва обод ҳаётимиздан, Ўзбекистонимиз эришаётган



ютуклардан айри ҳолда тасаввур қилолмаслиги ҳар бир мактубда аниқ сезилиб туради.

Мухтасар айтганда, бу хатлар юртдошларимизнинг дунёкараши, онгу тафаккурида илгари тасаввур ҳам қилиб бўлмайдиган улкан ижобий ўзгаришлар юз бераётганини ёркин намоён этади.

Бугунги кунда шиддат билан ўзгариб бораётган замоннинг ўзи шуни кўрсатмоқдаки, одамларимиз аввало ўзига, оиласига бевосита дахлдор бўлган воқеа-ҳодисалардан, ўзгаришлардан тўғри ҳулоса чиқариб, бу жараёнда ўзининг ўрни ва таъсири қандай эканини тушуниб, англаб, ҳаётга, келажакка катта ишонч билан яшамокда. Айни мана шу хусусият барча мактубларнинг бош ғояси, бош мавзуси, десак, хато бўлмайди.

Хат муаллифларининг юртимиздаги ҳар бир ўзгаришни мана шундай қайфият билан қабул қилиши, ўзи ва яқинларининг ҳаётидаги унутилмас воқеа ва ҳодисалар ҳақида, орзу-ниятларининг ушалиши, бахтли дамлар ҳақида кўнглидан ўтаётган кечинмалари, бу қувонч ва шодликларни бошқалар билан, жумладан, давлат раҳбари билан ҳам баҳам кўришга интилиши – бу ҳақиқатан ҳам, жамиятимиздаги ўзаро ҳурмат ва ишонч муҳити, одамларимизнинг гражданлик позицияси тобора мустаҳкамланиб бораётганидан дало-



лат беради. Бу айни пайтда халқимиз ижтимоий қайфиятининг муҳим устувор кўрсаткичидир.

Мазкур китобда жам бўлган хатларда оддий мактаб ўқувчисидан тортиб кўпни кўрган тажрибали инсонларгача, ишчи ва муҳандислар, деҳқон ва фермерлар, тадбиркор ва ишбилармонлардан тортиб шифокор, муаллим ва мураббийларгача, илмий-иждодий соҳа вакилларида тортиб ҳарбий хизматчиларгача, қисқача қилиб айтганда, бутун халқимизнинг овози баралла эшитилиб туради, десак, муболага бўлмайди.

Ушбу хатларни ўқир эканмиз, мамлакатимиз фуқароларининг юртимизда амалга оширилаётган кенг қўламли ислохотларни нафақат қўллаб-қувватлаши, балки Президент Ислом Каримов томонидан ишлаб чиқилган ва ҳаётга жорий этилаётган тараққиёт йўли нақадар тўғри эканига, айни шу йўл билан биз ўз олдимизга қўйган юксак мақсадларимизга эриша олишимизни тобора чуқур англаб бораётганига ишонч ҳосил қиламиз.

Мактуб муаллифлари орасида хорижий давлатларнинг фуқаролари, атоқли давлат ва сиёсат арбоблари ҳам борлиги Президентимизнинг серкирра фаолияти халқаро миқёсда, чет элларда ҳам катта қизиқиш уйғотаётгани – мамлакатимиз қўлга киритаётган улкан марралар жаҳонда тан олинаётгани ва кенг эътироф этилаётганининг яна бир амалий ифодасидир.



Бундай хатларда тинчлик ва хавфсизликни сақлаш, Ўзбекистон билан чет давлатлар ҳамкорлигининг турли кирралари, халқимизнинг қадимий ва бой тарихи, унинг жаҳон цивилизацияси ривожига қўшган ҳиссаси, Марказий Осиё минтақаси ва жаҳон миқёсидаги долзарб масалалар ечими бўйича Президент Ислом Каримов томонидан илгари сурилаётган амалий таклиф ва ҳулосаларнинг аҳамияти ҳақида сўз боради.

Ўйлаймизки, бу тўплам Ўзбекистон Президентининг мустақил тараққиётимизнинг ўта мураккаб ва юксак масъулиятли давридаги самарали фаолияти, мамлакатимизда янги ҳаёт, янги жамият қуриш йўлида халқимиз қўлга киритаётган тарихий ютуқ ва марралар, фуқароларимизнинг жамият ҳаётидаги ўзгариш ва янгиланиш жараёнларига дахлдорлик ҳисси ва бурчи, шу билан бирга, давлатимиз раҳбари томонидан халқаро жамоатчилик вакиллари билан олиб борилаётган самимий ва амалий мулоқотлар ҳақида китобхонларимиз тасаввурларини янада кенгайтиришга хизмат қилади.



МИННАТДОР ҚАЛБЛАР ШУКРОНАСИ

Халқимиз – меҳр-оқибатли, яхшиликнинг қадрини биладиган, тинч-осуда, файзу барокатли ҳаёт, ҳалол меҳнат билан топилган ризқу насиба учун шукр қилиб яшайдиган халқ. Мустақиллик йилларида эл-юртимизнинг ана шу фазилатлари янада кучайиб, янгича маъно-мазмун касб этиб бораётгани барчамизга яхши маълум. Боиси – ҳаётимиз тобора гўзаллашиб, эски замондан мерос бўлиб қолган адолатсизликлар, қолип ва мезонлар бутунлай барҳам топмоқда, одамларимиз ўз юрти ва тақдирининг ҳақиқий эгасига айланиб бормоқда.

Одамлар мана шундай эркин ва обод ҳаёт неъматларидан баҳраманд бўлар экан, уларнинг барчаси учун шукроналик ва миннатдорлик билдиришни ўзининг инсоний бурчи деб билади.

Бугунги улкан имкониятларнинг замирида аввало Ватанимиз мустақиллиги, давлатимиз раҳбари томонидан олиб борилаётган, ҳар томонлама чуқур ўйланган сиёсат мустаҳкам пойдевор бўлиб турганини кўпни кўрган халқимиз бутун қалби, вужуди билан теран ҳис этмоқда.



Шунинг учун ҳам самимий миннатдорлик сўзларини биринчи навбатда Президент Ислон Каримов номига йўлламоқда.

Бу хатларни ўқир эканмиз, уларнинг ҳар бири «Кеча ким эди бу кун ким бўлди?» деган, ҳаётимизда ўта долзарб бўлиб бораётган саволга ҳаққоний жавоб эканини кўриш, кузатиш қийин эмас.



Мухтарам Ислон Абдуғаниевич!

Ҳар бир инсон дунёга келибдики, ҳаёти давомида ҳар хил кунларни бошидан ўтказди. 2015 йили чоп этилган «Она юртимиз бахту иқболи ва буюк келажаги йўлида хизмат қилиш – энг олий саодатдир» китобингиз шу мактубни ёзишимга туртки бўлди.

Сиз бир пайтлар аросатда қолган биз қашқадарёлик аёлларни обком залига тўплаб, биз билан қилган суҳбатингизни, қимматли маслаҳатлар бериб, кайфиятимизни кўтарган, бизни руҳлантирган сўзларингизни шу китобда битибсиз.

Ўшанда болаларим жуда ёш эди. 5 нафар фарзандимнинг ёнига қайноғамнинг бевақт вафотидан сўнг етим қолган 3 нафар бола ҳам қўшилди, барчасини ўз қарамоғимизга олдик. Сиз «Пахта иши» билан ноҳақ қамалганларни озод қилдираман» деб бизни ишонтирдигиз. Айтганингиздек, уларнинг ҳаммаси озод бўлди. Аммо ғурури, ўзлиги таҳқирланган одамларнинг кўпи қамоқхоналардан касалманд бўлиб қайтди, умри узокка чўзилмади. Сизнинг ҳар бир айтган сўзингиз, ўғитларингиз қулоғим остида жаранглаб, мени яшашга, болаларимни тарбиялаб, вояга етказишга ундади. Яратганга шукур, ўғилларим



– фермер, тадбиркор, кизларим – ўқитувчи, ҳисобчи бўлиб, жамиятда ўз ўрнини топишган. 2004 йилда нафақага чиқдим. 2005 йилдан буён Ғузор туманидаги «Мустақиллик» маҳалла фукаролар йиғини маслаҳатчиси бўлиб ишлаб келмоқдаман.

2015 йил 8 декабрда 65 ёшга тўлдим. Инсон нимадандир эзилиб ёки хурсандчилигидан йиғлаши мумкин. Мен ҳам йиғладим, аммо аламдан эмас, аксинча, қувонганимдан, хурсандлигимдан йиғладим. Юртимиздаги ҳар бир инсонни ўзига қадрдон билгувчи Сиздек азиз, меҳрибон инсон Ватанимизга бош бўлгани учун Тангрига беҳисоб шукроналар айтдим. Худойим умрингизни зиёда қилсин. Сиз туфайли муқаддас ҳаж сафарига бориб, ҳожи она бўлиш бахтига муяссар бўлдим.

Сизга Оллоҳдан узоқ умр, тоғдек куч-қувват, булоқ сувидек тиник ва осуда ҳаёт тилайман. Ҳар сафар қўлларим дуога очилганида Яратгандан ўзингиз ва оилангизга бахту саодат, сихат-саломатлик, юз ёшдан ҳам ошиб юришингизни сўрайман.

Сизнинг ҳақингизга дуода бўлаётган:

**Махбуба Расулова,
Қашқадарё вилояти, Ғузор тумани,
«Мустақиллик» маҳалла фукаролар
йиғини маслаҳатчиси**

2016 йил 26 январь



**Ассалому алайкум, ҳурматли
Ислом Абдуғаниевич!**

Сизга олис Қорақалпоғистон диёридан меҳрибон оналарнинг олқиши, миннатдорлигини йўлламоқдаман. Атоқли шоирамиз Зулфия таваллудининг 100 йиллиги муносабати билан қабул қилган қарорингиз юртимиздаги барча оналар, жумладан, биз – қорақалпоқ оналарининг ҳам қалбига чексиз қувонч бахш этганини сўз билан ифодалашнинг ўзи қийин.

Мен Тошкентга борганимда Зулфияхонимнинг муаззам ҳайкали олдида туриб барча оналар ҳақида ўйладим. Қаҳрамон оналар қаҳрамон фарзандларни дунёга келтиради. Ҳаётда она учун фарзандининг бахту иқболини кўришдан ортиқ муқаддас орзу-ният йўқ.

Сизнинг «Аёлни улуғламоқ – оилани, Ватанни, ҳаётни улуғламоқ демакдир» деган сўзларингиз бизга ҳар қадамда руҳий куч ва мадад беради.

Мен ҳам онаман. Тўнгич фарзандим – қизимизни узатганмиз, неварамиз ҳам бор, шукур. Икки ўғлим талаба. Ажиниёз – Ўзбекистон давлат санъат ва маданият институтининг Нукус филиалида 4-курсда ўқимокда, Бахберген Тош-



кент ахборот технологиялари университетининг Нукус филиалида 3-курсда таҳсил олмокда.

Кичик ўғлим Бахберген Нуримбетов «Юрт келажаги – 2014», «Ёш тадбиркор – юртга мадаккор» танловлари ғолиби бўлди. 2015 йилда «Камолот» ёшлар ижтимоий ҳаракатининг стипендиясига лойик деб топилди.

Ўғилларимнинг бу ютуқ ва муваффақиятларидан жуда-жуда хурсанд бўламан. Ёш авлодимизнинг ҳеч кимдан кам бўлмасдан вояга етиши учун барча шароит ва имкониятларни яратиб бераётганингиз учун Сизга ташаккурларимни билдираман.

Бахтимизга ҳамиша соғ-саломат бўлгайсиз! Сизга миш бора раҳмат!

Алтингул Утениязова,
шоира,
Қорақалпоғистон Республикаси,
Нукус шаҳри, Саманбай маҳалласи,
Тошкент кўчаси, 39-уй

2015 йил 22 январь



Ассалому алайкум, мухтарам Ислом Абдуганиевич!

Мен бир умр қишлоқда яшадим. Қишлоқ хўжалиги соҳасида эллик йилдан ортиқ ишладим. Бугун 80 ёшни қоралаб турибман. Мен фаолиятимни бошлаган собиқ шўро давридаги иш ва турмуш шароитларимизни бугунги дориламон ҳаётимизга қиёслаб, Яратганга мингдан-мишг шукроналар айтаман.

Ўша пайтлар қилган меҳнатимиз учун раҳмат эшитиш у ёқда турсин, ҳатто ўз уйимизда, ётган ўрнимизда ҳам кўнглимизни ҳадик, қўрқув тарк этмасди. Арзимаган баҳоналар билан одамларни қатағон қилиш ёки ҳеч қандай қонуний асоссиз жиноятчи сифатида жазолаш одатий ҳол эди. Мен ҳам «пахта иши» сабаб асоссиз маломатга қолганман. Бир умр ишлаб, янги ҳовли қуриш, енгил машина олиш тугул, ҳатто оддий мебель ҳам сотиб ололмаганман.

Ўшанда Москванинг «буюртма»си билан қанчадан-қанча бегуноҳ инсонлар жабрунган бўлди. Айбсиз айбдорларнинг қўли бу иснодни қўтаролмасдан оламдан ўтди.

2 – Президентга мактублар





Шундай қалтис вазиятда халқимизни, шахсан мени ҳам бундай тухматдан Сиз, Ислон Абдуғаниевич, фақат Сиз мардларча ҳимоя қилдингиз. Бунинг учун Сиздан бир умр миннатдорман, бошим ерга теккунча таъзим қиламан.

Сиз аввал-бошдан эл дастурхонини тўкин қилиш, халқимизнинг фаровонлигини таъминлашни ўз олдингизга асосий вазифа қилиб қўйганингизни матбуот ва телевидение орқали чиқишларингизда кўп кузатганман. Бугунги кунда бозорга борган киши бир-биридан сара маҳсулотларни кўриб, қай бирини олишни билмай қолади.

Тўғриси, бугунги фермерларга роса ҳавасим келади. 6 миллион тонна пахта режасини 3 миллион 350 минг тоннагача қамайтириб, ўрнига полиз ва боғдорчилик маҳсулотлари етиштиришни вазифа қилиб қўйганингиз ва яқинда Вазирлар Маҳкамасидаги йиғилишда пахтани яна 350 минг тоннагача қамайтириш керак, деб берган топширигингиз фермерлар учун яна бир имконият бўлди.

Ўзбекистон ғалла мустақиллигига эришиши керак, деган қатъий талаб асосида истиқлолнинг дастлабки йилларида деҳқон ва олимларни йиғиб, юртимиз иқлимига мос ғалла навларини яратиш борасидаги саъй-ҳаракатларингиз бугун ижобат бўлди. Ўтган асрнинг саксонинчи-тўқсонинчи йилларида ғалладан кўпи билан 20–30 центнер



ҳосил олган бўлсак, бугунги фермерлар 80–90 центнердан хирмон кўтармоқда.

Сиз яратиб берган имконият туфайли муборак ҳаж зиёратига бориб келдим. Нуруний қайвони сифатида тўй-маъракаларда қатнашганимда бир ҳолатга кўп бора ғувоҳ бўламан. Гапнинг рости, ёшу қари, барча-барча бугунги тинч, фаровон ҳаётимизни таъминлаб берганингиз учун Сизни доим дуо қилади.

Қадрли Ислон Абдуғаниевич! Бахтимизга доимо соғ-омон бўлинг. Барча оила аъзоларим, ҳамкишлоқларим номидан Сизга мустаҳкам соғлиқ, узок умр тилайман.

**Барот Нодиров,
меҳнат фахрийси,
Самарқанд вилояти,
Жомбой тумани**

2015 йил 18 ноябрь



**Ассалому алайкум, мухтарам
Президентимиз Ислом Абдуганиевич!**

Юртимизда амалга оширилаётган улкан ишлар орасида мен каби ёрдамга мухтож инсонларга бахт улашишга қаратилган ижтимоий ислохотлар, уларнинг ҳаётдаги рўёби учун Сизга ҳадсиз-ҳисобсиз миннатдорлик билдираман. Ногирон фарзандимни соғлом болалар сафига олиб кирган Республика педиатрия илмий-амалий тиббиёт маркази ходимларига ташаккурлар айтаман.

2010 йилда тугилган қизим Сарсенбаева Аси-ма Серик қизига туғма аномалия деб диагноз қўйилганидан кейин уни бир умрга ногирон болалар сафида, келажаги кемтик ҳолда тасаввур этиб, олам кўзимга қоронғи бўлиб қолган эди. Турмуш ўртоғим билан орамизга совуқчилик тушди, оиламиз аста-секин пароканда бўла бошлади. Бироқ яқинларимизнинг маслаҳати билан уни Тошкентдаги Республика педиатрия илмий-амалий тиббиёт марказида тўлиқ текширувдан ўтказдик. Унинг дардига даво мавжудлиги қалбимизга ёруғлик олиб кирди. Аммо жароҳлик операцияси катта тўловни талаб этарди.



Оллоҳнинг марҳамати кенг, бир эшик ёпилса, иккинчиси очилар экан. Республика педиатрия илмий-амалий тиббиёт маркази маъмурияти давлат ҳомийлиги асосида қизимни имтиёзли операция қилиш мумкинлиги тўғрисида хабар берди. Яратган эгамнинг қарами ва тиббиёт ходимларининг жонқуярлиги натижасида қизим оламдаги энг гўзал ва латиф товушларни эшитиш бахтига муяссар бўлди. Мендаги бу бахтни, миннатдорлик туйғусини таърифлашга қалам, сўзлашга тил ожиз.

Бу – юртимизда «Соғлом она ва бола йили»да амалга ошириладиган улкан ишларнинг дебочаси, деб ўйлайман. Ўзбекистон шифохоналарида юксак технологиялар асосида малакали тиббий операциялар ўтказилаётгани соғлиқни сақлаш соҳасида катта ўзгаришлар юз бераётганидан далолатдир.

Ҳар бир ёрдамга мухтож оила фарзандининг дардини эътиборсиз қолдирмасдан, беқиёс ғамхўрлик кўрсатаётган Юртбошимиз олдида таъзимдаман.

**Серик Байбосинов,
Қорақалпоғистон Республикаси,
Нукус шаҳри**

2016 йил 10 февраль



**Ассалому алайкум, ҳурматли
Ислом Абдуғаниевич!**

Сизнинг саъй-ҳаракатингиз, фидойилигингиз билан бугун Ўзбекистон тараққий этган давлатлар каторидан ўрин олмоқда. Юртимизни обод қилиш, айниқса, шаҳарсозлик бўйича олиб бораётган ишларингизни биз – нурунийлар доимо юксак кадрлаймиз. Жумладан, бош режа асосида Қарши ва Шаҳрисабз шаҳарларида барпо этилаётган замонавий иншоотлар, кенг ва равион кўчалар, турар-жой бинолари, маданий ва маиший бинолар, коллежлар, мусиқа мактаблари, спорт масканлари, стадионлар кўрган кўзни қувонтиради.

Кадрли Ислом Абдуғаниевич,

Ҳисор тоғи этагида жойлашган Чоршанба қишлоғимиздан Азизбек Саматов, Ёркиной Жуманова каби Ўзбекистон чемпионлари етишиб чиқди. Бу, аввало, Сизнинг ёш авлодга кўрсатаётган эътибор ва ғамхўрлигингиз самарасидир.

Шунингдек, мўъжазгина Чоршанбада Ўзбекистон ҳарбий ҳаво кучларида хизмат қилаётган полковник Ғолиб Қурбонов, майор Турғун Қурбонов каби само лочинлари туғилиб вояга етгани билан биз доимо фахрланамиз. Ахир, бир вақтлар Қашқадарёнинг чекка бир қишлоғидан чемпион



ёки ҳарбий учувчи чиқади, деса ким ишонарди? Албатта, бу – мустақиллигимиз шарофатидан, деб биламиз. Илгариги замонда оддий маҳалла гузарига ҳам эга бўлмаган қишлоғимизда бугун тўртта замонавий тўйхона бор. Бу масканларда ҳар куни тўй.

Конституциямизнинг 22 йиллигига бағишланган маросимда 2015 йилни юртимизда «Кексаларни эъзозлаш йили» дея эълон қилганингиз биз – нурунийларни жуда хурсанд қилди.

Кадрли Ислом ака, Сиз Термиз шаҳрига Амир Темур орденини топшириш маросимида сўзлаган нутқингизда айтган мана бу сўзлар бизнинг қалбимизни тўлқинлантириб юборди: «Мен Қашқадарёга борар эканман, ўзимни худди ўз уйимга боргандек ҳис қиламан».

Сизнинг қатъият билан олиб бораётган сиёсатингиз туфайли, минг шукурки, замонимиз тинч, юртимиз фаровон, қариялар ҳурмат-иззатда. Сиз бизга тинчлик, оилавий бахт тақдим этганингизни кадрламасдан бўладими? Сиз бизни доимо қўллаб-қувватлаб келдингиз, биз доимо Сиз билан биргамиз.

Дунё тургунча туринг, бошингиз омон бўлсин!

**Абдурахим Абдусаматов,
Ўзбекистон халқ таълими аълочиси,
Қашқадарё вилояти, Шаҳрисабз тумани,
Чоршанба маҳалла фуқаролар йиғини
Нурунийлар жамоатчилиқ маркази раиси**

2015 йил 15 январь



Муҳтарам Ислом Абдуғаниевич!

Ушбу хатни Сизга йўллашдан мақсадим – бир она сифатида ўз ҳаётимдан, фарзандларим камолидан розилигим, хурсандлигимни Сиз билан бўлишишдир.

Мен – Инжигул Сабурова Қорақалпоғистонда туғилиб ўсдим, оила куриб, турмуш ўртоғим билан тўрт ўғил ва икки қизни тарбиялаб келмокдамиз.

Сизнинг 2015 йил 5 декабрда Конституциямиз қабул қилинганининг 23 йиллигига бағишланган тантанали йиғилишда она ва бола саломатлиги ҳақида алоҳида тўхталиб, «Она ва бола соғлом бўлса, оила бахтли, оила бахтли бўлса, жамият мустаҳкам бўлади», деб айтган сўзларингиз қалбимга муҳрланиб қолди. Мен бу фикрларнинг тасдиғини оилам, фарзандларим, она юртим – Ўзбекистоним мисолида кўриб яшаётган бахтиёр онаман.

Ватанимизнинг барча жойларида бўлгани каби, Қорақалпоғистонда ҳам ёшларимиз учун билим олиш, касб-хунар ўрганиш, спорт, санъат билан шуғулланиш, хоҳлаган соҳасида ўз иқтидорини намоён қилиш учун барча шароитлар



яратилган. Бизнинг болаларимиз ҳам бу имкониятлардан фойдаланиб, камолга етмоқда. Масалан, учта ўғлим санъат соҳасида ўз ўрнини топиб, эл-юртимизга хизмат қилиб, бизни қувонтирмоқда.

Иккинчи ўғлим Женисбек Пиязов 2007 йили «Нихол» мукофоти совриндори бўлди. 2010 йили эса, ёш бўлишига қарамасдан, «Шухрат» медали билан тақдирланди. 2014 йили 26 ёшида «Ўзбекистон Республикасида хизмат кўрсатган артист» деган фахрий унвонни олганини эшитиб, кўзимга беихтиёр қувонч ёшлари келди ва қалбим чексиз ғурурга тўлди.

Женисбек ўғлим уй-жойдан қийналмасдан, асосий вақти, қуч-гайрати ва истеъдодини санъатга, юртимиз хизматига бағишласин, деб, Сизнинг топширигингиз билан Тошкент шаҳрининг қок марказидан замонавий, барча қулайликларга эга бўлган янги квартира берилганини эшитиб, биз бутун оиламиз билан бирга Сиздан беҳад миннатдор бўлдик. Инсонга, санъат аҳлига бундай катта эътиборни илгари, совет даврида тушимизда ҳам кўрмас эдик.

Яна бир ўғлим – Жанибек миллий жиров йўналишида ижод қилиб, нуфузли халқаро танловлар ғолиби бўлиб келмоқда. У 2010 йили «Нихол» мукофотига сазовор бўлди. 2015 йилда Франциянинг Париж шаҳрида ЮНЕСКОнинг 70 йиллигига бағишлаб ўтказилган танловда «Энг яхши анъанавий ижрочи» йўналиши бўйича «Олтин



қўбиз» совринини қўлга киритди. Бугунги кунда у Нукус шаҳридаги 1-болалар мусика ва санъат мактабида ёшларга таълим бермоқда.

Нукус маданият ва санъат коллежида таълим олаётган кенжа ўғлим Акилбек ҳам акаларининг йўлидан бормоқда. У жаҳон мумтоз опера санъати йўналишида ижод қилиб, 2014 ва 2015 йилларда Тошкент шаҳрида, Москва шаҳрида ўтказилган танловларда юкори ўринларни эгаллади. 2015 йилнинг октябрь ойида Қозоғистон Республикасининг Чимкент шаҳрида ёш опера ижрочилари танловида ўз номинацияси бўйича ғолиб бўлди.

Сиз доим ёшларимизга карата «Сизларнинг ютуғингиз – бу бутун Ўзбекистонимизнинг ютуғи, маррани ҳамиша баланд олинг, эртанги кун – сизники, марра – сизники!» деб уларни буюк ишларга даъват этасиз. Мен бу гапларингизни ҳамма вақт болаларимга эслатиб тураман. «Сизлар ҳали катта йўлнинг бошида турибсизлар. Эл-юртимизнинг, Президентимизнинг ишончини оқлаш учун доимо изланиб, меҳнат қилишингиз, ҳали жуда катта марраларни эгаллашингиз керак», деб айтаман.

Шу йил 11 февраль куни Болалар спортини ривожлантириш жамғармаси Ҳомийлик кенгаши йиғилишидаги нутқингизда кишлоқ жойларда мусика ва санъат мактабларини қуриш бўйича берган топшириқларингиз менинг қалбимдаги.



барча кишлоқ аёлларининг кўнглидаги гап бўлди. Ўзим Қорақалпоғистоннинг Кегейли туманидаги чекка бир кишлоқда туғилиб ўсганман ва болалар учун, оналар учун бундай олис жойларда спорт ва санъат масканлари билан бирга янги мактаблар, лицей ва коллежлар, кишлоқ врачлик пунктлари, намунавий уй-жойлар барпо этилаётгани – буларнинг барчаси канча-канча ҳаётий масалаларни ҳал қилишга ёрдам беради. Энг муҳими, бундай қулай ва замонавий шароитларда катта бўлаётган болалар жуда интилувчан, кизиқувчан, кенг фикрлайдиган бўлади. Шунинг учун ҳам келгусида олис кишлоқларимиздан жуда кўплаб истеъдодли болалар етишиб чиқади, деб ўйлайман.

Бизнинг фарзандларимизга, оиламизга Сизнинг алоҳида меҳр кўрсатиб келаётганингизни доимо сезиб, ҳис қиламиз. Бунга яқинда, 2016 йил 16 февралда яна бир бор ишонч ҳосил қилдик. Ўша куни Қорақалпоғистон Республикаси Жўкорғи Кенгесида Пиязовлар оиласи вакиллари Ўзбекистон Республикаси Президенти номидан қабул қилинди. Унда Жўкорғи Кенгес Раиси Муса Ерниязов Президентимизнинг ёшларга, айниқса, интилувчан истеъдод эгаларига эътибори ҳақида гапириб, Болалар спортини ривожлантириш жамғармаси Ҳомийлик кенгашининг юкорида зикр этилган мажлисида Президенти-миз қорақалпоғистонлик йигит-қизларнинг санъ-



ат соҳасида эришаётган ютуқларига алоҳида тўхталиб, Пиязовлар оиласига ўзининг самимий саломи ва ҳурмат-эҳтиромини етказиб қўйишни сўраганини маълум қилди ва бизларга Сизнинг совғаларингизни топширди.

Оиламизга, фарзандларимизга кўрсатаётган бундай катта меҳрингиз, эътиборингизни биз ҳеч қачон унутмаймиз. Ака-ука Пиязовлар – ўғилларимнинг, умуман, оиламизнинг маъна шундай ҳурмат-эътибор топишида Сизнинг Ватанимиздаги ялт этган ҳар бир истеъдод ўқувчини кадрлаб, уларга кўрсатаётган меҳрибонлигингиз асос бўлмоқда. Агар мустақиллигимиз бўл маса, Сиздек бағрикенг, халқпарвар Президентимиз бўл маса, бизни ким биларди, ким танирди, ким бошига кўтариб, шунчалар ардоқлар эди..

Доимо соғ-саломат бўлинг. Халқимизга, юртимизга бош бўлиб, Ўзбекистонимизни ўзингиз белгилаб берган марраларга олиб чиқишда Яратганнинг ўзи Сизга мададкор бўлсин.

Чуқур ҳурмат ва таъзим билан Пиязовлар оиласи номидан:

**Инжигул Сабурова,
Нукус шаҳри,
Ешимбетов кўчаси, 46-уй**

2016 йил 16 февраль



Ассалому алайкум, мухтарам Ислом Абдуғаниевич!

Бу мактубни Сизга қирк йилдан ортиқ вақт мобайнида қишлоқ болаларига таълим ва тарбия берган, айни чоғда пенсияга чиқиб, қарилик гаштини суриб келаётган фахрий ўқитувчи ёзмоқда. Кўп истихола қилдим. Биламан, Сизнинг ишларингиз жуда кўп, давлат юмушлари, элу юрт ташвишларидан бир зум бўшашга вақт тополмайсиз. Шуларни ўйлаб, ўз истакларим ва кечинмаларимни мактуб орқали изҳор этишни лозим деб топдим.

Ёшим саксонга яқинлашиб қолди. Дунёнинг аччиқ-чучугини кўп татиб кўришга тўғри келди. Лекин, очиғини айтсам, сўнгги йигирма йил мен учун ҳақиқий саодат даври бўлди. Чунки, мустақиллигимиз туфайли халқимизга кенг имкониятлар очилди, давлатимиз томонидан қанча-қанча хайрли ишлар қилинмоқда. Сизнинг раҳбарлигингизда жамиятимиз тинчлик ва фаровонлик, дунёда ҳеч кимдан кам бўлмаслик, маърифатли, маънавиятли бўлиш йўлини танлади. Ўзбек халқи ўзининг ҳақиқий қудрати,



салоҳиятини бунёдкорлиги, аҳиллиги, илм ва маърифати билан намоиш эта бошлади.

Сизнинг сиёсатингиз муваккат обрӯ учун эмас, балки асрлар мобайнида эзилган ўзбек миллатини ҳеч кимга қарам бўлмайдиган, доимо кадрини баланд кўтариб яшайдиган, иймон-этикоди ҳам, вужуди ҳам соғлом, маънавияти юксак, келажаги порлоқ бир халқ сифатида шакллантиришга қаратилгани бугун ҳеч кимга сир эмас. Шунинг учун мен ҳам мамлакатимиз ривожига ўзимнинг камтарона ҳиссамни қўшиш ниятида 2007 йили қишлоғимизда ёшлар учун маънавият ва маърифат маркази қуриш учун ер ажратиб беришини сўраб, Қасби тумани ҳокимлигига мурожаат қилдим. Туман ҳокимлиги 30 сотих жой ажратиб берди. Боғдорчиликдан оладиган даромадимни кутубхона қурилишига сарфладим. У 2009 йилнинг 1 октябрида ишга туширилди. Кутубхонамиз фонди йиллар давомида ўзим тўплаган, турли мавзудаги 20 мингга яқин китоблар ва 2 мингдан ортиқ газета-журналлардан иборат. Кутубхонанинг 120 квадрат метрдан иборат ўқув заллари замонавий мебеллар, 3 комплект компьютер билан жиҳозланди, хоналарга ёзда салкин, қишда иссиқ қилиб турадиган кондиционерлар ҳам ўрнатилди. Ана шу кичиккина кутубхонамиз қишлоғимиз ёшларининг севимли масканларидан бирига айланди, десам, ҳеч қандай муболаға бўлмайди.



Агар Сиз ёшларга эътибор ва ғамхўрликни, маънавият ва маърифат масаласини давлат сиёсати даражасига кўтармасангиз, бир оддий ўқитувчи бундай ишларни қила олармиди?

Қадрли Ислом ака, бир ниятим бор: кутубхонамизда нодир китоблар фондини яратмоқчиман. Унда мустақиллик даврида яратилган, илм-фан, адабиёт ва санъат, умуман олганда, миллатимиз маънавиятини юксалтиришга хизмат қилаётган асарларнинг энг сара намуналарини муаллифларнинг дастхатини туширган ҳолда тўпламоқчиман.

Илоҳим, Сиз танлаган йўл, биз ишонган йўл, Ўзбекистонимизнинг тараққиёт йўли ойдин ва чароғон бўлсин!

**Холбой Хонқулов,
Қашқадарё вилояти,
Қасби тумани,
Қатағон қишлоғи**

2015 йил 29 апрель



Орзу қилган бахтга эришдим

Ассалому алайкум, муҳтарам Ислон Абдуғаниевич!

Ўзимни таништираман, мен Андижон вилояти, Шаҳрихон шаҳри, Муллавоё маҳалла фуқаролар йиғинига қарашли «Нурли келажак» маҳалласида яшайман. 1956 йили туғилганман. Сизнинг лойиҳангиз асосида қурилган намунавий уйларнинг биттаси менга ҳам насиб этиб, янги ҳовлига кўчиб кирганимиздаги қувончимни айтишга тилим ожиз, умр бўйи орзу қилиб яшаган улкан бахтга эришдим. Бунинг учун Сизга самимий ташаккуримни билдираман.

Тикувчилик ҳунарим бор, яна баҳоли қудрат қалам тебратиб тураман. Қайси йиғинга кирсам, мендан «Ёзганларингиздан ўқиб беринг», деб сўрашади. Жон деб уларга шеърлар ўқиб бераман. Юртимиздаги тинчлик ва осойишталик, дўстлик ва ўзаро меҳр-оқибат муҳитининг бош ташкилотчиси ва ҳимоячиси Президентимиз, дейман фахр билан.



Бизнинг бахтимизга, фарзандларимиз бахтига доимо омон бўлинг!

Салом ва ҳурмат билан:

Эргашхон Азимова,
Андижон вилояти,
Шаҳрихон шаҳри,
«Нурли келажак» кўчаси, 36-уй

2015 йил 16 сентябрь



Ҳурматли Ислом Абдуғаниевич!

Мен Сизга ушбу мактубни йўллаётганимдан беҳад хурсандман. Шу кунларга етказгани учун Оллоҳга минг бор шукурлар қиламан.

Менинг уч нафар ўғлим бор. Иккинчи фарзандим – Ахрорбек Акрамов тақдир тақозоси билан ногирон бўлиб туғилди. Бундай пайтда ҳаммадан ҳам кўра она қанчалик азоб чекиши, ўзини айбдордек ҳис этиб, қайғуга ботиши ҳеч кимга сир эмас, деб ўйлайман. Шифокорлар пастки жағида нуқсонни бор, деб диагноз қўйгач, ўғлимни кўрсатмаган шифокор, шифохона қолмади. Амалий натижа бўлмагач, тушкунликка тушиб, тақдирга тан бериб яшашдан бўлак чорам қолмаган эди.

Сизнинг юртимизда олиб бораётган ислохотларингиз натижалари, уларда инсон манфаатлари ҳамма нарсадан устун қўйилгани, болалар саломатлигига кўрсатилаётган катта эътибор туфайли мен учун дунё қоп-қоронғу бўлган шундай кунлар ёруғ дамларга айланди. 2013 йил фарзандим «Соғлом авлод учун» хайрия жамғармаси ёрдами билан Германияда бир йил давомида бепул даволаниб келди. Ҳозир унинг соғлиги яхши.



Бундай ғамхўрлик мени, фарзандимни ва оила аъзоларимни қанчалик хурсанд этганини таърифлашга ожизман. Бундай эзгу ишларга бош-қош бўлиб турган Сиздек Юртбошимиз борлигидан беҳад миннатдоримиз.

Мана, бошимга тушган оғир синовлардан ўтдим, кўрган-кечирган ёмон кунларим ортда қолди.

Мен ўрта махсус маълумотга эгаман. Турмуш ўртоғим – олий маълумотли, қурилиш соҳасида меҳнат қилмоқда.

Мен Сиздек меҳрибон Юртбошимдан кўрган барча яхшиликларга жавобан келажак авлодга таълим-тарбия бериш, уларнинг мустақил Ўзбекистонимиз келажиги йўлида сидқидилдан меҳнат қиладиган, она Ватанимиз шаъну шавкатини дунёга ёйишга қодир фарзандлар бўлиб улғайиши учун бор куч-ғайратимни аямайман.

Оллоҳдан сизга соғлиқ-омонлик, узоқ умр тилайман.

Ҳурмат билан:

**Мастура Тўраева,
Андижон вилояти, Марҳамат
тумани, Қорақўрғон кишлоқ
фуқаролар йиғини,
Қовунчи маҳалласи**

2015 йил 19 июль



**Ассалому алайкум, азиз Президентимиз
Ислом Каримов!**

Мен – андижонлик фермер, оддий кишлок аёлиман.

Бир пайтлар ўзбек аёли учун бугунгидек шарт-шароит ва имкониятлар яратилиши етти ухлаб тушимизга кирмаган. Оддий бир мисол. Юртимизда биз – фермерларга яратиб берилган кенг имтиёзлар боис мен ҳам шу соҳанинг илғор вакилларида бирига айландим. Сизнинг раҳнамолигингизда мамлакатимизда фақат кишлок хўжалиги эмас, барча соҳаларда ҳам эркин ишлаб, ҳалол даромад топиш ва фаровон ҳаёт кечириш имконияти яратилди.

Собик мустабид тузум даврида бир умр далада меҳнат қилиб, косаси оқармаган халқимиз Сиз олиб бораётган оқилона сиёсат туфайли ерга эгалик қилиш ва ундан фойдаланиш, мўл ҳосил олиб, ҳам давлат газнасини тўлдириш, ҳам ўзининг моддий манфаатдорлигини мустаҳкамлаш йўлларини ўрганганидан гурурга тўламан.

Дунё аҳли жадал ривожланиб бораётган, ўзига хос тараққиёт йўлига эга Ўзбекистонга ҳавас билан боқмоқда. Одамларимизнинг яшаш ша-



роити юксалаётганини кишлоқлардаги бунёдкорлик ишлари, Сизнинг лойиҳаларингиз асосида қад ростлаётган замонавий уй-жойлар ҳам исботлаб турибди. Халқимиз бу уйларни меҳр билан «Президент уйлари» деб атаётгани ҳам бежиз эмас.

Она сифатида таъкидлашни истардимки, болаларим бағримда, улар соғ-омон, бахтиёр ва зехнли бўлиб камолга етишмоқда. Ахир, бундан фахрланмасдан бўладими!

Шундай экан, 29 мартда бўлиб ўтадиган Президент сайловида Сизга овоз бераман. Сизга Оллоҳимдан соғлиқ-саломатлик, узок умр сўрайман! Биз оналар бахтига дунё тургунча турунг!

**Доноҳон Туманова,
Андижон вилояти, Булоқбоши
тумани, «Доноҳон Холиқова»
фермер хўжалиги раҳбари**

2015 йил 5 март



**Ассалому алайкум, Ўзбекистон Республикаси
Президенти мухтарам Ислом Абдуғаниевич!**

Мен – Ҳилола Даминова бундан 21 йил аввал, яъни 1994 йилда Сизга ўғлим, ёлғиз ёдғорим – Асилжон туғилганида мактуб йўллаб, Сиз каби элим деб, юртим деб ёниб яшайдиган ажойиб инсон бўлсин, деб ёзган эдим.

Оллоҳга шукур, ўғлим Асилжон Аъзамов Тошкент давлат юридик университети қошидаги академик лицейда таҳсил олиб, муддатли ҳарбий хизматни ўтаб, ўз йигитлик бурчини адо этди. Намунали аскар сифатида олий ўқув юртига имтиёзли асосда кириш ҳукукини берадиган тавсияномага эга бўлди. Сиз яратиб берган ана шу имконият туфайли яқинда Тошкент олий ҳарбий техника ўқув юрти курсанти бўлди. Бундан қувончим чексиз, мен – бахтли онаман.

Мухтарам Ислом Абдуғаниевич, Сизга катта раҳмат! Сизнинг ҳар ишда, ҳар доим эл-юртимиз манфаатини ҳамма нарсадан устун билиб амалга ошираётган тadbирларингиз бугунги кунда ҳар қадамда ўз самарасини яққол намоён этмоқда.

Раҳматли турмуш ўртоғим – Илҳом Усмонов «Худо хоҳласа, фарзандимиз ўғил бўлади, Пре-



зиденти ва Ватанига содиқ, юртини ҳимоя қиладиган ҳарбий бўлади», деб кўп айтарди.

Мана бугун, отасининг нияти амалга ошмоқда. Ўғлим отасининг орзу-истагини руёбга чиқариш учун астойдил ҳаракат қилмоқда. Бунда Сизнинг ҳам ҳиссангиз катта. Чунки Сиз ёшларга катта имкониятлар, шароитлар яратиб берапсиз.

Мухтарам Ислом Абдуғаниевич, мен Сизни яқинлашиб келаётган Мустақиллигимизнинг 24 йиллиги билан чин юракдан табриклайман.

Сизга узоқ умр, сихат-саломатлик, буюк ва масъулиятли ишларингизда улкан зафарлар тилайман. Оллоҳдан Сизга куч-қувват сўрайман, Ўзи паноҳида асрасин!

Доим бахт ва омад ҳамроҳ бўлсин!

Ҳурмат ва эҳтиром билан:

**Ҳилола Даминова,
Тошкент шаҳри, Чилонзор тумани,
8-мавзе, 38-уй, 61-хонадон**

2015 йил 2 август



Ташаккурнома

Ассалому алайкум!

Авваламбор, биз – фуқаролар бахтига, халқимиз бахтига ҳамиша соғ-омон бўлинг!


Сизнинг олиб бораётган оқилона сиёсатингиз, саъй-ҳаракатларингиз, кеча-кундуз халқ фаровонлиги йўлидаги хизматингиздан чексиз миннатдоримиз. Менинг оила аъзоларимнинг барчаси Сизни жуда яхши кўради ва ҳурмат қилади.

Юртимиз кундан-кунга чирой очиб, обод бўлмоқда, барча-барчамиз ўзимизни кундан-кунга бахтли сезмоқдамиз.

Сизнинг номингизга ўғлим Рустамхўжа Аҳмедовни ишга киришида ёрдам кўрсатишни сўраб, мактуб ёзган эдим. Сизнинг кўмагингиз билан ўғлим ўзи ёқтирган ишга жойлашди.

Мен шахсан ўзим, онамиз Бодомой Эгамназарова ва оилам, ўғлим Рустамхўжа Аҳмедов номидан Сизга катта ташаккур айтаман. Мен – бахтли отаман. Чунки сиздек Юртбошим, Ватаним, Сизга хизмат қиладиган фарзандларим бор.

Отам – Аҳмедов Мелихўжа Иккинчи жаҳон уруши қатнашчиси бўлган, урушда бир оёғидан ажралган. Ота-онам, авлод-аждодимиз Ватан равақига хизмат қилиб келган. Бундан кейин ҳам



шундай бўлиб қолади. Ўзим 30 йил турли соҳаларда меҳнат қилдим. Салкам 10 йил Данғара туманидаги Тангрикул маҳалла фуқаролар йиғини раиси бўлиб ишлаганман.

Юртимиз ободлигига, унинг равақига ҳисса қўшишга доимо тайёремиз, ҳаракатдамиз. Аёлим ёш авлод тарбиясига ҳисса қўшиб, мактаб-интернатда тарбиячи бўлиб ишламоқда.

Ўғлим – Рустамхўжа Аҳмедовнинг ёшлигидаги ота-онамга, юртимиз осойишталигига, унинг равақига, Президентимга хизмат қиламан, ички ишлар органларида ишлаб, ўқиб Сизларга Юртбошимдан раҳмат олиб бераман, деган орзулари бугун, мана, амалга ошиб турибди. Ўғлимиз ўқишни аъло баҳолар билан тугатиб, 2013 йилдан буён Фарғона вилояти ички ишлар бошқармасида хизмат қилиб келмоқда.

Бундай бахтли кунларни кўрсатган Оллоҳга шукурлар бўлсин, Сиз, азиз Юртбошимизга катта раҳматлар айтамин. Яхши кунларда, болаларимизнинг тўйларида бош бўлинг, тўйларимизга келинг!

Сиздан бир умр миннатдор бўлиб, узок умр тилаб қолувчи:

**Муҳаммадхўжа Аҳмедов,
Фарғона вилояти, Данғара тумани,
Тангрикул маҳалла фуқаролар йиғини,
Тангрикул кўчаси, 103-уй**

2013 йил 13 август



Хурматли Ислом Абдуганиевич, мен Сизга астойдил миннатдорлик билдириб, юртимиз мустақиллигининг 22 йиллик байрами билан чин кўнгилдан қутлайман.

Шу йил 18 мартда икки яшар неварамга нафақа тайинлаш юзасидан йўл-йўриқ сўраб, мурожаат қилган эдим. Мендек бир бева аёлнинг аризасига кулоқ тутиб, қимматли вақтингизни аямасдан, Қува тумани ҳокимлигига аризамни кўриб чиқиб, амалий ёрдам берилсин, деган мазмундаги кўрсатмангиз учун Сизга катта раҳмат! Сизнинг ана шу топширигингиздан кейин менга «Иттифок» қишлоқ фуқаролар йиғини томонидан моддий ёрдам бериладиган бўлди.

Яна бир кўнглим яраси – бўйи етиб қолган, 1991 йилда туғилган Умида қизим бир неча йилдан буён аденома-гипофиза касали билан оғриб келади. Унинг дардига шифо излаб, бормаган жойимиз қолмади. Фарғона вилояти эндокринология шифохонаси раҳбарлари, шароитимизни тушунган ҳолда, ордер билан Тошкент шаҳридаги Республика эндокринология марказига операцияга жўнатди. У ерда шифокорлар операцияни муваффақиятли ўтказишди.



Қишлоқда икки-уч ой туриб, ҳаво алмаштириб, соғлиғи тиклангач, қайта текширув учун яна Тошкентга келдик. Шифокорлар қизимнинг яна бироз шу ерда даволаниши кераклигини айтишди. Имкониятим йўқлиги учун яна вилоятимиз тиббиёт бошқармасига мурожаат қилдим. Шифокорлар шароитим оғирлиги, боқувчимиз йўқлигини билиб, Тошкентдаги шифохонага тагин ордер ёзиб беришди. Шундай қилиб, қизим пойтахтимиздаги шифохонада даволанди.

Бизга ана шундай имкониятлар яратилгани учун мингдан-минг раҳмат, доимо соғ бўлинг.

**Махфузахон Рўзиева,
Фарғона вилояти, Қува тумани,
«Бекобод» қишлоғи**

2013 йил 24 август



**Ассалому алайкум, азиз Юртбошимиз
Ислом Абдуғаниевич!**

2015 йилни мамлакатимизда «Кексаларни эъзозлаш йили» деб эълон қилганингиз учун мингдан-минг раҳмат. Қўқон шаҳримизни обод қилиб, гуллашиб-яшнашиб берганингиз учун раҳмат.

Мен – Шоирахон Рўзиева 1958 йили 14 декабрда туғилганман. Қўқон шаҳри, Чорток кўчаси, 13-уйда яшайман. 1-шаҳар шифохонасида ҳамшира бўлиб ишлаганман. Уч ўғил, бир кизим бор. Турмуш ўртоғим 2011 йилда вафот этган. Уч фарзандим оилали, тинч-тотув, яхши яшайди.

Сизнинг эътиборингиз туфайли кўплар катори менга ҳам дам олиш масканига бепул йўлланма совға қилинди. Фарғона вилояти Олтиариқ туманидаги фахрийлар санаториясида юртимизнинг турли ҳудудларидан келган меҳмонлар билан бирга дам оляпман. Барча шифокору ҳамширалар ва ишчилар ширинсўз. Шинам хоналарда шифобахш муолажаларни оляпмиз, тўрт маҳал иссиқ овқат билан таъминлашяпти, бизга хизмат қилиб турган барча ишчиларнинг қўли дард кўрмасин.



Ҳамма-ҳаммаси бепул, биз – дам олувчиларнинг жонимизга ҳузур бўляпти.

Сизга кўпчилик номидан, санаториядаги 400 дан ортик отахону онахонлар номидан раҳматлар айтамиз. Ҳамма миннатдор. Меҳрибон шифокор ва ҳамшираларга ҳам узоқ умр, улуғ ризк тилаймиз, қариликка етиб ардоқланиб юришларини Оллоҳдан илтижо қиламиз.

Дам олувчи фахрийлар номидан чуқур ҳурмат ва эҳтиром билан:

**Шоира Рўзиева,
Фарғона вилояти, Қўқон шаҳри,
Чорток кўчаси, 13-уй**

2015 йил 3 март



Мухтарам Ислом Абдуғаниевич!

Мен Фарғона вилоятининг Яйпан шаҳри, Пастқўриқ кишлоғида 1925 йил 20 сентябрда деҳқон оиласида туғилганман. 18 ёшимда урушга кирганман. Биз кўрмаган азоб-укубатлар қолмаган ҳисоб. Қишнинг совуқ кунларида зах окопларда ётиб, нимаики қийинчилик бўлса ҳам чидаб, ортимизда қолган ота-онамизни, Ўзбекистонимизни ўйлаб, фашистларга қарши курашганмиз. Илоҳим, бундай жаҳаннамни биз кўрдик, фарзандларимиз кўрмасин.

Москва яқинида бўлган жанглarda оёғимдан яраланиб, ҳарбий госпиталда ётдим. Шукурки, умрим бор экан, юртимга, ота-онамнинг бағрига ёруғ юз билан қайтиб келдим. Эллик йил асал-аричилик билан шуғулландим. Қўлимдан келганча эл-юртимизга тоза асал етказиб бердим. Мени маҳалладагилар Абдурахмон ота эмас, «Асал ота» деб чакиришади. Ҳозир 90 ёшдаман. Сизнинг бошчилигингизда давлатимиздаги ҳозирги тинч-осойишта замонда кексалик гаштини сурмоқдаман. Ўғил-қизларим, невараларим, қўни-қўшниларим ардоғидаман.



Мен Сизга чуқур эҳтиромимни билдираман. Юртимизнинг гуллаб-яшнаётгани Сиз туфайлидир. Биздек қарияларни йўқлаб, жуда савобли иш қиляпсиз. Шахсан менга ҳар байрамда совғалар, пул мукофотлари топширилмоқда. Бундан бутун оиламиз билан миннатдормиз. Мен сизга Оллоҳдан мустаҳкам соғлиқ, узоқ умр тилайман. Доимо ҳозиргидек шахдам юринг. Замонимиз тинч бўлсин, уруш бўлмасин!

Бу хатни чеварамга айтиб ёздирдим.

Камоли эҳтиром ила:

**Абдурахмон ота Қўқонбоев,
Фарғона вилояти, Ўзбекистон
тумани, Ғафур Ғулом
қўчаси, Яйпан – 3 а/б**

2015 йил 8 май



**Ассалому алайкум, ҳурматли
Ислом Абдуганиевич!**

Мен уч фарзанднинг онаси сифатида шундай бетакрор Ватанда – мустақил Ўзбекистонда болаларим, набираларим ва турмуш ўртоғим билан тинч-тотув ва хотиржамликда яшаётганимиз учун Оллоҳга минг шукур, дейман. Шу улуг юртимизни баркарор тараққиёт йўлидан бошлаб бораётган Сиздек азиз инсонга мамлакатимизга Президентлик қилишдек тақдирни раво кўрган Оллоҳга яна минг карра шукурлар, дейман. Яқинда бўлиб ўтган сайловда Сизнинг тани-жонингиз соғ бўлишини, бошлаган хайрли ишларингизни умрбод ўзингиз давом эттириб, роҳатини ҳам кўриш насиб этишини Яратгандан сўрадик. Минг шукурки, халқимиз бир овоздан яна ўзингизни ўзига бош этиб сайлади.

Биз икки қизимизни турмушга берганмиз. Набираларимиз бор. Ўғлимнинг ёши йигирма еттида, кичиклигидан математика, инглиз тилига қизиқиб яхши ўқиди. Пухта билимининг маҳсули сифатида 2012 йили Тошкентдаги Турин политехника университетининг машина-муҳан-



дислик факультети талабаси бўлди. Ҳозир учинчи босқичда таҳсил олаётган ўғлим Азизбек Ураимжонов Сиз яратиб берган имкониятлардан фойдаланиб, немис ва итальян тилларини ҳам ўрганапти.

Мен ўғлимнинг келажагидан бежавотир бўлганимнинг боиси шундаки, дадаси билан уни кўргани Тошкентга бориб, университетдаги шароитлар билан танишиб, ҳавасимиз келди: турли китобларга бой жуда катта кутубхона, спорт майдонлари, сузиш ҳавзалари, Интернетга уланган компьютерлар... Талаба учун барча имкониятлар муҳайё.

Шунда, қанийди, мен ҳам яна қайтадан ёш бўлиб қолсаму шундай замонавий таълим масканларида ўқисам, дейман. Сизнинг такрор-такрор айтадиган гапингиз қулогим остида жаранглайди. Ҳа, бизнинг ёшлар ҳеч кимдан кам эмас, жаҳондаги исталган мамлакатдаги тенгдошлари билан билимда, спортда ҳамда одобу ахлоқда беллаша олади!

Ўғлимнинг келажакдаги орзуси – чет мамлакатларда малака ошириб, ўз танлаган соҳасига доир илгор тажрибаларни ўрганиб келиб, халқимизга яхши хизмат қилиб, она Ватанимизнинг янада гуллаб-яшнашига ўзининг муносиб ҳиссасини қўшишдан иборат.



Мен бир она сифатида ўғлимнинг университетни аъло баҳоларга битириб, халқимизга фойдаси тегадиган инсон бўлиб етишиши, Сиз билан кучок очиб кўришишини Оллохдан тилаб, сўраб қоламан.

**Фарида Якубова,
Фарғона шаҳри, Махмур
кўчаси, 42-уй**

2015 йил 7 апрель



Раҳматнома

Ассалому алайкум, азиз ва мухтарам Президентимиз Ислоҳ Абдуғаниевич!

Мен бундан уч йил аввал Сизга Фарғона нефтни қайта ишлаш заводида ишга кира олмаётганим ҳақида ёзиб, шу масалада ёрдам сўраган эдим. Мана, бу йил Сизнинг кўмагингиз билан ишга жойлашганимга ҳам 3 йил бўлмоқда. Ҳозир ҳаётим яхши, Сизнинг ёрдамингиз натижасида изга тушиб кетди. Мени кўрмаган бўлсангиз ҳам, менга кўрсатган ёрдамингиз учун Сизга миннатдорлик билдираман, раҳмат.

Ватанимизнинг, халқимизнинг ва ёшларимизнинг бахтига ҳамиша соғ-омон бўлинг, умрингиз зиёда бўлсин, дунё тургунча туринг!

Мен тилайман, дунёда мавжуд
Бахтли кунлар Сизга ёр бўлсин.
Келажакда нурли юзингиз
Яна минг бор баҳорни кўрсин!

Сиз билан доимо фахрланиб, ғурурланиб юрамиз, ҳамиша омон бўлинг!

**Умидахон Маҳмудова,
Фарғона вилояти, Олтиарик
тумани, Тинчлик шаҳарчаси,
Қори Ниёзий кўчаси, 1-уй**

2014 йил 26 декабрь



Мухтарам Ислом Абдуғаниевич!

Ушбу мактубимизни Фарғона вилоятининг Бувайда туманида яшаётган бир гуруҳ Иккинчи жаҳон уруши қатнашчиларининг чексиз шукроналиги ва миннатдорлиги сифатида қабул этгайсиз. 1941–1945 йилларда фашизмга қарши урушда қозонилган Ғалабанинг 70 йиллиги арафасида бутун юртимизда бўлганидек, Бувайда туманида ҳам бир-биридан мазмунли тадбирлар бўлиб ўтди.

Жорий йилнинг «Кексаларни эъзозлаш йили» деб эълон қилиниши, шу номда давлат дастури қабул қилингани ва биз кексаларга кўрсатилаётган эътибор ва ғамхўрликлар кўнгилларимизни тоғдек кўтарди. Кексалари улуғланган юрт, албатта, обод, унинг келажаги ёруғ бўлади.

Яқинда вилоят ва туман ҳокимлиги вакиллари биз – уруш қатнашчиларининг хонадонларимизда бўлиб, Сизнинг фармонингизга мувофиқ пул мукофотлари, «Иккинчи жаҳон урушидаги Ғалабанинг 70 йиллиги» эсдалик юбилей нишони, вилоят ва туман ҳокимлигининг қимматбаҳо совғаларини топширишди. Оилавий шароитларимиз билан танишиб, мавжуд муаммо ва кам-



чиликларимизни бартараф қилиб беришди. Шунингдек, байрам олдидан ҳаммамизнинг уйларимиз таъмирлаб берилди. Биз доимо давлат ва маҳаллий ҳокимлик ҳамда жамоат ташкилотлари эътиборини ҳис қилиб яшамоқдамиз.

Чексиз шукроналигимизнинг боиси фақат берилган мукофот ва совғаларда эмас. Юртимиздаги тинчлик-осойишталик, осмонимиз мусаффолиги, турмуш фаровонлиги, бозорларимиз тўқинлиги, дастурхонларимиз баракоти ҳар қанча шукроналик учун арзийди. Сизнинг бошчилигингизда юртимизда амалга оширилаётган тинимсиз меҳнат, ижтимоий-иқтисодий ва сиёсий ислохотлар эришилаётган барча ютуқларимизнинг бош омили бўлаётгани ойнадек равшан. Мамлакатимиз пойтахти Тошкент шаҳри, вилоятлар марказлари, Фарғона, Қўқон ва бошқа шаҳар ҳамда қишлоқларда сўнгги йилларда амалга оширилган ободончилик ва бунёдкорлик ишлари барчани лол қолдирмоқда.

Мустақиллигимизнинг дастлабки кунларида-ноқ, аввало, Ўзбекистон, қолаверса, ён-атрофдаги давлатлар ва минтақамизда мустаҳкам тинчлик ва барқарор ҳаёт учун курашиб келмоқдасиз. БМТ сессиялари ва бошқа нуфузли халқаро анжуманлар, МДҲ саммитларида сўзлаган тарихий нутқларингиз, асарларингиз ҳамда бошқа чиқишларингизда илгари сурилган фикрлар, ғоялар бунинг исботидир.



Сизнинг янги муддатга Президентлик лавозимига киришишингиз муносабати билан бўлиб ўтган тантанали йиғилишдаги нутқингизда баён этилган мамлакатимиз ички ва ташқи сиёсатининг устувор йўналишлари ҳам халқимиз дилидан чуқур жой олди. Уруш ва нотинчликка қарши ҳар қандай сиёсатни, айниқса, биз уруш қатнашчилари юксак қадрлаймиз. Уруш азобини биз кўрдик, келажак авлод асло кўрмасин. 1941-1945 йилларда бўлган уруш ўтган аср тарихида қора доғ қолдирган энг мудҳиш воқеадир. Ҳали-ҳануз дунё халқлари уруш асоратларидан азият чекмоқда, десак, хато бўлмайди.

Муҳтарам Ислом Абдуғаниевич, биз Сизни Президентлик лавозимига қайта сайланганингиз билан қизгин табриклаймиз. Юртимиз ободлиги, халқимиз фаровонлиги йўлида олиб бораётган фидокорона ишларингизда Сизга омад, мустаҳкам соғлиқ, янада катта ғайрат-шижоат тилаймиз.

Бувайдалик уруш ва меҳнат фахрийлари номидан:

**Бойқўзи ота Султонов,
Кенжабой Эгамқулов,
Зиятали Бозоров,
Фозилжон Тўйчибоев,
Фарғона вилояти, Бувайда тумани,
Янгиқўрғон кишлоғи**

2015 йил 1 май



Раҳматнома

Бизнинг ўғлимиз – Юнусжон Охунов 2000 йили август ойида Сурхондарё вилоятининг Сариосиё туманига суқилиб кирган бир тўда террорчилар билан бўлган жангда, Ватан олдидаги муқаддас бурчини бажариш чоғида ҳалок бўлган.

Бўйи бўйимизга тенг фарзандимиздан ажралиш, унинг орзу-хавасларини кўролмаслик биз учун жуда оғир қисматдир. Аммо фарзандим бизнинг тинчлигимиз, юртимизнинг оёйишталиги учун, мустақил Ватанимиз сарҳадларини ҳимоя қила туриб нобуд бўлди. Ўғлимизнинг хизматини муносиб тақдирлаб, «Жасорат» медали билан мукофотлаганингиз учун Сиздан миннатдоримиз. Шу нарсаярагимизга таскин беради.

Мана, шу воқеаларга ҳам 15 йил бўлди. Ҳар байрам кунлари туман ҳокимлиги ва мудофаа бўлими мутасаддилари ҳолимиздан хабар олиб, кўнглимизни кўтаришади. Шунда ўғлимиз Юнусжон эл-юртимиз қорига яраганидан, фар-



зандимизни муносиб инсон этиб тарбия қилганимиздан мамнун бўламиз. Сиз ҳар бир байрам ва тадбирларда раҳбарларга мурожаат қилиб, ўғлим сингари йигитларнинг оила аъзоларидан хабар олиб, уларни йўқлаб туриш лозимлигини таъкидлайсиз.

Мудофаа вазирлиги томонидан жойларда мардлик ва жасорат кўрсатган йигитларнинг суратлари ўрнатилиб, ҳарбий қисмларда «Хотира» бурчаклари ташкил этилганини эшитиб, кўнглимиз равшан тортди.

Туманимиздаги Шеробод қишлоғининг кўчаларидан бири Юнусжон Охунов номи билан аталадиган бўлди. Ҳозир ҳам турли байрам ва тадбирларда Учкўприк тумани ҳокимлиги ва мудофаа ишлар бўлими мутасаддилари ҳолимиздан хабар олиб, ҳам моддий, ҳам маънавий ёрдам бериб келишмоқда. Бизни сиҳат-гоҳларга бепул йўлланма билан таъминлаб, даволаниб туришимизда амалий ёрдам кўрсатишмоқда.

Учкўприк тумани ҳокимлиги ва мудофаа ишлар бўлими кўмагида ўғлимизнинг қабрига мрамор тош ўрнатилиб, ўзи ўқиган мактабда хотира бурчаги ташкил этилди. Биз – Ватан, элу юрт тинчлиги йўлида жонини қурбон қилган ўғлимиз Юнусжон Охуновнинг оила аъзолари кул-



фат қаршисида ёлғиз қолмаганимизни ҳамиша ҳис этиб турамиз, Сизнинг ва жамоатчилигимизнинг кўмагидан, маҳалла-қўй меҳридан хурсандмиз.

**Носиржон Охунов,
Зулфинисохон Охунова,
Фаргона вилояти,
Учкўприк тумани,
Шеробод қишлоғи**

2015 йил 6 ноябрь



Хурматли Ислом Абдуганиевич!

Анчадан бери шу мактубни ёзишни кўнглимга тугиб юрар эдим. Лекин айтганларим нокамтарлик, мактаниш бўлиб қолмасмикан, деб истиҳола қилардим. Кўлимга дадиллик билан қалам олишимда аجدодларимизнинг «Кимки бировга яхшилиқ қилса, унутиши, яхшилиқ кўрган одам эса қилинган яхшилиқни бир умр унутмаслиги керак» деган гаплари менга далда бўлди.

Турмуш ўртоғим – Рўзихон Авазова билан 3 ўғил, 1 кизни тарбия қилдик. Катта ўғлим – Отабек Тошкент молия институтини битириб, Тошкент вилояти иқтисодиёт бошқармасида, сўнг-ра Иқтисодиёт вазирлигида фаолият кўрсатди. 2011 йилда Корея Республикасининг KoGaz компанияси томонидан эълон қилинган грантда қолиб бўлиб, Жанубий Корея Тараққиёт институтида икки йил ўқиб, халқаро магистрлик илмий даражасини олди. 2013 йилдан бошлаб, шу мамлакатнинг Сежонг университети Осиё бўлимида координатор бўлиб иш бошлади. 2014 йилнинг январидан бошлаб эса докторантурага қабул қилинди. Инглиз, корейс, рус тилларини яхши



билади. Корея журналларида илмий мақолалари босилган.

Корейс ҳамкорларимизнинг Ўзбекистонга ташрифида ҳамроҳ бўлиб уч марта келиб кетди. Москва, Санкт-Петербург, Владивосток, Жанубий Сахалин, Остона, Олмаота, Ар-Риёд шаҳарларида хизмат сафарларида бўлди. Корейсларнинг Ватанимизга бўлган қизиқиши кучли, дейди ўғлим. Ўзбекистонни улар ўзларининг энг ишончли ҳамкори деб билишар экан.

Ўғлимнинг турмуш ўртоғи – келинимиз Ирода Мухаммадиева ҳам Жанубий Кореянинг Woosong университети магистратурасини тугатган, икки нафар кизининг тарбияси билан машғул. Отабекнинг ишига маънавий ёрдам бериб, мадад бўлиб турибди.

Иккинчи ўғлим – Шавкат Тўраев ҳам Тошкент молия институтини тугатиб, Янгийўл туманидаги қўшма корхонада маркетинг бўлими бошлиғи ва молиявий масалалар бўйича директор муовини лавозимида ишламоқда. Корхона раҳбарлари ўғлимга ишдан ажралмаган ҳолда магистратурада ўқиш учун шароит яратиб беришди. Магистрлик диссертациясини инглиз тилида муваффақиятли ёқлади.

30 июнь куни Жанубий Кореянинг «Komsco» компания президенти Ким Хва Донг Ўзбекистонга ташриф буюрганида ўғлим Шавкатга «Корхо-



на равнакига қўшган ҳиссаси учун» деган ёрлик ва кумуш медаль топширди.

Қизимиз Инобат Жўраева Низомий номидаги Тошкент давлат педагогика университетининг инглиз тили назарияси факультетида таҳсил олиб, ҳозирги кунда тиббиёт коллежида инглиз тилидан дарс берапти. Турмуш ўртоғи – тадбиркор Шерзод Ҳасанов билан икки ўғилни тарбиялаб, меҳнат қилиб келишмоқда.

Акаларининг изидан бораётган учинчи ўғлимиз, кенжамиз Шухрат ҳам Тошкент молия институтининг 3-курсда ўқимоқда. Шухрат ўғлимиздан ҳам умидимиз катта. Шоиртабиат, унча-мунча шеърлар ҳам ёзиб туради. У ҳам инглиз тилини яхши билади.

Ҳурматли Ислом Абдуғаниевич, фарзандларимизнинг бундай зафарларга эришиши замирида уларнинг билиму меҳнати ётса-да, аслида бу муваффақиятларнинг бош сабаби мамлакатимиз мустақиллиги, Сизнинг «Бутун Ўзбекистон ёшлари – менинг болаларим» деб олиб бораётган изчил сиёсатингиздир.

Ёшларга берилаётган кенг имкониятлар, яратилаётган шароитлар, Сизнинг уларга қарата «Маррани баландроқ олинг, келажак – сизларники. Олға босинг, ортингизда мана, мен турибман», деб тоғдек суянч бўлиб келаётганингиз йигит-қизларимиз қалбига чўғ солмоқда, уларни юксак чўққилар томон рағбатлантирмоқда.



Сизнинг «Фарзандларимиз биздан кўра кучли, билимли, доно ва албатта бахтли бўлишлари шарт», деб айтган даъватларингиз бугунги кунда амалга ошганини фарзандларимиз мисолида кўриб турибмиз.

Ҳурматли Ислом Абдуғаниевич, отамиз, раҳматли Тожимурод бобо ҳам Сиз ҳақингизда «Юртбошимиз улуғ одам, Ўзбекистон халқининг бахтига мана шундай раҳбар келганига Оллоҳга шукур қилишимиз керак», деб қайта-қайта айтар эдилар. Яна бир нарсани таъкидлар эдиларки, Президентимизни Ўзбекистон манфаати йўлидан ҳеч бир куч чалғитолмайди, чунки Президентимизнинг ўзи кучли иқтисодчи-молиячи, дердилар. Отамиз ҳам колхозда ҳисобчи бўлиб ишлаб, пенсияга чиққан, ҳисоб-китоб, иқтисод соҳаси мутахассиси эдилар.

Мана энди билимизки, жаҳонда содир бўлаётган иқтисодий инкирозларнинг Ўзбекистонни четлаб ўтиши, бу – Сизнинг иқтисодий ислохотларингизнинг самараси экан.

«Тафаккур» журналида Озод домла Шарафиддиновнинг «Мустақиллигимиз меъмори» деб номланган Сиз ҳақингиздаги мақоласини кўплар қатори мен ҳам ўқиб чиққанман. Ўшанда амин бўлдимки, ҳақиқатан ҳам Сизга ҳеч қачон осон бўлмаган. Сиз халқ орасидан чиқиб, халққа яқин бўлган, бутун умрини халқимизнинг бахти,



фаровонлиги, унинг ҳеч кимдан кам бўлмасдан, тўкин яшаши, тинчлиги учун бағишлаб келаётган фидойи инсонсиз. Тилимизни, маънавиятимизни янги, кенг маъноли сўзлар билан бойитдингиз.

Жанубий Кореянинг ўша пайтдаги президенти Тошкентга келиб, Сиз ҳақингизда «Корея тарихини мендан-да яхши билади» деб тан олганини ҳам эшитганмиз. Бу билан Ли Мён Бак Сизга бўлган чуқур ҳурматини ифода этган эди. Биз Сиз билан фахрланамиз, гурурланамиз.

Ислом Абдуғаниевич, Сиз ҳар гал байрам табрикларингизда, юртдошларимизга мукофотлар топшираётганингизда, «Мен учун энг қувончли лаҳзалар сизларга ушбу мукофотларни топшириш. Қани энди, имкони бўлсаю бутун ўзбек халқини қучоғимга сиғдиролсам, ҳаммангизни бағримга босардим», дейсиз.

Ўзбекистоннинг ҳар бир фуқароси Сизнинг меҳрга тўла қалбингиздан жой олган, десам, муболаға бўлмайди.

Ҳурмат ва эҳтиром билан:

**Абдумалик Жўраев,
Сурхондарё вилояти,
Шўрчи тумани
«Бунёдкор» маҳалласи**

2015 йил 7 август



Азиз Ислом ака, мен бориға шуқур қиладиган бахтли инсонлардан бириман. Чунки фарзандларим, невараларим, куёвларим – барча-барчаси чиройли ҳаёт кечиришяпти. Бунинг учун Сизга ташаккур айтаман.

Бизнинг она юртимизда турли миллат ва элат вакиллари бир тану бир жон бўлиб, ака-укадек яшаб келмоқда. Менинг миллатим қирғиз, лекин шу юртда туғилиб ўсдим. Ҳамма билан қариндошдек аҳил-иноқ яшаб келамиз. Бундай бўлишига Сизнинг меҳр-мурувватингиз ва олийжаноб фазилатларингиз сабабдир.

Менинг чап оёғим қорасонга йўлиқиб, 2000 йили кесиб ташланган эди, ўнг оёғим ҳам қон юрмасдан қурий бошлаганди. Шунда мени Наманган вилояти соғлиқни сақлаш бошқармаси йўлланма билан Тошкент шаҳрига юборди. Бу ерда шифокорлар обдон текшириб, оёқни асраб қолиш мумкинлиги, бунинг учун ўпка йўлидаги қон тўсиғини олиб ташлаш зарурлигини айтди. 2014 йилнинг сентябрь ойида Тошкент тиббиёт академиясининг иккинчи клиникаси қон-томир жарроҳлик бўлимида операция қилиб, ўша тў-



сиқни очишди. Ҳозир оёғим яхши. Сиздан ва шифокорлардан миннатдорман.

Менинг соғайишимда Сизнинг хизматларингиз катта, деб биламан.

Сизга узоқ умр, сиҳат-саломатлик тилаб қоламан. Эл-юртимиз тинч, осмонимиз мусаффо, дастурхонимиз тўкин бўлсин, илоҳим!

**Тошмаҳаммад Ўразалиев,
Наманган вилояти, Уйчи тумани,
Ровот шаҳарча фуқаролар йиғини,
Зиёкор маҳалла фуқаролар йиғини,
Амир Темури кўчаси, 8-уй**

2014 йил 11 ноябрь



Мустақиллик ва эзгулик монументи



«Бундай саховатли замин яна қаерда бор?»



«Қани, бир эсдаликка расмга тушайлик...»



«Янги уй муборак бўлсин!»



Тошкент. Эски шаҳардан «эски» деган ном қолди, холос.



«Омадингги берсин, Женисбек!»



Равшан Эрматов: «Юксак эътибор учун халкимиздан,
Юртбошимиздан миннатдорман!»



«Орзуингга ет, кизим!»



«Сенинг ютугинг – бутун халкимизнинг ютуги, болам!»



Мамлакатимиздаги 300 га якин замонавий мусика ва санъат мактабларида қарийб 61 минг нафар ўқувчига 10 мингдан ортиқ ўқитувчи таълим бермокда.



Мухтарам Ислон Абдуғаниевич!

Сизни аввало яқинлашиб келаётган муборак Рамазон ҳайити ва Мустақиллик байрами билан самимий табриклаб, Сизга мустаҳкам соғлиқ-саломатлик, узок умр тилайман.

Бу хатни ёзишимга оиламиз тақдирига дахлдор бир воқеа сабаб бўлди. 1933 йилда таваллуд топган отамиз Сайидолимхон Сайидкаримов 1991 йилда автоҳалокатга учраб, тўшакка михланиб қолган эди. Оилада 5 фарзандмиз – 2 ўғил, 3 киз. Отам 1950 йилдан бошлаб Чодак кони тасарруфидаги геология қидирув хизматида ишлаган. 1970 йилдан эътиборан шу ташкилотда ўт ўчириш инспектори бўлиб иш олиб борганлар.

Албатта, автоҳалокатга учраган отамни даволатиш осон бўлмади. Унинг кўп йиллик хизматларига панжа орасидан қараган айрим раҳбарлар ёрдам қўлини чўзишдан бош тортгани ҳам эсимда. Онам эса, нажотни Сиздан излаб, 1991 йилнинг декабрь ойида қабулингизга киргач, ишлар юришиб кетди. Онам Тошкентдан уйга етиб кел-



гунларича Тошкент тиббиёт институти шифохонасининг травматолог врачлари самолётда келиб, отамнинг аҳволини текшириб кўриб, Тошкентга олиб кетишди. Отамни Тошкентда малакали шифокорлар даволашди. Шундан сўнг унинг аҳволи яхшиланди.

Бир инсоннинг тақдирига бўлган юксак меҳр-эътиборни Сизда кўрдик. Ўшанда отам соғайиб уйга қайтгач, оиламизда ҳақиқий байрам бўлиб кетди. Отам ҳозир 81 ёшда. Шу муносабатидан кунларда шукрона айтиб, Сизга саломларини йўлламоқдалар, қўллари доимо дуода.

Мустиқликнинг ўтган даврида юртимизнинг қиёфаси тубдан ўзгарди. Буни бугун юртимизни кезган киши ҳар қадамда кўриши мумкин.

Мисол учун, ўзимиз истиқомат қиладиган Поп туманини оладиган бўлсак, янгитдан бунёд этилган тиббиёт коллежи, лицей ва мактаблар фарзандларимизнинг камолотига хизмат қилмоқда.

Шунингдек, Сизнинг бевосита ташаббусингиз билан Ангрен – Поп электрлаштирилган темир йўли қурилиши жадал суръатлар билан олиб борилмоқда. Бу улкан қурилиш тоғ орасидаги қишлоғимиз ёшларини иш билан банд этмоқда. Икки нафар фарзандим касб-ҳунар коллежини



битириб, иш билан таъминланди. Кичик кизим ҳам коллежни тугатиб, Олмалик кон-металлургия комбинатида фаолият юритмоқда. Буларнинг барчаси учун Сизга раҳмат. Мен каби оналар, келажагимиз бўлган ёшлар бахтига ҳамиша соғ бўлинг.

Сайидкаримовлар оиласи аъзолари номидан:

**Турдихон Сайидкаримова,
Наманган вилояти,
Поп тумани, Олтинкон
шаҳарчаси, Дўстлик
кўчаси, 1/9-уй**

2014 йил 11 август



**Ассалому алайкум, мухтарам
Юртбошимиз!**

Мен Намангандаги оддий ўқитувчи Сизнинг ташаббусингиз билан намунавий лойиҳалар асосида қурилган уй-жойга эга бўлдим. Икки нафар фарзанднинг онасиман. Сиз туфайли тинч, осуда, тўкин ҳаёт кечирмоқдамиз. Борингизга шукур! Дунё тургунча туринг.

Бу дунё синовларга тўла экан. Яқинларимдан, боримдан айрилган кезларим фаровон ва бахтли ҳаёт кечириш мумкинлигига, очиги, ишончимни йўқотган эдим. Яхши яшаётганларга шунчаки ҳавас қилардим, холос.

Мана, вақт ўтди, қанча сувлар оқиб кетди. Қалбимдаги ғам-андух доғлари ювилди. Чунки мен Сизнинг гап-сўзларингиз, ҳикматга тўла фикрларингиз, жасорат ва матонатингиздан ибрат ола бошладим. Сиз юрагимга бир куч бердингиз. Ҳар сафар телевизор орқали Сизнинг ҳароратли сўзларингизни тинглаб, юрагим тўлқинланар, ҳаётга муҳаббатим ошар, Сизга ғойибона раҳматлар айтардим.

Тўғриси, бу мактубни йўллашдан олдин кўп ўйладим, иккиландим, журъат қилолмадим. Ле-



кин юрагимни жунбушга келтираётган бу шукроналик, миннатдорлик туйғуси токи Сизга етиб бормас экан, менга тинчлик бермаслигини англаб, қўлимга қалам олдим.

Инсон учун энг катта бахт – бу кўнгил хотиржамлиги экан. Ҳаёти тинч, уйлари шинам, фарзандлари бағрида ардоқланган аёлга дунёда бошқа зебу зийнат, хою ҳавас керакмас.

Ҳар тонг ширин орзулар, янги режалар билан уйғониб, ишга йўл олар эканман, ёш авлодга таълим-тарбия беришда Сизнинг ҳар бир фикрингиз менга куч-қувват ато этгандек бўлади. Нафақат мен, балки бутун Ўзбекистон халқи учун Сизнинг ибратли ҳаёт йўлингиз буюк китобдир!

Шуни таъкидлашни истардимки, тарихда улўғ аждодларимиз кўп бўлган. Уларнинг бебаҳо мероси жаҳон маънавий ҳазинасининг дурдоналарига айланиб, дунё цивилизацияси учун пойдевор бўлиб келмоқда.

Аждодларимиз орзу қилган фаровон ҳаёт, эркин ва озод диёр бугун бизга насиб этди.

Бу дил изҳоримни мендан, мен қатори барча фарзандларингиздан деб қабул қилишингизни истардим.

**Эътибор Камолова,
Наманган вилояти, Косонсой
тумани, Булоқ массиви, 66-уй**

2015 йил 26 январь



Миннатдорлик мактуби

Менинг отам 1990 йилда, онам 2006 йилда автохалокат туфайли вафот этган. Ота-онамнинг ўлиmidан сўнг биз – тўрт нафар фарзанд тоғамнинг қарамоғида қолдик. Тоғам мени уйлантирди ва ҳозирги вақтда бир фарзандим бор. Оила катта: тоғам, янгам, уларнинг тўрт нафар фарзанди, мен, рафикам, фарзандим, укам ва сингилларим бор. Ҳаммамиз бир ҳовлида яшадик.

2014 йили мен ёш оилаларга берилаётган ипотека кредитини олдим. Сизга хат ёзганимдан сўнг ушбу масала тез ва осон ҳал бўлди.

Бундан оиламиз, икки синглим ва укам жуда хурсанд бўлдик, сабаби – ота-онамнинг ўлиmidан сўнг ҳаммамиз қийналиб қолган эдик. Етимларнинг бошини силайдиган Сиздек одам бор эканига минг шукур, ота-онамиз йўқлигини билдирмадингиз. Илоҳим, бутун Ўзбекистон халқи бахтига соғ ва омон бўлинг!

Мен яхши бир ташкилотда ишлаб келмоқдам. Ватанимиз равнаки учун ўз ҳиссамни қў-



шиб, элим деб, юртим деб ёниб яшашга аҳд қилганман. Менга билдирган ишончингизни албатта оқлайман!

Ниятим – ҳамма болалар ота-оналари бағрида ўсиб-улғайсин.

**Шухрат Чўллийев,
Навоий вилояти, Кармана
тумани, Аҳмад Дониш
кўчаси, 18-уй**

2014 йил 16 апрель



Хурматли Ислон Абдуғаниевич!

Сизнинг ташаббусингиз билан 2015 йил юртимизда «Кексаларни эъзозлаш йили» деб эълон қилинди. Бунинг аҳамиятини баҳолаб бўлмайди, албатта. Лекин яқинда бир хорижий мамлакат матбуотида кексалар ҳақида қуйидаги мавзуларда чоп этилган материалларни ўқиб, дилим оғриди:

қариялар – бу «ишлатиб бўлинган насл» ва «бюджетга оғирлик қиладиган юк».

Ана шу давлатда итлар ва ёввойи ҳайвонларга қарияларга нисбатан яхшироқ муносабатда бўлинар экан. Яъни, ҳайвонларни конунлар ҳимоя қилади, бунинг учун алоҳида маблағ ажратилади. Кекса авлодни эса ҳокимият ҳимоя қилмайди.

Бу давлатдаги юридик олий ўқув юртлари учун мўлжалланган дарсликлардан иқтибос келтираман: «Кекса ота-оналарга ғамхўрлик қилиш ва уларга ёрдам бериш – бу тўғридаги декларация мамлакат конунчилиги ва бошқа ҳужжатлар билан мустаҳкамланмаган». Бунга изоҳ ҳам келтирилган: «агар бадавлат фарзанд, шунингдек, амалдорлар эҳтиёжманд қарияларга ўз ихтиё-



ри билан ёрдам бериш ва таъминлашни истаса, уларга ҳеч ким тўсқинлик қилмайди, аммо уларни мажбурлашнинг иложи йўқ».

Шунингдек, ўша давлатда фарзандлар кекса ота-онасини совуқ кунларда кераксиз бўлиб қолгани учунгина кўчага ҳайдаши мумкин, қарияларнинг ўлдирилаётгани, талон-тарож қилинаётгани, дўконларда уларни хафа қилиб, муттаҳамлик билан пенсия ва жамғарма маблағлари тортиб олиниши ҳеч кимни ажаблантирмайди ва ғазабини келтирмайди.

Кекса авлодга нисбатан бундай эътиборсиз муносабат ёш авлоднинг маънавий кадриятларга сурбетларча муносабатини юзага келтирмоқда. Улар ўз манфаати йўлида ҳеч нарсадан тап тортмайди ва ҳатто истаган одамнинг орқасидан ўқ узиши мумкин.

Айрим хорижий давлатларда шундай ачинарли ҳолатлар кузатилаётган бир даврда Ўзбекистонда қарияларга алоҳида ғамхўрлик кўрсатилмоқда. Сиз ўз чиқишларингизда барчани, авваламбор, раҳбар ва мутасаддиларни кекса авлод вакилларига доимо эътиборли бўлишга чақирасиз.

Ўзбекистон мустақилликка эришгач, инсонпарварликка асосланган юксак маънавий кадриятларимизни тиклаш ва ривожлантириш, ёш авлодни шу руҳда тарбиялаш биринчи галдаги вазифа сифатида белгилаб олинди.



Ўзбекистонда ҳар йили иктисодий ўсиш суръатлари юксалмоқда, халқимиз фаровонлиги янада ошиб бормоқда.

Мен Зарафшон қурилиш бошқармасида 40 йил меҳнат қилдим. Ўтган йили касаллик туфайли ҳар икки товонимда гангрена ва атеросклероз пайдо бўлди. Зарафшон қурилиш бошқармаси Бирлашган касаба уюшмалари қўмитаси раиси А.Ярашевнинг ёрдами билан оёқларимни саклаб қолдим.

Шу йил туғилган куним арафасида Зарафшон қурилиш бошқармаси Бирлашган касаба уюшмалари қўмитаси ходимлари уйимга озик-овқат маҳсулотлари ва кийим-кечак билан тўлдирилган иккита катта сумка олиб келишди. Бу ёрдам учун улардан жуда миннатдорман.

Муҳтарам Ислон Абдуганиевич, мамлакатимиздаги тинчлик-осойишталик, миллатлараро ва динлараро тотувлик, кекса авлод вакилларига қўрсатилаётган эътибор ва ғамхўрлик учун Сиздан беҳад миннатдорман.

**Т. Сисуюва,
Навой вилояти, Зарафшон
шаҳри, 7-кичик туман,
10-уй, 24-хонадон**

2015 йил 12 март



**Ассалому алайкум, ҳурматли
Ислон Абдуганиевич!**

Сиз юритаётган сиёсат, амалга ошираётган ислохотлар халқимизнинг тинчлиги ва фаровонлигини мустаҳкамлашда, мамлакатимизнинг ривожланишида катта самара бермоқда.

Ўзбекистон хотин-қизларининг жамиятдаги нуфузини оширишга қаратаётган эътиборингиз бизнинг кадр-қимматимизни янада юксалтирди, деб ишонч билан айта оламан.

Мен – Садахат Шалабаева, миллатим – қозок. Навой вилоятининг Нурота туманидаги Чуқурқудук қишлоғида яшаб, неча йиллар мобайнида бош чўпонлик хизматини ўтаб келганман.

Мактубни йўллашимдан мақсад – Сизга ўз миннатдорлигимни билдирмоқчиман. 2013 йил 15 сентябрь куни бошимга оғир ташвиш тушди. Умр йўлдошим юрак хасталигидан вафот этди. У киши ҳам неча йиллар мобайнида ферма бошқарувчиси лавозимида ишлаб келган эди. Олти қизим ва бир ўғлим билан ёлғиз қолдим. Болаларим билан қандай ҳаёт кечиранман, деб қаттиқ саросимага тушдим. Уч ой мобайнида ўзимни тиклай олмасдан, фарзандларимга ҳам



этибор бермасдан, рухий тушкунликка тушиб қолдим.

2013 йил декабрь ойида телевизор кўриб ўтириб, Сизнинг нутқингизни эшитиб қолдим. Бундай деб таъкидлаган эдингиз: «Мен аёлларимизни каттиқ ҳурмат қиламан. Улар хафа бўлса, мен ҳам хафа бўламан, аёлларни ардоқланг, эъзозланг, қадрланг».

Бу сўзларингиз менга жуда катта рухий далда берди. Шундан кейин ўзимнинг соғлиғимни тиклаб, болаларимнинг тарбияси ва ўқишига кўнгил бердим. Сизнинг менга қилган яхшилигингиз умрбод ёдимда қолади.

Сизга ҳар доим Яратгандан сиҳат-саломатлик, тинчлик-хотиржамлик сўрайман. Болаларим билан Сизга шуни тилаймиз: дунё тургунча туринг, бахтимизга соғ-омон бўлинг!

Сиздек Юртбошимиз борлигидан фахрланамиз.

**Садахат Шалабаева,
Навой вилояти,
Нурота тумани,
Чуқурқудук кишлоғи**

2015 йил 24 март



Истиқлол шарофати билан юртимизда она ва бола саломатлиги, ёш авлодни маънан ва жисмонан соғлом қилиб тарбиялашга алоҳида этибор бериб келинмоқда.

Сизнинг раҳбарлигингизда жонажон диёримизда яшаётган аҳоли, айниқса, биз каби ижтимоий ҳимояга муҳтож оилаларнинг фарзандларини соғломлаштириш, саломатлигини мустаҳкамлаш, келажакда ўзлари хоҳлаган бир касбнинг эгаси бўлиши учун етарли шароитлар яратиш йўлида улкан ишлар амалга оширилмоқда.

2015 йилнинг 25 ноябрь куни «Соғлом авлод учун» халқаро хайрия фонди ва Ҳиндистон Республикасининг «Артемис» клиникаси ҳамкорлигида Тошкент шаҳрида хорижлик юқори малакали шифокорларнинг туғма юрак нуқсони билан туғилган болалар учун беғараз тиббий кўриги ташкил этилди. Ушбу тиббий кўрикда менинг 2000 йили туғилган фарзандим – Ҳаётхон Алиева ҳам шифокорлар кўригидан ўтиб, Ҳиндистонда 2015 йил 21 декабрдан 2016 йил 9 январгача жарроҳлик йўли билан даволашиб қайтди. Ҳозир у маҳаллий врачлар назоратида, соғлиги яхши тикланмоқда.



Болаларимизни соғломлаштириш имкониятини яратиб бераётганингиз учун, мамлакатимизда ногирон болаларга кўрсатаётган амалий ёрдамнингиз учун Сизга оиламиз, қолаверса, ўз номимдан оналик миннатдорлигимни билдираман.

Ўзбекистонимизда оналар ва болаларни соғломлаштириш, юртимиз ободлиги, халкимиз фаровонлиги йўлида олиб бораётган машаққатли ва шарафли ишларингизда муваффақиятлар тилаймиз, бахтимизга Сиздек инсонлар омон бўлсин!

**Юлдуз Шодиева,
Навой вилояти,
Навбахор тумани,
«Ўзбекистон» маҳалласи**

2016 йил 15 февраль



**Ассалому алайкум, ҳурматли
Ислом Абдуганиевич!**

Мен – Иванова Нина Александровна, Улуғ Ватан уруши ва меҳнат фахрийси, Ленинград шаҳри қамалини бошидан кечирган фуқароман. Ўзбекистондаги кўп йиллик меҳнатим кадр топиб, олий тоифали ўқитувчи, Ўзбекистон халқ таълими аълочиси бўлдим. Ҳозирги кунда ёлғиз пенсионерман. Лекин, Сизнинг «Ҳеч ким меҳр ва эътибордан четда қолмасин» деган даъватингиз туфайли мен ўзимни асло ёлғиз деб ҳис қилаётганим йўқ.

Сизни ўз номимдан, шунингдек, шаҳримизда яшаётган 15 нафар Улуғ Ватан уруши фахрийси номидан буюк Ғалаба байрами, Хотира ва қадрлаш куни билан чин қалбимдан табриклайман.

Мана, ҳаёт оқар дарёдек ўтиб, биз каби уруш қатнашчиларининг сони йилдан-йилга камайиб бормоқда.

Кўрсатилаётган доимий эътибор ва ғамхўрлик, давлатимиз томонидан тақдим этилаётган совғалар учун биз – фахрийларнинг самимий миннатдорлигимизни қабул этгайсиз.



Сизга мустаҳкам соғлик, шарафли ва масъулиятли меҳнат фаолиятингизда омад, она Ўзбекистонимизга тинчлик-осойишталик ва янада раванг, халкимизга фаровонлик тилайман.

Бизга кўрсатаётган барча яхшиликларингиз учун Сизга раҳмат!

**Фарғона вилояти,
Марғилон шаҳри,
Бурхониддин Марғиновий
кўчаси, 88-уй, 17-хонадон**

2015 йил 3 июль



ХАЛҚ СЎЗИ – ҲАҚ СЎЗ

Ҳаётдаги яхши кунлар, қутлуғ саналар, қувончли воқеалар муносабати билан бир-бирини қутлаш, эзгу тилаклар билдириш – эл-юртимизнинг азалий одатидир.

Мустақиллик йилларида бундай шукуҳли айёмлар ҳаётимизда кўпайиб, улар жамиятимизда меҳр-оқибат, ҳамжиҳатлик, тарихга, миллий қадрият ва анъаналаримизга ҳурмат руҳини кучайтиришга, ўзлигимизни англаб, она Ватанимизга меҳр ва садоқат билан яшашимизга хизмат қилмоқда.

Китобнинг мазкур бўлимидан жой олган хатларни ўқир эканмиз, бундай хурсандчилик кунлар яна бир муҳим мақсадга – давлатимиз раҳбари ва фуқаролар ўртасидаги самимий мулоқот, фикр алмашиш, ўзаро ишонч муҳитини янада мустаҳкамлашга хизмат қилаётганига гувоҳ бўламиз.



**Ассалому алайкум, мухтарам
Ислом Абдуғаниевич!**

Авваламбор, Сизни яқинда бўлиб ўтган Президентлик сайловида мутлақ ғолиб чиққанингиз билан чин қалбимдан муборақбод этаман. Бу ёрқин галабангиз халқимизнинг ўз келажагини Сиздек оқил ва доно раҳбарсиз тасаввур қила олмаслигини яққол англатиб турибди.

Мана, бугун жонажон Ўзбекистонимизда тинчлик ва осойишталик ҳукм сураётган замонда яшаётганимиздан Яратганга беадад шукроналар айтмоқдамиз. Албатта, ҳеч бир иш ўз-ўзидан бўлмайди. Ўтган қарийб чорак аср мобайнида Ватанимизнинг бошига не-не кулфатларни ёғдириш ниятида бўлган ғаламисларга мардона қарши туриб, халқимизни мамлакатимиз мустақиллигини ҳимоя қилиш ва янада мустаҳкамлаш йўлидаги тарихий ва улугвор ишларга руҳлантирдингиз. Ўзбекистонимиз Сиз туфайли мустақилликка эришди, энди биз билан бутун жаҳон ҳисоблашмоқда.

Собиқ СССР таркибида бўлган бошқа республикалар ҳам ўз мустақиллигини эълон қилди. Лекин уларнинг кўпчилигида бизнинг диёримизда-



ги каби тинчлик ҳукмрон эмас, ҳозир ҳам айрим давлатларда беқарорлик давом этмоқда. Барчамиз яхши тушунамизки, ана шу нотинчликнинг сабаби уларда бизнинг Ватанимиздаги каби давлатнинг узоқ келажагини чуқур ўйлаб тузилган аниқ бир мақсадли режанинг йўқлигидадир.

Баъзи давлатларда ҳокимият тепасига келаётган турли кучлар фақат ўз манфаатларини кўзлаб кураш олиб бормоқда, десам, адашмаган бўламан. Улардаги сиёсий беқарорлик, бошланган ишларнинг охиригача етказилмай қолаётгани оқибатида оддий аҳоли, халқ жабр кўрмоқда.

Болалигим урушдан кейинги даврларга тўғри келган. Ёшлигимда қарияларимизнинг «Оллох таоло ер юзида ҳукмронлик қилиш учун ҳар бир юртга ана шу заминда яшовчи инсонларнинг феъл-атвориға мос бир раҳбар юборади», деб айтган гапларини эшитганман. Ёши улуг инсонларнинг қанчалик тўғри гапирганини мана энди тушунапмиз. 2015 йилнинг юртимизда «Кексаларни эъзозлаш йили» деб эълон қилингани ана шундай донишманд, пири бадавлат зотларга эътибор ва ҳурматни оширишга қаратилгани билан барчамиз учун қадрлидир.

Ҳурматли Президент!

Сиз олиб бораётган сиёсат энг одил, энг тўғри сиёсат эканини халқимиз бугунги кунга келиб янада теран англамоқда.



Сизнинг бошчилигингизда озод ва обод юртимизда тарихий адолатни тиклаш ва маънавий ҳаётимизни юксалтириш соҳаларида амалга оширилаётган ишларни кўриб, чексиз қувончга тўламиз. Халқимизга миллатимизнинг энг кўҳна китоби – «Авесто»нинг қайтарилиши, «Алпомиш» достонининг 1000 йиллиги катта тантаналар билан нишонланиши, буюк аждодимиз Соҳибқирон Амир Темурнинг муборак номи қайта тикланиши, узоқ тарихга эга бўлган шаҳарларимизнинг юбилейлари ЮНЕСКО билан ҳамкорликда ўтказилгани, 2007 йилда Тошкент шаҳрининг Ислом маданияти пойтахти деб эълон қилиниши, шулар қаторида юртимизда турли-туман нуфузли халқаро анжуманлар бўлиб ўтаётгани – буларнинг барчаси, албатта, истиклолимиз шарофатидир.

Сизнинг «Юксак маънавият – енгилмас куч» китобингизда инсон, халқ ва жамиятнинг кадр-киммати, аввало, унинг маънавияти билан белгиланиши чуқур очиб берилган. Бу китоб ҳозир халқимиз, айниқса, ёшларимиз учун дастуруламал бўлиб хизмат қилмоқда.

Мен ўзим кўп йиллар санъат соҳасида фаолият олиб борганман. Аввал Алишер Навоий номидаги Ўзбекистон давлат академик катта театрида опера хонандаси бўлиб ишладим. Ҳозирги вақтда шу соҳада ёшларга таълим-тарбия бериб келяпман. Шогирдларим орасида мамлакатимиз



ва жаҳон миқёсида ўтказиб келинаётган кўриктанловлар ғолиблари, «Ниҳол» мукофоти совриндорларининг борлиги мени беҳад қувонтиради.

Бугунги кунда мамлакатимизда янги-янги болалар мусика ва санъат мактабларини барпо этиш, мавжудларини замон талаблари асосида реконструкция қилиш ишлари кенг кўламда амалга оширилаётгани ва бундай ўқув масканларида миллий мусика меросимиз билан бирга, жаҳон классикасининг нодир асарлари ўргатиб келинаётгани мусика соҳасида таълим бераётган устозларнинг қалбини севинчга тўлдирмоқда.

Бундан бир неча кун аввал ойнаи жаҳон оркали Наврўз тантаналарини томоша қилдим. Сиз байрам табригингизда: «Биз ҳеч қачон ҳеч кимдан кам бўлмаганмиз ва ҳеч қачон кам бўлмаймиз! Кўзлаган мақсад-муддаоларимизга албатта етамиз!» деб барчамизга, айниқса, ёшларимизга уқтириб ўтдингиз. Ана шу байрам тантанасида ўзимизнинг мумтоз миллий мусика асарларимиз, фольклор-этнографик жамоаларнинг чиқишлари билан ҳамоҳанг тарзда жаҳон опера санъатининг энг ёрқин намуналари ижро этилди. Байрамга ташриф буюрган хорижлик меҳмонлар бу қўшиқларни ўзбек опера хонандалари юксак профессионал даражада қуйлаганидан бениҳоя хурсанд бўлиб, уларга тан берди.

Бир пайтлар айрим калтабин кимсалар «опера ва балетнинг ўзбек миллатига нима кераги бор?»



деб уни йўқ қилишга уриниб кўрди. Аммо Сизнинг санъатга, жумладан, опера санъатига бўлган эътиборингиз ва меҳрингиз туфайли жаҳон маданиятининг ажралмас бир қисми бўлган ушбу ноёб йўналиш нафақат сақлаб қолинди, балки ўз тараққиётининг янги даврига қадам қўйди. Истиклол йилларида Ўзбекистонлик ёш операчилар жаҳоннинг энг машҳур сахналарини забт эта бошлади. Келажакда бу соҳада юртимизнинг довруғини кўкларга кўтарадиган янада катта натижалар кўрсатишга тайёремиз.

Қадрли Ислом Абдуганиевич!

Сизга мустаҳкам соғлиқ, узоқ умр ва эзгу ишларингизга улкан зафарлар тилайман. Илоҳим, Оллоҳ таоло жонажон Ўзбекистонимизни турли бало-қазолардан асраб, тинчлик-хотиржамлик, осойишталик, фаровонлик, файз ва кут-барака, қувончни бардавом ва зиёда этсин.

**Йўлдош Ёкубов,
Тошкент шаҳри, Шайхонтоҳур
тумани, Марказ-14 мавзеси,
19-уй, 16-хонадон**

2015 йил 10 апрель



Ассалому алайкум, мухтарам Юртбошимиз!

Ушбу мактубимни Бош қомусимизнинг 23 йиллик байрами ҳамда кириб келаётган 2016 йил – Янги йил байрами билан Сизни чин қалбдан ва самимий табриклашга жазм қилган оддий фуқаролардан бирининг дил сўзлари, деб қабул қилишингизни сўрайман.

Ҳурматли Ислом Абдуганиевич, Сизга яхши маълум, башарият пайдо бўлибдики, одамлар инсон деган улуг номга муносиб ва лойиқ бўлишга, яъни камолотга қараб интилади. Лекин фақат айрим инсонларгина Тангри ато этган истеъдод ва ақл-заковат туфайли, адолатпарварлик, ҳалоллик, меҳнатсеварлик, жонқуярлик, меҳр-муҳаббат ва шафқат, сабр ва матонат, меҳтин ирода, ўзига нисбатан ҳам, ўзгаларга нисбатан ҳам талабчанлик каби инсоний фазилатларни ўз табиатида мужассам эта олгани сабабли мана шундай юксак даражага кўтарилади. Бундай инсонларнинг ҳар бир иши бошқалар учун ўрнак ва намунага айланиб кетади.

Ана шундай фазилатлар эгаси бўлган Сиз, мухтарам Президентимиз билан Ўзбекистон



халки ҳақли равишда фахрланади. Шахсан ўзим халкимизнинг бир вакили, оддий фуқаро сифатида, ўз тафаккурим, билим ва ҳаётий тажрибамга таяниб, бундай фахр туйғуси жамиятни бирлаштирадиган омиллардан бири, деб ҳисоблайман.

Бундан салкам чорак аср муқаддам тақдир тақозоси билан бир асрдан ошиқ вақт давомида минг йиллар мобайнида узлуксиз шаклланиб келган буюк давлатчилигимиз тажрибаларидан узоқлашиб қолган эл-юртимиз олдида мустақилликка эришиш, уни сақлаб қолиш ва мустаҳкамлаш, халқаро миқёсда ўзимизни муносиб намоён этиш, жаҳон аҳлига, худди ўзингиз айтганингиздек, биз ҳеч кимдан кам эмаслигимизни ва кам бўлмаслигимизни исботлаб бериш каби улуғвор вазифалар билан бир қаторда, халкимизнинг нонини бутун қилишдек долзарб вазифа турар эди. Биз билан деярли бир пайтда мустақиллигини эълон қилган қўшни давлатларнинг бирида ўзаро низолар фуқаролар уруши даражасига қўтарилган, жамиятда беқарорлик авж олган, бизнинг юртимизда ҳам ана шундай нотинчлик юзага келишини жуда-жуда истаган, бизга қарши бўлган, мустақиллигимизни, тинчлик ва фаровонлигимизни кўролмайдиган ички ва ташқи ғаразли кучлар фаол ҳаракат олиб борган бир пайтда ёш давлатимиз учун бундай оғир ва мураккаб вазифаларни бажариш осон эмас



эди. Бундай пайтда йўл қўйилган битта кичик хато ҳам оғир оқибатларга олиб келиши ҳеч гап эмасди.

Сизнинг раҳбарлигингизда давлатимиз танлаган сиёсий йўлнинг тўғрилиги, халкимизнинг Сизга бўлган юксак ишончи ва садокати туфайли ҳам ўша оғир синовлардан деярли беталофат ўтдик. Ўтган чорак аср давомида Сизнинг раҳбарлигингизда давлатимиз томонидан бундай довлонларнинг яна қанча-қанчаси забт этилди, ҳозирги кунда ҳам янги-янги марралар сари бормоқдамиз.

Менинг олтамиш уч йилдан ошиқ умримнинг қирқ йилга яқини собиқ шўро даврида кечди, қолган чорак асрини эса мустақил Ўзбекистонда яшаб ўтказмоқдаман. Оддий фуқаро сифатида ҳар икки давр ўртасида ер билан осмонча фарқ борлигини чуқур тушунаман. Мустақиллик бизга Оллоҳ томонидан берилган улуғ неъмат эканини ўз ҳаётим, фарзандларим, набираларим ҳаёти мисолида тўла англаб етганман. Бу улуғ неъмат учун чин дилимдан Яратганга шукроналар, Сиз, муҳтарам Президентимиз Ислам Абдуғаниевич Каримовга ташаккурлар айтаман.

Мустақиллик туфайли биз ўз кадр-кимматимизни топдик, тенглар ичра тенг бўлдик. Тўқлик ва тўқинликка эришдик. Ўзбек бўлиб, ўзлигимизни ангадик. Мустақил миллат бўлиб, мустақил давлат бўлиб оламга танилдик.



Айтишларича, буюк давлат арбоби ва енгилмас саркарда, бобокалонимиз Амир Темур одамлар билан бўлган суҳбатлар чоғида ўзларига Тангри таоло томонидан берилган улуғворлик ва юксаклик хислатларини намоён қилиб, барчани ўзларига мафтун этиш қобилиятига эга бўлган. Бундай улуғ хислатни Сиз, азиз Юртбошимиз тимсолида ҳам кўришимиз мумкин. Сизнинг ҳам одамлар билан суҳбатларингиз чоғида, хоҳ у Ўзбекистон фуқароси бўлсин, хоҳ чет эллик давлат арбоби бўлсин, улуғворлик ва самимият билан ҳар бир суҳбатдошни дўстга айлантира олиш қобилиятингиз бор эканини минглаб инсонлар катори мен ҳам кўриб, ўз тафаккурим билан идрок қилиб келаман. Бу хислат ўтган чорак аср мобайнида давлатимизда олиб борилаётган ички ва ташқи сиёсатда, қанчадан-қанча мураккаб вазиятларда биз учун бекиёс аҳамият касб этиб келмоқда.

Ҳурматли Ислом Абдуғаниевич, мен – мамлакатимизнинг оддий бир фуқаросиман, тадбиркорлик билан шуғулланаман. Шу халқнинг, шу миллатнинг вакили сифатида мустақиллик йилларида эришган улкан ютуқларимизни кўриб қувонаман, завқланаман, дилим яйрайди. Мустақиллигимиз бизга берган сон-саноксиз неъматларни санашдан чарчамайман.

Қўлга киритилаётган бу муваффақиятлар замирида аввало юртимизда ҳукм сураётган тинч



ва осойишта ҳаёт мужассам эканини барчамиз яхши англаймиз.

Мустақиллик йилларида шаклланган, ўз Ватанига, халқига, Президентига садоқатли, юртимиз тинчлиги, чегараларимиз дахлсизлигини, мусаффо осмонимизни ҳар қандай ёвуз кучлардан ҳимоя қилишга қодир бўлган миллий армиямиз, унда хизмат қилаётган мард ва жасур ўғлонларимиз билан фахрланамиз.

Бугунги кунда, халқаро иқтисодий инкироз ҳамон давом этаётгани ва тобора чуқурлашиб бораётганига қарамасдан, Сиз асос солган тараккиётнинг «ўзбек модели» туфайли барча соҳаларда янги-янги ютуқларга эришмоқдамиз.

Иқтисодиётнинг барча тармоқларида, саноатда ҳам, қурилишда ҳам, кишлоқ хўжалигида ҳам, спорт, соғлиқни сақлаш, маданият ва санъат соҳасида ҳам катта-катта ўзгаришларга гувоҳ бўлмоқдамиз.

Ҳурматли Ислом Абдуғаниевич, чет эллик нуфузли эксперт ва таҳлилчилар ҳам Сиз олиб бораётган сиёсий ва иқтисодий ислохотларни эътироф этиб, ютуқларимизни тан олаётганини кўриб, бундан ғурурланамиз.

Бугунги кунда мамлакатимизда ўтадиган байрамларимизнинг барчаси бизга алоҳида хуш кайфият, юксак шодиёна, кўтаринки руҳ бағишлайди. Чунки бу байрамларнинг деярли ҳар бирида мамлакатимиз Президенти халқ



орасига кириб келади. Эл-юртимиз билан бир-га байрам қувончидан баҳраманд бўлади. Ўз халқининг ҳар бир вакилини самимий сўзлари билан муборакбод этади.

Ҳурматли Ислон Абдуғаниевич!

Сизнинг халқимизга йўллайдиган самимий табрикларингизни тинглаб, бундан тўлқинланиб, мен ҳам озод ва обод юртимнинг фуқароси сифатида ўз Президентимни самимий табриклашга аҳд қилдим.

Сизни янги – 2016 йил билан чин қалбимдан муборакбод этиб, Сизга мустақкам соғлиқ ва узок умр тилаб қоламан.

**Абдулла Юсупов,
Тошкент шаҳри, Бектемир тумани,
Ўрмон хўжалиги кўчаси, 108-уй**

2016 йил 5 январь



**Ўзбекистон Республикаси Президентига
Тошкент шаҳрининг Миробод тумани,
Шаҳрисабз кўчаси, 11-уй, 7-хонадонда
яшовчи Алимовлар оиласи номидан**

Табрикнома

Ҳурматли Ўзбекистон Республикаси Президенти ва Қуролли Кучлар Олий Бош Қўмондони Ислон Абдуғаниевич, Сизни янги – 2016 йил билан чин қалбимиздан самимий табриклаймиз.

Бутун дунёда турли уруш-жанжаллар юз бераётган, тинч аҳоли жабр чекаётган, ҳалок бўлаётган бир пайтда биз айнан Сизнинг сазй-ҳаракатларингиз туфайли мусаффо осмон остида тинч ҳаёт неъматларидан баҳраманд бўлмоқдамиз.

Ўзбекистон Республикасида – инсон ҳар томонлама ишончли ҳимоя қилинган, унинг ҳуқуқ ва манфаатлари олий қадрият даражасига кўтарилган шундай кучли ва буюк давлатда яшаш ҳақиқатан ҳам катта бахтдир.



Биз, меҳнат кишиларига жуда зарур бўлган олийжаноб ишда – кудратли ва буюк, адолат устувор бўлган мамлакатимизда давлат бошлиғи вазифасини бундан буён ҳам самарали адо этишда, Сизга сихат-саломатлик, узок умр тилаймиз.

Сизга чуқур хурмат-эҳтиром билан:

Алимовлар оиласи

2015 йил 30 декабрь



**Ассалому алайкум, кадрли
Ислом Абдуганиевич!**

Мен бир аёл, она сифатида Сизни кириб келган 2015 йил билан чин қалбимдан табриклайман. Бу йилни юртимизда «Кексаларни эъзозлаш йили» деб номлаганингиз мени жуда хурсанд қилди. Қалбимда илҳом пайдо бўлди ва мана бу сатрларни коғозга туширдим:

Кексаларни эъзозлаш йили – тилак йили бу,
Наволарга тўлган юрак йили бу,
Тарихнинг ардокли, керак йили бу,
Дўстларим, Янги йил муборак бўлсин!

Сизга ушбу мактубимни ёзар эканман, қимматли вақтингизни олаётганим учун узр сўрайман. Мен – Юнусова Ойимжон 1958 йил 26 июнда Хоразм вилоятининг Хонқа туманидаги Олажа қишлоғида туғилганман. Раҳматли онам 1938 йилда туғилган. Лекин мен 15 яшар пайтимда эгизак фарзандлар туғиб, оламдан бевакт кўз юмганлар.

Онамнинг вафотидан кейин тўрт нафар укам менинг қўлимда қолиб, жуда қийналганман ва уларни тарбия қилганман. Кичик укам уч яшар эди, мен қийналган пайтларим укаларимга қараб:



агар мен турмушга чикиб, она бўлсам, ҳаётда ўлмайдиган она бўлиб, фарзандларимга бор меҳримни бериб тарбиялайман, деб йиглар эдим. Укаларимни одобли, эсли-ҳушли қилиб тарбияладим.

Афсуски, Бозоржон исмли укам 40 ёшга тўлганида ҳайдовчининг эҳтиётсизлиги туфайли вафот этди. Мени тақдир Боғот туманидаги Хўжалик қишлоғида яшовчи олий маълумотли ўқитувчи билан боғлади. Оллоҳга шукур, 85 ёшни қаршилаган қайнонам менга онадек бўлдилар. Турмуш ўртоғим ўқиган, тушунган инсон бўлгани учун мени Бухоро маданият техникумига сиртдан ўқишга йўллади. 1979 йилда шу қишлоқда жойлашган собиқ Курчатов номидаги мактабга кутубхоначи бўлиб ишга жойлашдим. Аёлнинг жони киркта бўлади, деганлари рост экан. Ишим билан бир қаторда пудрат асосида уч гектар пахта экиладиган ерни шартнома асосида олиб, ҳалол меҳнат қилдим. Олти нафар фарзандимни эл корига ярайдиган инсонлар қилиб тарбиялайман, деб туну кун тиним билмадим. Шу орада фарзандларим бирин-кетин мактабни тамомлаб, олий ўқув юртига ўқишга кирди. Уч нафар фарзандим давлат гранти асосида, бир нафари тўлов контракти асосида талаба бўлди.

2005 йил 18 август куни бетоб бўлиб ётиб қолдим. Мени Урганч шаҳар нейрохирургия бўлимига олиб бордилар. Танамнинг бел қисми



операция қилинди. Қўлтиктаёқда юрдим. Дунё кўзимга қоронғу кўриниб кетди. Сабр қилдим, шукур қилдим, оёққа турдим.

Мен яна севимли касбим – мактаб кутубхоначилигига ишга қайтдим. Сизнинг «Юксак маънавият – енгилмас куч» асарингизни қайта-қайта ўқиб чикиб, ҳаётга қайтдим. Ушбу китоб учун Сизга минг раҳмат.

Мактаб кутубхонаси мен учун муқаддас даргоҳ. Агар Оллоҳ менга иккинчи умрни берса ҳам, яна кутубхоначилик касбини танлар эдим.

Хурматли Юртбошим, мен Сизни эртаю кеч дуо қиламан. Доимо соғ-саломат юришингизни, азиз бошингиз омон бўлишини Оллоҳдан сўрайман. Кўнглимда Сиз, азиз инсон учун айтадиган жуда кўп яхши ниятларим бор.

2015 йил 29 март куни Ўзбекистон Республикаси Президентлиги учун бўлиб ўтган сайловда оила аъзоларимиз билан Сизга овоз бердик.

Фурсатдан фойдаланиб, Сизга мустаҳкам соғлиқ, оилавий бахт, масъулиятли вазифангизда муваффақиятлар тилайман. Оллоҳ сизни ўз панохида асрасин. Ҳамиша бардам ва тетик бўлишингизни тилаб, сизга таъзим ва эҳтиром билан:

**Ойимжон Юнусова,
Хоразм вилояти, Боғот тумани,
Хўжалик қишлоғи**

2015 йил 22 декабрь



**Ассалому алайкум, мухтарам
Ислом Абдуғаниевич!**

Аввало, Сизни 9 май – Хотира ва кадрлаш куни билан муборакбод этаман.

Мен 1923 йил 12 майда туғилганман. Айни кучга тўлган йигитлик чоғим бутун дунёга хавф солган фашизм балосига қарши кураш даврига тўғри келди. 1941–1946 йилларда урушда бўлдим. Разведкачилар сафида Сталинград остонасида, кейинчалик Украина, Берлин учун кечган оғир жангларда ва ниҳоят, Узоқ Шарқ frontiда жанг қилдим. Тинчлик, озодлик деган буюк неъматларнинг қадрини ана шу даврда чуқур англаб етганман. Ўзбекистон Республикасининг Мустақиллик куни эълон қилинганда бу қувончни кўзимда ёш билан кутиб олганман.

Ўз мамлакатининг фуқароларига ҳеч қандай зиён-заҳмат етказмасдан халқини, юртини истиклолга олиб чиққан раҳбар Оллоҳнинг назари тушган инсон бўлади. Сиз ана шундай буюк инсонсиз, мухтарам Юртбошимиз. Мен Сизнинг улуғ хизматларингиз олдида доимо таъзим қиламан.



Ҳозирги кунда мен тўққиз нафар фарзандим, юзга яқин нева ва чевараларим ардоғида оёйишта ҳаёт кечиряпман. Умр йўлдошим 2014 йилда вафот этди. Ўз фарзандларим қаторида яна бир нафар фарзандни асраб олганмиз. Болаларим турли соҳаларда элу юртимизга хизмат қилмоқда.

Урушдан қайтиб келгач, чорвачилик соҳасида меҳнат қилдим. Ҳозир иккинчи гуруҳ ногирониман. Кексалик ва фахрийлик нафақаларини ўз вақтида олиб турибман. Сизнинг юксак эътиборингиз туфайли «Шуҳрат», «Жасорат», «Иккинчи жаҳон урушидаги ғалабининг 70 йиллиги» каби медал ва нишонларни олганимдан фахрланаман.

Биз каби кексаларнинг меҳнатларини шунчалик эътиборга олиб, моддий ва маънавий қўллаб-қувватлаб келаётганингиз учун Сизга яна бир бор миннатдорлик билдираман. Шу билан бирга, ушбу муборак кунларда хонадонимга таклиф этаман.

Самимий ҳурмат ва эҳтиром билан:

**Нормурод Бердиев,
Сурхондарё вилояти, Денов тумани,
Гулобод маҳалла фуқаролар
йиғини, Откамар қишлоғи**

2016 йил 20 апрель



Ассалому алайкум, мухтарам Президентимиз!

Сизни қардош Туркманистоннинг Махтумкули номидаги нуфузли халқаро мукофотига сазовор бўлганингиз муносабати билан оиламиз, қариндошлар, ёру дўстлар ва ўз номимдан чин юракдан муборакбод этамиз.

Мустақил Ўзбекистонда маънавий-маърифий соҳа ривожига устувор аҳамият бериб келинаётгани дунё ҳамжамияти томонидан кенг эътироф этилмоқда. Сиз асослаб берган ва ҳаётга жорий этилаётган, «Ўзбек модели» деб ном олган тараққиёт стратегиясининг муҳим таркибий қисмини, жавҳарини юксак маънавият масаласи ташкил этади.

Сиз ўз чиқишларингизда ҳамиша ўзбек халқининг Алишер Навоий, Мирзо Улуғбек каби, тожик халқининг Рудакий ва Абдурахмон Жомий, туркман халқининг Махтумкули, козок халқининг Абай, киргиз халқининг Тўхтагул, қорақалпоқ халқининг Бердак каби улуғ сиймоларини муштарак маънавий бойлигимизнинг буюк вакиллари сифатида таърифлайсиз. Бугун-



ги кунда кўпгина хорижий тилларга таржима қилинган машҳур «Юксак маънавият – енгилмас куч» китобингизда Ўрта Осиё халқларининг қадимий илдизлари бир бўлгани ва улар умумий мақсадлар билан яшагани чуқур ва батафсил таҳлил қилинган.

Улуғ туркман шоири ва мутафаккири Махтумкули Давлатмамат ўғли Фироғийнинг мардона шахсиятига, шеърлятига бўлган юксак ихлосингиз маънавий етук, адабиётни севадиган кишилар қалбини хайратга солади, десам, муболаға бўлмайди.

Сизнинг ташаббусингиз билан 1996 йил 28 ноябрда Хива шаҳрида қад ростлаган Махтумкули хайкалининг очилиш маросимида сўзлаган нутқингизда айтган «Махтумкули ўзбек халқига ҳам, туркман халқига ҳам бирдек азиз ва суюкли сиймодир» деган сўзларингиз халқларимиз қардошлигининг шиори ва ҳикмати сингари қимматли аҳамиятга моликдир.

Дарҳақиқат, ҳазрат Баҳоуддин Нақшбанд ва унинг маърифий ғоялари ихлосманди бўлган Махтумкули дастлаб Бухоро шаҳридаги Кўкалдош, сўнгра Хива шаҳридаги Шерғозихон каби нуфузли мадрасаларда таълим олган, ўзбек элининг Бухоро, Хоразм, Кармана, Нурота, Самарқанд, Тошкент, Фарғона, Марғилон, Наманган, Андижон каби шаҳару кишлоқларида



неча бор саёхатларда бўлган, халқ ҳаёти билан яқиндан танишган, Аҳмад Яссавий, Алишер Навоий, Заҳириддин Муҳаммад Бобур, Бобораҳим Машраб сингари мумтоз шоирларни ўзининг устозлари сифатида эъзозлаган.

Айтиш жоизки, ушбу халқчил шоирнинг асарлари ўзбек мактаб-мадрасаларининг қўлланмаларидан бири бўлиб, маърифий давраларда махтумкулихонлик мушоиралари ўтказилган. Ўзбек ва туркман халқлари ўртасидаги бундай маърифий ва адабий анъаналар ҳозир ҳам изчил давом этмокда.

Мустақиллик йилларида Ўзбекистонда туркман мумтоз шоири Муллонафаснинг 200 йиллик, Туркменистон халқ ёзувчиси, академик Берди Кербобоевнинг 100 йиллик юбилейлари катта эҳтиром билан тантана қилинди. Бинобарин, 130 дан зиёд миллату элат вакиллари бағрида меҳр билан ардоқлаб келаётган, бугунги кунда элликдан ортиқ миллий маданий марказлар фаолият кўрсатаётган мустақил Ўзбекистонда кардошлик-кондошлик қўшиқлари кенг ёйилиши табиий ҳолдир.

Истиклол даврида Махтумкулининг ўнга яқин шеърӣй мажмуалари ўзбек тилида нашр этилди.

Албатта, бундай эзгу сазъ-ҳаракатлар Сиздек адолатли Президентнинг туркман кардошларга, уларнинг тарихи ва маънавиятига, жумладан,



Махтумкули Фирогийга бўлган бекиёс муҳаббатингиз ва ҳурматингиз белгисидир.

Сиз «Янгича фикрлаш ва ишлаш – давр талаби» номли китобингизда: «Одам баъзан оғир кунларда руҳан тушқунликка тушади, ҳаёт муаммоларидан чарчаб-толиқиб қолади. Менинг назаримда, инсон бундай кезларда иймон-иродасини чиниктирмок учун Махтумкули ижодига мурожаат қилса, албатта, таскин топади ва мадад олади», деб таъкидлагансиз.

Асл шеърӣят дурдоналарига бўлган бундай юксак эҳтиром туйғуси аввало Махтумкулидек улкан шоир ижодининг маърифий ва маънавий аҳамиятини чуқур англаш ҳосиласидир.

Характерли жихати шундаки, Махтумкулини Ўзбекистонда қанчалик севсалар, туркман элида Алишер Навоийни ҳам шунчалик ардоқлаб, ўз шоирлари сифатида кадрлаб келадилар. Ҳазрат Навоий Туркменистоннинг Марв шаҳрини ўзига гоят яқин ва файзли макон сифатида ардоқлаган. Ул зот бу шаҳарда Хусравия мадрасасини барпо этиб, унда таҳсил кўрадиган уч юздан ортиқ толиби илмни ўз маблагӣ ҳисобидан таъминлаб турган. Шунингдек, улуғ шоир бу ерда яна бир қатор сардобалар, работлар, хонақоҳлар, қўприқлар, ҳаммомлар, савдо дўконлари, чойхоналар ҳам қурдирган.



Туркман халқи томонидан Навоий – Мирали ҳақида ўнлаб ривоят ва қўшиқларнинг яратилгани, улар ўз фарзандларига Мирали исмини қўйишлари, Алишер Навоий басталаган «Қари наво» мусикаси асосида бахши ва ҳофизларнинг сокин қўшиқларни куйлаб келаётгани бу улуг шоирнинг туркман халқи учун нақадар суюкли сиймо эканидан ёркин далолатдир. Чунончи, Махтумқулининг бекиёс эъзоз билан «Улуғлик тахтида устоз Навоий» дея таърифлагани ва бошқа бир қатор самимий эҳтиром билан йўғрилган сатрлари айни вақтда барча туркман ижодкорларининг ҳам дил сўзларидир.

Мен ҳам мана шундай бекиёс маънавий мадад қўмагида «Махтумқули – эзгулик куйчиси» (2000), «Махтумқули Фироғий ибратлари» (2005), «Ҳазрат Махтумқулидан сабоқлар» (2011) номли мақола ва суҳбатлардан иборат тўпламларни нашрга тайёрладим. «Дунёси бир ўзбек билан туркманнинг», «Махтумқули – инсоний кадриятлар куйчиси», «Ҳазрат Алишер Навоий ва туркман эли», «Махтумқули шеърляти ва комил инсон тарбияси масалалари» каби монографиялар, «Махтумқули дея номим тутсалар...» деб аталган суҳбатлар китобини нашр эттирдим. Махтумқули меросидан амалга оширилган «Ғофил бўлманг, ёронлар» деб номланган янги таржима куллияти эса бугун нашрдан чиқиш арафасида турибди.



Мухтарам Юртбошимиз!

Сизнинг Туркменистоннинг «Ҳурматли эл ёшуллиси» унвонига, халқаро Махтумқули мукофотига сазовор бўлганингиз, Туркменистон Президенти Гурбангули Бердимухамедовнинг Ўзбекистон Республикасининг «Буюк хизматлари учун» ва «Мустақиллик» орденлари билан тақдирланиши чиндан ҳам улкан сиёсий ва маънавий ҳодисадир.

Сўзимнинг якунида Сизга мустаҳкам саломатлик, узоқ умр тилаб қоламан.

Сизга самимий ҳурмат ва юксак ихлос билан:

Абдуғаффор Хонов,
Ўзбекистон – Туркменистон дўстлик
жамияти фаоли, Бухоро давлат
университети фахрийси.
Бухоро вилояти, Бухоро тумани,
Янги турмуш қишлоқ фуқаролар
йиғини, Кечқўноқ қишлоғи

2014 йил 29 декабрь



Мухтарам Ислон Абдуганиевич!

Сизнинг раҳнамолигингиз остида юртимизда барча соҳалар қатори илм-фан тармоқлари ҳам изчил тараққий этиб, Ўзбекистон олимлари дунё микёсида тан олинган назарий ва амалий илмий натижаларни қўлга киритмоқдалар, буюк олим ва мутафаккир аждодларимизнинг анъаналарини муносиб давом эттирмоқдалар. Бевосита Сизнинг ташаббусингиз билан жаҳон илм-фани ва маданияти ривожига бекиёс ҳисса қўшган, тарихимизда ўчмас из қолдирган улуғ аллома ва мутафаккирларимизнинг номлари, бебаҳо илмий мероси қайта тикланиб, уларни ҳар томонлама теран тадқиқ этиш ва тарғиб қилиш бўйича улкан ишлар амалга оширилмоқда. Улуғ алломаларимиз томонидан яратилган кашфиётлар замонавий илм-фан ва тараққиёт учун нақадар долзарб ва зарур экани, уларнинг моҳияти ва аҳамияти очиб берилмоқда.

Юртимизда истеъдодли ёшларни илмий-тадқиқот ишларига янада кенг жалб этиш бора-сидаги топшириқларингиз асосида олиб борилаётган тадбирлар ижобий натижалар бермоқда. Сизни ишонтириб айтамикки, Ўзбекистон олим-



лари юртимиз равнаки, халқимиз фаровонлиги, мустақиллигимизни янада мустаҳкамлаш йўлида ҳар қачонгидан ҳам қўламли ва самарали фаолият олиб борадилар.

Сизни Ўзбекистон Республикаси Президенти этиб сайланишингиз муносабати билан мамлакатимизнинг олимлари, илмий жамоатчилиги номидан чин дилдан табриклайман. Сизга узок умр, мамлакатимизни дунёдаги энг қудратли ва илғор давлатлар қаторига олиб чиқишдек олийжаноб фаолиятингизда муваффақиятлар тилайман.

Шавкат Солиҳов,
Ўзбекистон Республикаси
Фанлар академияси президенти

2015 йил 3 апрель



Мухтарам Ислоом Абдуғаниевич!

Сизнинг бевосита ташаббусингиз билан 2014 йилнинг 15–16 май кунлари Самарқанд шаҳрида бўлиб ўтган «Ўрта асрлар Шарқ алломалари ва мутафаккирларининг тарихий мероси, унинг замонавий цивилизация ривожига роли ва аҳамияти» деб номланган халқаро илмий конференция ва ушбу конференциянинг очилиш маросимидаги Сизнинг сермазмун маърузангиз бутун дунёда буюк аждодларимиз меросига бўлган қизиқишнинг янада ошишида муҳим аҳамият касб этди.

Ушбу халқаро илмий-амалий анжуман улуг аждодимиз – Заҳириддин Муҳаммад Бобур номи билан аталадиган бизнинг халқаро жамоат фондимиз фаолиятига ҳам кучли туртки берди. Фондимиз томонидан мамлакатимиз олимлари иштирокида Бобур Мирзо ҳаёти ва фаолиятига оид «Заҳириддин Муҳаммад Бобур энциклопедияси» тайёрланиб, нашрдан чиқарилди.

Шуни алоҳида таъкидлаш жоизки, Сизнинг ўтмиш меросимизни ҳар томонлама чуқур ўрганишга қаратилган саъй-ҳаракат ва даъватларингиз, Сиз томонингиздан яратиб берилаётган



улкан имкониятлар натижасида ана шундай кенг қамровли, йирик асар дунёга келди.

Мухтарам Ислоом Абдуғаниевич, Сизни Бобур халқаро жамоат фонди, барча бобуршунос олимлар номидан муборак таваллуд кунингиз билан самимий табриклаб, Сизга узоқ умр, сihat-саломатлик, яна кўп йиллар халқимизга, Ўзбекистонимизга бош бўлиб юришингизни тилаймиз.

«Бобур энциклопедияси» китобининг илк нусхасини Сизга эҳтиром билан тақдим қилишни ўзимиз учун катта шараф деб биламиз.

Ҳурмат билан:

Зокиржон Машрабов,
Бобур халқаро жамоат фонди раиси,
Ўзбекистонда хизмат кўрсатган
маданият ходими

2015 йил 26 январь



Азиз ва мухтарам Ислон Абдуганиевич!

Авваламбор, озод ва обод Ўзбекистонимиз Президентлигига қайта сайланганингиз билан чин юракдан табриклайман. Сизга соғлик-саломатлик, узок умр тилайман.

Мен оддий ишчиман, Фарғона вилоятининг Қўкон шаҳридаги автомобиль йўллари қурилиши корхонасида 35 йилдан бери машинист-автокранчи бўлиб ишлаб келаман. Сизнинг Ўзбекистон Республикаси Президенти этиб сайланганингиздан, 29 март куни бўлиб ўтган сайловда Сизга овоз берганимдан жуда бахтиёрман. Мен бу билан юртимиз, давлатимиз, халқимиз келажagini белгилашга ўз камтарин ҳиссамни қўшдим, деб ҳисоблайман.

Мен – собиқ шўролар даврида яшаган ва ишлаган оддий ўзбек ишчиси ўша замон билан ҳозирги давримизни солиштираман, ўртадаги фарқ шундай каттаки, менда мустақилликка нисбатан ҳурмат, уни ардоқлаш туйғулари янада кучаяди. Собиқ совет даврида машинист-автокранчи сифатида 1980–1991 йилларда республикаимизнинг турли вилоятларида, жумладан, қўрик ва бўз ерларни ўзлаштириш бўйи-



ча «Янгиерсувқурилиш» ташкилотида, сўнг 20-қурилиш-монтаж бошқармасида ишладим. Яхши эслайман, ўша йиллари, энг аввало, қўлимдан келганича оиламни моддий жиҳатдан таъминлаяпман, ҳамма қатори ишлаяпман, бекорчи эмасман-ку, деб, ўзимга тасалли бериб, меҳнат қилдим.

Энди мустақиллик шарофати билан юртимизни обод қилишда, замонавий магистраль йўл ва кўприклар қурилишида кўтаринки руҳда, жонбозлик билан меҳнат қилаётганимдан беҳад мамнунман. Нафакат моддий манфаат топиш учун, балки юртимизда бўлаётган улкан ўзгаришларга ўзимнинг кичик бўлса-да, ҳиссамни қўшишга улгуриб қолиш учун, юртимиз меҳмонлари ва дўстларимиз бизнинг меҳнатимиз натижаларини кўриб, обод Ватанимиз ҳақида илиқ таассуротларга эга бўлишини хоҳлаб меҳнат қиляпман. 1991 йилдан ҳозирга қадар «Шарқий» халқаро магистралга ва давлат аҳамиятига молик автомобиль йўлларига хизмат кўрсатишга ихтисослашган таъмирлаш ва фойдаланиш корхонасида ишлаб, юртимизнинг турли ҳудудларида олиб борилган кўпгина қурилиш ишларида иштирок этдим. Жумладан, Сизнинг ташаббусингиз билан Қамчик доволонида амалга оширилган қурилишда, Тошгузар – Бойсун – Қумқўрғон темир йўлини барпо этишда, Тошкент шаҳридаги



Кўйлик кўприги, Чилонзор кўприги, Ғазалкент ҳалқа йўлидаги кўприк, Самарқанд, Жиззах, Сирдарё вилоятларидаги бир қатор кўприклар, Кўкон ҳалқа йўлидаги кўприк қурилишида, Фарғона ва Кўкон шаҳарларида автомобиль йўллари кенгайтириш ва ободонлаштириш ишларида қатнашдим. Ватанимизни обод қилиш, йўлларимизнинг жаҳон андозалари даражасида бўлиши учун шу қадар катта эътибор берилаётгани ва бу борада юқори талаблар қўйилаётганидан фахрланаман.

Ислом ака, барча миллатдошларим қатори менинг ҳам ниятим шуки, юртимиз тинч, обод, кучли ва қудратли, гўзал, дўстлари кўп бўлсин. Энг эзгу орзуим эса Сизнинг барча мақсадларингиз, ўғитларингиз амалга ошсин, халқнинг дарду ташвиши билан яшашингиз барчага ибрат бўлсин, ёшларимиз шу азиз Ватанимизга муносиб бўлиб етишсин.

Айниқса, бу йилни «Кексаларни эъзозлаш йили» деб эълон қилганингиз суяғи меҳнатда қотган биздек минглаб ишчи ва хизматчиларга гўё қанот бўлдики, қани энди, бошқа юртларда ҳам Сиз каби халқпарвар, олийжаноб, қатъиятли ва мард инсон раҳбар бўлса-ю, бутун дунё халқлари ўзаро дўст, биздагидек меҳр-оқибатли, эзгу орзу-ҳавасли, кексалари эъзозда, ёшлари эса хизматда бўлса, деб орзу қиламан.



Биз – йўл қурувчилари, оддий ишчилар Сизни Ўзбекистон Республикаси Президенти лавозимига қайта сайланганингиз билан яна бир бор чин юракдан табриклаймиз. Сизга узок умр, ишларингизда муваффақиятлар тилаймиз. Илоҳим, юртимиз Сиз орзу қилгандек озод ва обод, қудратли бўлсин, ҳеч кимдан кам бўлмайлик. Биз эса Сизга муносиб фарзанд, мустаҳкам суянчиқ, ватанпарвар ўғлонлар бўлайлик.

Сизга чуқур ҳурмат билан:

**Салоҳиддин Раҳматов,
Фарғона вилояти, Ўзбекистон тумани,
Қораёзбобо кишлоқ фуқаролар
йиғини, Давлатботир кишлоғи**

2015 йил 1 апрель



Мухтарам Ислон Абдуганиевич!

Авваламбор, Сизни кириб келган Янги йил билан оиламиз номидан табриклайман. 2015 йилни «Кексаларни эъзозлаш йили» деб эълон қилганингиз биз – Фарғона вилояти халқини қувонтирди.

Мен – Санобархон Мухаматхонова 1954 йилда туғилганман, беш ўғлим, беш келиним, ўн икки неварам ва бир чеварам бор. Оиламиз катта. Болаларим ҳаммаси тадбиркор, ўз ишининг устаси, фарзандларига меҳрибон ота. Ўғилларим бири-бири билан аҳил-инок, нима иш қилишмоқчи бўлишса, бамаслаҳат қилишади. Фарзандларим, невараларим ҳар доим ишга кетиш олдидан мендан дуо олиб, кейин кўчага чиқишади.

Турмуш ўртоғим Абдурашид Мухаматхонов 1998 йили вафот этган. У киши фарзандларимизни келажакда давлатимизга, халқимизга нафи тегсин, деб яхши ўқитганлар. Ўзбекистонимизнинг чекка ҳудудларида, қишлоқ жойларда коллежлар ва ёш оилаларга замонавий уйлар қурилишини раҳматли турмуш ўртоғим орзу қилар эди. Мана энди, Сизнинг саъй-ҳаракатингиз ва меҳнатингиз



туфайли, ўша кунлар келиб, қишлоқларда ёш оилаларга намунавий уй-жойлар ва ўқувчи ёшларга коллежлар қуриб бериляпти.

Куни кеча телевизорда кўрдик, Сиз Олий Мажлис Сенатидаги нутқингизда ёшларимиз пухта таълим олиши, коллежларда ўқиб, ҳунар эгаллаши шарт, деб айтдингиз. Биз бунга эшитиб, жуда таъсирландик, хурсанд бўлдик. Ёшларимиз – Ўзбекистонимизнинг келажаги, улардан умидимиз жуда катта. Менинг невараларим ҳам ҳарбий хизматни ўташини ва олий ўқув юртиларида ўқишини орзу қиламан.

Бугун дунёнинг турли жойларида нотинчликлар, урушлар бўляпти. Мана шундай даврда Ўзбекистонимизда тинчлик, осудалик ҳукм сурмоқда. Бунинг учун биз Оллоҳга шукурлар қилиб, Сизга раҳматлар айтамыз.

Ушбу мактубимнинг охирида Сизга соғлиқ-омонлик, бахту саодат, қут-барақа, масъулиятли ишларингизда омадлар тилаб қоламан.

**Санобархон Мухаматхонова,
Фарғона вилояти, Марғилон шаҳри,
Тинчлик кўчаси, 127-«А» уй**

2015 йил 26 январь



Азиз Ислом Абдуғаниевич!

Муродимга етказганига шукур! Яна Сизни Худойим бизга йўлбошчи қилиб қолдирганига шукур. Мен, бир ғариб, куну тун факатгина шунини илтижо қилиб сўрадим. Чунки Сиз борлигингиз учун ёлғизлигим, ногиронлигимни сезмасдан яшаяпман, бағрим бутун.

Мен ва мен кабиларнинг бахтимизга соғ бўлинг, илоҳим.

Юрак-юрагимдан сезиб турибман, менга ўхшаганлар жуда кўп. Чунки рўшноликни Сизнинг раҳнамолигингиз остида кўрдик, кўряпмиз ва кўраимиз, Худо хоҳласа.

Сизни қизгин табриклаб, тани сихатлик, хотиржамлик тилайман.

Лейла Зарнишанова,

Фарғона вилояти,

Қўкон шаҳри,

Муқимий кўргони,

32-уй, 1-хонадон

2015 йил 3 апрель



**Ассалому алайкум, ҳурматли
Ислом Абдуғаниевич!**

Сизга мактуб йўллаш учун қўлимга қалам олар эканман, беихтиёр олис болалик дамларим хотирамда гавдаланди. Ўшанда уруш йиллари эди. Отам – Азимжон Маматкулов 1941 йилда урушга кетиб, қайтмадилар. Онам – Шарофатхон ая 23 ёшида бева қолиб, уч нафар фарзандни оқ ювиб, оқ тараб, не-не қийинчиликлар билан вояга етказдилар, уйли-жойли қилдилар, қора меҳнатда эзилдилар. Ота нонини емадик, ота қийимини қиймадик, отаси борларга ҳавас қилиб ўсдик.

Орадан йиллар ўтиб, ҳур ва фаровон замон келганини онаизорим кўрдилар. Сиз туфайли Ватанимиз узра истиклол қуёши нур сочди, онам сингари минг-минглаб эзилган аёллар, заҳматкаш инсонларнинг бағрига шамол тегди. 101 ёшга кирган онам тоабод Сиздан миннатдор бўлиб, ҳаётидан, эл-юртнинг хотиржам ва фаровон турмушидан мамнун бўлиб, боқий дунёга рихлат қилдилар. У киши «Мана, болаларим, Юртбошимиз пенсия пулларимизни кўпайтириб, бизни бой қияпти. Илоҳим, Юртбошимизни




Оллоҳнинг ўзи кўлласин, доимо омон бўлсин», деб кўп таъкидлардилар.

Мен ўзим туғилиб ўсган қишлоғимдаги мактабда 40 йил ўқитувчилик қилиб, ёшларга таълим-тарбия бердим. Айни пайтда пенсиядаман. Онам айтганидек, йилдан-йилга пенсия пуллари миз ошиб борапти. Шу боис яйраб-яшнаб кексалик гаштини суряпмиз.

Сиз туфайли мамлакатимизда қарор топган ҳамжиҳатлик, меҳр-оқибат муҳити дунёнинг бошқа бирор давлатида кузатилмайди. Қарияларини эъзозлаган, фарзандларининг бошида соябон бўлган, халки учун кечаю кундуз қайғурадиган, меҳрибон Юртбошим, доимо соғ бўлинг! Оллоҳ Сизни ёмон кўзлардан асрасин!

**Раҳимахон Азимова,
Фарғона вилояти, Данғара тумани,
Найманча қишлоқ фуқаролар
йигини, Уч уйли қишлоғи, 7-уй**

2015 йил 26 февраль



Кадрли Ислом Абдуғаниевич!

Сизни 2015 йил 29 март куни мамлакатимизда кўппартиявийлик ва муқобиллик асосида, халқаро ҳуқуқнинг умумэътироф этилган қоидалари ва миллий сайлов қонунчилигимиз талабларига тўла мувофиқ ҳолда бўлиб ўтган Ўзбекистон Республикаси Президенти сайловида сайловчиларнинг, халқимизнинг ҳақли равишда энг кўп – 90,39 фоиз овозини қўлга киритиб, Ўзбекистон Республикаси Президенти этиб қайта сайланганингиз муносабати билан кўплаб юртдошларимиз қаторида оиламизнинг барча аъзолари номидан қизгин табриклашга, қувончимиз, шоду хуррамлигимизни етказишга руҳсат бергайсиз.

Мен ўйлайманки, миллионлаб фуқароларимизнинг Сизни қўллаб-қувватлаб овоз берганини Сизнинг энг таҳликали ва қалтис, беқарор бир вазиятда, одамларнинг эртанги куни, тинчлиги ва осойишталиги хавф остида қолган мураккаб замонда юрт раҳбари сифатида иш бошлаган дастлабки кунларингиздан бошлаб, шу юртда яшаётган ҳар бир инсоннинг тинч, осуда ва фа-



ровон, бахтли ҳаёт кечириши учун кўрсатаётган юксак ғамхўрлигингиз, халкимиз, миллатимизнинг шаъни, кадр-киммати ва ғурур-ифтихорини асраш йўлида ўз жонингизни ҳам фидо қилишга тайёр бўлганингиз ва эл-юртимизга бўлган чексиз меҳр-муҳаббатингизга жавобан халкимизнинг билдирган ишончи ва самимий миннатдорлиги деб баҳолаш мумкин.

Сизнинг олиб бораётган сиёсатингиз туфайли юртимизда турли миллат ва элат вакиллари тинч-тотув ва инوқликда ҳаёт кечирмоқда, виждон эркинлиги таъминланган, ижтимоий келиб чиқишидан қатъи назар, ҳар бир инсоннинг таълим олиши, касб-хунар эгаллаши ва ўз иқтидорини тўла намоён этиши, давлат томонидан ижтимоий ҳимоя қилиниши, бир сўз билан айтганда, эркин ва фаровон ҳаёт кечириши учун барча шарт-шароит ва қонунчилик асослари яратилган.

Бу имкониятларнинг шахсан менинг ҳаётимда тутган ўрни ҳақида тўхталмоқчиман.

Отам Жамол Камолов тақдир тақозоси билан 1982 йили 32 ёшида автоҳалокат туфайли вафот этиб, оилада беш нафар фарзанд – тўнғичи саккиз ёшда, энг кичиги мен, ўн ойлик чақалоқ – ёлғиз онам кўлида қолиб кетганмиз.

Баъзида ўйланиб қоламан, агарда мен Ўзбекистон деган муқаддас заминда туғилмаганимда,



оиламиз бошига тушган бу синовлар оқибатида биз ҳозир қай аҳволда кун кечираётган бўлар эдик? Ёки ўз жонимизни асраш, фақатгина қорин тўйдириш учун кимларнингдир кўлида тобе бўлиб ишлаётган бўлармидик?

Оллоҳга беадад шукурлар бўлсинки, ёшларнинг таълим олиши, касб-хунар эгаллаши учун яратилган шароит ва имкониятлар, шу юртда яшаётган ҳар бир ўғил-қиз – менинг болаларим, деб, уларга кўрсатаётган эътиборингиз, оталарча ғамхўрлигингиз натижасида оиламиздаги беш фарзанднинг ҳаммаси ўқиб, олий маълумотли бўлдик.

Мен ўзим Тошкент давлат техника университетида менежмент йўналиши бўйича ўқидим. Университетда «Камолот» ёшлар ижтимоий ҳаракати бошлангич ташкилоти етакчиси, «Ёшлик» талабалар шаҳарчасида ёшлар етакчиси, сўнгра «Камолот» ЁИХ Тошкент вилояти кенгаши раиси вазифаларида ишладим. 2009 йилда Сизнинг фармойишингизга асосан таъсис этилган «Ўзбекистон белгиси» кўкрак нишони, 2011 йилда эса «Ўзбекистон Республикаси мустақиллигига 20 йил» эсдалик нишони билан тақдирландим. Бундан ортиқ бахт, қувонч бўладими?

Бугунги кунда оила аъзоларимнинг барчаси – ака ва опаларим билан жамиятда ўз ўрнимиз-



га эга бўлиб, узлуксиз таълим тизимининг умумий ўрта, ўрта махсус, касб-хунар ва олий таълим тизимида меҳнат қилиб, таълим соҳасидаги ислохотлар ва ёшлар тарбиясида фаол иштирок этишга ҳаракат қилиб келмоқдамиз.

Биз бутун оиламиз билан мана шу муқаддас заминда туғилиб ўсганимиз, яшаётганимиздан фахрланамиз ва Оллоҳга шукроналар айтамиз.

Ўйлайманки, бизнинг бугунги ёш авлод, умуман, барча замондошларимиз жуда ҳам бахтли бир даврда, миллатимиз, халқимиз тарихига зарҳал ҳарфлар билан битиладиган йилларда яшаб, меҳнат қилмоқда. Сиз кўп бор таъкидлаганингиздек, орадан йиллар, асрлар ўтади, келгуси авлод вакиллари бугунги кунларни, миллат тарихида туб бурилиш ясаган, шу юртни жаҳон тамаддунида ўзига хос ўрни ва мавқеига эга бўлган давлатга айлантирган даврни, инсонларни зўр мамнуният ва ҳурмат билан эслайди.

Ана шундай бахтли замонлар келиши, жонажон диёримизнинг буюк мамлакатлар қаторидан муносиб ва мустаҳкам жой эгаллаши учун бугун юртимизда яшаётган ҳар бир инсон ўз иш жойида, меҳнат жамоасида ягона бир мақсад атрофида жипслашиб, виждонан, юксак масъулият билан шу юрт тараккиёти учун меҳнат қилиши, керак бўлса, бу йўлда ўз умри, ҳаётини бағишлаши лозим, деб ўйлайман.



Ҳурматли Ислом Абдуғаниевич!

Эзгу фаолиятингизда Сизга мустаҳкам соғлик, узок умр тилайман, халқимиз бахтига доимо соғ ва омон бўлишингизни Яратгандан сўраб қоламан.

**Азамат Камолов,
Тошкент вилояти, Қуйичирчиқ
тумани, Майдонтол қишлоқ
фукаролар йиғини,
Қизона қишлоғи**

2015 йил 8 апрель



Ассалому алайкум, қадрли Ислом Абдуғаниевич!

Авваламбор, Сизни яқинлашиб келаётган Янги йил билан муборакбод этаман.

Ўзбекистон Республикаси Конституцияси қабул қилинганининг йигирма бир йиллик байрамига бағишлаб ўтказилган тантанали маросимда сўзлаган нутқингизни ҳаяжон билан эшитдим. Айниқса, аёл кадри ва эъзози тўғрисидаги сўзларингиз мени тўлқинлантирди.

Мен 2009 йили Ўзбекистон Миллий университети тамомлаб, филолог мутахассислигига эга бўлдим. Шу йили ўзим яшайдиган Сўкок кишлоғидаги агросаноат ва сервис касб-хунар коллежида ўқитувчи сифатида меҳнат фаолиятимни бошладим. Коллежимизда ўқиш ва ишлаш учун барча шароитлар яратилган. Ўқувчи ёшлар, ота-онаси бағридан узоқлашмасдан, касб-хунар эгаси бўляпти, юзга яқин малакали мутахассис уларга таълим-тарбия бериб келмоқда. Турмуш ўртоғим ҳам шу соҳада ишлаяпти.

Мухтарам Ислом Абдуғаниевич!

Мустақиллигимизнинг йигирма икки йиллик тўйи мен учун қўшалок байрам бўлди. Яратган



эгам менга бир йўла уч фарзанднинг онаси бўлишдек бахтни насиб этди.

Ҳасан, Ҳусан, Усмон – ана шу уч ўғлим туфайли мен учун янги давр, янги дунё бошланди! Бу ажойиб хурсандчиликдан анча вақтгача ўзимга келолмасдан юрган бўлсам-да, юртимиз аёллари, оналар ва болалар учун яратилган шароитлар, ғамхўрликларни ҳис этиб турдим. Менинг бундай тўқис бахтга эришишимда бутун дунё ҳайратига сазовор бўлган «Соғлом она – соғлом бола» деб номланган дастур асосидаги сиёсатингизнинг аҳамияти чексиздир.

2014 йилнинг юртимизда «Соғлом бола йили» деб эълон қилинган бу инсонпарвар сиёсатингизнинг узвий давоми бўлди ва менинг эгизакларим келажагига бўлган ишончимни янада орттирди. Фарзандларимнинг соғ-саломат дунёга келишида, ўзимнинг соғлиғимни сақлашда Республика перинатал марказидаги шароитлар ва имкониятлар, у ердаги қўли енгил ва ширинсўз шифокорларнинг хизмати бекиёс бўлди. Бундай хайрли ишларнинг бошида ўзингиз турганингиз учун чексиз миннатдорлигимни билдираман.

Мен бундай ғамхўрликларингизга жавобан, фарзандларимни Ўзбекистоннинг истиқболи, буюк келажаги йўлида меҳнат қиладиган қомил инсонлар этиб вояга етказишга ҳаракат қиламан.



Яна бир бор янги 2014 йил – «Соғлом бола йили» муборак бўлсин!

Оллохдан Сизга узоқ умр, сиҳат-саломатлик тилайман.

**Лола Икромов,
Тошкент вилояти, Паркент тумани,
Паркент агросаноат ва сервис
касб-ҳунар коллежи ўқитувчиси**

2013 йил 17 декабрь



Ҳурматли Ислом Абдуганиевич!

Сизни муборак Ҳайит байрами билан табриклаймиз!

Сиз томонингиздан 2015 йилнинг юртимизда «Кексаларни эъзозлаш йили» деб аталиши ҳамда биз – кексаларни моддий ва маънавий рағбатлантиришга қаратилган фармонингиз шарофати билан бир гуруҳ Иккинчи жаҳон уруши иштирокчилари ҳамда фронт орти меҳнат фажрийлари 2015 йилнинг 4 – 16 июль кунлари Тошкент вилоятидаги «Умид гулшани» санаторийсида бепул даволаниб, мириқиб дам олдик.

Санатория ходимлари бизни илиқ кутиб олиб, шинам, кулай хоналарга жойлаштиришди. У ердаги сўлим табиат, энг замонавий тиббий асбоб-ускуналар ва ширинсухан ходимлар бизни лол қолдирди. Санатория ошхонасида худди ресторанлардагидек хизмат ташкил қилиниб, мазали парҳез таомлар муҳайё этилди.

Соҳа мутахассислари иштирокида ташкил этилган «Кексаларни эъзозлаш йили: мазмун ва моҳият», «Соғлом ҳаёт – обод турмуш гарови»,



«Ёз фаслида саломатликни асраш», «Миллий маънавиятимизни шакллантиришда анъанавий кадриятларимизнинг ўрни», «Сизнинг ҳаётингиз биз учун ибрат» мавзуларидаги маънавий-маърифий давра суҳбатларида, концерт дастурларида фаол қатнашдик.

Тошкент шаҳри ва пойтахт вилоятининг диққатга сазовор жойларига саёҳатлар уюштирилди. Хаста Имом, Зангиота зиёратгоҳлари, Мустақиллик майдони, Шаҳидлар хотираси хиёбони, «Қатағон қурбонлари» музейига ташрифдан бир олам таассурот олдик. Зиёрат давомида юртимизга тинчлик, қут-барақа, Сизга соғлиқ тилаб дуолар қилдик. Қадримиз улуғланганидан бағримиз шукроналикка тўлди. Шу юртда яшаётганимиздан ғурурланиб кетдик. Беихтиёр Сизнинг ўзимизга «Биз кеча ким эдигу бугун ким бўлдик?» деган саволни бериб, унга ҳар биримиз муносиб жавоб топа олишимиз кераклигини бежиз такрор ва такрор таъкидламаётганингизга яна бир бор амин бўлдик.

Тўғриси, Тошкентга етиб келгунча йўлда кўрганларимиз, санаторияда дам олиш жараёнидаги сайру саёҳатларимиз давомида мамлакатимизда сўнгги йигирма беш йилдан ортиқ даврда Сизнинг раҳнамолигингизда барча соҳаларда олиб борилган ислохотларнинг мисли кўрилмаган на-



тижаларини кўриб, кўзимиз қувнади, ўзимизни ёшаргандек ҳис этдик.

Муҳтарам Ислон Абдуганиевич!

Сизга айтадиган гапларимиз кўп. Одамзод ўз сирини тасодифан дуч келган кишига очавермайди, қандай оғир вазиятга тушмасин, дарду ғамини ҳаммага ҳам баён қилмайди. Фақат ўзи ҳурмат қилган, ишонган инсонгагина дил сирларини очиши мумкин, деган фикрларингиздан руҳланиб, яна бир гапни айтмоқчимиз.

Тақдир экан, биз ва биз тенгиларнинг болалик, ёшлик пайтлари ҳавас қиладиган даражада ўтмади. Бугун фарзандларимиз, невараларимизнинг дунёкараши, эришаётган ютуқларини кўриб, уларга ҳавас қиламиз, биз кўрмаган кунлар уларга насиб этганидан қувонамиз.

Номинг ўчгур уруш йилларида бошимиз не не кўргуликларни кўрмади дейсиз. Ўша мудҳиш йилларда мактаб кўрмаганмиз, эртадан кечгача далада меҳнат қилганмиз. Тирик қолиш учун тарик, кунжара, чигит еганмиз. Бундай гаплар бугун баъзи ёшларга эртакдек бўлиб туюлсада, лекин бу – бор гап. Ҳозир ҳам яқин ва узоқ давлатлардаги нотинчликларни кўриб, эшитиб, Ўзбекистонимиздаги тинчлик ва фаровон ҳаётга шукрона айтамиз.



Сизга яна бир бор биз кексаларга кўрсатилаётган юксак эътибор учун чексиз миннатдорлигимизни билдирамиз.

Хурмат билан:

**Ҳамид Тилолов, Холикул Рустамов,
Раҳмат Нигматов, Қорабой Янгибоев,
Жовли Ойназаров, Соат Ойназаров,
Норбўта Усмонов, Соҳоб Шошев,
Абдулла Матбоев, Турғунбой Қаршибоев,
Саид Сафаров, Мамир Ибрагимов,
Рисолат Чориева, Мажид Тожибоев,
Олимжон Ибрагимов, Боймурот Каримов,
Жуман Махатов, Олтин Махатова,
Аҳматжон Мансуров, Нарзиқул Бўрибоев,
Носир Мусаев, Сайли Миразимова,
Бойали Истамқулов, Майя Ҳасанова,
Ольга Марковская,**

Тошкент вилояти, Қибрай тумани,
«Умид гулшани» санаторийси

2015 йил 16 июль



**Ассалому алайкум, мухтарам Президентимиз
Ислом Абдуганиевич Каримов!**


Авваламбор, Сизни серкуёш ўлкамизга файзу барака олиб келган янги – 2016 йил ҳамда таваллуд айёмингиз билан муборакбод этаман.

2016 йилни юртимизда «Соғлом она ва бола йили» деб эълон қилишингиз ушбу миннатдорлик мактубини ёзишимга туртки бўлди.

Мен 1987 йили Қорақалпоғистон Республикасининг Элликқалъа туманида туғилганман. Отамдан эрта жудо бўлдим. Онамнинг саломатлигини тиклаш мақсадида Тошкент шаҳрига кўчиб келдик. Ўзим танлаган телевидение режиссёрлиги мутахассислиги бўйича олий таълим муассасасига ўқишга кирдим.

Ҳар бир ўзбек қизи вояга етар экан, ота-онасининг бағридан ойдин орзулар билан ўзга уйга кадам қўйишни ният қилади. Мен ҳам бир оиланинг гўзал келини, ширин фарзандларнинг меҳрибон онаси, ўқтам йигитнинг суюкли ёри бўлишни орзу қилдим.

2011 йилнинг декабрь ойи эди. Ўзбекистон Республикаси Конституцияси қабул қилинганининг 19 йиллигига бағишланган тантанали тадбирни



онам билан бирга телевизорда томоша қилдик. Сизнинг нутқингизни жон қулоғимиз билан тингладик, Ватан пойдевори бўлмиш оилага бўлган алоҳида эътиборингизни ҳис этдик. Сиз 2012 йилни – «Мустаҳкам оила йили» деб эълон қилдингиз. Гўёки «Қизим, бу йил – сенинг йилинг. Бахтли бўл!», деяётгандек эдингиз.

Ўша йили Жўрабек Мардаевга турмушга чиқдим. Тақдир мени Ватанимнинг сўлим гўшала-ридан бири бўлган Сурхондарё вилоятининг Анг-гор туманига келин қилиб олиб кетди. Турмуш ўртоғимнинг иши ва ўқишим борлиги учун пой-тахтга қайтдик.

Катта ҳаётдаги янги турмушимиз шундай бошланди. Сизнинг ташаббусингиз билан ёшлар учун яратилаётган имкониятлардан унумли фой-даланиб, Ватан ривожига кичик бўлса-да, ўз ҳиссамизни қўшиб яшай бошладик. Шу орада волидаи муҳтарамам ҳам бу дунёни тарк этди.

2014 йили Ўзбекистон давлат санъат ва мада-ният институтининг кино, телевидение ва радио режиссёрлиги йўналишини имтиёзли диплом би-лан тугатдим.

Оллоҳ бизга оиланинг мустаҳкам пойдево-ри бўлмиш фарзанд ато этмади. Бироқ тушкун-ликка тушмадик. Уч йил давомида даволандик. Яқинларимизнинг қўллаб-қувватлаши ва Сиз-нинг раҳбарлигингизда барча соҳалар каби тиб-биётда ҳам олиб борилаётган ислохотлар нати-



жасида эртанги кунга ишонч, тоғдек суянчни ҳис қилиб, ишонч ва сабр-тоқат билан яшадик.

2015 йил оиламиз учун жуда хайрли келди. Йилнинг бошида Сизнинг 2014 йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги қарорингизга му-вофик «Камолот» уйини олиш учун ҳужжат топширдик. Ҳаракатларимиз зое кетмади. Мам-лакатимизнинг ижтимоий ҳаётида фаол қатна-шаётган ёш оилаларга «Камолот» уйлари-ни бериш бўйича 2015 йилнинг 1 июнь санасида ўтказилган «Камолот» ЁИХ Марказий кенгаши қошидаги республика комиссиясининг қарорига асосан бизга уй берилиши маълум қилинди.

Беҳад қувондим. Чунки турмуш ўртоғим би-лан Тошкент шаҳрида ижарада яшаб келаётган эдик. Бу орада сизнинг ташаббусингиз билан ташкил қилинган «Madaniyat va ma'rifat» телека-нали ҳузуридаги «Diyor» телеканалда режиссёр сифатида ижодий фаолиятимни бошладим. Тур-муш ўртоғим ҳам «Dunyo bo'ylab» телеканалига режиссёр бўлиб ишга кирди. Барча оиламизга ҳавас қила бошлади.

2015 йилнинг декабрь ойи. Ўзбекистон Рес-публикаси Конституцияси қабул қилинганининг 23 йиллигига бағишланган тантанали маросимни турмуш ўртоғим билан бирга кўриб ўтирибмиз. Сизнинг қизларимиз, аёлларимизга қарата «Ва-



тан тақдири сизнинг кўлингизда», «Бизга соғлом келажак керак» деган сўзларингиз қалбимни тўлқинлантириб юборди. Ҳурматли эркакларга мурожаат қилиб, «Керак бўлса, аёлларни, айниса, ҳомиладор аёлни бошимизга кўтариб юришимиз керак», деб айтганингизда кўзларим қувонч ёшларига тўлди. Сабаби – шу кунларда шифокорлар бизга муҳим янгиликни маълум қилишган эди. Мамлакатимизда кадрланаётган, ардокланаётган ўша бўлажак оналар орасида энди мен ҳам борман.

Худо хоҳласа, «Соғлом она ва бола йили»да туғилажак фарзандим Ватанимиз равнақи, тинчлигу хотиржамлиги, юксалиши йўлида муносиб ҳисса қўшадиган, соғлом, баркамол, иймон-эътиқодли, ватанпарвар, бир сўз билан айтганда, Сизнинг ва халқимизнинг ишончини оқлайдиган инсон бўлиб етишади.

Илоҳим, бизнинг бахтимизга умрингиз узок бўлсин! Соғ-саломат бўлинг!

**Сурайё Мардаева,
Тошкент вилояти, Қибрай тумани,
Мирзо Улуғбек кўчаси, 56-уй**

2016 йил 2 февраль



Ассалому алайкум, ҳурматли Ислом Абдуғаниевич!

Аввало, туғилган кунингиз билан чин қалбимдан табриклайман. Сизга узок умр, сиҳат-саломатлик, бахту саодат тилайман. Яқинлашиб келаётган Президент сайловида ғолиб бўлиб, халқимизнинг бошида соябон, йўлбошчимиз бўлиб, ишингизни давом эттиришингизни Оллоҳдан сўрайман.

Мен Наманган вилоятининг Косонсой тумани, Қўқумбой қишлоғида туғилдим, шу қишлоқда яшадим, мактабни аъло баҳоларга битирдим, лекин ўша пайтлари институтларда ўқиш менга насиб этмади, турмушга бериб юборишди. Турмуш ўртоғим билан 38 йил бирга яшаб, беш нафар фарзанд кўриб, уларни олий маълумотли, эл қорига камарбаста инсонлар этиб улғайтирдик. Орзуларим бир армон бўлиб қолган эди. Ичимда қолган ниятларимни бугун фарзандларим амалга оширмоқда, шунисига шукур.

Катта ўғлим – Зафаржон Ортиқов Тошкент давлат иқтисодиёт университетини тамомлаб, бугунги кунда Тошкент шаҳридаги корхоналар-



дан бирида менежер бўлиб ишламоқда. Иккинчи ўғлим – Шухратжон эса Тошкент давлат тўкимачилик ва енгил саноат институтини тамомлаб, Тошкент вилоятининг Пискент туманидаги фабрикада директор ўринбосари лавозимида фаолият юритмоқда. Учинчи ўғлим – Шавкатжон «Халқ сўзи» газетасида 15 йилдан буён ишлаб келади. Бу орада у «Олтин қалам» миллий мукофоти билан, 32 ёшида эса Сизнинг фармонингиз асосида «Шухрат» медали билан тақдирланди. Тўртинчи ўғлим – Шерали Ўзбек давлат миллий академик драма театрида актёр бўлиб ишляпти. Бешинчи фарзандим – кенжа кизим эса коллежни тамомлаб, ўзига мос касбунарга эгаллади.

Болаларимга, невараларимга мустақиллигимизга қийинчилик билан эришганимиз ва бу фаровон кунларнинг кадрига етишимиз кераклигини кўп таъкидлайман. Ижодкор ўғилларимга янги қурилган уйлар ҳақида, катта-катта стадионлар, маҳобатли спорт мажмуалари ҳақида, юртимиз донғини дунёга таратаётган спортчилар, замонамиз қахрамонлари тўғрисида ёзинглар, деб маслаҳатлар бераман.

Мен икки тузумни кўрган аёлман. Айниқса, мустақиллик арафасидаги ҳаётимизни эсласак, у пайтлари яшаш, кун кечириш ниҳоятда оғир кечар эди. Собик СССРдаги турли тазйиқлар,



дўконлар бўм-бўш, умидсизлик, ишончсизлик, тушкунлик... Биз – аянчли ўтмишнинг жонли гувоҳимиз.

Ўтган 23 йил мобайнида не-не қийинчиликларни енгиб ўтмадик. Сиз доимо бутун халқимизни ёруғ истикболимизга ишонтириб, олға бошлаб келдингиз. «Биз ҳеч кимдан кам эмасмиз» деган даъват билан байроғимизни баланд кўтариб, мана шу фаровон кунларга етиб келдик, иншооллох.

Ўтган суронли ва синовли йилларда Ватани, халқи учун жонини ҳам тикиб, улкан жасорат кўрсатган, Ўзбекистондаги барча ўғил-қизларни фарзандларим, дилбандларим деб, бағрига чорлаган, меҳр ва ғамхўрлигини аямаган мухтарам Юртбошимга чин қалбимдан таъзим қиламан.

Биламан, Сиз аёлларни жуда ҳурмат қиласиз. Доимо бахтимизга соғ ва омон бўлинг, деб беш нафар фарзанднинг онаси, тўрт келиннинг қайнонаси, ўн бир нафар набиранинг бувиси:

**Умринисо Аҳмедова,
Наманган вилояти, Косонсой тумани,
Қўқумбой қишлоқ фуқаролар йиғини,
Навбахор маҳалласи**

2015 йил 28 январь

Проза

**Ассалому алайкум, ҳурматли
Ислом Абдуғаниевич!**

Соғ-омонмисиз, улкан масъулиятли ишларингизда чарчамасдан, толиқмасдан юрибсизми? Таваллуд айёмингиз муборак бўлсин!

Мен – Майрамхон Холматова, Наманган вилояти, Чортоқ туманининг Короскон қишлоғи, Анорзор маҳалласиданман. Оддий қишлоқ аёли сифатида Сиз туфайли оилам ҳаётида юз бераётган хурсандчиликларни баён этмоқчиман. Турмуш ўртоғим – Асатилла Абдуллаев телеуста, мен эса туман алоқа бўлимида 33 йил телефончи бўлиб ишлаб, олти нафар фарзандни катта қилдик.

Болаларимиз мустақиллик даврида улғайишди, минг шукур, бари ўқимишли, касбу корли бўлиб вояга етишмоқда.

Катта ўғлим – Иззатилла касб-хунар коллежидан ўқиди, у ҳам телеуста бўлиб, отасига кўмаклашяпти.

Иккинчи ўғлим – Неъматилла Чортоқ туманидаги иқтидорли болалар лицей-мактабида ўқиб, Тошкентга – юридик институтига ўқишга бориш учун биздан рухсат сўради. Биз эр-хо-

Проза

тин: «Кўй, ўғлим, у ерга бизга ўхшаган оддий одамларнинг болалари қиролмайди», деб уни ниятидан қайтармоқчи бўлдик. Аммо ўғлим: «Йўқ, менга оқ фотиҳа беринг, билимимни синаб кўрай, мен Президентимиз жорий қилган адолатли тест синовларига ишонаман», деб ўқишга отланди. Қарангки, ўғлим тест синовларидан муваффақиятли ўтиб, Тошкент давлат юридик институтига бюджет асосида ўқишга кирди. 2002 йилда ўқишини битириб, дипломли бўлди. Ҳозирги кунда у вилоятимиздаги ҳуқуқни муҳофаза қиладиган нуфузли идоралардан бирида масъул вазифада ишлаб, Ватанимизга, халқимизга холис хизмат қилиб келмоқда.

Қизим – Меҳринисо ҳам ўз кучи билан бюджет асосида Наманган давлат университетининг биология факультетига ўқишга кирди. Айни пайтда икки нафар фарзанди бор, қишлоғимиздаги 33-мактабда биология фанидан дарс бериб келмоқда.

Биз – эр-хотин пенсия ёшидамыз, қарангки, қолган фарзандларимиз ҳам бирин-кетин тест синовларидан ўтиб, олий ўқув юртларида таҳсил олишмоқда: Раҳматилла ва Муҳайёхон Наманган муҳандислик институтида бюджет асосида ўқишмоқда.

Айниқса, Муҳайёхоннинг ўқишга кириши қизик бўлган. У турмушга чиқиб, фарзандлари туғилгач, укаларининг университетларда таҳсил



олаётганидан қувонди. Ўзига ишончи уйғониб, тайёрлана бошлади. Мана, ҳозир у ҳам Наманган муҳандислик институти талабаси, бюджет асосида ўқимокда. Мен эса унинг фарзандларига қараяпман.

Кенжамиз – Ҳикматилла Жиззах вилоятида жойлашган ҳарбий қисмда бир йиллик хизматни яхши ҳулқ билан ўтаб, имтиёзли асосда Тошкент фармацевтика институтига қабул қилинди. Унинг шартнома асосида ўқишга киргани бизни бироз ўйлантирди, лекин яна бир қулайлик – таълим кредитидан фойдаланиб, ўқишни бошлаб юборди.

Фарзандларимиз, келажак авлодларимиз ҳаётини, истиқболини ўйлаб амалга ошираётган ислохотларингиз, ҳар бир қарорингиз халқимизнинг фаровонлиги, юрт осойишталигига хизмат қилмоқда.

Сизнинг халқ учун, Ватан учун қилган хайрли ишларингизни айтиб, адоғига етиб бўлмайди. Неча йиллар давомида мустабид тузумда эзилиб яшаган, «иккинчи сорт» одамларга айлантирилиб, пахта етиштиришга маҳкум қилинган халқимизга Сиз ўзлигини қайтариб бердингиз. Сизни бизга Оллоҳнинг ўзи етказди, умрингиз узок бўлсин.

Майрамхон Холматова

2015 йил 3 февраль



**Ассалому алайкум, ҳурматли
Ислом Абдуғаниевич!**

Сизни таваллуд кунингиз билан оиламиз номидан чин юракдан муборакбод этаман.

Бугун кўзи очик ҳар бир инсон халқимизнинг ҳозирги тараққиёт даражасигача етиши учун қаида 150–200 йиллар керак эканини чуқур аанлайди. Сизнинг оқилона ва ҳар томонлама пухта ўйланган сиёсатингиз туфайли бор-йўғи 24 йил ичида шундай фаровон ҳаётга эришдик.

Мен ўзимнинг тақдиримдан беҳад бахтиёрман. Узок йиллар Навоий вилоятида «Камолот» ёшлар ижтимоий ҳаракатида, «Маҳалла» жамоат фондида, вилоят Ёзувчилар уюшмасида фаолият юритдим. Ҳозир пенсиядаман. Ўтган йили ҳар бир мусулмоннинг орзуси бўлган ҳаж амалини бажаришга муваффақ бўлдим.

Тўрт нафар фарзандим бор. Катта ўғлим маданият соҳасида фаолият юритмоқда.

Катта қизим Жаҳон иктисодиёти ва дипломатия университетининг магистратурасини тамамлаб, турмуш ўртоғи билан биргаликда юртимизга хизмат қилмоқда.



Кичик кизим ҳозирги кунда АҚШда тиббиёт клиникаларидан бирида болалар кардиохирургияси бўйича таҳсил олмоқда. Турмуш ўртоғи эса ўша ерда молия соҳаси бўйича докторантурада ўқимоқда.

Кичик ўғлим ҳам ўзи севган касби бўйича меҳнат қилмоқда.

Ана шу фарзандларимнинг, оиламнинг тақдирида бевосита Сизнинг шарофатингиз, яратиб берган имкониятларингизнинг ўрни бекиёсдир. Умуман айтганда, юртимиздаги ҳар бир хонадон, ҳар бир оила тақдирида ҳеч нарса билан баҳолаб бўлмайдиган ўрнингиз бор.

Биз ўзимиз ва юртимиз ҳаётини Сизсиз тасаввур эта олмаймиз!

Барчамизнинг бахтимизга доимо соғ-саломат бўлинг!

**Камолиддин Юсупов,
Навоий вилояти, Кармана шаҳри,
Кармана кўчаси, 106-уй**

2015 йил 30 январь



Ўзбекистон Республикаси Марказий сайлов комиссияси раисига

Биз – куйида имзо чекувчи Ўзбекистон фуқаролари ушбу мактуб орқали Ўзбекистон Республикаси Президенти лавозимига амалдаги Президент Ислом Абдуганиевич Каримовнинг номзодини кўрсатиш тўғрисидаги таклиф билан мурожаат қиламиз.

Биз Навоий кон-металлургия комбинатининг Шимолий руда бошқармасидаги йирик корхонада меҳнат қиламиз. Бу ерда 9 минг 800 нафардан зиёд киши ишлайди.

Мамлакатимизда жамият ҳаётининг барча жабҳаларини юксалтиришга қаратилган кенг кўламли ислохотлар амалга оширилаётганининг гувоҳи бўлмоқдамиз. Ўзбекистоннинг тўғри қабул қилинган ўз иқтисодий модели бугунги кунда бизга муносиб ҳаёт кечириш имконини бермоқда.

Мамлакатимиз жаҳон иқтисодий инкирози шароитида ҳам иқтисодиётимизни ривожлантириб, ажойиб ўсиш кўрсаткичларини намойиш этмоқда. Фарзандларимизнинг баркамол бўлиб



вояга етиши учун барча имкониятлар мавжуд, самарали таълим тизими яратилган. Халқимиз саломатлигининг гарови бўлган спорт, айниқса, болалар спортини ривожлантириш борасида амалга оширилаётган чора-тадбирларни қўллаб-қувватлаймиз. Маданият ривожига берилаётган улкан даражадаги эътиборни ҳам маъқуллаймиз. Ёш авлодни ишга жойлаштириш ва бандлигини таъминлаш ҳақида ғамхўрлик кўрсатилаётгани муҳимдир.

Буларнинг барчаси ҳар томонлама пухта ўйланган ва босқичма-босқич амалга оширилаётган ишлар самараси бўлиб, бунда Президентимиз Ислон Абдуғаниевич Каримовнинг хизматлари бекиёсдир.

Энг асосийси – Президентимиз жонажон заминимизда тинчлик ва осойишталикни таъминламоқда. Биз учун бундан ортиқ бойлик ҳам, бахт ҳам йўқ.

М.А. Егоркина, Д.С. Мустафаев
ва бошқалар, жами 20 имзо.

Навоий вилояти, Учқудук тумани,
Навоий кон-металлургия комбинати,
Шимолий руда бошқармаси

2015 йил 2 февраль



Ассалому алайкум, ҳурматли
Ислон Абдуғаниевич!

Мен 1971 йил 22 мартда Бухоро вилояти, Шофиркон тумани, Темирчи қишлоғида зиёли оиласида таваллуд топганман.

Ҳаётнинг аччиқ, аламли зарбаси 2009 йил 5 ноябрь куни сеvimли турмуш ўртоғимдан жудо қилиб, уч нафар кўнгли ярим норасида болам билан ёлғиз қолдирди.

Оллоҳга Сиздек жонкуяр раҳнаомиз борлиги учун шукур қилиб, ушбу мактубни йўлламоқдаман.

Бойси – тинч-осуда, фаровон замонамизда мендек ёлғиз оналар, аёллар учун чиқараётган халқчил, одилона қарорларингиз бизга маънавий жиҳатдан тетиклик бағишлаб, бардам-бақувват яшашга даъват этмоқда.

1991 йилдан бугунга қадар Ўзбекистон деб аталмиш муқаддас ўлканинг кам-кўстини тўлдириб, унинг янада гуллаб-яшнаши учун кўрсатаётган жонбозликларингизга қараб, юртимизда ҳеч қачон қисқа фурсат ичида бундай жадал, ижобий ўзгаришлар юз бермаганига тақрор ва тақрор амин бўламан. Йигирма йилдан ортиқ вақт



ичида Ўзбекистонни ривожланган давлатлар сирасига қўшишга замин яратиб, мамлакатимиз байроғининг янада баланд ҳилпирашига, ўзбек деган миллатнинг нуфузи тобора ортиб боришига қўшаётган юксак ҳиссангиз қалбимга чексиз ифтихор бахш этаётир.

Оллоҳ фақатгина соф ниятли бандаларининг эзгу умидларини рўёбга чиқаришига ишонч ҳосил қилдим. Президентликка сайловда Сиз ғолиб бўлишингизни миллионлаб юртдошларим катори мен ҳам чин дилдан истагандим. Шukurки, тилагим амалга ошди.

Сиз халқимизнинг юксак ишончини қозонганингизни фарзандлар, неvara ва чеваралар қуршовида кексалик гаштини сураётган отажоним ва онажоним ҳам катта хурсандчилик билан қарши олдилар.

Мухтарам Ислom Абдуғаниевич, Ўзбекистон Республикаси Президентидек шарафли ва масъулиятли бурчни адо этишингизда Сизга соғлик, омонлик, бахт ва омад тилаб қоламан.

**Навбахор Очилова,
Навоий кончилиқ касб-ҳунар
коллежи ўқитувчиси,
Навоий шаҳри, Жанубий қўчаси,
8-уй, 13-хонадон**

2015 йил 2 апрель



Ҳурматли Ислom Абдуғаниевич Каримов!

Авваламбор, Сизни таваллуд топган кунингиз билан оилам, касбдошларим ва маҳалладошларим номидан чин қалбдан табриклайман. Илоҳим, Оллоҳ қуч-қувватингизни янада зиёда айласин. Сиз ғамхўрлик қилаётган, бахту иқболи ҳамда истиқболи учун қайғураётган ёш авлод орзу қилганингиздек қомил инсонлар бўлиб вояга етсин.

Азиз Юртбошим, Сизни устозим ва йўлбошим деб биламан. Устоз, дейишимга сабаб – ҳар бир маърузангиз ҳамда ёзган асарларингизни ўқиганимда ундаги пурмаъно сўзлар қалбимга гўёки нур бўлиб қиради. Шундан илҳомланиб, таълим сифатини оширишда ҳар йили ўз истиқбол режамни тузиб оламан. Ижозат берсангиз, ушбу режам асосидаги айрим ютуқларимни айтиб ўтсам.

2014 йилнинг 27 ноябрида «Умумтаълим мактаблари таълим жараёнида ахборот-коммуникация технологияларидан фойдаланишнинг долзарб муаммо ва ечимлари» мавзусидаги республика илмий-амалий конференциясида «Схе-



ма асосида ўқувчиларга мураккаб масалаларни ечишни ўргатиш усули» ҳамда «Тенгламалар системасини ечишни Excel дастури воситасида ўргатишнинг афзаллиги» номли мақолаларим билан иштирок этдим. Мақолалар илмий кенгаш муҳокамасидан ўтиб, умумий маърузалар тўпламида чоп этилди.

«Соғлом бола йили» давлат дастури доирасида ўтказилган «Энг яхши электрон ахборот-таълим ресурслари» республика кўрик-танловининг вилоят боскичида ҳам фаол иштирок этиб, фахрли иккинчи ўринни эгалладим. Бундай ютуқларимда Сиз, азиз устозимнинг хиссангиз бекиёслигини ҳар доим ҳис этиб тураман.

Навоий давлат педагогика институтида ўқиб юрган кезларим (1993–1998 йиллар) Сизнинг Ватанимиз равнақи учун олиб борган ишларингизни ҳазрат Алишер Навоийнинг юрт равнақи ва ободончилиги учун олиб борган ишларига қиёслар эдим. Ҳазрат Алишер Навоийнинг ва Сизнинг китобларингиздаги ибратли сўзлар менинг ҳаётда ўз ўрнимни топишимда катта ёрдам берди.

Оллоҳнинг кароматини кўрингки, мен учун азиз бўлган ана шундай инсонлар таваллуд топган кунларда менга фарзанд неъматини берди. 1999 йил 30 январь куни ўғлим Ислонбек, 2002 йилнинг 9 феврилида қизим Фарангиз туғилди.



Улар ҳам Сиздек инсонлар бўлишини чин юракдан истайман.

Олдимизда муҳим сиёсий жараён – Президентлик сайлови турибди. Сайловда мен ва оилам Сизнинг номзодингизни қўллаб-қувватлаймиз. Она халқимиз, жонажон Ватанимиз истикболи йўлида узок йиллар юртимизга бош бўлинг!

**Вохид Мухаммедов,
Навоий вилояти, Қизилтепа туманидаги
40-ихтисослаштирилган мактаб-
интернатининг математика ва
информатика фани ўқитувчиси**

2015 йил 3 февраль



Қадрли Ислон Абдуғаниевич!

Сизни, аввало, таваллуд кунингиз билан чин қалбимдан қутлайман!

Юртимизда илм-фан, маданият, тиббиёт, спорт ва бошқа барча соҳаларни ислоҳ этиб, ўзбек халқи бошқа миллатлардан, ривожланган давлатлар халқларидан кам эмаслигини исботладингиз. Бу борадаги ишларни давом эттиришда кучингизга – куч, ғайратингизга – ғайрат қўшилишини тилайман.

Мен Чортоқ тиббиёт коллежида ўқитувчи бўлиб ишлайман. Ўттиз йилдирки, шу соҳадаман. 2003 йили камтарона меҳнатимни қадрлаб, менга «Олий ва ўрта махсус, касб-хунар таълими аълочиси» кўкрак нишони берилди.

Шу муқаддас заминда туғилганимдан, устозлари улуғладиган, аёллари қадрладиган, кексалари эъзозладиган, фарзандлари эса комил инсон қилиб тарбияланаётган гўзал ўлкада яшаётганимдан фахрланаман.

Ҳар тонг дарсларни бошлашдан олдин маънавият дақиқаларида ўқувчиларга бошқа мамлакатларда нотинчлик ҳукм сураётган, уруш бў-



лаётган бир пайтда биз тинч-осойишта ҳаёт кечираётганимизни, бошқа мамлакатларда барча болалар савод чиқариш имкониятига эга эмаслигини айтиб, бизда эса ҳозирги кунда боғча болалари нафақат она тилида, балки инглиз тилида ҳам сўзлаша олади, деб тушунтириб, шукрона келтириш кераклигини уқтираман. Айни пайтда тинчлигимизни асраб-авайлаб, огоҳ бўлиш лозимлигини таъкидлайман.

Бизнинг тинч-осойишта, фаровон ҳаёт кечиримиз учун Сиз шунчалик жон қуйдирыпсиз. Илоҳим, юз ёшлардан ошиб, бизнинг бахтимизга, Ўзбекистон ёшлари бахтига соғу саломат юринг, деб, ҳурмат билан муаллима:

Раъно Инатуллаева

2015 йил 27 январь



**Ассалому алайкум, азиз Юртбошимиз
Ислом Абдуғаниевич!**

Мен Сизга соғлик ва саломатлик тилаган ҳолда дилимдаги сўзларимни изҳор этар эканман, аввало Сизни баҳор айёми – Наврўз байрами билан табриклайман.

Сиз Ватанимиз мустақиллигини эълон қилганингизда мен 15 ёшда эдим, у вақтда мустақиллик ҳақида тўлиқ тушунчага эга эмасдим. Ҳозир 38 ёшдаман. Ёшим улғайгани сайин болалик хотираларимни тиклаб, ўша давр билан ҳозирги замонни солиштирар эканман, бугунги кунимга минг бора шукурлар қиламан. Ҳар куни дастурхон атрофида дуога қўл очсак, энг аввало Сизга узоқ-умр, сиҳат-саломатлик тилаймиз. Чунки мен бугун жуда бахтлиман. Мактаб директориман, туман кенгаши депутатлигига сайландим, ўз автомашинам бор. Бу кунларни мендек оддий бир кишлоқ қизи илгари орзу қилишга ҳам қўрқарди. Сиз бизга шундай бахт бердингизки, собиқ тузумда фақат даланинг қора меҳнатига ярайди, деб қаралган кишлоқ аёли нималарга қодир эканини кўрсатишга имкон яратдингиз.



Мен Сизнинг ташаббусингиз билан қурилаётган намунавий уй-жойга ариза бериб, дастлабки тўловларини ҳам расмийлаштирдим, яқин кунларда бу уй битади. Бу ҳам биз учун яратилган энг зўр имкониятлардан бири ҳисобланади.

Мен Сизга бу мактубни йўллашдан олдин ҳар куни хаёлан Сиз билан суҳбатлашдим ва ниҳоят, хатни Сизнинг номингизга юборишга қарор қилдим. Сиздек олийжаноб, бағрикенг, кечиримли, оддий қилиб айтганда, ажойиб инсон менинг Юртбошим эканидан ҳамиша фахрланиб юраман.

Хатимнинг сўнгида Сизни чин дилдан қўллаб-қувватлайдиган ва кадрингизга етадиган, Сиз учун ҳамма нарсага тайёр халқингиз борлигини ва унинг ўз дилидаги туйғуларини ғойибона бўлса ҳам Сиз билан ўртоқлашишини айтмоқчиман.

Эл-юртимиз бахтига узоқ умр кўринг, ҳамиша соғу саломат бўлинг!

**Гулбахор Қуролова,
Наманган вилояти, Поп тумани,
Ҳонобод қишлоғидаги
19-мактаб директори**

2015 йил 5 апрель



ЯНГИЧА ФИКРЛАЁТГАН ОДАМЛАР

Ватанимиз мустақиллигининг бизга берган энг бебаҳо имкониятларидан бири – ҳеч шубҳасиз, онгу тафаккуримизни эски мустабид мафкура кишанларидан озод қилиб, дунёга, элу юртимизга қалбимизни очиб, эркин фикрлаш, сўзлаш ҳуқуқини берганидир.

Қўлингиздаги китобнинг ушбу бўлимида келтирилган хатларни ўқиб, бундай ҳуқуқ ва имконият турли тоифа, касбу корга мансуб юртдошларимизнинг ички дунёси, ҳаётга, меҳнатга, оила, маҳалла, жамиятга бўлган муносабати, қараши ва ёндашувларини қанчалик кескин ўзгартириб юборганини кўрамиз.

Мустақил фикрлаётган, ўз иш фаолияти, оиласи, фарзандлари тақдиридаги, шаҳар ва қишлоғидаги ўзгаришларни эркин баён қилаётган, қўпчиликни ўйлантираётган масалалар ҳақида дадил таклифлар билдираётган бундай инсонлар тимсолида юртимизда амалга оширилаётган кенг қўламли ислохотлар натижалари нафақат фуқароларимизнинг турмушида, балки уларнинг қалбида, юрагида, онгу шуурида ҳам чуқур акс этаётганини сезиш, англаш қийин эмас, албатта.



Ҳурматли Ислом Абдуғаниевич!

Инсоний бағрикенглик Сизга хос. 2005 йил май ойидаги Андижон воқеалари ҳали-ҳануз ёдимизда. Сизнинг шижоатингиз, қатъиятингиз, инсонлар ҳаётига бефарқ эмаслигингиз неча-неча хонадонларни, бутун юртимизни терроризм деган балою офатдан асраб қолди.

Мана, айти кунларда узоқ-яқин мамлакатларда сепаратизм, турли ихтилофлар авж олган бир даврда, ўша давлат бошлиқларида Сиздагидек шижоат, Сиздагидек узоқни кўзлаб иш тутиш етишмаётгани оқибатида минглаб оилалар хонавайрон, одамлар, болалар қурбон бўлаётганини кўриб, билиб турибмиз.

Қачонки давлат раҳбарида аниқ мақсадга интилиш, қатъият, ўзига ишонч етишмаса, ана шундай бузғунчи ғоялар жамиятни камраб олади.

Иккинчи жаҳон уруши йилларида бир ярим миллионга яқин ўзбек йигит-қизлари фашизм деган иллатга қарши бутун дунё билан бирга қурашди ва буюк ғалабага муносиб ҳисса қўшди. Халқимизнинг бундай мислсиз қаҳрамонлигини юксак қадрлаб, буни келажак авлодлар ҳеч қачон унутмасин деб, Сиз 9 май санасини юртимизда



Хотира ва кадрлаш куни деб эълон қилдингиз. Шу тарика ўтмиш тарихимиз, Иккинчи жаҳон урушида ҳалок бўлган салкам ярим миллион ҳамюртларимиз, уларнинг жасорати ва матонатини ҳеч қачон ўчмайдиган қилиб, қалбларимиз, юракларимизга муҳраб қўйдингиз.

Бугун биз ўз келажагимизни ўйлаб, ўз Президентимизга, яъни Ислон Каримовга овоз бермасак, эртага, баъзи давлатлардагидек бошқаларнинг ногорасига ўйнайдиган қандайдир «марионетка»лар бошимизга келиб қолмаслигига ким қафолат беради?

Бундай аянчли тақдирдан Оллохнинг ўзи асрасин. Доимо ёруғ юз билан яшашни эл-юртимизга насиб айласин.

Азиз Юртбошим, мен Сизни таваллуд кунингиз билан «Сайилжой» академик лицейи жамоаси номидан табриклайман. Оллоҳим берган куч-қудрат билан, меҳрибонлигингиз, багрикенглигингиз, инсонпарварлигингиз билан кўп йиллар халқимизни ҳар қандай бало-қазолардан асраб, буюк келажак сари етаклайдиган йўлбошчи, сардоримиз бўлиб қолишингизда Сизга соғлиқ-саломатлик, узоқ умр тилаб қоламиз.

Ш. Алимардонов,
Жиззах вилояти, Жиззах шаҳри,
«Сайилжой» академик
лицейи ўқитувчиси

2015 йил 3 февраль



Ассалому алайкум, муҳтарам
Ислон Абдуғаниевич!

Мен Сизни Ўзбекистон Республикаси давлат мустақиллигининг 22 йиллик байрами билан чин дилимдан табриклайман. Умрингиз узоқ бўлсин.

Сизнинг «Ўзбекистон Республикаси давлат мустақиллигининг 22 йиллик байрамига тайёргарлик кўриш ва уни ўтказиш тўғрисида»ги қарорингизнинг 2-бандидаги 5-хатбошисида кўрсатилган мавзу, яъни ҳали истиклолга эришмасимиздан туриб, аҳолига томорка ерлари ажратиш тўғрисидаги қарорингиз, бу ҳужжатни қабул қилиш осон бўлмагани, вазият ниҳоятда хатарли бўлгани, ўша йиллардаги ўта қалтис шароитда воқеалар ривожини ижобий томонга ўзгартиш учун қилган саъй-ҳаракатларингиз, шижоат ва қатъият билан ўз фикрингизда собит туриб, одамларга ер беришдек оғир масалани оқилона ечганингиз ҳақида мақола тайёрладим.

Менинг ёшим 57 да, кишлоқда яшаб, туманимиздаги 38-мактабда 25 йилдан буён она тили ва адабиёт ўқитувчиси бўлиб ишлаб келаман. 2013 йил 22 июль куни велосипедимни миндим-да, туман ҳокимлигининг «Бешарик тонги» газетаси таҳририятига бордим.



Таътилда макола ёзяман. Президентимизнинг жасорати ҳақида, атиги биттагина жасорати (бундай жасорат, шижоат ўнлаб, юзлаб бўлиб, уларнинг ҳар бири ҳақида китоблар, катта-катта публицистик мақолалар ёзиш мумкин) ҳақида ёздим, дедим газета муҳарририга ва мақоламни унинг қўлига тутқаздим.

Мақолам ўша йили июль ойида туман газета-сида босилиб чиқди. Газетанинг адади 2000 нусха. Газетани илова қиляпман. Ўзбекистон Президентининг ўша хатарли, оғир вазиятда кўрсатган буюк жасоратини одамларга, халққа марказий матбуот орқали етказсам, бугунги фаровон ҳаёт ўз-ўзидан келмагани, айниқса, ҳозирги ёшлар Юртбошимизнинг серкирра фаолиятининг яна бир киррасидан хабардор бўлса, ўрта ва кекса авлод эса ўша кунларни эслаб, хулоса қилса, шундай дориламон кунларга етказганига шукур қилса, деган эзгу ўй-фикрдаман.

Мақолам Ўзбекистон Республикаси мустақиллигининг 22 йиллик байрамига кичкина тухфа бўларди.

Яна бир бор Сизни энг азиз, энг улуг байрамимиз билан табриклайман.

**Султонали Усмонов,
Фаргона вилояти, Бешарик тумани,
Октовук кишлоғи**

2013 йил 20 август



АҲАМИЯТИ БЕБАҲО ҚАРОР

*Тинчлик ва барқарорликни сақлаб қолган
дастлабки тарихий қадам*

1989 йил 4 июнь

Фаргона воқеалари рўй берди. Тўс-тўполон, тартибсизлик. Одамлар кони тўкилди. Уйларга ўт қўйилди. Ўзбекистоннинг ўша пайтдаги раҳбари Р. Нишонов эса хайр-маъзурни ҳам насия қилиб, Москвага жўнаб кетди.

Ўзбекистоннинг собиқ раҳбарини Москвада илик кутиб олишди. Дарров «иссиқ ўрин»дан жой беришди. СССР Миллатлар Советига раис этиб тайинлашди.

Ўзбекистонда миллатлар ўртасида конли низолар келиб чиққани учун...

Фаргонада аланга бурксиб турарди. Алангнинг республика бўйлаб ёйилиб кетиш эҳтимоли ҳам йўқ эмасди.

Ўзбекистон инкироз ҳолатига тушиб қолганди. Ижтимоий муаммолар қалашиб ётарди. Муаммолар узоқ йиллар мобайнида тўпланиб, халқнинг сабр косасини тўлдириб, ижтимоий ларзалар келтириб чиқараётган эди. 20–25 йиллаб одамларга ер берилмади. Одамлар болачақасини уйли-жойли қилиши зарур эди.



Марказ Ўзбекистондан фақат пахта сўрарди.

1989 йил 23 июнь куни Ислом Каримов Ўзбекистонга раҳбар бўлиб сайланган вақтда вазият ана шундай ниҳоятда оғир, хатарли эди. Энди халққа маъмурий буйруқлар, ёлғон ваъдалар, расмий гаплар ёқмас эди. Одамлар учун ҳақ гап, ҳаққоний сўз керак эди. Бу гап минбардан ва кабинетдан туриб айтилса, одамлар бунга ишонмас эди.

Давлатимиз раҳбари Ўзбекистонга раҳбар бўлиб сайланганининг 2-куниёқ, яъни 25 июнь куни Фарғонага етиб келди. Ёниб кул бўлган уйлар, ваҳима ва саросима ичида қарахт бўлиб, қаҳр-ғазаб сочаётган одамлар ичига дадил кириб борди. Уларнинг дардларига, яраларига малҳам қўйди. Одамлар билан чин дилдан, юракдан самимий, дўстона ўзбекчасига, очиқчасига гаплашди. Ота-боладай, оға-инидай гаплашди.

Одамларнинг оҳу фиғони, фарёдини, нолаю воласини чин дилдан ҳис қилди, тушунди. Юртбошимизнинг ўз сўзлари билан айтадиган бўлсак, «инсонни тушуниш, англаш керак» эди («Юксак маънавият – енгилмас куч», 29-бет).

Ислом Каримов одамларни тушунди, уларнинг дардини ўз дардидек ҳис қилди, англади. Халқнинг қалбида сўниб бораётган умид учқунлари яна жонланди. Юртбошимиз барча масъулиятни ўз зиммасига олди. Ўз вақтида тартиб-интизомни ўз назоратига олди. Одамлар



кони тўкилишининг олди олинди. Аниқ чоратадбирлар белгиланди.

Фарғона воқеалари ҳақида ўзимизда ҳам, Москвада ҳам шов-шувлар кўтарилиб кетди. Заҳматкаш халқимиз бошига ёғилган «ўзбеклар иши», «пахта иши» деган тухмат тошларининг жароҳатлари ҳали битмасдан, яна тухмат тошлари отила бошланди.

Юртбошимиз Ислом Каримов эса, содир бўлган фожианинг асл сабабларини тўла англаб етгани учун, унинг оқибатларини бартараф этишнинг одилона ечимларини ишлаб чиқиб, бирин-кетин амалга оширишга киришди.

Ислом Каримов халқ томонида бўлиб, халқнинг ёнини олди. Ўз фикрида собит ва қатъий турди. Тошкентда ва Москвадаги йирик анжуманларда ўзбек халқини тухмат балосидан, унга миллатчи деган ном қўйилишидан асраб қолди.

У Ўзбекистон Компартияси Марказий Комитетининг 1989 йил 19 августдаги XVI пленумида сўзланган нутқида бу ҳақда қуйидаги фикрларни билдирди.

«Ўзбек халқининг виждони пок. Фарғона воқеалари ўзбек халқининг иродаси билан содир бўлмади. Бу воқеаларга тутуриқсиз ва ғаразли мақсадларни кўзлаб, ким қандай бўёк бермасин, тарих албатта, ўзининг адолатли ҳукмини чиқаради. Байналмилалчилик, меҳмондўстлик, яхшилик, қалб саховати ҳамиша ўзбек халқига



хос фазилат бўлиб келди. Халқимиз ҳеч қачон бошқа халқларга нисбатан душманлик кайфиятида бўлмаган. Бу қадимий ва ҳозирги тарихимиздан олинган кўпгина мисоллар билан исбот қилинган».

Юртбошимиз Ўзбекистонга раҳбар бўлиб сайланганининг 55-куни, яъни 1989 йил 17 август куни халқимиз учун алоҳида аҳамиятга эга бўлган «Қишлоқда яшовчи ҳар бир оилани томорқа билан таъминлаб, уларга якка тартибда уй-жой қуриш учун барча шарт-шароитларни яратиб бериш ҳақида»ги аҳамияти беназир ҳужжат, қарорнинг қабул қилинишига эришди. Ушбу тарихий ҳужжатда қишлоқда яшовчи ҳар бир кишига ўртача 25 сотихдан ер ажратиб бериш ва томорқа майдонларини қарийб 4,5 баробар кўпайтириш кўзда тутилган эди.

Бу – Ислом Каримовнинг пахта яккахокимлигини бартараф этиш йўлидаги дастлабки, аммо ўта муҳим амалий қадами бўлди.

Бу – катта ва дадил кадам эди. Мустақиллик деб аталмиш энг улуг, энг азиз неъматга эришиш йўлидаги қутлуг кадам эди. Бу кадам ҳосиятли бўлди.

Бу борадаги амалий ишлар натижасида 1989-1990 йилларда 1,5 миллиондан кўпроқ оилага кўшимча ер ажратилди. 700 минг оилага янги томорқа ерлари берилди. Бу ишлар тақомилига етказилиб, кейинги йилларда Президентимиз-



нинг фармон ва қарорлари билан Ўзбекистон бўйича 2,5 миллион оилага, ҳаммаси бўлиб, 700 минг гектар суғориладиган ер майдонлари уй-жой қуриш ва томорқа сифатида ажратилиб, хусусий мулк қилиб берилди.

Нега энди, август ойида – Ўзбекистонда пахта қийғос очила бошлаган вақтда, уйларнинг томига ҳам пахта экилаётганда, СССР деб аталган, дунё бўйлаб ҳаммага дағдаға қилаётган қудратли империянинг раъйига қарамасдан, Ўзбекистонга раҳбар бўлиб сайланганига 2 ой бўлмасдан туриб Ислом Каримов бу тарихий, аҳамияти бебаҳо қарорни қабул қилиш учун қатъий позицияда турди, деган савол оқу қорани танийдиган, мантикий фикрлайдиган ҳар бир одамда туғилгани рост гап эди ўшанда. Ахир, йил охирида ёки 1990 йил бошида ҳам қарорни қабул қилиш мумкин эди-ку.

Йўқ, қарорни чиқаришни кечиктириб бўлмасди. Бундай қилинса, одамлар ишонмаслиги мумкин эди. Ишлар яна аввалгидек ваъдабозликларга ўхшамаслиги учун, одамларни алдамаслик учун, таҳликали бир пайтда мавжуд вазиятни ижобий томонга ўзгартириш учун шундай қилинди. Албатта, бу қарорнинг қабул қилиниши осон бўлмаган. Юртбошимиз ўша оғир йилларда, қанчалик оғир ва қийин бўлмасин, одамларга ер берди.

Ислом Каримов икки ўт орасида қолдими ёки уч ўт орасида қолдими? Бу масалага кенг ва



чукур назар ташлаб, узокни кўра билган ҳолда оқилона иш юритиш катта натижалар кўрсатди.

Юз минглаб гектар суғориладиган ерларни одамларга бериб юбориш, беш ярим миллион тонна пахта планини бирданига 700 минг тоннага камайитириш Москва учун сариеғдек ёкармиди?

Бунинг учун Марказдагилар Ислом Каримовни яхши кўрармиди?

Ўзимизнинг маҳаллий раҳбарлар, совхоз директорларию колхоз раислари, райком, райижроқўм, пахта билан ишлайдиган вазирлик ва идоралар раҳбарлари ёки бадийлаштириб айтганда «пахта ишқи»да ёнган кўпчиликнинг раъйини қайтариш ва синдириш осон эмасди.

Аҳоли учун улардан ер олиш – жон сўраш билан баробар эди. Иккинчи томонда эса тушкунликка тушган, эртанги кунидан, фарзандлари келажагидан хавотирга ботган халқ турарди. Одамларнинг кўзига карашнинг ўзи оғир эди. Юртбошимиз эса уларнинг кўзига меҳр билан қараб, уларга тасалли ва таскин берган, чин дилдан ваъда берган эди. Энди одамларнинг юзида, кўзида, сўзида, қалбида Ислом Каримовга нисбатан меҳр-муҳаббат, ишонч барқ уриб турарди. Одамлар Ўзбекистоннинг янги раҳбари ўз сўзининг устидан чиқадиган, мард, донишманд, азмушижоати баланд инсон эканини, Яратгanning ўзи Ўзбекистонга элим деб, юртим деб жон куйдирадиган Йўлбошчини ато этганини илғаб етди.



1989 йил пахта ҳосили йиғиб олинди. Куз тугади. Қиш ҳам келди. Ҳаммининг ёдида бор. Ўшанда декабрь ойида қишлоқда одамларга уй-жой қуришга 16 сотихдан ер ўлчаб беришган эди. Томорқа сўраганга томорқа бериляпти. Ҳатто, 31 декабрь куни ҳам одамларга ер ажратиб, ўлчаб берилган. Қиш кунлари қисқа, тунлари узун бўлади. Улгуришмаганидан бўлса керак, кечалари чироқ ёқиб, одамларга уй-жой қуриш учун ер ажратиб беришганди.

– Нега шунчалик, кечалари чироқ ёқиб, дейсизми?

– Чунки Юртбошимиз одамларга ер ажратиб берилишини қатъий назоратга олган эди.

Бу ҳақиқатни бугун ҳам, эртага ҳам, индинга ҳам баралла айтишга ҳақлимиз. Ўша пайтда, таҳликали даврда, одамларга ер беришдек мураккаб масала донишмандлик билан, оқилона ечилиши туфайли минг-минглаб уйсизлар уйли бўлди, ерсизлар ерли бўлди, богсизлар боғли бўлди, ишсизлар ишли бўлди, молсизлар молли бўлди. Энг муҳими, ижтимоий кескинлик ва ларзаларнинг олди олинди.

Натижасини эса кеча – 5–10 йил олдин кўрдик, бугун кўриб турибмиз, эртага ҳам келгуси авлодлар кўраверади. Мисол керак, дейсизми?

Марҳамат. Ўзбекистонимизнинг исталган бозорига кириб кўринг. Ана тўкинчилик, ана маъмурчилик, ана серобчилик. Жаннатнинг ўзи-ку!



Қанду асалдан ширин мевалар. Кўзингиз қамашади товланишини кўриб. Нархи-чи, нархи, дейсизми? Арзон, ниҳоятда арзон. Сувтекин деса ҳам бўлаверади.

1 килограмм окканд ёки шакарнинг пулига 20 килограмм ўрик сотиб олишингиз мумкин бўлди бу йил Фарғона томонларда. Бу ниманинг шарофати? Бу – ўша бундан 20–24 йил олдин ёки ундан кейинрок одамларга берилган ер майдонларида, боғ-роғларда ҳосилини кўтаролмай шиғил-шиғил мева бераётган ўрик дарахтларининг инъоми. Уларнинг бари аҳолига ер ва томорқа майдонлари ажратиш ҳақидаги дастлабки қарор, кейинги фармон ва қарорларнинг амалда, реал ҳаётда ўзининг ҳаётбахш натижасини кўрсатаётганидир.

Бу ҳеч нарса билан ўлчаб бўлмайдиган улуг ва буюк неъмат – мустақиллик деган буюк тарихий ходисанинг кадр-киммати, аҳамияти яна ҳам ортиб бораётганининг ёркин далилидир.

**Султонали Усмонов,
38-мактабнинг она тили ва
адабиёт ўқитувчиси.**

*«Бешариқ тонги» газетаси
2013 йил июль сони*



**Ассалому алайкум, ҳурматли
Ислом Абдуғаниевич Каримов!**

Сизни 30 январь – таваллуд айёмингиз билан чин қалбдан муборакбод этаман. Сизга узок умр, сихат-саломатлик, бахту саодат тилайман.

Мен 2001 йил 2 сентябрда Жиззах вилоятининг Пахтакор туманидаги 1-мактабнинг 1-синфига ўқишга борган кунимни ҳеч қачон унутмайман. Шу куни устозим тантанали вазиятда қўлимга Сизнинг совғангизни – дарсликлар ва ўқув қуроллари солинган чиройли портфелни топширди. Ўша пайтдаги ҳис-туйғуларни таърифлаш учун сўз ожизлик қилади. Энди ўйлаб қарасам, бу Сизнинг юртимиздаги барча болаларни ўз фарзандингиздек кўриб, улар ҳақида қилган меҳрибончилигингиз ифодаси экан.

Мен 2010 йили 9-синфни битириб, касб-хунар коллежининг ҳуқуқшунослик йўналишида ўқишни давом эттирар эканман, Сиз асос солган 12 йиллик мажбурий ва бепул таълим тизими нечоғлик самарали эканини ўз ҳаётимда ҳис этдим. 3 йил давомида касб-хунар ўрганиш билан бирга, мустақил Ўзбекистонимиз тарихи, миллий парламентимиз томонидан қабул қилинган



конун ва қарорларни пухта ўргандим. Шунга амин бўлдимки, бу конунларнинг барчасида инсон манфаати энг олий қадрият сифатида яққол намоён бўлиб турибди.

2013 йилда Сизнинг ташаббусингиз билан ташкил этилган Тошкент шаҳридаги Турин политехника университети талабаси бўлиш бахтига муяссар бўлдим ва шундай юртда яшаётганимдан жуда ҳам фахрландим. Чунки биз, Ўзбекистон ёшлари ўз юртимизда хорижий профессорлардан дунё стандартлари асосида дарс олиш, жаҳонда нуфузи баланд ҳисобланган олий ўқув юр்தларининг дипломига эга бўлишдек катта имкониятга эгамиз. Бунинг учун Сиздан чексиз миннатдормиз.

Келажакда мазкур университетни битиргач, Италиянинг Турин политехника университетида магистратурада ўқиб келмоқчиман ва юртимизнинг автомобилсозлик саноати ривожига ўзимнинг муносиб ҳиссамни қўшмоқчиман.

Сизга чексиз ҳурмат ва эҳтиром ила:

**Фаррух Пиримкулов,
Жиззах вилояти, Пахтакор тумани,
Пахтакор қишлоқ фуқаролар йиғини,
Абу Наср Форобий кўчаси,
34-уй, 18-хонадон**

2015 йил 29 январь



Мухтарам Ислоҳ Абдуғаниевич!

Сизни Ўзбекистон Республикаси Президентлигига сайловда ғалаба қозонганингиз билан чин юракдан табриклайман. Илоҳим, дунё тургунча туринг. Сизнинг раҳбарлигингизда Ватанимиз янада гуллаб-яшнашига, унинг иқтисодий салоҳияти кучайишига, халқимиз тинч ва фаровон ҳаёт кечиришига ишончим комил.

Ҳурматли Ислоҳ Абдуғаниевич!

Сизга бундан 21 йил олдин, 1994 йил 10 ноябрда ҳам мактуб ёзган эдим. Ўша даврлар мустақиллигимизнинг дастлабки, оғир йиллари эди. Бугунги кунга келиб ўша хатда билдирилган орзу-умидлар рўёбга чиқди. Яъни, аввало, Сиз мамлакатимиз раҳбари бўлганингиз учун юртимиз изчил ривожланмоқда, айниқса, иқтисодий мустақиллик пойдевори яратилди, аҳолининг турмуш сифати яхшиланди, Ўзбекистонимиз жаҳондаги энг тез ривожланаётган давлатлар қаторидан жой олди. Бунинг учун бутун халқимиз сингари Сиздан чексиз миннатдорман.

Сизга ёзган мактубларимни фарзандларим ва набираларим учун сақлайман. Чунки бу даврлар бизнинг буюк тарихимиздан жой олади.



Сизнинг чуқур маънога эга бўлган сўзингиз, яъни инновациясиз юксалиш йўқ, деган иборангиздан келиб чикиб, бир фикрни билдиришга рухсат берсангиз.

Мамлакатимизнинг ижтимоий-иқтисодий салоҳиятини, унинг рақобатдошлигини янада ошириш учун иқтисодиёт тармоқларида кенг қўламли модернизация ва диверсификация жараёнларини ривожлантириш борасида 2016–2035 йилларга мўлжалланган инновацион концепция ва дастурни ишлаб чиқиш зарур, деб ўйлайман.

Фурсатдан фойдаланиб, мамлакатимизда амалга оширилаётган ажойиб лойиҳа тўғрисида гурур билан айтмоқчиман. Яъни бевосита Сизнинг ташаббусингиз ва раҳбарлигингизда курилатган Ангрен – Поп электрлаштирилган темир йўли мустақил Ўзбекистонимиз тарихидаги буюк воқеа, ХХI аср мўъжизасидир.

Мухтарам Ислом Абдуғаниевич!

Доимо сиҳат-саломат бўлиб, ғоят масъулиятли ва шарафли вазифангизда чарчамасдан, узок умр кўришингизга тилакдошман.

Чуқур хурмат ва эҳтиром ила иқтисодчи олим:

**Шавкат Зайнутдинов,
Тошкент шаҳри**

2015 йил 31 март



Мухтарам Ислом Абдуғаниевич,

Қалбим тўла ҳаяжон ва гурур билан Сизга мактуб ёзяман. Боиси – Ўзбекистон Республикаси Президентлигига сайловда энг кўп овоз олдингиз ва шундай бўлишига ҳаммамиз ишонган эдик.

Мен Андижон вилоятининг Улугнор туманида, педагоглар оиласида туғилиб, вояга етдим. Мактабни тугаллаётган йилларим юртимизда мустақиллик нафаси кеза бошлаган эди. Ўзбек тилига Давлат тили мақоми берилгани юрдошларимизни, айниқса, зиёлиларни ҳаяжонга солгани, ёшу кекса – барчанинг қаддини кўтаргани кечагидек ёдимда.

Ҳозир ўзим педагогман, ўқувчиларимга олис эмас, яқин ўтмишда ўзим гувоҳ бўлган воқеаларни, миллатимиз, муқаддас динимиз, эътиқодимиз, урф-одатларимизга бўлган беписанд ва гаразли муносабатни мисол тариқасида келтираман. Бувимга сочларимни майдалаб ўрдириб мактабга борганимда, мажлисда «Комсомол аъзоси сочини майдалаб ўриши мумкин эмас, бу эскилик сарқити» деган дақкилар эшитганим,



онам ўқитувчи бўлгани учун сумалакни ҳар баҳор кўриб, яшириб пиширганларимиз...

Ҳозир буларни айтсангиз, ёшларимиз ишонмайди, бироқ биз – ўқитувчилар ўтмишимизнинг бундай аянчли кунлари ҳақида уларда ҳолис ва тўлиқ тасаввур уйғота олишимиз керак.

Мустақиллигимиз замонни ҳам ўзгартирди, шунга мос ҳолда одамларимизнинг дунёкараши, фикрлаши ҳам тубдан ўзгарди.

Сиз ҳар бир чиқишингизда албатта аёлларга меҳр ва гамхўрлик кўрсатиш ҳақида гапирасиз. Жамиятдагина эмас, оиладаги ўрнимизни ҳам юксак билиб, оналарни, хотин-қизларни эъзозлаганингиз учун ҳам бошимиз баланд, кўксимиз гурурга тўла.

Менинг уч нафар фарзандим бор, қизларим ўзлари севган касбларни эгаллаб, эл-юртимизга хизмат қилмоқда, ўғлим академик лицей талабаси, келажакда ҳуқуқшунос бўлмоқчи.

Ҳозир ўзим келин бўлиб тушган қишлоқда мактаб директориман. Ҳар тонг иштиёқ билан ишга отланаман. Бугунги кунда давлатимиз томонидан таълим-тарбия соҳасига, ўқитувчи ва педагогларга берилаётган эътибор соғлом ва баркамол авлодни вояга етказишда, мамлакатимизни жадал ривожлантиришда, бошқалар ҳавас қиладиган юксак марраларга эришишда ҳал қилувчи омилга айланмоқда.



Ҳурматли Ислом Абдуғаниевич, Сизни Ўзбекистон Республикаси Президентлигига сайланганингиз билан яна бир бор табриклайман!

Сизга мустаҳкам соғлиқ, бардамлик, узоқ умр тилаб қоламан.

Самимий эҳтиром билан:

**Иродахон Ибрагимова,
Андижон вилояти, Улугнор тумани,
«Тўрттол» маҳалла фукаролар
йиғини**

2015 йил 15 апрель



Мухтарам Ислом Абдуғаниевич!

Сизнинг ҳар бир чиқишингизни, маърузаларингизни диққат ва эътибор билан кузатиб борамиз. Доимо куюнчаклик билан барчани огоҳликка чакирасиз, кимларнингдир тегирмонига сув қуядиган, ғаразли кучларнинг фойдасини кўзлайдиган «сохта демократия»дан эҳтиёт бўлишга даъват қиласиз. Тинч ва осуда ўтаётган ҳар бир кунимизнинг кадрига етиш кераклигини, Сизнинг доно ва инсонпарвар сиёсатингиз биз учун халоскор куч эканини шу юртда истиқомат қилаётган ҳар бир фуқаро яхши англайди.

Араб ўлкасини вайронага айлантириб, фуқаролар урушини келтириб чиқарган, болани отага, фуқарони ўз президентиға қарши қайрайдиган сохта «демократия» бизларға асло керак эмас, десам, юртдошларимизнинг юрагидаги сўзларни айтган бўламан. Бундай таҳдидларға қарши эл-юртимиз Сиз кўп бор таъкидлайдиган: «Танлаган йўлимиздан бизни ҳеч ким қайтара олмайди» деган ўтли даъват билан жавоб қайтариши муқаррар.

Халқимизнинг буюк фарзанди Амир Темур илму маърифат ҳомийси, мохир сиёсатчи сифатида узоқ йиллар ҳукм сургани, қудратли сал-



танат барпо этиб, элу элатларни, юртларни бир байрок остида бирлаштиргани, раиятнинг бошини силагани, жамиятда тинчлик ва осудалик ўрнатиб, бунёдкорликни амалга оширгани тарихий ҳақиқат. Мирзо Улуғбек, Бобур Мирзо, Акбаршоҳ, Аврангзеб каби бобокалонларимизнинг ҳар бири 40 йил ва ундан ҳам зиёд давом этган ҳукмронлик даврида бор куч ва маҳорати, донишмандлигини эл-юрт тинчлиги ва ободлиги учун сарфлагани кундек равшан.

Сизнинг ташаббусингиз билан юртимизда ҳар янги йилни яхши ниятлар билан, ўзбекона кадриятларимизға мослаб, чиройли номлар билан атаймиз. Бу номлар шунчаки зеб бўлиб қолиб кетмайди. Уларнинг замиридаги мазмун-муддао давлат дастурларидан мустаҳкам ўрин олади. Дастурларға мувофиқ, она ва болани авайлаб, соғлом бола тарбиялаб, оилани мустаҳкамлаб, кексаларни эъзозлаб, шаҳару кишлоқларимизни обод қилиб, йилдан-йилға улкан марраларни забт этиб, илдам одимламоқдамиз.

Яратгандан сўрайманки, халқимизнинг бахтига узоқ йиллар соғ-омон бўлиб, бизға бош бўлиб юринг. Сизни Яратгanning ўзи доимо паноҳида асрасин!

**Абдумутал Атабаев,
Ўзбекистон мусулмонлари идораси
Жиззах вилояти вакили ўринбосари**

2015 йил 26 февраль



**Ассалому алайкум, хурматли
Ислом Абдуғаниевич!**

Баҳор айёми кунлари, 9 май – Хотира ва кадрлаш куни арафасида «Иккинчи жаҳон урушида қозонилган ғалабанинг 70 йиллиги» эсдалик нишони билан тақдирландим. Мукофотни қабул қилиб олар эканман, қувонганимдан кўзларим ёшга тўлди.

Мен Жиззах вилояти, Зомин тумани, Муғол қишлоғида истиқомат қиламан. 1943 йили Иккинчи жаҳон урушида 2-Белоруссия frontiда жанг қилдим. Бошимдан оғир яраланиб, урушдан соғлиғимни йўқотиб қайтдим. Ҳозирги кунда биринчи гуруҳ ногирониман. Мустақиллик туфайли бугун тўкин-сочин ҳаёт кечираётган оила бошлиқларидан бириман. Мана шундай дорил-амон кунларга етиб келганим учун Яратганга шукроналар айтаман. Ёшим 94 да, ўн нафар фарзандим, йигирма нафар неvara, йигирма беш нафар чеварам бор. Фарзандларимнинг кўпчилиги олий маълумотли.

Уларнинг ўқиши, ҳунар ўрганиши учун барча имкониятлар мавжуд. «Қариси бор уйнинг париси бор», деганларидек, бугун биз кексалар ҳурмат ва иззатдамыз.



Хотира ва кадрлаш куни муносабати билан Сизнинг номингиздан пул мукофотлари, телевизор ва қўл телефонлари беришди. Ахир, биз кексаларга бундан-да каттарок эътибор бўлиши мумкинми? Чунки бундай совғаларни бериш баъзан ўз фарзандларимизнинг ҳам ҳаёлига келмайди. Шунинг учун ҳам туманимиздаги барча кексалар, Иккинчи жаҳон уруши қатнашчилари номидан Сизга чин дилдан миннатдорлик билдирмоқчиман.

Юртимиз келажаги, халқимиз бахтига ҳамиша соғ-омон бўлинг. Бу хатни неварамга айтиб ёздиҳдим.

Сизга самимий ҳурмат ва эҳтиром билан:

**Тошбек Ахмuroдов,
I гуруҳ ногирони,
Жиззах вилояти, Зомин
тумани, Муғол қишлоғи**

2015 йил 2 июль



Ўзбекистон Республикаси Президенти Ислом Абдуганиевич Каримовга

Сизнинг «Ўзбекистон мустақилликка эришиш остонасида» китобингизни жуда катта хаяжон билан ўқиб чиқдим. Аввало, сарлавҳаларнинг ўзиёқ ҳар бир кишини ҳайратга солади: «Ўзбекистон дунё харитасида ўзига муносиб жой олди», «Халқ иродаси билан танланган йўл», «Демократия – қонунга ва шахсга ҳурмат демокдир», «Ўтмишдан сабоқ чиқариб, келажакка ишонч билан», «Халқимизнинг фикри – биз учун олий мезон», «Мураккаб вазиятда оқилона сиёсат юритайлик» ва ҳоказо.

«Мустақилликни эркинлик тўғрисидаги шиорлар билан эмас, балки сиёсий, иқтисодий, маънавий мазмун билан тўлдириш керак» деган фикрингизни ўзимизга бош мезон қилиб олганмиз. «Халқ дарди – менинг дардим» каби сўзларингиздан сабоқ оламиз.

Сизнинг «Мустақиллик – энг аввало халқ бирлиги ва ҳамжихатлигидир» деган содда, аммо чуқур маънога эга бўлган сўзларингиз халқ учун қайғурганингиз, қуюнганингиз исботи эмасми?



Бундан 23 йил аввал мен мактаб ўқувчиси, кўп нарсаларни тушунмас эдим, энди эслайман: отам раҳматли Сизнинг барча нутқларингизни кўз узмай тинглаб ўтирганини кўп бор кўрганман.

Энди кўп нарсаларни тушунаяпман, бобом урушда ватани учун қон кечса-да, урушдан кейин рўшнолик кўрмаган, чунки бош фарзанд, яъни дадам касал бўлиб бормаган доктори қолмаган, бу касални фақат чет элда даволаш мумкин бўлган, аммо чет элга...

Хуллас, бобом ҳам, дадам ҳам жуда эрта оламдан ўтиб кетишди...

Бу аламли оғрикни унутиш учун Сизнинг нутқларингизни тинглайман, китобларингизни ўқийман, мана, халқимиз учун чет элларда даволаниш у ёқда турсин, ўқиш, ишлаш учун яратган шароитларингиз... Айниқса, миллий армиямизга берган эътиборингиз мени қувонтиради. Собик СССР вақтида амаким Россияда хизмат қилган, ўшанда кишлок йигити рус тилини билмай қўл бўлганини, қўлги бўлганини эслаб жуда сиқилади. Соғлом бўлиб бориб, калтак еб, захга ташланиб, бир аҳволда қайтган.

1994 йили рус тилига ихтисослашган мактабни тамомладим. Дадам касаллиги сабабли шифокор бўлишни ният қилган эдим. Аммо дадамнинг ўртоғи «Қиз боланинг ўқигани нима бўлади», деб камситибди.



Сиз айтганингиздек, миллатнинг дунёдаги ўрни унинг аёлга бўлган муносабати билан белгиланади. Бу сўзларингиз кулоқларим остида жаранглайди. Шукурлар бўлсин, энди озодмиз, бевакт ўлимлар, куллик, зулмлар, босқинчилик ва жирканч консўрарлар йўқ.

Сизни давлат ишларидан чалғитиб хат ёзганим учун кечиринг, бу хатни ёзишимдан мақсад Сизнинг сиймонгизда азиз бобом ва отам қиёфасини кўришимни изхор этишдир.

Оддий қишлоқ аёлининг бу фикрлари Сизга малол келган бўлса, аввалдан узр сўрайман.

Доимо Сизга Оллоҳ ёр, мададкор бўлсин!

**Умида Худойбердиева,
Жиззах вилояти, Жиззах тумани,
Ровот қишлоқ фуқаролар йиғини**

2014 йил 11 апрель



Янги йил табриги

Мен 1993 йил 11 февралда Андижон вилояти, Пахтаобод тумани, Пахтакор қишлоқ фуқаролар йиғини, Кўктўнлик маҳалла фуқаролар йиғини, «Янги аср» кўчасида туғилганман. Ёш бўлсам-да, собиқ мустабид тузум ва ўша даврдаги халқимиз ҳаёти ҳақида аниқ тасаввурга эгаман. Менинг 1922 йилда туғилган бувим – Марзияхон Кенжабоева ўша пайтдаги ҳаёт ҳақида менга кўп гапириб берганлар. Бувим: «Болам, ҳозир одил ва фаровон замонда яшаяпмиз. Илгари мен тадбиркорликка қизиқардим ва бу фаолиятни амалга оширишга уринардим. Аммо тадбиркорлик қилмоқчи бўлганларни у даврда «чайковчи, жиноятчи» деб айблаб, ўз қобилятини рўёбга чиқаришига, янгиликлар яратишига йўл қўйилмас эди. Янги йилни кўсак чувиб кутиб олган йилларимиз кўп бўлган. «Хусусий мулк», «хусусий тадбиркорлик» деган иборалар ҳақида оғиз очиш ҳам мумкин эмасди. Диний маросимларимизга эса «эскилик сарқити» деб қаралиб, муқаддас кадамжоларимиз харобазор бўлиб қолган эди», деб таъкидлар эдилар.



Ҳақиқатан ҳам, менинг кўз ўнгимда содир бўлган катта-катта ўзгаришлар мустақиллигимиз меваси эканига шубҳам йўқ. Мисол учун, илгари мактабимиз нураб ётган, ташландик бинода жойлашган эди. 2001 йили – мен 1-синфда ўқиётган пайтимда мактабимиз таъмирланиб, унинг томи шифер билан ёпилди ва 2003 йили – мен 3-синфда ўқиётганимда эса капитал реконструкция қилиниб, бутунлай янги қиёфа касб этди. Маҳалламизнинг энг чекка ҳудудигача асфальт ётқизиблиб, ичимлик суви тармоғи тортилди.

Фермерларимиз дала маданиятига ҳар томонлама эътибор беришни ўрганиб бормоқда. Эндиликда фермерлар ерни – менинг ерим, деб, ўз хосилларига ўзлари эгалик қилмоқда.

Туманимизда ҳозир иккита касб-ҳунар коллежи мавжуд. Мен ҳам кўплаб тенгдошларим қаторида Пахтаобод иқтисодиёт коллежини тамомлаб, туманимиздаги «Сувокава» шўъба корхонасига ишга кирдим. Ишлаб, олий ўқув юртига ўқишга кириш учун астойдил тайёргарлик кўрдим. 2013 йилдан буён эса Андижон қишлоқ хўжалик институтида таҳсил олмоқдаман.

Бугунги барча ютуқларимиз мамлакатимизда «Ислохот ислохот учун эмас, аввало инсон учун, унинг манфаатлари учун» деган улуғ мақсадга хизмат қилаётганининг яққол ифодаси, деб биламан.



Яратгандан сўрайманки, бутун халқимиз, шулар қаторида менинг ва оила аъзоларим бахтига соғ-омон бўлинг. Кириб келаётган янги – 2016 йилда режалаштирган барча ишларингиз бекаму кўст амалга ошсин.

Янги йилингиз муборак бўлсин!

Сизга самимий ҳурмат билан:

Фаёзбек Кенжабоев

2015 йил 30 декабрь



Юртбошимга мактуб

Ассалому алайкум, мухтарам Ислом Абдуғаниевич,

Сизга анчадан буён мактуб йўллашни ният қилиб юрган эдим. Мен Андижон вилоятининг Хўжаобод туманида вояга етган бахтиёр ёшлардан бириман.

Биз – ёшлар учун кенг имкониятлар яратиб бергансиз. Мана шу имкониятлар натижасида 2011 йили адабиёт йўналишидаги кичик меҳнатларим эътиборга лойиқ қўрилгани боис Зулфия номидаги давлат мукофотида сазовор бўлдим.

Ростини айтсам, ҳаётим шундан сўнг бутунлай янгича маъно касб этди. Бобожон, мен юксак мукофотга сазовор бўлган куним йиллар мобайнида оғир хасталикдан азоб чекаётган онамнинг жонига жон, томирларига куч-қувват кирди ва кўзларида севинч ёшлари билан узок дуо қилдилар. Бу – мен учун яна бир катта мукофот эди. Онажонимнинг Сизга бўлган меҳри яна бир қарра, минг қарра ошди.

Давлатимиз томонидан юксак мукофот билан бирга менга берилган моддий тақдирловни



эса, ҳеч иккиланмасдан, акамнинг ўқиши учун тўладим. Шу йили у олий ўқув юртининг иккинчи босқичини муваффақиятли тамомлади. Ўзим орзу қилган олий ўқув юрти – Ўзбекистон давлат жаҳон тиллари университетида англиз филологияси йўналиши бўйича имтиҳонларсиз, давлат гранти асосида ўқишга қабул қилиндим. Талаба бўлиш менга ифтихор туйғулари билан бирга, янада улкан масъулият ҳам юклади. Келажакда сиз истагандек кучли, билимли ва албатта, бахтли инсон бўлиш, шунингдек, бир неча чет тилларини мукамал ўрганиб, ўзбек адабиёти-ни жаҳонга танитиш, қолаверса, юртимизнинг хорижий мамлакатлар билан алоқаларини янада мустаҳкамлашга муносиб ҳиссамни қўшиш менинг энг олий мақсадимга айланди.

Конституциямизнинг 23 йиллигига бағишлаб Тошкент шаҳридаги «Ўзбекистон» анжуманлар саройида бўлиб ўтган тантанали тадбирда университетимизнинг иқтидорли талабалари қаторида иштирок этиш бахтига муяссар бўлдим.

Сиз шу анжуманда ўз маърузангизда белгилаб берган вазифаларни амалга оширишда мен ҳам албатта ўз ҳиссамни қўшишга аҳд қилдим. Маърузангизни тугатиб, мажлис аҳлига таъзим айлаб, қўлларингизни силқитганингизда, беихтиёр кўзларим севинч ёшларига тўлди.

Ёнимда жонқуяр ота-онам, Сиздек меҳрибон Юртбошим, қолаверса, илм-фан сирларидан са-



боқ берадиган устозларимнинг борлиги менинг бахтимдир.

Азиз Юртбошим, мухтарам бобожон, фурсатдан фойдаланиб, Сизни Мустақиллигимизнинг 24 йиллик айёми билан чин юракдан муборакбод этаман!

Бахтимизга ҳамиша соғ-омон бўлинг! Биз Сизни жуда яхши кўрамыз!

**Юлдузой Ўрмонова,
Андижон вилояти, Хўжабод
шаҳри, Узуи кўчаси**

2015 йил 13 август



Ассалому алайкум, Ислом Абдуғаниевич!

Мен Сиз олиб бораётган сиёсатни чин юракдан қўллаб-қувватлаб, она юртимизнинг равнаки йўлида меҳнат қилар эканман, 1995 йилда Сизга хат билан мурожаат қилган эдим. Хатда боғ яратиш истагим борлигини маълум қилган эдим. 1995 йил февралда 25 гектар яйлов ер олиб, уни обод қилишга киришдим. 1996 йили обод қилинган 10 гектар ерга пахта экиб, мўл ҳосил олишга эришдик. 1996 йилнинг кузида ўзимиз етиштирган пахтадан олинган даромад ҳисобидан Самарқанд туманидан мевали кўчатлар олиб, 5 гектар ерда оилам билан боғ яратдик. Кейин фермер хўжалигини ташкил этиб, 2009 йилгача – 14 йил давомида раҳбарлик қилдим ва шартнома режаларини ортиғи билан бажардик. Асрий чўл обод ва гўзал масканга айланди. Бу гўшага 150–170 миллион сўмдан ортиқ маблағ сарфладим. Бу ишни мен халқимга бўлган ҳурматим, Ватанимга бўлган садоқатим рамзи, деб биламан.

Энди ўзим ҳақимда қисқача маълумот берсам. 1930 йили туғилганман. Аммо туғилганман-у, машхур шоиримиз ўз шеърида айтганидек, шу



он бўғилганман. Чунки лаънати қизил империя – совет давлати отам Қосим Олимовни дин уламоси, деб – мен икки ойлик чақалоқлик вақтимда – қамаган ва ҳеч бир сабабсиз ўлдириб юборишган. Оилада икки акам, бир опам ва мен ногирон онажоним билан бирга бўзлаб қолганмиз.

1941 йили уруш бошланди. Акаларим тўла балоғат ёшига етмаган бўлса ҳам фронтга жўнатилди. Катта акам 1941 йили Москва остонасида, иккинчи акам эса 1943 йил Сталинградда қаҳрамонларча ҳалок бўлди. Оилада 15 ёшли опам ва мен қолдик. Деярли барча эркаклар (у вақтда факат чўпон ва раис урушга бормас эди) фронтга кетди. Далада аёллар ва болалар ишлар эдик. 13 ёшимда қолхозчи бўлиб не-не азоб-укубатларни кўрмадим. Қолхозда эртадан кечгача ишлатишар, нормани бажармаганлар қаттиқ қалтакланар эди. Иш ҳақи сифатида яримта қулча ва бир коса ёрма беришарди. Одамлар оч, юришга мадори йўқ, дуч келган ерда узала тушиб ётар, айримлари ўлиб ҳам қоларди. Кўзим билан кўриб, бошимдан кечирган воқеаларни айтсам, набираларим ишонмайди. Бугунгидек фаровон кунларнинг қадрига етинглар, дейман набираларимга.

1956–1993 йилларда мактабда она тили ва адабиёт ўқитувчиси, 1995–2009 йилларда фермер хўжалиги бошлиғи бўлиб ишладим. 1995 йили Сизнинг имзоингиз билан «Шухрат» меда-



лини олганимда йиллар давомида кўксимни эзиб ётган дард-алам юрагимдан чиқиб кетди.

Ҳозир турмушим, соғлиғим яхши. Сизнинг ташаббусингиз билан 2015 йил юртимизда «Кексаларни эъзозлаш йили» деб эълон қилингани биз – кексаларга куч-қувват бағишлаб, умримизга умр қўшди, десам янглишмайман.

Яқинда бўладиган Президент сайловида халқимиз Сизнинг номзодингизни тўла қўллаб-қувватлашига ишонаман.

Сизга чексиз ҳурмат билан:

**Ғайбулла бобо Қосимов,
Бухоро вилояти, Қорақўл тумани,
Сайёд қишлоқ фуқаролар йиғини,
Солур маҳалласи, 33-уй**

2015 йил 26 январь



Хурматли Ислом Абдуғаниевич!

Сизни таваллуд топган кунингиз билан оилам ва маҳалладошларим номидан самимий табриклайман.

2003 йили менга «Матиз» автомашинаси-ни совға қилганингиз асло ёдимдан чиқмайди. Қаранг, шунга ҳам ўн йилдан ошиқроқ вақт ўтибди. Бу орада фарзандларимни ўқитдим, уйли-жойли қилдим. Кўплаб ютуқларга эришдим. Бугун бевосита Сизнинг раҳнамолигингизда амалга оширилаётган эзгу ишлардан халқимиз чексиз миннатдор, минг бор рози. Айниқса, биз аёлларга кўрсатаётган алоҳида эътибор, ҳурматингизни нафақат юртимизда, балки жаҳондаги барча эр йигитлар учун ибрат намунаси деб биламан. Ота учун бир оилани бошқариш заҳмати, масъулияти нақадар қийин эканини Сизга изоҳлашим, аслида, шарт эмас. Ўзбекистон деб аталган ва бугун ўттиз миллиондан зиёд фарзанди бор бўлган улкан оилага бош эканингиз, ҳар кунимизда бизга суянч, елкадош бўлиб турганингиздан қалбимизда фақат қувонч ҳиссини сезамиз.



Сизга Оллоҳдан мустаҳкам соғлиқ, икки дунё саодатини тилаб қоламан. Халқимиз бахтига омон бўлинг!

**Сожида Бердиева,
Бухоро вилояти, Вобкент тумани,
Мўминобод маҳалла фуқаролар
йиғини маслаҳатчиси**

2016 йил 5 февраль



**Ассалому алайкум, ҳурматли
Ислом Каримов!**

Мен Фарғона вилояти, Фарғона тумани, Логон кишлоғи, Ўзбек кўчаси, 55-уйда яшовчи фуқаро Марямхон Ибрагимова бўламан. Ҳар йили 30 январь – туғилган кунингиз муносабати билан сизни эслаб дуо қиламан.

Янги – 2015 йилни «Кексаларни эъзозлаш йили» деб номлаган экансиз, шундан руҳланиб мактуб ёзмокка жазм этдим.

Сизнинг чиқишларингизни телевизор орқали мунтазам кузатиб бораман. «Биз кеча ким эдигу бугун ким бўлдик?» деган гапларингизни эшитиб, ўйлаб қоламан. Дарҳақиқат, биз ўзи ким эдик? Беихтиёр отам ёдимга тушади. Отам Иккинчи жаҳон уруши қатнашчиси эдилар. 2004 йилда вафот этганлар. Ҳар сафар жангга кирар экан, «Ватаним ва ота-онам учун!» деб ўзларида куч тўплар эканлар. Жангларида қатнашаётиб, «Мендан ҳам бирор зурриёд қолармикан?» деб ўйлар эканлар. Худога шукур, отам беш нафар фарзанд кўрдилар. Мустақиллик туфайли чирой очган юртимиз жамолини кўрдилар. Умрининг охирларида фаровон ҳаёт кечирдилар. Отам дав-



латимиз томонидан бир неча бор тақдирланган, қатор медаллар соҳиби эди. Мен ҳам отам сингари юртимиз равнакига ҳисса қўшиб, «Кувасой цемент» акциядорлик жамиятида ишлаб, пенсияга чиқдим.

Ҳозирги ёшларга яратилаётган шароитларни кўриб, кўзимга қувонч ёшлари келади. Чунки улар орасида менинг набираларим ҳам бор. Сизнинг «Ёшларимизни, фарзандларимни бағримга босгим келади» деган сўзларингиз фарзандларим ва набираларимни руҳлантириб юборди.

Ҳар бир сўзингиз замирида улкан ҳаётий фалсафани англаймиз. «Биздан озод ва обод Ватан қолсин» деган даъватингизнинг амалий ифодаси сифатида бутун Ўзбекистон, жумладан, бизнинг Фарғонамиз ҳам гўзал гўшага айланди. Кенг ва равон йўллар, мухташам бинолар, Санъат саройи, янги стадион ва бошқа кўплаб объектларни айтиб адоғига етказиш мушкул.

Мен айти пайтда 64 ёшдаман. Вилоятларга ташрифларингизни кузатиб, жуда хурсанд бўламан. Бу сафарги ташрифингизда, албатта, бизнинг хонадонимизга кириб, меҳмон бўлишингизни истардим.

Биз оила аъзоларим, қариндош-уруғларим билан биргаликда 29 март куни бўлиб ўтадиган Президент сайловида фақат ва фақат Сизга овоз берамиз.



Менинг дилимдаги гапларимни набирам, 2-синф ўқувчиси Оллоёр Маъруфжонов коғозга туширди. Унинг баҳолари беш. У келажакда дипломат бўлиб, гузал Ўзбекистонимизнинг доврўғини бутун дунёга таратмоқчи.

Сизни ҳамиша дуо қилиб, мустаҳкам соғлик ва қалб хотиржамлигини тилаб, хатимни якунлайман.

**Марямхон Ибрагимова,
Фарғона вилояти, Фарғона
тумани, Логон қишлоғи**

2015 йил 2 февраль



**Ассалому алайкум, ҳурматли
Ислом Абдуганиевич!**

Сизнинг халқимиз манфаатини кўзлаб олиб бораётган оқилона сиёсатингизни ҳамма қатори мен ҳам қўллаб-қувватлайман.

Бизнинг энг катта бойлигимиз — тинчлик. Бошқа айрим давлатларда ҳар хил можаро, миллатлараро низолар, хунрезлик давом этаётган бир пайтда бизнинг давлатимизда тинчлик ҳукмрон. Бунинг барчаси Сизнинг саъй-ҳаракатларингиз туфайли, деб биламан.

Мен кундалик ахборотни мунтазам кузатиб бораман.

Бугунги кунда Тошкент шаҳри таниб бўлмас даражада ўзгариб, гузаллашган. Бу ердаги равон йўллар, кўприклар, кўркам иморатларни кўриб, инсоннинг завқи келади.

Сиз Бирлашган Миллатлар Ташкилоти йиғилишида сўзлаган нутқингизда терроризм, одам савдоси ва гиёҳвандликка қарши кураш масаласига алоҳида урғу бериб, барчага ушбу мавзу ўта долзарб эканини эслатдингиз. Кўп ўтмасдан, АҚШда 2001 йил 11 сентябрь куни бўлган портлатиш, қўпоровчилик ҳаракатидан дунё аҳли сер-



гак тортиб, Сизнинг асосли фикрларингизга тан берди.

Ўша минбарда туриб нутқ сўзлаганингизни телевидение орқали кўриб, кўзимга ёш олганман. Мана, бизнинг ҳам Президентимиз дунёга мустақил Ўзбекистонимизни танитар экан-ку, деб фахрланганман. «Биз ҳеч кимдан кам эмасмиз» деган иборангизнинг исботи шу деб биламан.

Мен немис миллатига мансуб бўлсам-да, Ўзбекистоннинг фуқароси эканимдан фахрланаман. Чунки бизнинг мамлакатимизда тинчлик-тотувлик ҳукмрон. Мустақил юртимизда турли миллатга мансуб кишилар фаровон турмуш кечирмоқда. Конституциямизда тили, дини, ирки, миллати ва ижтимоий келиб чиқишидан қатъи назар, Ўзбекистон Республикаси фуқаролари тенг ҳуқуқли экани белгилаб қўйилган.

Мен ишонаман, мустақил Ўзбекистонимизнинг келажаги буюк бўлади. У ривожланган давлатлар қаторига, албатта, кирази.

Мактубимни яқунлар эканман, Сизга бахту саодат ва узок умр тилаб қоламан.

Ҳурмат билан:

**Анатолий Вернер,
Самарқанд вилояти, Каттакўрғон
тумани, Қозоқовул қишлоғи,
Дўстлик маҳалласи**

2015 йил 17 июнь



Ҳурматли Ислон ота!

Сизнинг меҳру эътиборингиз туфайли ўғлим Шохжаҳонга ўзи орзу қилиб юрган замонавий компьютер жамланмаси совға қилинди. Бу совғадан оиламиздаги барчанинг боши кўкка етди. Фарзандимнинг аъло ўқигани ва намунали хулқи Сиз томонингиздан юксак баҳоланди. Бундан мен – оддий бир она сифатида чексиз қувончга тўлдим. Кўрсатган марҳаматингиз учун Сизга Оллоҳдан узок умр, мустаҳкам соғлиқ, туганмас омад ва бахт тилайман. Ўзбек халқининг бахтига доимо соғ ва омон бўлинг, мустақил ўзбек элига бундан ҳам юксак марраларни забт этишда бош-қош бўлиб юринг.

Ҳурматли Президент, Сиз кам таъминланган оила ва ёш оилаларга манфаати тегадиган адолатли ва инсонпарвар, халқчил сиёсат олиб боряпсиз. Сизнинг келажак авлодга катта эътиборингиз, оталарча ғамхўр сиёсатингиз туфайли ўғлим Шохжаҳон адолатли тест синовларидан муваффақиятли ўтиб, туманимиздаги тиббиёт коллежи талабаси бўлди. Фарзандларимдан умидим жуда ҳам катта. Яқин келажакда улар мус-



такил ўзбек диёри учун фойдаси тегадиган, жонажон юртимиз байроғини баланд кўтарадиган, содиқ фарзандлар бўлиб етишади, деган орзу-истаклар билан яшамоқдаман.

Сизни 8 декабрь – Ўзбекистон Республикаси Конституцияси куни билан самимий ва қизғин муборакбод этаман.

**Юлдуз Имомова,
Самарканд вилояти, Ургут
шаҳри, «Дўстлик» маҳалла
фукаролар йиғини**

2014 йил 19 ноябрь



**Ассалому алайкум, мухтарам
Президент!**

Мен «Кексаларни эъзозлаш йили» ниҳоясида Ўзбекистоннинг бир ёши улуг фукароси сифатида сизга миннатдорлик билдиришга жазм қилдим.

Ёшим 72 да. Мутахассислигим – тарих ва жамиятшунослик фанлари ўқитувчиси.

Сиз собик СССР даврида биринчилардан бўлиб, ҳеч кимдан кўркмасдан, келажакка ишонган ҳолда, юртимизда мустақилликни эълон қилдингиз.

Шунинг баробарида тилимизни, динимизни, урф-одат ва кадриятларимизни қайтардингиз.

Биринчи эзгу ишингиз – ночор аҳволга тушиб қолган аҳолига уй-жой қуриш учун минглаб гектар ер майдонлари, қўшимча томорқалар бердингиз. Қисқа вақт ичида дон ва ёқилғи мустақиллигига эришдик. Чет эллар билан ҳамкорликда қўшма корхоналар ишга туширилиб, саноат, ишлаб чиқариш, қишлоқ хўжалиги, фермерлик ҳаракати ривожига ҳисобидан кейинги ўн йилда ўсиш суръати 8 фоиздан ошиб келмоқда.

Янги темирйўл тармоқлари қурилиб, электропоездлар қатнови йўлга қўйилди ва қўйил-



моқда. Соғлиқни сақлаш ва таълим соҳаларида амалга оширилаётган самарали ишлар ҳеч бир ривожланган давлатдагидан қолишмайди. Тинчлик-омонлик, соғлиқ ва бирдамлик бўлса, бундан-да улкан натижаларга эришамиз. Қамчик до-вони орқали – Хитой, Форс кўрфази ва Каспий денгиз орқали Европа ва океанорти мамлакатла-рига чиқиб, савдо алоқаларини янада яхшилаш имкони ҳам туғилади, Худо хоҳласа, булар – ютуқларимизнинг бошланиши. Биз яқин кела-жакда дунёнинг тараккий топган мамлакатлари орасидан жой оламиз ва бунга ҳеч қандай шубҳа йўқ.

90-йилларда Сиз катта ишонч билан илгари сурган «Ўзбекистон – келажаги буюк давлат» де-ган шиор бугун ўзини батамом оқлади.

Бизнинг оиламиз ҳам Ўзбекистондаги бахт-ли оилалардан бири. Аёлим билан, мана, 46 йил биргаликда умргузаронлик қилдик. Худога шу-кур, набира, эвараларнинг бобоси, момосимиз. Қорнимиз тўқ, устимиз бут. Яшайдиган бошпа-намиз бор. Сигир-бузоғимиз, бир нечта қўй-эч-кимиз, курка-товук каби парранда ва боғимиз ҳам бор.

Совет даврида менинг аёлим колхозда чо-пикчи бўлиб меҳнат қилди. Ғўзани чопик қилди, суғорди, йил ўн икки ой меҳнат қилди. 25–30 йил пилла қуртини бокиш билан шуғулланди. Лекин биримиз икки бўлмади. Бу воқеалар эсдан



чикмайди: ўша йиллари ҳовлимиз устидан само-лётда бутифос дориси сепиш билан бирга, бри-гада бошлиғимизнинг буйруғи ва тазйиқи билан аёллар ва қизларга марлига ДДТ-гексохлором до-рисини тугиб, таёк учига илдириб, ғўзага септи-рарди. Бечора аёлим ва бошқа хотин-қизлар ДДТ захри таъсирида доимо кўзларидан ёш оқарди. Мана сизга, совет жамиятининг аёлларга бўлган шафқатсизлиги.

Шукурки, у кунлар ортида қолди. Бугунги фа-ровон кунларга етиб келдик. Ҳали бундан ҳам яхши кунлар келади. Сиз таъкидлаганингиздек, тинчлик, барқарорлик, осмонимиз мусаффо бўл-са, ёмонлар ўзимиздан чикмаса, халқимизнинг ризки доимо бутун бўлади.

Миллионлаб кексаларнинг бири ва бахтиёр инсон сифатида сизга таъзим қиламан. Бахти-мизга узок яшанг.

**Нишон Эсонов,
Самарқанд вилояти, Пахтачи
тумани, Мисит қишлоғи,
Жаҳонобод маҳалласи**

2015 йил 3 декабрь

**Ассалому алайкум, мухтарам
Ислом Абдуғаниевич,**

Сизнинг ташаббусингиз билан 1991 йилда ўзбек адабий тилининг асосчиси, ғазал мулкининг султони ҳазрат Мир Алишер Навоий бобомизнинг 550 йиллик таваллуд тўйи юртимизда тантанали нишонланиб, азим пойтахтимиз – Тошкент шаҳрининг марказида улуг сиймо номи билан аталадиган Ўзбекистон Миллий боғи ҳам барпо этилди, боғ марказида шоир бобомиз ҳайкали кад кўтарди.

Мустақиллик йилларида Имом Бухорий, Имом Термизий, Имом Мотурудий, Соҳибқирон Амир Темур, Мирзо Улуғбек ва яна кўплаб бошқа буюк алломаларимизнинг муқаддас қадамжолари, мақбаралари обод қилинди, уларнинг хотирасига боғ ва хиёбонлар барпо этилди. Биз буни аждодларимизга, тарихимиз ва маданиятимизга бўлган чексиз эҳтиром намунаси деб биламиз.

Сиз олиб бораётган бунёдкорлик ишларини сўз билан таърифлаб бўлмайди. Ана шу ишларнинг натижаси сифатида бугунги кунда халқимизнинг интилувчан вакиллари, айниқса, ёш ўғил-қизларимиз илм-фан, санъат, спорт, қўйингки, бар-

ча соҳаларда жаҳон микёсида улкан зафарларга эришиб, Ўзбекистонимизнинг довруғини дунёга таратмоқда. Бу биз, оқсоқолларга чексиз мамнуният ва ғурур бағишлайди. Бундай ютуқлар негизда истиқлолимизнинг дастлабки кунларидан бошлаб ёшларимизга яратиб берилаётган шарт-шароитлар, юсак эътибор ётганини ҳаммамиз яхши биламиз.

Юртимизда амалга оширилаётган ҳамма ишларда инсон манфаатлари биринчи ўринга қўйилган. Буларни мамлакатимизнинг барча ҳудудларида янги автомобиль йўллари қурилиб, борлари таъмирланиб, йўловчиларга кенг қулайликлар яратилаётгани, янгидан-янги темир йўллар қурилиб, аҳолининг узоғи яқин қилинаётгани мисолида ҳам айтиш мумкин.

Бизнинг Каттақўрғон туманимиздаги Пайшанба шаҳарчасида ҳам марказий йўлларимиз тўлиқ асфальтлаштирилиб, уларга тунги ёриткичлар ўрнатилди, йўловчилар учун барча қулайликларга эга бўлган автошохбекат ишга туширилди. Шунингдек, шаҳарчамизда иккита боғ, стадион, ёпик спорт мажмуаси, янги савдо ва маиший хизмат кўрсатиш муассасалари бунёд этилди. Бу каби янгиликлар туманимизнинг чекка қишлоқларида ҳам амалга ошириб келинмоқда.

Мен яқинда пойтахтимизда очилган «Китоб олами» дўконини бориб кўрдим. Ушбу мухташам қошона халқимиз, фарзандларимиз маънавияти-



ни юксалтиришга хизмат қиладиган эзгулик масканига айланганига амин бўлдим. Умрим давомида Европадаги ўндан ортиқ давлатларга бориб, уларнинг кутубхонаю китоб дўконларини кўрганман. «Китоб олами» дўконимиз уларнинг ҳеч биридан қолишмайди, деб комил ишонч билан айтишим мумкин. Ёшларимиз бу дўкондан катта қизиқиш билан китоблар харид қилаётганини кўриб, очиги, ич-ичимдан қувондим, кайфиятим жуда кўтарилди.

Мухтарам Ислон Абдуғаниевич,

Олиб бораётган ҳамма хайрли ишларингизда Оллоҳ Сизга мададкор бўлсин. Халқимизнинг фаровон турмуши, давлатимиз равнақи ва тинчлигини таъминлаш йўлидаги машаққатли ва шарафли ишингизда улкан муваффақиятлар тилаймиз.

Бир гуруҳ оксоколлар номидан:

**Қ. Аҳмедов,
Самарқанд вилояти, Каттакўрғон
тумани, Пайшанба шаҳарча
фукаролар йигини раиси**

2016 йил 1 февраль



Ассалому алайкум, мухтарам Ислон Абдуғаниевич!

Бугун – Сиз таваллуд топган кун, Ўзбекистонлик барча аёл-қизлар, оналаримиз, опа-сингилларимиз учун қалбда шукроналик, бахтиёрлик туйғуларини мавжлантирган қутлуг сана.

Хурматли Юртбошим,

Сиз биз, аёлларга бахту саодат улашмоқ, дардимизга дармон бўлмоқ, орзу-умидларимизга қанот бағишламоқ учун туғилгансиз!

Ахир, Сиз майдонга мардона чиқиб, бизни суямаганингизда, бугунги ёруғ кунлар тафтини ҳис эта олармидик?!

Сиз Зулфияхоним, Саидахоним тимсолида ўзбек аёлига ҳайкал қўймаганингизда, юртимиздаги юзлаб истеъдод гунчалари – истиклол фарзандлари Ўзбекистон аёл-қизларининг нуфузли мукофотида сазовор бўла олармиди?!

Сиз пушти паноҳ отамиз, ғамхўр оғамиз бўлиб шаън-шарафимизни ҳимоя қилмаганингизда, нозик қўлларимиз билан трактор рули ўрнига соғлом фарзандни бағримизга боса олармидик?!

Яратганга минг шукур! Ватанимизнинг тинчлигини, она халқимизни кўз қорачигидек асрай-



диган, унинг учун жон куйдириб, тунларни тонгларга улайдиган Сиздек раҳнамомиз бор.

Шунинг учун биз – оналар бешиклар бошида жажжи фарзандларимизга аллалар айтамыз. Тўйларга, яхши кунларга тайёргарлик кўрамыз. Ўзимизни дунёдаги энг бахтли аёллар деб биламыз. Бу ифтихор қонимиздан, жонимиздан фарзандларимизга ўтмоқда.

Бугун фарзандларимиз Сизга ўхшагиси келяпти. Сиздан ибрат оляпти. Сиздек дунё тан олган улуг зотга муносиб ўғил-қиз бўлишга интиляпти.

Эл-юртимиз, Ватанимиз бахтига доимо соғомон бўлишингизни тилаб:

**Хосият Бобомуродова,
Ўзбекистонда хизмат кўрсатган
маданият ходими, шоира,
Самарқанд шахри**

2016 йил 30 январь



Хурматли Ислон Абдуганиевич!

Бу хатни Сизга ёзиш ёки ёзмаслик ҳақида узок ўйладим, чунки қимматли вақтингизни олишдан қўрқдим. Лекин ёзишга қарор қилдим. Чунки Сизга бўлган чексиз ҳурматим, ишончим сабаб кундан-кунга кучига – куч, чиройига – чирой кўшилиб бораётган Ватаннинг оддий бир фуқароси сифатида ўз миннатдорлигимни билдирмасдан туролмадим.

1991 йил 31 августда киндик қонимиз тўкилган муқаддас она Ватанимиз мустақиллиги эълон қилинган кун бугунгидек эсимда. Сиз минбардан туриб Ўзбекистонни мустақил деб эълон қилиб, 1 сентябрни Мустақиллик байрами сифатида нишонлашни таклиф қилганингизни телевизор орқали томоша қилганимда, мактабни тамомлаш арафасидаги бола эдим. Ўша пайтда мустақил бўлганимизга ўзимизча хурсанд бўлган бўлсак-да, уни қанчалик машаққатлар эвазига келганидан беҳабар бўлганмиз. Собик Иттифок раҳбарларининг катта қаршилигига, тазйикларига ва қанча қийинчиликларга қарамасдан, Ўрта Осиё давлатлари ичида бирин-



чилардан бўлиб, мустақилликни эълон қилиш учун жуда катта матонат ва жасорат керак бўлганини бугун ич-ичимдан ҳис қиламан. Сиз ота-боболаримизнинг минг-минг йиллик орзуси бўлган мустақилликни нафақат эълон қилдингиз, балки узок йиллар мустамлака бўлган, Ҳақатгина бир томонлама, кишлоқ хўжалиги-гагина ихтисослашган қолоқ давлатни қисқа муддатда жаҳоннинг энг илғор, индустрияси ривожланган, иқтисодий имкониятлари катта бўлган, ривожланган давлатига айлантириб, бугун дунёни лол қолдирдингиз.

«Мустақиллик арафасида ёхуд шўроларнинг сўнгги талвасаси» фильмини ўқувчиларга намойиш қилаётганимизда Сиз бошдан кечирган қийинчиликларни кўриб, кўзимда ёш билан бу ҳақиқатни юрак-юракдан ҳис қилганман. Мустақиллик аталмиш буюк неъмат шунчаки ўз-ўзидан келиб қолмаганини, уни қўлга кири-тиш қанчалик машаққатлар эвазига бўлганини ўқувчиларим онгига етказишга, уни авай-лаб-асраш ҳар биримизнинг энг олий бурчимиз эканини ҳар бир дарсимда таъкидлаб ўтишга алоҳида эътибор бераман. Оддий ҳаётини ми-соллар билан уларга тушунтиришга ҳаракат қиламан.

Ўқувчиларга маънавият соатларида, ота-оналар йиғилишларида мен фойдаланадиган



энг сеvimли адабиётим, бу – сиз ёзган «Юксак маънавият – енгилмас куч» асаридир. Бу китобингизни ҳар сафар ўқиганимда ўзимга янги бир маъно топаман. Ўқувчиларга ва ота-оналарга ундаги фикрларингизнинг маъзани доимий сингдириб боришга ҳаракат қиламан. Чунки асарни ўқиб, моҳиятини тушунган инсонда ҳеч қачон маънавий бўшлиқ бўлмаслигига ишон-чим қилим.

Биз энди мустақил бўлган пайтларда кўпчи-лик жаҳон сиёсатчилари, баъзи фуқароларимиз ҳам Ўзбекистоннинг тараққиётига шубҳа билан қараган бўлса, бугун нафақат Ўзбекистон фуқаролари, балки дунё аҳолисининг кўпчилиги ҳам Ўзбекистон фуқароси бўлиб қолишни, фарзанд-лари шу замин тупроғида улғайиб, вояга ети-шини орзу қилади. Чунки Ўзбекистонда инсон азизлигини, кексалар доимо эъзоздалигини, бо-лалар ҳамиша эътиборда эканини бутун дунё бугун жуда яхши билади.

2015 йили китобхонлар эътиборига ҳавола этилган «Она юртимиз бахту икболи ва буюк келажиги йўлида хизмат қилиш – энг олий са-одатдир» номли янги асарингизни мен барчага ўқиб чиқишни маслаҳат берган бўлардим, агар мендан сўраса. Чунки жонажон Ватанимизнинг бугуни ҳам, эртаси ҳам, Сиз айтгандек, ўзимиз-га боғлиқлигини барчамиз яхши англаб етсак,



бунинг учун ўзимиз бир ёкадан бош чиқариб ҳаракат қилсак, ҳеч қандай рақиб бизга хавф со-
лолмаслиги шубҳасиз.

Биргина мен яшаётган Навоий шахридаги ободонлаштириш, бунёдкорлик, халқ фаровон-
лиги йўлида қилинаётган эзгу ишларнинг са-
наб-саноғига етиб бўлмайди. Буни кўриб туриб
қандай хурсанд бўлмаслик, ғурурланмаслик
мумкин?

Баъзи бир адашган, турли окимлар таъсири-
га тушиб, ўз халқига, жонажон Ватанига қарши
бош кўтарган нодонларга бундай дегим кела-
ди: эй кўрнамак, сен Ўзбекистон эришаётган
ютукларни бир бошидан санаб кўр-чи, санашга
умринг етармикан? Яна қаерда Ўзбекистондек
юрт, ўзбеклардек халқ бор, сен ўзинг бу юртга
нолойиксан, деб айтгим келади.

Оллоҳга минг шукурлар бўлсинки, Ўзбекис-
тонда тинчлик-осойишталик, осмонимиз мусаф-
фо. Шу тинчлигимизга, мустақиллигимизга ҳеч
қачон кўз тегмасин, юртимиз бахтига доимо соғ
бўлинг, умрингиз узок бўлсин.

**Амриддин Бобоёров,
Навоий шаҳри,
Ибн Сино кўчаси,
42-уй, 31-хонадон**

2015 йил 24 ноябрь



Ҳурматли Ислом Абдуғаниевич!

Мен 1932 йил 10 июнь куни тугилганман.
Олти ўғил ва тўрт қизим ҳамда неvara, чевара-
ларим ардоғидаман. Ўзим олий маълумотли тиб-
биёт ходимиман. 45 йил шу соҳада ишлаб, пен-
сияга чиққанман.

Айни вақтда пенсияларни ўз вақтида олиб,
шундай гўзал, тинч диёрда кексалик гаштини су-
риб юрган бахтиёр инсонлардан бириман.

Ўзбекистон Республикаси мустақилликка
эришганидан сўнг шу кунгача қанча сиёсий ва
иқтисодий муаммоларни фақат халқимизнинг
манфаати йўлида ҳал қилиб келаётганингиз-
дан жуда-жуда хурсанд бўлиб кетаман. Шу юрт
фуқароси сифатида Сизга қойил қоламан.

Албатта, глобал муаммолар ҳеч қайси давлат-
ни четлаб ўтмаган. Дунё бўйича қанча халқ ва
уларнинг давлат раҳбарлари бор, бирон-бир дав-
лат йўқки, муаммоларсиз бўлса. Айрим давлат-
лар буткул муаммолар гирдобига тушиб қолган.

Худога шукроналар бўлсинки, Сизнинг раҳ-
барлигингизда давлатимизда, ўйлайманки, бун-
дай чуқур муаммоларга йўл қўйилмайди.



Муаммо бўлмаслигининг сабаби:

- ишлаб чиқарувчиларга қанчадан-қанча имтиёзлар мавжудлиги;
- тадбиркорларнинг фаолият кўрсатиши учун эркин рақобат майдони яратиб берилгани;
- фарзандларимизнинг бепул таълим олиши;
- пенсионерлар пенсиясини ўз вақтида олиши;
- кам таъминланган оилалар кучли ижтимоий ҳимояга олингани;
- энг катта бойлигимиз – халқимизнинг тинчлигини сақлаб турганингиз, деб ўйлайман.

Шу ёшга етиб келгунимча қанча азоблар кўрмадик, ушбу кунларни ўтган асрнинг эллигинчи ёки олтмишинчи йилларида тасаввур қилиш жаннатни тасаввур этиш билан тенг эди.

2015 йил 9 май куни Хотира майдонида ўтмиш тўғрисида гапирган гапларингиз менга ёшлигимни эслатди ва кўзимда ёш, бутун вужудим билан Сизнинг сўзларингизни болаларим билан биргаликда эшитиб ўтирдик.

Бундан ташқари, Қашқадарё вилояти ғаллакорлари билан дала шийпонидаги учрашувда айтган гапларингизни эшитиб, яна қайтадан яшариб кетдим.

Ватан оиладан бошланади, деганларидек, мен ҳам катта оиланинг сардориман. Мен ва менинг авлодим Сиздек буюк инсон давлатимизни бошқараётганидан Худога шукроналар қиламиз.



Менинг болаларимнинг ҳаммаси ҳам ўзининг оилавий мустақиллигига эга, ҳаммасининг ўзига яраша уй-жойи бор, уларни фақат ҳалол меҳнат билан яшашга ўргатганман.

Сиз яратиб берган шароитда меҳнат қилган одам ёмон яшаши мумкин эмас, агар меҳнат қилмас экан, нима учун яхши яшаши керак?

Маҳалламиз аҳли шунчалик меҳнаткашки, уларнинг уйларида ўтказиб келинаётган турли тўй ва маъракаларни кўриб, қувнаб кетамиз, ҳеч нарсадан камчиликлари йўқ, маҳалламизда инсон яшаши учун ҳамма шароитлар муҳайё.

Оллоҳ таоло Сизни бало-қазолардан сақласин, доимо соғ-саломат бўлинг.

**Ҳасан Бобоев,
Сурхондарё вилояти, Сариосиё
тумани, Дийдор маҳалла
фуқаролар йиғини**

2015 йил 18 август



**Ассалому алайкум, мухтарам
Ислом Абдуғаниевич!**

Сиз билан хат орқали мулоқот қилиш бахтига сазовор бўлганимдан бахтиёрман.

Ўзбекистонимизнинг гуллаб-яшнаши, қудратли давлатга айланиши Сизнинг изчил сиёсатингиз, халқимизни тўғри йўлга бошлаб бораётганингиз туфайли эканини одамлар яхши билади.

Сиз тадбиркор ва ишбилармонларни ҳар жиҳатдан қўллаб-қувватлаётганингиз нафақат мамлакатимиз иқтисодиётини мустаҳкамлашга, балки оилалар фаровонлигини оширишга ҳам хизмат қилмоқда. Биргина мисол. Маҳаллий тадбиркорларимиз дунёга довруғи кетган Маргилон атласи ва адрасини ишлаб чиқариш анъаналарини давом эттириб, шаҳардаги ипак корхонаси ўрнида «Экспо колор принтекс» замонавий енгил саноат корхонасини ишга туширди. Шу ҳудуддаги кўплаб хотин-қизлар ишли бўлди. Улар орасида мен ҳам борман.

Корхонамиз хориждан олиб келинган, жаҳон стандартига жавоб берадиган замонавий дастгоҳлар билан жиҳозланган. Ўзбек қизлари улар-



ни моҳирлик билан бошқариб, «Ўзбекистонда ишлаб чиқарилган» белгиси билан аъло сифатли миллий маҳсулотлар ишлаб чиқармоқда. Ҳозир тадбиркорлар корхонамизни янада кенгайтиришни режалаштирмоқда.

Сиз ҳар бир чиқишингизда барча қилаётган ишларимизнинг пировард мақсади инсон манфаатларига, халқимизнинг турмуш даражаси ортиб боришига хизмат қилиши зарурлигини кўп такрорлайсиз. Бу фикр ҳаётда ўзининг амалий ифодасини топаётганига мен келтирган биргина мисол ҳам далил бўла олади.

Корхонамизнинг барча ишчилари номидан Сизга раҳматлар айтиб, азиз халқимиз, Ватанимиз бахтига доим соғ-омон бўлишингизни тилайман.

**Феруза Ҳакимова,
Маргилон шаҳар, «Қиргули»
маҳалла фуқаролар йиғини,
Янги ҳаёт кўчаси, 44-хонадон**

2015 йил 20 октябрь



ЁШ АВЛОД ЭҲТИРОМИ

Барчамизга яхши маълумки, мустақиллик йилларида мамлакатимизда Президентимиз томонидан соғлом ва баркамол авлодни тарбиялаб, вояга етказиш бўйича зарур шароит ва имкониятлар яратилмоқда. Ёшларимиз улардан баҳраманд бўлиб униб-ўсиб, бугунги кунда ҳаётимизнинг ҳал қилувчи кучи сифатида майдонга чиқаётганига гувоҳ бўлмоқдамиз. Хусусан, ўғил-қизларимизнинг касб-ҳунар коллежлари, олий ўқув юртларида таълим-тарбия олиб, икки-учтадан замонавий билим ва касб-ҳунарлар, хорижий тилларни пухта эгаллаб, турли соҳа ва тармоқларда фаолият кўрсатаётгани, ҳаётдан ўз муносиб ўрнини топаётгани ҳаммамизни хурсанд қилади. Айниқса, уларнинг илм-фан, маданият, санъат ва спорт соҳаларида нуфузли халқаро олимпиадалар, фестиваль ва кўрик-танловлар, спорт мусобақаларида юксак натижаларни қўлга киритиб, юртимиз байрогини баланд кўтариб келаётгани таҳсинга лойиқдир.

Энг муҳими, бундай ютуқларга эришиш асосида ёш авлодимизнинг мустаҳкам ахлоқий-



маънавий олами ҳам шаклланиб бормоқда. Улар ўзлари эришаётган барча ютуқлар учун Ўзбекистонимиз мустақиллиги, халқимизнинг фидокорона меҳнати, давлатимиз раҳбарининг ёшлар ҳақидаги доимий эътибор ва ғамхўрлиги замин бўлиб келаётганини, бу муваффақиятлар фақат дастлабки қадам эканини ҳар томонлама чуқур англамоқда. Бунини давлатимиз раҳбарига йўлланган, эътиборингизга ҳавола қилинаётган хатлар ҳам тасдиқлайди.



Ассалому алайкум, ҳурматли Президент!

Мен бевосита Сизнинг ташаббусингиз билан очилган Тошкент ислом университетида 2003–2007 йилларда таҳсил олганман. Ёш бўлсам-да, янги тарихимизнинг унутилмас йилларини бошимдан кечирдим.

Ўзбекистон раҳбарининг 1993 йилда, яқин орада ўз автомобиль заводимизга эга бўламиз, деган гапларини эшитиб, баъзи бировлар, худди Ватанимиз мустақиллиги эълон қилинганида айрим депутатлар довдираб қолганидек, бу сўзларга шубҳа билан қараган эди. «Биз ёрдам бермасак, бу халқ ҳеч нарса қилолмайди, яна орқага, ёғоч аравасига қайтади», деб, бизнинг устимиздан кулмокчи бўлганлар бугун ўзбек автомобилени кўзига суртиб сотиб олмокда.

Ўзбекистон дунёда энг тез ривожланаётган бешта кучли давлатдан бири сифатида тан олинди.

Қишлоқ инфратузилмасини яхшилаш учун комплекс тарзда замонавий турар жойлар қуришга киришдик. Бизда кредит берган ҳам, кре-



дит олган ҳам аник, ҳеч ким пулни бекорга со-
вурмайди.

Қани энди, бугун бизнинг одамларимиз яшаётган шинам ва гўзал намунавий уйларни собик Иттифок даврида энергетика ва электрлаштириш вазири бўлиб ишлаган А. Майорец деган шахс кўриб, ўз хатосини тушунса. У эмасми, Қашқадарёда вагон-вагон цементни «олинди» деб расмийлаштириб, аслида уни Уралга жўнатиш пайида бўлган ва халқ мулкига кўз олайтирган?

Сиз эмасми, ана шу ўта оғир вазиятда бу шахснинг кўзига тик қараб, бундай ҳаққоний сўзларни айтган: «Мана, бутун бошли қишлоқни ўзингиз кўряпсиз. Қани энди, цемент бўлсаю мустаҳкам пойдевор қуйиб, мана шу уйларни пишиқ ғиштдан тикласак! Сиз бўлса, уни Уралга жўнатаман, дейсиз. Кўряпсизми, бу ерда ҳамма уй лойдан, пахсадан қилинган. Агар бу халқ давлатнинг мулкини ўмаришни билса, мана шундай оғир шароитда яшармиди?»

Сиз ўша пайтдаёқ жон қуйдириб, бугунги озод ва обод кунлар учун курашган эдингиз.

Ҳар йили Конституциямиз байрами арафасида сўзлайдиган маърузангизни бутун дунё, айниқса, МДХ жамоатчилиги синчковлик билан таҳлил қилади. Сиз оиланинг муқаддаслигини исботлаб берганингизда, менимча, маърузангизни қулоқчин ёрдамида тинглаётган хорижий



давлатлар элчилари ўз юртларидаги демографик инкирознинг сабабларини ҳис эта бошлайди.

Юртимизда 9 майни Хотира куни эмас, айнан Хотира ва кадрлаш куни деб эълон қилганингиз замирида ўтганларнинг руҳини эъзозлаш, тирикларнинг кадрига етишдек буюк ҳаётий ҳикмат борлигини ва бу инсонни улуғлашга қаратилган энг тўғри қарор эканини улар эътироф этишмоқда.

Маданий меросимиз топталган мустабид тузум даврини эслайлик. Бугун эса тупроғи бебаҳо заминимизда Оллоҳнинг дўстлари деб тан олинган қанча-қанча авлиёларимизнинг илгари чирқираб ётган рухлари шод бўлмоқда.

Ўтган асрнинг 80-йилларида жафокаш халқимиз бошига «десантчи»лар хуружи, «ўзбеклар иши», «пахта иши» каби балолар ёғилган, камалар кучайган таҳликали даврларда ким унинг жонига оро кирди? Собик Марказда ўтирган раҳбарларми? «Юқори»нинг топшириғи билан келган терговчиларга учрашишдан қўрқиб, Чернобиль атом электростанцияси портлаган пайтда ота-онасидан хабар олишни баҳона қилганича жуфтакни ростлаб қолган, «қонун ҳимоячиси» Бутурлинми? Фарғона вилоятида бошланган жанжал-тўполонларга «бозордаги бир тарелка қулупнай можароси» деб «сиёсий баҳо» берган Рафик Нишоновми? «Мен буларга бас



кела олмайман. Буларга катта ваколат берилган», деб, «десантчи»ларни қўриб, нафаси ичига тушган, «адолат пешвоси» Усатовми?

Тарих гувоҳ, ўша қалтис вазиятда республика етакчилари қилмаган мардликни Қашқадарё вилояти раҳбари сифатида Ислоҳ Каримов бажарди. У терговсиз, суд ҳукмисиз камокда ётган минглаб бегуноҳ одамни зулм чангалидан тортиб олди. Манбаларда кўрсатилганидек, Ўзбекистон Компартияси Марказқўмининг тўрт нафар котиби, вилоятларнинг саккиз нафар раҳбари, республика аҳамиятига молик 62 нафар масъул шахс ҳибсга олинган ана шу оғир шароитда аввал қашқадарёлик, сўнгра ўзбекистонлик қанча-қанча юртдошларимиз қутқариб қолинди. Лекин бундай жасорат учун ўша пайтда партиядан ўчириш, сўнгра «миллатчи» деган айбловлар билан қатағон қилиш мумкин эди. Асл ўзбек ўғлони учун муштипар онаизорлар ноласи, оч-наҳор гўдаклар чинқириғи, ноилоҳ ҳассага таянган қарияларнинг мунгли чехрасини қўриб яшаш қатағондан ҳам кўра аламли мусибат эди. Шунинг учун у ҳеч нарсадан қўркмасдан, адолат учун, ҳақиқат учун дадил курашди.

Муҳтарам Юртбошимиз келажакда халқаро терроризм ва диний экстремизмнинг инсоният бошига соладиган қулфати ҳақида кўп бор қуйиниб гапирди, Афғонистон муаммосини фақат



тинч йўл билан ҳал этиш таклифини ўртага ташлади.

Гоҳида ўйлаб қоламан. Афғонистоннинг ўзи ҳам ўз тинчлиги учун Ўзбекистончалик қайғурмаган бўлса керак. Бир пайтлар бизга менсимай қараган давлатлар ҳам бугун Ўзбекистоннинг аниқ ва равшан ташқи сиёсатидан, унинг ҳеч қандай хиссиётларга берилмасдан, турли «ҳожатбарор»ларнинг «доира»сига ўйнамасдан, ўз позициясида қатъий туриб келаётганидан ҳайратда. Айрим давлатлар «шоумен»ликка ўтган бир пайтда Ўзбекистоннинг дунёдаги тинчлик ва осойишталикка доир амалий таклифлари сиёсий майдонда ижобий қабул қилинмоқда.

Ўйлаб кўрайлик, мустақил Ўзбекистон тарихида илк орден «Соғлом авлод учун» ордени деб бежиз аталмаганининг ҳикмати эмасми бу? Ўзбекистоннинг энг олий ва устувор мақсадларидан бири – соғлом миллатни, соғлом наслни шакллантириш эканининг маҳсули эмасми бу?

Кейинги беш йилда Ўзбекистон худди бутун дунёнинг эътибор марказида тургандек. Бундай юксак эътирофнинг замирида узокни кўзлаб ишлаб чиқилган, пухта ўйланган «ўзбек модели»нинг натижалари, унинг оғишмасдан амалга оширилаётгани мужассамдир. Давлатимизнинг 2015 йилда Бирлашган Миллатлар Ташкилотининг Озиқ-овқат ва қишлоқ хўжалиги таш-



килоти томонидан озиқ-овқат хавфсизлигини таъминлаш соҳасида Мингйиллик ривожланиш мақсадларига эришгани учун бериладиган мукофотига лойиқ 14 та давлатдан бири сифатида тан олингани, СССР таркибида қашшоқ ва қолоқ республика бўлган юртимиз бугун ана шу собиқ республикалар орасида бахт индекси бўйича жаҳонда 44-ўринни эгаллаган ягона давлат экани ҳаммамизни қувонтиради. Энг асосийси, ҳозирги таҳликали, турли адоват ва қарама-қаршилиқлар кучайиб бораётган замонда юртимиздаги тинчлик ва осойишталик барқарор бўлиб келаётганидир.

Хурматли Ислом Абдуғаниевич, миллий, диний ва маданий кадриятларимиз, ҳаққоний тарихимизни, халқимизнинг шаъни ва ғурурини тиклашдаги жонқуярлигингиз, Сиздаги ақл-идрок ва куч-қудратнинг замири қаерда, деб баъзан ўйлаб қоламан. Жавобини эса «Юксак маънавият – енгилмас куч» китобингиздаги сўзлардан топаман. Унда маънавият инсонга ажодлар ўғити, ота намунаси, она сути билан сингиши ҳақида ёзгансиз. Ҳақ гап. Эл-юртимизнинг тарихи ва эътиқодини йўқотиш илинжида шўро «дохий»ларининг қиличидан қон томиб турган оммавий қатағонлар ҳақида кўп ўқиганман, эшитганман. Шундай бир қалтис шароитда ҳалол, меҳнаткаш ва камтарин бир ўзбек хонадонида



туғилган чакалоққа «Ислом» деб ном қўйилиши чинакамига ота намунаси ва жасорати эди.

Биз – ёшларга беминнат, оталарча ғамхўрлигингиз учун миннатдорлик рамзи ўларок, ўз йўлини топган, яқинда замонавий «Камолот» уйига эга бўлган ўзбек ўғлони сифатида, елкангизга бир тўн ёпсам, деган эзгу ниятим бор. Ниятимга етишимга сидкидилдан ишонаман.

Яратган Сизни доимо ўз назарида, ўз паноҳида сақласин!

Чексиз эҳтиром ила:

**Жонибек Шухратов,
Навоий вилояти, Кармана
тумани, «Талкок» маҳалла
фукаролар йиғини**

2016 йил 5 февраль



Мустақиллигимиз абадий бўлсин!



БМТ билан Мингйилдик ривожланиш мақсадлари
йўлидаги ҳамкорлигимиз давом этади.



Тинчлик, ҳамкорлик ва тараққиёт йўлида



Пири бадавлат кексалар – хаётимизнинг файзу фариштаси



Биз ҳеч кимдан кам эмасмиз ва ҳеч қачон кам бўлмаймиз!



Наврӯз шодиёнаси



Биз – буюк юрт фарзандларимиз!



Ватанни ҳимоя қилиш – энг буюк ва шарафли иш



Хурматли Ислон Абдуғаниевич!

Мустақиллик йилларида мамлакатимизда кишлоқ хўжалиги соҳасида туб ўзгаришлар амалга оширилди. Собиқ колхозлар, ширкат хўжаликлари ўрнига фермер хўжаликлари ташкил қилингани ана шундай амалий ишлардан бўлди. Аграр соҳадаги бундай улкан ўзгаришлар аввало фермерлардан катта масъулият ва ҳуқуқий билимни талаб қилади. Фермер хўжаликлари халқимизнинг ризқ-рўзини яратиб беради. Бу борадаги ишлар тўғри йўлга қўйилгани сабабли бозорларимизда арзончилик ва тўкин-сочинлик.

Сизнинг тадбиркорларни, фермерларни қўллаб-қувватлашингиз туфайли фермер бўлдим. Хўжалигимизда 34 гектар ер майдони бор. 2014 йилда шу ердан 50 тоннадан ошиқ дон олдим, 66 тоннадан зиёд пахта ҳосилини етиштириб давлатга топширдим. Режаларни бажаряпман, келгусида фермер хўжалигини кўп тармоқли фермер хўжалигига айлантирмоқчиман. 2013 йилда интенсив боғ яратиш учун ҳар хил мевали дарахтлар эккан эдик, у 2015 йилда тўлиқ ҳосил



берди. Шу йил томорқа еримда ҳам интенсив боғ ташкил этдим. Сабзавот экинларидан ярим гектар ерга экспорт учун пиёз экдик. Асалари-чилик билан ҳам шуғулланмоқдамиз. Бозорларимизнинг тукин-сочинлигини таъминлашга ўз ҳиссамизни қўшяпмиз.

Мамлакатимизнинг барча жойларида бўлганидек, биз истикомат қилаётган Олот туманида ҳам меҳнат қилган оилалар тўқ, фаровон яшяпти. Кўпгина хонадонларда икки-учтадан автомашина бор. Энг қувонарлиси, улар Ўзбекистонимизда ишлаб чиқарилган. Дам олиш кунлари туманимизда машиналар кўплигини кўриб, одамнинг кўзи яшнайдди. Бунинг учун Сизга катта раҳмат.

Мустақиллик халқимизга бекиёс имкониятларни яратиб бергани рост. Мен ҳам бу имкониятлардан фойдаланиб, оилам билан 2012 йилнинг кузида Ҳиндистон сафарига бордим. Деҳли ва Агра шаҳарлари, буюк мутафаккир, шоир бобокалонимиз Заҳириддин Муҳаммад Бобур авлодлари томонидан бунёд этилган, дунёдаги етти мўъжизанинг бири деб ном олган Тож маҳални зиёрат қилиб қайтдим.

Ўн кунлик саёҳатимиз давомида шунга ик-рор бўлдики, Ватанимиз – Ўзбекистон дунёда ягона. Шу юртнинг кадрига етиб, тупроғини



кўзларимизга суртиб, шукроналар айтсак, арзийди.

Оллоҳ Сизга узок умр берсин. Биз, ёшлар ҳаётда Сизга ишонамиз ва таянамиз.

Сизга ҳурмат билан, ёш фермер:

**Шерали Оташов,
Бухоро вилояти, Олот тумани,
Жумабозор қишлоқ фуқаролар
йиғини, «Жонибек Оташобод»
фермер хўжалиги раҳбари**

2015 йил 27 март



**Ассалому алайкум, азиз
Президентимиз!**

Сизнинг шарофатингиз билан юртимизда янги замонавий уй-жойлар қурилиб, қишлоқ ва шаҳарларимиз чирой очиб, гўзал бўлиб бормокда. Яқинда бизнинг оиламиз янги уйлардан бирини сотиб олди ва унга кўчиб кирдик. У Бухоро шаҳрида жойлашган. Уйимизга меҳмон бўлиб келсангиз, бошимиз кўкка етади. Бу биз учун улкан шарафдир.

Биз оиламизда беш кишимиз. Ойим, дадам, акам, мен ва укам аҳил ва иноқ яшаймиз. Ойим ва дадам давлат ишида ишлайди. Акам Бахтиёр – 32-мактабнинг 7-синфида, мен 5-синфда ўқийман. Укам Жаҳонгир ҳали мактабга бормайди, боғча ёшида.

Бобожон! Сиз биз, болаларга барча шароитларни яратиб беряпсиз. Мен ўзим инглиз тилини ўрганмоқдаман. Инглиз тили хонаси тил ўрганишга ёрдам берадиган барча замонавий жиҳозлар билан таъминланган. Бундан ташқари, сузишга қатнайман. Бассейнимиз тоза ва озода. Бу ерда яқинда катта мусобақа ўтказилади.



Мен ҳам мусобақага тайёрланыпман. Мураббийимиз бизга қунт билан сузиш сирларини ўргатмоқда.

Сизнинг биз, болаларга кўрсатаётган чексиз ғамхўрлигингиз туфайли биз соғлом бўлиб ўсяпмиз. Мен ва оиламиз аъзолари Сизни Янги йил билан чин юракдан табриклаб, самимий ташаккуримизни изхор қиламиз.

**Гулчеҳра Расулова,
Бухоро шаҳри, Турди Фароғий
кўчаси, 3-уй, 4-хонадон**

2014 йил 25 декабрь

Ўзбекистон Республикаси Президенти Ислом Каримовга.

Бу мактубни ёзишдан аввал кўп ўйладик, шу арзимас хат билан қимматли вақтингизни олмай-мизми, деган хаёлга бордик. Охири қалбимизда бўлган дил сўзларимизни Сизга йўллашга аҳд қилдик.

Мана, бугун юртимиз, халқимиз муҳим сиёсий воқеалар қаршисида турибди. Бу жараёнда Сизга мустаҳкам соғлик, ишларингизга янада ривож, тинчлик-хотиржамлик тилаймиз.

Сизнинг ғояларингиз, лойиҳаларингиз асосида тобора кўркамлашаётган шаҳар ва қишлоқларимизни кўрганлар, осуда ва тинч ҳаётимизга гувоҳ бўлганлар бизга ҳавас қилади. Бизнинг жонажон Қарши шаҳримиз дунёнинг энг кўхна маданият марказларидан бири эканини айнан Сиз жаҳонга билдирдингиз. Қадрдон шаҳримиз киёфасини бутунлай ўзгартириб юборганингиз, воҳа аҳлига алоҳида меҳр ва лутф кўрсатиб келаётганингиздан таъсирланмасликнинг иложи йўқ.

Баъзида ўйлаб қоламиз, ким билсин, буюк донишманд Абу Наср Форобий бобомиз орзу қилган давлат тизими, фозиллар бошқаруви ай-

нан бугун амалдадир. Ёки Алишер Навоий бобомиз орзу қилган Фарҳодлар даври келгандир. Ахир, бугунги мунаввар тонгларибиз, мусаффо осмонимиз, обод маҳаллаларимиз чинакам бахт ва саодатдан нишона эмасми?

Қашқадарёда иш бошлаганингизда, Сиз билан кириб келган бундёрлик ҳавосини бугун бутун мамлакат бўйлаб, ҳатто энг чекка ва олис қишлоқларда ҳам ҳис қиламиз.

Тўғри, ютук бор жойда, камчиликлар ҳам топилади. Буни тан олиш керак. Мисол учун, бирор фарзандимизнинг рўзгорини бўлаклаб, алоҳида уй-жойга чиқарсак ҳам, ёш оила 15–20 йилда тўқисликка эришади. Ўзбекистонимиз ҳам бамисоли янги рўзгор, шу қиска вақт ичида қўлга киритилган муваффақиятлар салмоғидан яқин истиқболимизнинг нақадар порлоқ эканини ҳис қиламиз, бунга ишонамиз.

Пешонамизга, халқимизнинг бахтига омон бўлинг. Элу юртимиз фаровонлиги, мамлакатимиз равнақи ва тинчлиги йўлида чарчаманг. Керак бўлса, шу юрт учун, Сиз учун кўксимизни қалқон қиламиз!

Сизга чуқур ҳурмат ва эҳтиром билан:

Суннат Қаландаров, Элмурод Қаландаров,

**Қашқадарё вилояти, Нишон тумани,
Пахтакор қишлоғи**

2015 йил 18 январь



**Ассалому алайкум, азиз ва меҳрибон
Ислом бобо!**

Мен – Саида Комилова Фарҳоджон кизи, 29 мартда 12 ёшни қарши оламан. Бу йил менинг мучал йилим – қўй йили юртимиз учун қут-баракали йил бўлишига ишонаман.

Мен гарчи сайловда қатнаша олмасам-да, Президент сайлови туғилган кунимда бўлиб ўтиши мени жуда қувонтирмоқда. Чунки 2015 йилнинг 29 март куни юртимиз ҳаётида тарихий кун бўлиб қолади.

Мен ўз она Ватанимни севаман, Сиз айтганингиздек, унинг келажаги буюк бўлишига ўз ҳиссамни қўшиш учун кунт билан ўкиб ўрганмоқчиман.

Ўзим каби минглаб тенгдошларим ва жонажон юртимиз бахти учун Сизнинг яна Президент этиб сайланишингизни жуда ҳам хоҳлар эдим. Бу – менинг туғилган кунимга энг яхши совга бўлар эди.

Мен Сизга ва бутун Ўзбекистон халқига тинчлик-омонлик тилайман.

Менинг юртим – Ўзбекистон,
Таърифига тилим ожиз.



Президентим Ислом бобом –
Бизлар учун жондек азиз.

Боболардан бизга мерос
Соғлом турмуш, эзгу фикр.
Юртбошимиз сўзлари рост:
Демок керак доим шукур.

Ҳурмат билан:

**Саидахон Комилова,
Андижон вилояти,
Қўрғонтепа тумани, Чимён
қишлоғи, 27-мактабнинг
5-«В» синф ўқувчиси**

2015 йил 2 март



Президент бобомга хат

Ассалому алайкум, азиз бобожон! Мен – 1-«Б» синф ўқувчисиман. 2 сентябрь – Билимлар кунида берган совғаларингиз учун катта раҳмат. Бобожон, таваллуд кунингиз билан табриклаб, Сизга совға сифатида кундалик дафтаримдаги «5» баҳоларимни жўнатяпман. Узоқ умр кўринг. Мен катта бўлсам, Сиз ўйлаган зўр инсон бўламан. Доимо соғ бўлинг!

**Жаҳонгир Ваҳобжонов,
Андижон вилояти,
Пахтаобод туманидаги
6-мактабнинг 1-синф
ўқувчиси**

2015 йил 3 февраль



Ассалому алайкум, Ислом Абдуғаниевич!

Сизни кириб келаётган таваллуд айёмингиз билан самимий табриклаймиз. Сизга узоқ умр, сиҳат-саломатлик тилаймиз ва Яратгандан дунё тургунча туришингизни сўраймиз.

Биз – Андижон санъат коллежи мусикий-назарий фанлар йўналишининг 1-курс ўқувчиларимиз. Коллежимиздан кўплаб таниқли созандаю хонандалар етишиб чиққан. Ўтган йили академик хонаналик йўналиши бўйича халқаро кўрик-танловда биринчи ўрин соҳиби бўлган Барно Исматуллаева ҳам шу даргоҳда таълим олган. Бу опамиз ҳозирги кунда Ўзбекистон давлат консерваториясини тамомламокда. Барно опамизнинг бундай ютуқларга эришишида аввало Сизнинг хизматларингиз, сўнгра устозларимизнинг меҳнатлари катта.

Бугун биз – ёшлар Андижон кун сайин гуллаб-яшнаётганини, бу ердаги бекиёс ўзгаришларни кўриб қувонмоқдамиз. Нафақат Андижонда, балки мамлакатимизнинг барча ҳудудларида чиройли кўчалар, кўркам бинолар, ўқув муассасалари, боғчалар, истироҳат масканлари бунёд этилиб,



она юртимиз қиёфаси кун сайин гўзал бўлаётганига гувоҳмиз. Бундай ўзгаришлар ва ҳар бир инсонга қаратилаётган меҳр-эътибор учун Сиздан миннатдормиз.

Ўз навбатида, биз ўзимизнинг аъло баҳоларимиз, намунали хулқимиз билан доимо сизнинг меҳрингизга муносиб бўлишга интиламиз. Ўзбек санъатини юқори поғоналарга олиб чиқишда Сиз бизга яратиб берган кенг имкониятлар бор, бизда куч, билим, истеъдод, қулай ижодий шарт-шароитлар етарли. Шу боис мумтоз мусикамиз, миллий куй-қўшиқларимиз сеҳрини дунёга ёйишга ваъда берамиз.

Яна бир бор Сизга сиҳат-саломатлик тилаб:

**Сарвиноз, Буйиша, Мадина,
Дилафруз, Нилуфар, Мубина,
Камола, Зилола, Гулишайдо
Андижон санъат коллежининг
1-босқич ўқувчилари**

2015 йил 3 февраль



Меҳрибон бобожон

Улуғ элнинг сарбони,
Озод Ватан боғбони,
Болаларга меҳрибон –
Сизсиз, Ислоб бобожон.

Кундан-кун очар чирой,
Шаҳар, қишлоқ – ҳамма жой,
Бизни кутар мактаблар,
Оламиз илму ҳунар.

Озод юртда тинч, аҳил,
Соғлом, танти ва оқил
Инсон бўламиз албат,
Бобожон, сизга раҳмат!

**Диёра Норова,
Бухоро шаҳридаги
34-мактабнинг
6-синф ўқувчиси**

2015 йил 2 февраль



Президентимизга мактуб

Ассалому алайкум, мухтарам Президентимиз Ислом Абдуганиевич Каримов. Ушбу мактубни Янгийўл туманидаги 2-умумий ўрта таълим мактабининг битирувчилари – азиз фарзандларингиз йўлламоқда.

Мана, 9 йилдирки, Сизнинг ғамхўрлигингиз остида ўқиб, билим олиб, улғайдик. Сиз берган ўқув анжомлари тўла мактаб сумкаси, дарсликлар, компьютер ва мультимедия воситалари, ўқув жиҳозларидан фойдаланиб, барча қулайликларга эга бўлган таълим масканида таҳсил олдик. Меҳрибон устозларимиз бизга дунёвий, табиий, ижтимоий, сиёсий ва аник фанлардан сабоқ бердилар.

Шукурки, осмонимиз мусаффо, юртимиз тинч, биз фақат замонавий илму хунарларни ўрганиш, келгусида элу юртимиз учун муносиб фарзандлар бўлиш ҳақида ўйлаймиз, холос.

Ватанимиз тарихини ўрганиб, шунга иқрор бўлдикки, аجدодларимиз шу пайтгача бундай дориламон кунларни, бундай обод ва фаровон замонни кўрмаган экан. Шу боис фахру ифтихор



билан «Биз – истиклол фарзандларимиз» десак, арзийди.

Сиз доимо биз – ёшларнинг бахтимиз, келажакимиз ҳақида ғамхўрлик қилмоқдасиз. Биз учун янги-янги имкониятларни яратиб бермоқдасиз.

Биз ҳақиқатан ҳам бахтиёр ёшлармиз, етуқлик шаҳодатномаси ва Ўзбекистон Республикаси фуқаролиги паспортини олиш бизга мустақиллигимизнинг 25 йиллик қутлуғ тўйи арафасида насиб этмоқда. Аъло баҳоларимиз, намунали хулқимиз, илму маърифатда эришган ютуқларимиз ушбу тўйга тўёна бўлсин.

Буюк аجدодларимизнинг руҳи поклари ҳақки-ҳурмати биз Ватанимизни кўз қорачиғидек асрашга, уни гуллашиб-яшнатишга, биздан кейинги авлодга озод ва обод Ватан қолдиришга, халқимизнинг берган нону тузини оқлашга, ҳар жабҳада Сиздек маънавий жасорат ва шижоат кўрсатишга, она юртимиз бахту иқболи йўлида хизмат қилишга ваъда берамиз.

Бахтимизга ҳамиша омон бўлинг.

Чуқур ҳурмат-эҳтиром туйғулари билан:

Тошкент вилояти Янгийўл туманидаги 2-умумий ўрта таълим мактабининг битирувчилари.

2016 йил 25 апрель



Хурматли Ислом Абдуғаниевич!

Мен болалигимдан халқимга фойдаси тегадиган фарзанд бўлишни орзу қилгандим. Мана, орзуларимга эришдим. 2014 йили Қўкон тиббиёт коллежини тамомлаб, Данғара тумани марказий тиббиёт бирлашмаси умумий жаррохлик бўлимига ишга қабул қилиндим. Ўз касбининг фидойилари бўлган ҳамкасбларим билим ва кўникмаларини менга ўргатиб, келажакда шу соҳанинг етук мутахассиси бўлишимга ўз хиссаларини қўшмоқда.

Мен 2014 йили Ўзбекистон Республикаси Олий Мажлиси Қонунчилик палатаси ва маҳаллий кенгашларига бўлиб ўтган сайловда биринчи марта овоз бердим. 2015 йилда, Наврўз айёмини нишонлаганимиздан сўнг, 29 март куни ўтказиладиган Президентлик сайловида фаол иштирок этиб, Сиз учун овоз бераман.

Сизга ўта масъулиятли фаолиятингизда муваффақиятлар, ўз соҳамдан келиб чиқиб, инсонлар учун энг зарур бўлган сиҳат-саломатлик тилаб қоламан.

**Гулбаҳорхон Йўлдошева,
Фарғона вилояти, Данғара
тумани, Яшиқ қишлоғи**

2015 йил 29 январь



Ассалому алайкум, азиз ва меҳрибон Ислом ота!

Сизни Ўзбекистон Республикаси мустақиллигининг 24 йиллиги билан қутлашга ижозат бергайсиз.

Мен – Муроджон Кенжабоев 1992 йили Сирдарё вилоятининг Гулистон шаҳрида оддий ишчи оиласида туғилганман. Ҳозирги кунда Хитой Халқ Республикасида таҳсил оляпман. Кўп давлатларда бўлдим. Ишонч ила айтишим мумкинки, бизнинг Ўзбекистонимиздек азиз юрт бутун дунёда бўлмаса керак.

Хитой Халқ Республикасида бир йилдан бўён ўқиб келмоқдаман. Кўпинча тенгдошларим билан баҳслашиб қоламан. Турли юртлардан келган, биз билан бирга таҳсил олаётган талабалар орасида Ўзбекистон ҳақида холис ва адолатли тасаввурни шакллантиришга аҳд қилдим. Ўзбекистон – она Ватаним ҳақида олган кичик ҳужжатли фильмни талаба дўстларимга намоиш этиб бердим. Улар юртимиз манзараларини, одамларимизни, халқимизнинг тинчлик-осойишталикда яшаётганини, давлатимиз жадал ривожланиб бораётгани ҳақидаги маълумотлардан хабардор бўлгач, бизга ҳавас қи-



лишди. Сизнинг раҳнамолигингизда халқимиз таракқиёт йўлини танлашда адашмаганини бугун ҳаётнинг ўзи исботлаб турибди.

Ҳурматли Президентимиз, халқимиз Мустақилликни осонлик билан қўлга киритгани йўқ. Шунинг учун истиклолимизни асраш, ардоқлаш, келажак авлодларга озод ва обод Ватан қолдириш биз – ёшларнинг ҳам улуғ мақсадимиз, вазифамиз ҳамда бурчимиз, деб биламан.

Ҳурмат билан:

Муроджон Кенжабоев

2015 йил 7 сентябрь



**Ассалому алайкум, ҳурматли
Президентимиз Ислом бобо!**

Мен 2007 йилда туғилганман. 2010 йилда ота-онам оламдан ўтишган. Ҳозирги кунда онамнинг ота-онаси ва холамнинг қарамоғидаман. Опоқим ва бувим нафақада.

Мактуб йўллашимдан мақсад – Фарғона вилояти марказида ташкил этилган Президент арчаси тадбирига таклиф этилганимдир. Ўша куни мен ва мен каби ота-она меҳрига ташна болақайлар арча атрофида қувнаб, Сиз юборган байрам совғаларини олиб қайтдик.

Ўзим Қўқон шаҳридаги 20-мактабда ўқийман. Ўқишларим яхши. 2016 йилни мамлакатимизда «Соғлом она ва бола йили» деб эълон қилганингизни эшитиб, шундай қувондимки, севинчимнинг чеки йўқ. Ҳеч қайси юртда биздек болаларга Президент томонидан ғамхўрлик бу қадар юқори эмас. Мен шундай юртда яшаётганимдан ва Сиздек бобом борлигидан ғурурланаман.



Сизни 30 январь – таваллуд топган кунингиз билан чин калбдан опоким, бувим, оила аъзоларимиз ҳамда ўз номимдан табриклаб, Сизга узок умр, бахт-саодат тилайман.

Барча эзгу ниятларимиз амалга ошишини тилаб, Сизга мактуб йўлловчи:

**Жасурбек Аҳмаджонов,
Фарғона вилояти,
Қўқон шаҳри, Хўқандий
мавзеси, 111-уй,
29-хонадон**

2016 йил 5 январь



**Ассалому алайкум, мухтарам
Ислом Абдуғаниевич!**

Ушбу хатни ёзишимдан асосий мақсад биз – ёшларнинг кучли, билимли ва саодатли бўлиши йўлида шароит ҳамда имкониятлар яратиб бераётганингиз учун миннатдорлик билдиришдир.

Сизнинг ҳар бир маърузангизни тинглаб, ўқиб борамиз. Уларда турли соҳалар ривожини кўзлаб айтган сўзларингиз, йўл-йўриқларингиз бугун биз эришаётган ютуқларга туртки бўлмоқда. Ана шундай самимий нутқларингиздан бирида: «Мен ёшларимизни, болаларимизни ҳақиқатан ҳам яхши кўраман. Керак бўлса, улар учун жонимни ҳам беришга тайёрман» деган эдингиз. Сизнинг бу сўзларингиз менинг орзулар сари интилишимга қанот бағишлади.

Талабалик давримда имкон қадар изландим, билимларимни бойитишга уриндим. Бугунги кунда юртимиздаги таълим-тарбия соҳасида олиб борилаётган ислохотлар ва кўрсатилаётган ғамхўрликлар, айниқса, чет тилларни мукамал ўрганишга қаратилаётган эътибор мақсадимни янада қатъийлаштирди.



2007 йили умумтаълим мактаблари ўқувчилари ўртасида ўтказилган фан олимпиадасининг республика босқичида қатнашиб, немис тили йўналишида ғолиб бўлдим. Ўша йили имтиёзли равишда Жаҳон иқтисодиёти ва дипломатия университетига давлат гранти асосида ўқишга қабул қилиндим. 2009 йили эса мамлакатимиз миқёсида ўтказилган фан олимпиадасида ҳам иштирок этиб, иккинчи ўринни қўлга киритдим.

Ана шу кичик муваффақиятларим Сиз ва ҳукуматимиз томонидан юқори баҳоланиб, шаҳримизда бунёд этилган «Камолот» уйларида бирининг соҳибасига айландим. Бугунги кунда ўз оилам, фарзандларим билан ушбу уйда бахтли яшайпмиз.

Ана шундай жонкуярликларингиз учун, биз каби ёшларнинг эзгу орзу-мақсадларини қўллаб-қувватлаётганингиз учун Сиздан бениҳоя миннатдоримиз.

**Нигорахон Саидова,
Фарғона вилояти,
Марғилон шаҳри,
Янги чек кўчаси, 31-уй**

2016 йил 15 январь



Ассалому алайкум, бобожон!

Сизни қутлуг ёшингиз билан табриклаб, сизга-саломатлик тилайман.

Ойим – ўқитувчи. Сиз ҳақингизда ўқувчиларига ҳам, менга ҳам доимо фахрланиб гапирадилар. Уларнинг айтишича, сиздек Юртбошимиз борлиги – биз учун катта бахт.

Биринчи синфга борганимизда мен ва дўстларим Сиз юборган совгаларни олдик. Бизга жуда ёқди. Бунинг учун катта раҳмат. Ҳозир саккиз ёшдаман. Аъло баҳоларга ўқиб, келажакда шифокор бўлмоқчиман. Ойим ва ўқитувчиларимиз айтганидек, атрофдагиларга ёрдамимиз тегадиган инсон бўламиз.

**Абдусаматова Ўзоза Акмалжон қизи,
Фарғона вилояти, Олтиариқ тумани,
Мирфозил кўчаси, 165-уй**

2016 йил 5 февраль



Табрик хати

Ассалому алайкум, ҳурматли ва кадрдон, Ислом бобом!

Мен сизни 30 январь – таваллуд топган кунингиз билан қутлайман. Сизнинг биздек жажжи болажонларга яратган имкониятларингиз, эътиборингиз туфайли мен 2014 йилнинг 14 декабрь куни Тошкент шаҳрида бўлиб ўтган ўзбек жанг санъати спорт мусобақасида биринчи ўринни эгаллаб, чемпион бўлдим. Бунинг учун Сиздан миннатдорман. Мен ҳозир «аъло» баҳоларга ўқияпман, инглиз тилини ўрганияпман. Келажакда катта ютуқларга эришишга ҳаракат қиламан.

Бобожон, 2015 йилнинг 29 март куни бўлиб ўтадиган Президент сайловида Сизга омад тилайман. Бахтимизга доимо соғ бўлинг.

**Нурзодбек Махсадов,
Сурхондарё вилояти Денов туманидаги
1-умумтаълим мактабининг
1-«А» синф ўқувчиси**

2015 йил 4 февраль



Ассалому алайкум, ҳурматли Ислом бобо!

Бугун – 2014 йил 30 январь куни шу хатни опам билан бирга ёзаямиз. Авваламбор, туғилган кунингиз билан табриклайман, доимо соғ-саломат бўлинг.

Мен ҳозир Термиз шаҳридаги «Алпомиш» спорт мажмуасида гимнастика билан шуғулланияпман. Биз, болаларга шундай чиройли ва катта спорт заллари қуриб берганингиз учун катта раҳмат. Жаҳон чемпиони бўлганимда, олтин медални Сизнинг қўлингиздан олишни истайман.

Ислом бобо, биз оилада уч қиз, бир ўғилмиз. Хатимни ўқишингизни, шу билан Сизни хурсанд қилишни хоҳлайман. Насиб этса, Сизга яна хат ёзаман. Уйимизда дунё харитаси бор. Опаларим байроғимизни ва бошқа давлат байроқларини ҳам ўргатишган. Энг чиройлиси – бизнинг байроғимиз. Чемпион бўлиб, байроғимизни баланд кўтарганимда ҳам Сиз доимо соғ бўлиб юринг.

Туғилган кунингиз муборак бўлсин, ҳурматли Ислом бобо!

**Сумайя Санақулова,
Сурхондарё вилояти, Термиз шаҳри**

2014 йил 12 февраль



Табрикнома

Ассалому алайкум, азиз ва мухтарам Юртбошимиз Ислон бобо! Сизни яқинлашиб келаётган таваллуд айёмингиз билан чин қалбимдан табриклайман.

Бобожон, мен ўтган йили биринчи синфда Сиз юборган совғаларни олдим. Бунинг учун барча синфдошларим номидан Сизга катта раҳмат айтаман. Биз бундан жуда кувондик.

Дадам, онам, оила аъзоларимиз, синфдошларим ва устозим номидан сизни яна бир бор табриклаб:

**Хадича Эргашева,
Сурхондарё вилояти,
Шеробод туманидаги
42-мактабнинг 2-«Г» синф
ўқувчиси**

2015 йил 5 февраль



Ассалому алайкум, кадрли Ислон Абдуганиевич!

Авваламбор, Сизни туғилган кунингиз билан чин юракдан табриклайман. Сизга узоқ умр, бахт-саодат ва инсон учун ҳамиша зарур бўлган соғлиқ-саломатлик тилайман.

Мана, мустақиллигимизга 24 йил тўлмоқда. Шу қисқа вақт ичида жуда катта ютуқларга эришдик. Хусусан, қишлоқларимизда ҳар томонлама қулай уй-жойлар, мактаблар, лицей ва коллежлар, болалар учун стадионлар, мусиқа ва санъат мактаблари қурилмоқда.

Биз – Учқўрғон ёшлари Сиздан жуда хурсандмиз, бобожон. Биз шу азиз Ватанда тугилиб ўсганимиздан, Сиздек меҳрибон Юртбошимиз борлигидан бахтиёрмиз. 2015 йилни «Кексаларни эъзозлаш йили» деб эълон қилганингиз бизни беҳад шод қилди. Айтишларича, қайсики юртда қариялар эъзозланса, уларга меҳр ва мурувват кўрсатилса, ўша юртда албатта тинчлик қарор топар, хонадонларга файзу барака ёғилар экан. Сизнинг кекса авлод вакилларига билдирган ҳурмат ва эътиборингиз, дарҳақиқат, маҳаллаларга, хонадонларга файз ҳамда хотиржамлик бағишлади.



Дунёда инсоннинг бахтли яшаши учун нима керак? Ҳеч шубҳасиз, энг аввало, озодлик ва тинчлик зарур. Сиз туфайли ўзбек халқи шу икки неъматга эга бўлди.

Сиз кўп такрорлайдиган бир ҳикматли сўзингиз доим ҳаёлимда чарх уради: «Юртимиз тинч, осмонимиз мусаффо бўлсин!» Ушбу сўзлар замирида жуда катта маънони илғайман.

Бахтимизга ҳамisha соғ-саломат бўлинг!

**Бахтиёр Неъматов,
Наманган вилояти, Учкўрғон тумани,
Қайки қишлоқ фуқаролар йиғини,
Аҳмад Яссавий кўчаси, 31-уй**

2015 йил 3 февраль



**Ассалому алайкум, ҳурматли
Ислом Абдуганиевич!**

Мен 1997 йили Наманган давлат университети иқтисодиёт мутахассислиги бўйича имтиёзли диплом билан тамомладим. Мустақиллигимизнинг дастлабки йилларида Сизнинг ташаббусингиз билан ёшларнинг чет давлатларда таҳсил олишлари ва тажриба алмашиши мақсадида ташкил қилинган «Умид» жамгармаси томонидан ўтказилган танловда иштирок этиб, Америка Қўшма Штатларининг Иллинойс университетида Урбана-Шампейн иқтисодиёт таълим йўналишини муваффақиятли якунлаб, магистрлик дипломига эга бўлдим.

Таҳсилни тугатиб, юртимиздаги бир неча ташкилотда меҳнат қилдим. Жумладан, «Саноатқурилишбанк»нинг Наманган вилояти бўлимида мутахассис, «Ўзбекинвест» миллий экспорт-импорт суғурта компаниясида катта андеррайтер ва Наманган муҳандислик педагогика институтида тўққиз йилдан зиёд халқаро алоқалар бўлими бошлиғи ва халқаро алоқалар бўйича проректор вазифаларида ишладим. Сўнгги йилларда Германия, Бельгия ва Қозоғистон каби давлатларнинг



олий ўқув юртларида иқтисодиёт ва молия йўналишлари бўйича маърузалар ўқиб келмоқдаман. Юртимизда таълим соҳасида ташкил этилган «Истеъдод» жамғармаси тадбирларида фаол иштирок этяпман.

Тадбиркорликка берилаётган кенг имкониятлардан мен ҳам фойдаланиб, яқин кунларда вилоятимизда нодавлат мактабгача таълим муассасасини очмоқчиман. Бу муассаса юкори интеллектуал салоҳиятли ёшларни жамиятимизга тарбиялаб беришга хизмат қилади, деган умиддаман. Шу билан бирга, ушбу муассаса олий ва ўрта махсус таълим муассасаларини муваффақиятли якунлаган ёшларимизни иш билан таъминлайди.

Хурматли Ислон Абдуғаниевич,

Сизнинг «Пок ниятли Наманган аҳлининг меҳнати ва шижоатига мен доимо чуқур ҳурмат билан қарайман» деган сўзларингиз бизга кўтаринки руҳ бағишлайди.

Сизга юксак ҳурмат ва эҳтиром билан:

**Аҳадхон Нажмитдинов,
Наманган вилояти,
Наманган шаҳри,
Ахсикент маҳалласи**

2015 йил 16 октябрь



ЖАҲОН АҲЛИНИНГ ЮКСАК ЭЪТИРОФИ

Ушбу бўлимдан хорижий давлатлар бошиқлари, халқаро миқёсдаги атоқли сиёсат арбоблари, чет давлатларнинг фуқаролари номидан Ўзбекистон Республикаси Президентига келган ҳамда давлатимиз раҳбарининг чет эл фуқароларига йўллаган хатлари ўрин олган.

Бу мактубларни ўқир эканмиз, аввало, улар давлатлар ва халқлар ўртасидаги дўстлик ва ҳамкорлик, иқтисодий-сиёсий ва маданий алоқаларни мустаҳкамлашда муҳим восита бўлиб қолаётганини кўрамиз. Шу билан бирга, бу хатлар мамлакатимизнинг жаҳон майдонидаги обрў-эътибори, нуфузи ва мавқеи тобора ортиб бораётганидан, Ўзбекистонда олиб борилаётган кенг кўламли ислохотлар ҳамда уларнинг натижалари халқаро ҳамжамиятнинг катта қизиқиши ва эътиборини уйғотаётганидан далолат беради.



**Ўзбекистон Республикаси Президенти
Ислом Каримов Жаноби Олийларига**

Жаноби Олийлари,

Сизни Ўзбекистон Республикаси Президенти лавозимига киришиш тантанали маросими муносабати билан табриклашга ижозат бергайсиз.

БМТ ва Сизнинг мамлакатингиз ўртасида халқаро ва миллий даражадаги ҳамкорлик Ўзбекистон халқи ва бутун минтақа манфаатлари йўлида барча йўналишларда, жумладан, тинчлик ва хавфсизлик, терроризмга қарши курашиш, инсон ҳуқуқлари ва барқарор тараққиёт масалалари бўйича янада ривожланишига ишонаман.

Жаноби Олийлари, Сизга бўлган юксак эҳтиромимни қабул қилгайсиз.

**Пан Ги Мун,
Бирлашган Миллатлар Ташкилоти
Бош котиби**

2015 йил 10 апрель



**Ўзбекистон Республикаси Президенти
Ислом Каримов Жаноби Олийларига**

Мухтарам Президент Жаноби Олийлари,

Сиз Президент лавозимида навбатдаги муддатда иш бошлаётганингиз муносабати билан Сизга ва Ўзбекистон халқига тинчлик ва раванг тилайман.

Америка Қўшма Штатлари ва Ўзбекистон ўртасида муштарак манфаатлар мавжуд бўлиб, улар ўзаро муносабатларимизнинг мустаҳкам ва изчил ривожланишида муҳим аҳамият касб этмоқда. Шунингдек, биз кўплаб умумий таҳдидларга ҳам дуч келмоқдамиз. Ўзаро ҳамкорлигимиз икки томонлама муносабатларимиз кенгайишига, шериклигимиз халқларимиз фаровонлигини янада юксалтиришга хизмат қилади.

Бугунги таҳликали дунёда доимий барқарорлик ва хавфсизликка демократик ва масъулиятли бошқарувсиз, жумладан, асосий ҳуқуқ ва эркинликларга риоя қилмасдан эришиб бўлмайди. Президент лавозимида янги муддатдаги фаолиятингизда ушбу муҳим масалалар бўйича Сиз билан ҳамкорликни давом эттириш ниятидаман.



Америка халқи номидан Ўзбекистон халқига
эзгу истакларимни йўллаб, мамлакатингизга
тинчлик ва тараққиёт тилайман.

Эҳтиром билан:

**Барак Обама,
Америка Қўшма Штатлари
Президенти**

2015 йил 4 апрель



**Ўзбекистон Республикаси Президенти
Ислом Каримов Жаноби Олийларига**

Мухтарам Ислом Абдуғаниевич,

Президент сайловида ишончли ғалаба қозон-
ганингиз билан Сизни чин қалбимдан самимий
муборакбод этаман.

Овоз бериш натижалари Сизнинг ўз халқингиз
ўртасидаги юксак обрў-эътиборингизни тўлиқ
тасдиқламоқда. Бу, ҳеч шубҳасиз, Сизнинг дав-
лат раҳбари лавозимидаги хизматларингиз, Ўзбе-
кистонни ижтимоий-иқтисодий ривожлантириш
борасидаги долзарб вазифаларни ҳал қилишда
эришилган ютуқлар кенг миқёсда эътироф этил-
ганининг яна бир ёрқин далилидир.

Россия ва Ўзбекистон ўртасидаги иттифоқ-
чилик ва стратегик ҳамкорлик муносабатла-
рини мустаҳкамлашда Сизнинг улкан шахсий
ҳиссангиз борлигини алоҳида таъкидламоқ-
чиман.

Икки томонлама алоқаларимизнинг бутун
tizimini, минтақавий ва халқаро ишларда
конструктив ҳамкорликни янада жадал, комп-
лекс равишда ривожлантириш бўйича дўстона



мулоқотимизни, яқин ҳамкорликдаги фаолиятимизни давом эттирамиз, деб умид қиламан.

Давлат фаолиятингизда Сизга чин қалбимдан сихат-саломатлик, янги ютуқлар, халқингизга раванқ ва фаровонлик тилаб қоламан.

Эхтиром ила:

**Владимир Путин,
Россия Федерацияси
Президенти**

2015 йил 30 март



**Ўзбекистон Республикаси Президенти
Ислом Каримов Жаноби Олийларига**

Мухтарам Президент Жаноблари!

Ўзбекистон Республикаси Президенти этиб қайтадан сайланганингиздан ниҳоятда мамнунман. Хитой ҳукумати ва халқи, шунингдек, шахсан ўз номимдан самимий қутловларим ва эзгу тилакларимни қабул этгайсиз.

Сизнинг Президентлигингиз даврида Ўзбекистонда сиёсий барқарорлик, иқтисодий ривожланиш ва халқ фаровонлигининг ўсиши кузатилмоқда. Халқаро майдонда мамлакатингизнинг нуфузи ва таъсири муттасил равишда ортиб бормоқда. Ҳеч шубҳасиз, Сизнинг раҳнамолигингизда Ўзбекистон давлат қурилишининг барча соҳаларида янги, янада улкан ютуқларга эришади.

Хитой ва Ўзбекистон – бир-бирига самимий ишонадиган яхши дўст ва ишончли шерик. Икки мамлакат ўртасида дипломатик муносабатлар ўрнатилганидан буён ўтган 23 йил мобайнида давлатлараро муносабатларда ижобий ривожланиш динамикаси доимо сақланиб келмоқда, сиёсий жиҳатдан ўзаро ишонч ҳар томонлама



мустаҳкамланмоқда, ўзаро манфаатли ва стратегик ҳамкорлик ривожланмоқда.

Мен Хитой – Ўзбекистон муносабатлари жадал ривожланиб бораётганини ва ўртамиздаги мустаҳкам шахсий дўстлигимизни юксак кадрлайман, Сиз билан бирга мамлакатларимиз халқларининг фаровонлиги йўлида стратегик ҳамкорлик борасидаги хитой-ўзбек муносабатларини янада юқори даражага кўтариш учун кучгайратимни сафарбар этишга тайёрман.

Сизга мустаҳкам соғлик ва иш фаолиятингизда муваффақиятлар тилайман.

Ўзбекистоннинг равақ топиши ва куч-қудрати зиёда бўлишини, унинг халқига эса бахту саодат тилаб қоламан.

**Си Цзиньпин,
Хитой Халқ Республикаси
Раиси**

2015 йил 30 март



Мухтарам Президент Жаноби Олийлари!

Сизга Хитой заминидан улкан саломлар йўллаш шарафига муяссар бўлганимдан бахтиёрман.

Мен хитойлик оддий бир кизман. Исминм Лю Хонг. Мен Сизнинг кўплаб тарафдорларингиздан бириман. Ушбу сатрларни ёзар эканман, Сизга мактуб орқали мурожаат қилишдан бахтиёрман.

Хитой билан Ўзбекистон халқларини кўп асрлик дўстлик ва ўзаро ҳамкорлик ришталари боғлаб туриши сир эмас. Шу боис, ўйлайманки, Сиз Жаноби Олийларига йўллаётган мактубим замирида ана ўша ўзаро ҳурмат ва эҳтиром туйғулари акс этса, ажаб эмас.

Гарчи мен Хитойда яшасам-да, замонавий технологиялар, жумладан, Интернет тармоғи орқали Сизнинг кенг қиррали фаолиятингиз, Ўзбекистон халқининг тинчлик-фаровонлиги, юқори турмуш даражаси, мамлакатнинг ҳар томонлама таракқий этишини таъминлашга қаратилган дастурий ташаббусларингизни катта



кизикиш ва хайрат билан кузатиб бораман. Ушбу саъй-ҳаракатларингизда Сизга доимо куч-қудрат ва омад ёр бўлишини Яратгандан сўрайман.

Ўзбекистон қадимий тарихга ва маданиятга эга бўлган, жадал тараққий этиб келаётган гўзал мамлакатдир. Бу қадимий юртга ташриф буюриш – менинг энг катта орзуим.

Ўзбекистон етакчиси сифатида Сиз мамлакатнинг нуфузини юксалтириш, мустақиллигини мустаҳкамлаш, халқлар ва миллатлар ўртасидаги тинчлик-тотувликни таъминлаш йўлида улкан ва самарали ишларни амалга ошираётганингиз, бутун куч-қудратингиз, ғайрат-шижоатингизни ўз Ватанингиз равнақиға, халқингиз фаровонлиғига йўналтираётганингиз ҳам энг юксак баҳоларга сазовор деб ўйлайман.

Мухтарам Президент Жаноби Олийлари!

Мамлакатларимиз доимо дўст ва шерик бўлиб келган. Халқларимиз эса тинчлик ва тараққиёт йўлидаги саъй-ҳаракатлари ва меҳнатсеварлиги билан дунё сахнасида ўзининг муносиб ўрни ва нуфузига эга.

Хитой ҳам худди Ўзбекистон каби қадимий ва гўзал диёрлардан бири. Юртимизда Буюк Хитой девори билан бир қаторда ажойиб панда айиқлари, ширин ва мазали таомлар ва Сизнинг миллионлаб тарафдорларингиз бор. Хитойга амалга оширадиган ташрифларингиздан бирида



Сиз билан бир зумга бўлса-да учрашиб, саломлашиб қўйиш орзуси билан Сизга ўзимнинг энг эзгу тилакларимни йўллаб, сихат-саломатлик, бахт-саодат, барча ишларингизда юксак омадлар тилаб қоламан.

Хурмат-эҳтиром билан:

Лю Хонг,
Хитой Халқ Республикаси,
Тьян Жин Ши,
Фу Шин Ли 15–101

2013 йил 15 август



Ўзбекистон Республикаси Президенти Ислом Каримов Жаноби Олийларига

Жаноби Олийлари!

Сизни таваллуд кунингиз билан самимий табриклаш менга улкан мамнуният бағишлайди.

Ўзбекистон мустақил бўлганидан буён эришган барча ютуқлар Сизнинг номингиз, Сиз узоқни кўзлаб олиб бораётган сиёсат билан боғлиқдир.

Ўзбекистон сўнгги йилларда демократик ислохотларни ҳаётга татбиқ этиш, фукаролик жамиятининг ролини мустаҳкамлаш, мамлакат иктисодий салоҳиятини янада юксалтиришда улкан муваффақиятларни қўлга киритди.

Ўз фаолиятини Абу Али ибн Сино ва Абу Райҳон Беруний асарларини ўрганишга бағишлаган олим сифатида шуни таъкидлашни истардимки, Ўзбекистон ўзининг буюк аجدлари билан, уларнинг жаҳон илм-фани ҳамда тараққиётига қўшган бебаҳо хиссасини эътироф этган ҳолда, бугун эришаётган ютуқлари билан ҳар қанча фахрланса, арзийди.

Сизнинг оқилона раҳбарлигингизда Ўзбекистон изчил ва барқарор ривожланишда давом этиб, келажакда дунёнинг энг тараққий этган



давлатлари каторида етакчи ўринлардан бирини эгаллашига ишонаман.

Яна бир бор таваллуд кунингиз билан муборакбод этиб, Сизга, жаноб Президент, мустаҳкам соғлиқ, бахту саодат, фаолиятингизда муваффақият ва салмоқли натижаларга эришишни, Ўзбекистон халқига тинчлик-омонлик, фаровонлик ва раванқ тилайман.

Юксак ҳурмат билан:

**Юль Янссенс,
Лувен католик университети
профессори (Бельгия)**

2015 йил 26 январь



**Лувен католик университети профессори
жаноб Юль Янссенсга**

Муҳтарам жаноб Янссенс,

Таваллуд куним муносабати билан йўллаган самимий табрик ва истакларингиз учун чин дилдан миннатдорман.

Биз Ўзбекистонда Сизнинг ўрта асрлар Шарк алломалари ва мутафаккирларининг илмий ва фалсафий меросини ўрганишга катта ҳисса қўшаётганингиз, халқаро жамоатчиликни уларнинг ҳақли равишда бутун инсоният бойлиги деб эътироф этилган бебаҳо асарлари ва ютуқлари билан кенг таништириш борасидаги саъй-ҳаракатларингизни яхши биламиз ва юксак қадрлаймиз.

Айниқса, Сизнинг Ўзбекистон ва унинг халқининг бой ўтмиши, мамлакатнинг ҳар томонлама жадал ривожланишига самимий ва дўстона муносабатингиз ҳамда катта қизиқишингиз алоҳида эътибор ва эътирофга муносибдир.

Фурсатдан фойдаланиб, Сизга тинчлик-хотиржамлик, сиҳат-саломатлик ва хайрли ишларингизда янги муваффақиятлар тилайман.

Ҳурмат билан:

**Ислом Каримов,
Ўзбекистон Республикаси Президенти**
2015 йил 27 январь



**Ўзбекистон Республикаси Президенти
Ислом Каримов Жаноби Олийларига**

Жаноби Олийлари!

Сизни, саховатли ўзбек заминини қадрлайдиган инсонлар қатори мен ҳам таваллуд кунингиз билан чин қалбимдан муборакбод этаман. Европа халқаро муносабатлар институти президенти, Ўзбекистон Республикаси Олий Мажлисига бўлиб ўтган сайловларда халқаро кузатувчи, «Дўстлик» ордени нишондори ва мафтункор юртингизга тез-тез келиб турадиган инсон сифатида Ўзбекистон сиёсий, иқтисодий ва ижтимоий соҳада, модернизация, шаҳарлаштириш, архитектура ва фуқаролар турмуш шароитини яхшилаш борасида эришаётган бемисл муваффақиятларни кузатиб бормоқдаман.

Ушбу ютуқларга Сизнинг Президент сифатида шахсий хизматларингиз ва Сиз ҳаётда самарали қўллаб келаётган сиёсий санъат натижаси бўлган мувозанатли ислохот ҳамда барқарорлик туфайли эришилмоқда.

Шу билан бирга, бу марраларга, одатда, ўтиш даври ва сиёсий жараёнларга хос бўлган тар-



тибсизлик, саросима ва ижтимоий бекарорлик вазиятида эришиб бўлмаслигини таъкидлашни истардим.

Барқарорлик шароитидаги ҳар қандай тараққиёт етакчилар хизмати бўлиб, мамлакат фуқаролари учун улкан муваффақиятдир.

Жаноб Президент, Сизга бўлган самимий ҳурматимни қабул этгайсиз, халқингиз фаровонлиги ва мамлакатингиз тараққиёти йўлида мустаҳкам сиҳат-саломатлик тилайман.

**Профессор Ирнерио Семинаторе,
Европа халқаро муносабатлар
институти президенти,
Европа дипломатия академияси
директори**

2015 йил 26 январь



**Европа халқаро муносабатлар институти
президенти, Европа дипломатия
академияси директори жаноб
Ирнерио Семинаторега**

Мухтарам жаноб Семинаторе,

Туғилган куним муносабати билан йўллаган самимий табрик ва истакларингиз учун миннатдорман.

Сизни Ўзбекистоннинг кадрдон дўсти, катта касб ва ҳаёт тажрибасига, мамлакатимиз, минтақамиз ва умуман, халқаро майдонда рўй бераётган бугунги шиддатли жараёнларга нисбатан ўзининг теран ва холис нуқтаи назарига эга, обрў-эътиборли илмий ва жамоат арбоби сифатида яхши биламиз ва юксак кадрлаймиз.

Сиз Ўзбекистонда демократик ислохотларни ривожлантириш ва фуқаролик жамияти асосларини мустаҳкамлашга ҳар томонлама кўмаклашиб, биз учун муҳим бўлган соҳада тажриба алмашиш борасида самарали фаолиятингизни давом эттиришингизга умид қиламан.



Фурсатдан фойдаланиб, Сизга мустаҳкам
соглик, бахт-саодат ва фаолиятингизга улкан
муваффақиятлар тилайман.

Хурмат билан:

**Ислом Каримов,
Ўзбекистон Республикаси
Президенти**
2015 йил 27 январь



**Индира Ганди номидаги Ҳиндистон
Миллий маданият марказининг
илмий раҳбари, профессор
Мансура Ҳайдарга**

Мухтарама Мансура Ҳайдар хоним!

Шу йилнинг 15–16 май кунлари Самарқанд
шаҳрида ўтказилган «Ўрта асрлар Шарқ ал-
ломалари ва мутафаккирларининг тарихий
мероси, унинг замонавий цивилизация риво-
жидаги роли ва аҳамияти» мавзусидаги халқ-
аро конференция ишига юқори баҳо берилган
мактубингиз, ўзбек халқи ва унинг тарихий
мероси ҳақидаги самимий фикрларингиз учун
сизга чин қалбимдан миннатдорлик билди-
раман.

Сиз тухфа этган, Ўзбекистон тарихи ва ма-
даниятига бағишланган сермазмун китоблар-
ни катта эътибор билан кўриб чиқдик ҳамда
бу ноёб асарлар билан кенг жамоатчиликни та-
ништириш ва атрофлича ўрганиш мақсадида
уларни адабиёт, тарих, фалсафа фанлари бўйича
мамлакатимизнинг етакчи илмий марказлари-



дан бири бўлган Ўзбекистон Фанлар академия-сининг Алишер Навоий номидаги Адабиёт дав-лат музейи фондларига жойлаштиришга қарор қилдик.

Эҳтиром билан:

**Ислон Каримов,
Ўзбекистон Республикаси
Президенти**

Тошкент шаҳри, 2014 йил 15 июль



**Ўзбекистон Республикаси Президенти
Ислон Каримов Жаноби Олийларига**

Жаноби Олийлари,

Фурсатдан фойдаланиб, Сизга ва «Шарқ таро-налари» IX халқаро мусиқа фестивали ташкилот-чиларига ушбу ноёб анжуманни юксак савияда ташкил этгани учун самимий миннатдорлигимни билдираман. Бу фестиваль, шак-шубҳасиз, бутун дунё халқлари ўртасида тинчлик-тотувлик ва дўстликни мустаҳкамлашга хизмат қилади. Ушбу байрам маданият, санъат, сиёсат ва дипломатия соҳасида дунёга машҳур кишилар қатори ёзув-чи ва журналистлар, рассомлар, мусиқашунос, раққос ва раққосаларни ҳам бир жойга тўплади.

Ушбу байрамда Сизни кўрганимиздан бағоят хурсанд бўлдик. Иштирокчиларга самимий табригингиз ва муваффақиятлар тилаганингиз учун миннатдормиз.

Мени «Шарқ тароналари» фестивалининг бош мукофоти соҳибаси, деб эълон қилишган пайтдаги ҳаяжон, хурсандчилик ва ғурур-иф-тихорни сўз билан ифодалаб бўлмайди. Бундай ажойиб байрамда иштирок этиш мен учун ул-кан шараф бўлди. Ҳайъат аъзолари менга катта



ишонч билдириб, юксак мукофот – Гран-прини топширди. Ватаним Ҳиндистон шарафини ҳимоя қилиб, олий мукофотга сазовор бўлганимдан фахрланаман.

Ўзбекистон ҳақида бир олам унутилмас таассуротлар билан қайтдим. Ҳозир ўзим Ҳиндистонда бўлсам-да, қалбим Ўзбекистонда. Хушчақчақ ва қалби дарё халқингизнинг меҳмондўстлиги ва самимиятини ҳеч қачон унутмайман.

Ўзбекистонга боргунимча бу юртда дўстларим йўқ эди. Аммо у ердан қайтаётганимда Ўзбекистон ва дунёнинг бошқа давлатларидан кўплаб дўстлар орттирдим.

Ўзимнинг якунида мени ва гуруҳимизни кўллаб-қувватлаганингиз учун Сиз, Жаноби Олийларидан, «Шарқ тароналари» фестивали ташкилотчилари ва Ўзбекистон халқидан ғоят миннатдорлигимни яна бир бор билдирмоқчиман. Меҳмондўст Ўзбекистон заминида яна бир бор ўз истеъдодимизни намойиш этиш имкониятини интизорлик билан кутиб қоламиз.

Ҳурмат билан:

Рашми Ағарвал,
хиндистонлик хонанда,
«Шарқ тароналари» IX халқаро
музыка фестивали Гран-при
мукофоти соҳибаси

2013 йил 2 октябрь



Ўзбекистон Республикаси Президенти Ислом Каримов Жаноби Олийларига

Муҳтарам жаноб Президент,


Авваламбор, Сизни муборакбод этиб, ўзимнинг эзгу тилаklarимни изҳор этмоқчиман. Озарбайжон халқи Сизни ҳар доим яқин дўст деб билади ва чин дилдан ҳурмат қилади. Бу бежиз эмас. Чунки қардош Ўзбекистон оғир дамларда Озарбайжонни кўллаб-қувватлаб келган. Айниқса, Тогли Қорабоғ масаласидаги адолатли ва принципиал позициянгизни алоҳида қайд этмоқчиман. Барча расмий музокараларда Сиз Ўзбекистон Озарбайжоннинг ҳудудий яхлитлигини тан олишини ва масалани тинч йўл билан ҳал этиш тарафдори эканингизни таъкидлайсиз. Бу биз учун катта аҳамиятга эга.

Мен Озарбайжон Миллий Мажлиси аъзосиман. Парламентга журналистика соҳасидан ўтганман, касбим тақозоси билан турли давлатларда тез-тез бўламан. Аммо, шуни тан олишим керакки, ўзимни ҳеч қачон Ўзбекистондагидек эркин ва хотиржам ҳис қилмаганман. Мамлакатингизда собиқ Иттифок даврида ҳам, мустақиллик йилларида ҳам бўлганман. Ўзбекистон мен учун бо-



лалигимдан кадрли ва кизикарли мамлакатдир. Ушбу саховатли заминнинг мафтункор табиати, бағрикенг ва меҳр-окибатли одамлари, бетакрор маданияти мени ҳамиша ўзига ром этиб келган. Буюк шоир Алишер Навоийнинг шеърлари, «Ўзбекфильм» киностудиясининг самимийлиги билан ажралиб турадиган фильмлари хотирамда абадий сақланиб қолган. Шу боис мамлакатингизга ҳар бир сафарим кизикарли ва бетакрор воқеаларга бой бўлади. Кўз ўнгимда ривожланаётган давлат, ажойиб табиат, самимий инсонлар намоён бўлади. Мамлакатингизга ҳар сафар келганимда буюк саркарда Амир Темури макбараси, қадимги маҳобатли ёдгорликлар ва масжидларда бўламан. Ва ҳар сафар халқингиз ва мамлакатингизни дуо қиламан. Юртимга қайтаётганимда бу ерга яна ва яна келишни ният қиламан.

Ҳурматли Президент, бугунги кунда Ўзбекистон ривожланиб бораётган демократик давлат экани мени қувонтиради. Шунинг таъкидламоқчиманки, бугунги мураккаб ва таҳликали даврда бундай мақсадларга эришиш қанчалик қийин ва оғир эканини яхши биламан. Бугун Ер шарининг тўртдан бир қисми, жумладан, мусулмон олами ўт ичида қолган. Айни пайтда Ўзбекистонга қараганда аҳолиси, ҳудуди ва табиий ресурслари анча кўп бўлган бу давлатлар фуқаролари қочқинларга айланган. Улар чодирларда яшаб, бир бурда нон ва бир қултум сувга муҳтож.



Ўзбекистоннинг оддий фуқароси кечираётган ҳаёт уларга тушдек туюлади. Буларнинг барчасининг кадрига етиш керак, деб ҳисоблайман. Мен буни барча учрашувларда гапираман. Чунки буларга машаққатли меҳнат, адолатли, доно сиёсат туфайлигина эришиш мумкин. Бу фазилатларга ўз халқини беҳад севадиган, унга таянадиган давлат раҳбари, ҳақиқий етакчи ва маҳоратли сиёсатчигина эгадир. Шунинг тўлиқ ишонч билан ва самимий айтишим мумкинки, Сизда бу фазилатларнинг ҳаммаси мужассам. Сиз нафақат ҳароб бўлган мамлакатни қайта тикладингиз, балки уни замонавий демократик давлатга айлантирдигиз. Шунинг учун Ўзбекистон давлати, халқи ва келажак авлоди Сизнинг хизматларингизни муносиб баҳолашига ишонаман.

Мухтарам Президент,

Мен Озарбайжон – Ўзбекистон дўстлик жамиятининг ҳам аъзосиман. Яқинда Самарқандда ўтказилган «Шарқ тароналари» мусика фестивалида иштирок этдим. Сизнинг қизикарли ва мазмунли нутқингиз, самимийлигингиз менинг қалбимда ўчмас из қолдирди. Нафақат фестивал, балки унинг юксак савияда ташкил этилгани ҳам мени лол қолдирди. Шу боис ушбу ажойиб мусика байрамини юксак даражада ташкил этганингиз учун ўз миннатдорлигимни билдираман. Бу ҳақиқатан ҳам юксак профессионал даражада ташкил этилган байрам бўлди. Айниқса, Чет



тиллар институтининг ёш кўнгиллилари фаолиятини алоҳида қайд этмоқчиман. Биз Ўзбекистондан эзгу тилаклар, катта таассуротлар билан юртимизга қайтдик.

Мактубим якунида сизга узок умр, жонажон Ватанингиз фаровонлиги йўлида амалга ошираётган хайрли ишларингизда муваффақиятлар тилайман. Сиз туфайли дўст Ўзбекистон янада юксак муваффақиятларга эришишига ишонаман.

Ўрнат ва эҳтиром билан:

**Эътибор Гусейнов,
Озарбайжон Миллий
Мажлиси депутати,
Озарбайжон-Ўзбекистон
дўстлик жамияти аъзоси**

2013 йил 19 сентябрь



Жаноби Олийлари,

2015 йил 8 май – 19 май кунлари мамлакатингизда сайёҳ сифатида бўлганимни Сизга маълум қилиш мен учун катта шараф. Бундан аввал – 1971 йили Москва шаҳрида бўлиб ўтган Нефть бўйича халқаро конгрессда иштирок этиб, Ўзбекистоннинг Тошкент, Бухоро, Самарқанд шаҳарлари ва табиий газ конларига бой Қашқадарё вилоятида бўлган эдим.

Мен бугунги Ўзбекистонни ўша пайтлардаги аҳвол билан таққосламоқчи эмасман. Шундай бўлса-да, 1971 йил мамлакатдаги, айниқса, Бухоро шаҳридаги аҳвол ачинарли ҳолатда эди. Сизнинг бевосита раҳнамолигингизда амалга оширилган кенг кўламли бунёдкорлик ишлари таҳсинга лойиқдир. Айниқса, ўша даврда Имом Бухорий макбараси ташландик ҳолда, қабр жойлашган битта ҳужрадан иборат бўлганини алоҳида қайд этмоқчиман. Бу ерда Сизнинг раҳбарлигингизда амалга оширилган бекиёс ишлардан барча мусулмонлар, шу жумладан, мен ҳам миннатдорман.

Ўтган 24 йил мобайнида Сиз улкан муваффақиятларга эришдингиз, мамлакатингизда бар-



қарорликни таъминлаб, халқингиз қалбида ўз Ватани билан фахрланиш туйғусини шакллантирдингиз ва бунинг учун барча имкониятларни яратиб бердингиз. Келажакда Сизга ислохотлар жараёнини изчил давом эттириш, мамлакатингизни янада ривожлантиришингиз учун узок умр ва саломатлик тилайман.

Ўрнат билан:

**Мустафо Тала,
Франция, Париж шаҳри**

2015 йил 23 июнь



Мухтарам Ислон Абдуғаниевич,

Сизни дўст Ўзбекистоннинг Президенти лавозимига қайта сайланганингиз билан самимий табриклайман.

Сизга ўз мамлакатингизни бугунги мураккаб даврда фаровонлик сари ва барча давлатлар билан яхши қўшничилик йўлида ишончли бошқаришингиз учун мустаҳкам соғлик тилайман. Айниқса, Ўзбекистон ва Россия ўртасидаги дўстлик муносабатлари янада мустаҳкамланиши тарафдориман.

Ўрнат билан Россиянинг оддий фуқароси:

Константин Морозов

2015 йил 3 апрель



**Ўзбекистон Республикаси Президенти
И.А. Каримовга**

Мухтарам Ислом Абдуғаниевич,

Шимолий Кавказ мусулмонларининг мувофиқлаштирувчи маркази Сизни Ўзбекистон Республикаси Президенти этиб қайта сайланганингиз муносабати билан муборакбод этади. Самимий табригимизни қабул қилишингизни сўраймиз ва юксак лавозимдаги самарали ишларингизга муваффақиятлар тилаймиз.

Сизнинг обрў-эътиборингиз, катъиятингиз ва мақсад сари интилувчанлигингиз мамлакатингизнинг ижтимоий-иқтисодий жихатдан янада ривожланиши, халқаро позицияларини мустаҳкамлашнинг муҳим қафолатидир. Ўзбекистон Республикаси Президенти этиб сайланганингиз Сизнинг давлатчиликни мустаҳкамлаш борасидаги улкан хизматларингиз, кўп миллатли халқингиз орасида юксак обрў ва ҳурматга сазовор эканингиз эътирофи, ўз халқи ва мамлакати манфаатини ҳамма нарсадан устун қўядиган инсонга билдирилган умумий ишонч ифодасидир.

Сизнинг ишчанлик ва инсоний фазилатларингиз бундан буён ҳам олдингизда турган кенг



қўламли вазифаларни бажаришда доимий ҳамроҳ ва Ўзбекистон равнақи йўлидаги масъулиятли ишингизда муваффақият қафолати бўлсин.

Мамлакатингизнинг ҳар бир фуқароси фаровонлигини таъминлаш йўлидаги куч-ғайратингиз ва самарали ишларингиз халқингиз томонидан тўла қўллаб-қувватланди. Сизнинг маҳоратингиз, катъиятингиз, тажрибангиз, одамлар билан ишлаш қобилиятингиз, халқингиз маданияти ва тарихига бўлган мухаббатингиз кўп миллатли халқнинг муносиб Йўлбошчиси эканингиздан далолат беради.

Кўпчилик фуқароларнинг сайловда Сизга овоз бергани уларнинг Сизга бўлган юксак ишончидир ва бу ишонч зимангизга миллионлаб одамлар тақдири учун алоҳида масъулият юклайди. Оллоҳ бундан буён ҳам ўзининг чексиз марҳамати ва мурувватини Сиздан аямасин, мамлакат учун муҳим вазифаларни ҳал этишда куч-қувват, сабр-матонат берсин!

**Исмоил хожи Бердиев,
Шимолий Кавказ мусулмонлари
мувофиқлаштирувчи
маркази раиси**

2015 йил 8 апрель



**Ўзбекистон Республикаси Президенти
Ислом Каримов Жаноби Олийларига**

Хурматли Ислом Абдуганиевич,

Мен Могилёв машинасозлик техникумини тамомлагач, 1957–1960 йилларда Андижондаги «Строймашина» заводида муҳандис-технолог, экспорт маҳсулоти бўйича назоратчи уста, техник назорат бюроси бошлиғи бўлиб ишладим. Шу кунгача Ўзбекистондаги дастлабки меҳнат фаолиятим ҳақида ажойиб таассуротлар сақланиб қолган.

Сизни Ўзбекистон Республикаси Президенти этиб қайта сайланганингиз муносабати билан самимий табриклайман. Иқтисодчи ва таҳлилчи сифатида ғалаба қозонишингизга ишонгандим. Ўз ҳаёт йўлингиз давомида ақл-идрокингиз, меҳнатингиз ва куч-ғайратингизни намоён этдингиз. «Ташсельмаш» заводи устасидан давлат раҳбаригача бўлган машаққатли йўлни босиб ўтдингиз. Сизнинг жўшқин ва серкирра фаолиятингиз, ишлаб чиқариш, иқтисодий ва бошқарувчилик тажрибангиз обрўли ҳамда эътиборли давлат етакчиси сифатида шаклланишингизга ёрдам берди.



Сиз бундан буён ҳам меҳнатсевар халқингизга садоқат билан хизмат қилишга ва мамлакатингизнинг янада раванг топишига қўмаклашиш учун барча зарур фазилатларга эгасиз.

Муҳтарам Ислом Абдуганиевич, Сизга мустақам соғлик, Ўзбекистон иқтисодиётини ривожлантириш йўлидаги барча ишларингизга муваффақиятлар тилайман.

Хурмат билан:

**Александр Галаков,
Беларусь Республикаси,
Могилёв шаҳри,
Пушкин проспекти, 47-уй,
31-хонадон**

2015 йил 30 март



**Ўзбекистон Республикаси Президенти
Ислом Каримовга**

Мухтарам Ислом Абдуғаниевич,

Қардош Қирғизистондаги кадрдон дўстларингиздан бири сифатида Сизга, кеч бўлса-да, сайловда ишончли ғалаба қозонганингиз муносабати билан ушбу табрик мактубимни йўллайман. Ғолиб чиқишингизга шубҳам йўқ эди ва амалда ҳам шундай бўлганидан жуда хурсандман. Чунки Сизни нафақат Ўзбекистон, балки бутун минтақада барқарорлик, фаровонлик ва хавфсизлик кафолати деб биламан. Сизнинг донишмандлигингиз ва қатъиятингиз менинг мамлакатимга ҳам икки марта – 1990 ва 2010 йилларда, яъни ички экстремистларнинг ақлсизлиги ва ташқи кучларнинг аралашуви сабабли катта фожиа – қардош халқлар бўлган қирғизлар ва ўзбеклар ўртасида этник тўқнашув юз берганда ёрдам берди. Мен раҳбарлик қилган Миллий комиссия 2010 йилги воқеалар ҳақидаги ўз хулосасида ушбу масала юзасидан Сизнинг позициянгизни юксак баҳолаб, ҳатто номзодингизни Нобель мукофотига кўрсатмоқчи бўлди. Аммо буларнинг ҳаммаси бизга боғлиқ эмасди.



Ҳурматли Ислом Абдуғаниевич,

Мен ҳамиша – бош вазир ўринбосари, Ўш вилояти раҳбари, парламент спикери бўлганимда ва Миллий фанлар академияси президенти бўлиб ишлаётган бугунги кунда ҳам Сизнинг Марказий Осиё иттифоқи ёки ҳамжамиятини ташкил этиш ва мустаҳкамлаш тўғрисидаги ғоянгиз ва ташаббусингизни қўллаб-қувватлаганман.

Қирғизистон–Ўзбекистон муносабатлари бўйича қайгуришимнинг шахсий сабаблари ҳам бор. Ҳаёт қийинчиликлари туфайли қариндошларим бир пайтлар Фарғонага кўчишга мажбур бўлган. Уларни кига тез-тез бориб турардим. Болалигимдан қирғизлар ва ўзбекларнинг биргаликда ҳаёт кечиришини кузатиш имкониятига эга бўлганман. Талабалик ва аспирантурада ўқиган йилларимда, кейинчалик докторлик илмий ишимни ёзишда ўзбек адабиётини яхши ўрганганман, Тошкентда ўзбек устозларим ва адабиётчи дўстларим кўп эди. Яъни, маънавий жиҳатдан мен ўзбек маданияти билан боғланган эдим. Сўнгра, мустақиллик йилларида турли юқори лавозимларда ишлаган пайтларим Сиз билан Бишкек, Ўш ва Тошкентда бир неча бор суҳбатлашиш бахтига муяссар бўлдим. Мана шунинг учун Сизнинг навбатдаги ғалабангиздан чин дилдан хурсандман. Сизнинг дўст халқлар – қирғизлар ва ўзбеклар ўртасидаги ўзаро му-



носабатларни янада мустаҳкамлаш ва чуқурлаштиришга хизмат қиладиган хайрли фаолиятингизга бундан буён ҳам омад тилайман.

Ҳурмат билан:

**А. Эркебаев,
Қирғизистон Республикаси
Миллий фаилар академияси
президенти**

2015 йил 27 апрель



**Ассалому алайкум, ҳурматли
Ислом Абдуғаниевич,**

Мен Иккинчи жаҳон урушида фашизм устидан қозонилган ғалабанинг 70 йиллиги муносабати билан собиқ Иттифокдан турли миллатга мансуб икки юз мингга яқин (аслида уч юз мингдан зиёд) болани ўз бағрига олиб, парваришлаб тарбия қилган ўзбек халқининг қаҳрамонлигига бағишланган «Кадр ортида» китобини тайёрладим.

Мени ўша пайтда журналист сифатида Украина хроника-ҳужжатли фильмлар студияси Бухоро вилоятига хизмат сафарига юборди. Бухорода нафакат «уруш болалари» ва уларнинг ҳалоскорлари, балки уларга бошпана бериб, яқин кишисига айланган инсонлар билан суҳбатлашиб, кўплаб ҳужжатлар тўплادим. Бу материалларим асосида «Урушнинг узок садоси» ва «Худойберди – Оллох берган» номли ҳужжатли фильмлар суратга олинди. Афсуски, киночилар тили билан айтганда, аксарият ишларим кадр ортида қолиб кетди.

Тақдир тақозоси билан Германиянинг Мюнхен шаҳрига доимий яшаш учун кетишимга



тўғри келди ва ҳозир ҳам шу ерда истикомат қилмоқдаман. Мен ўз вақтида Ўзбекистонда ажойиб инсонлар сўзлаб берган ушбу ҳикоялар кадр ортида қолиб кетишига чидай олмадим ва «Кадр ортида» китобини (унда фотосуратлар ҳам кўп) тайёрладим.

Мухтарам Президент, энг сўнгги нонини «уруш болалари» билан баҳам кўриб, уларга гамхўрлик ва меҳр-муҳаббат кўрсатган ўзбек халқига ушбу камтарона совгамни Ўзбекистон оммавий ахборот воситалари орқали етказишда ёрдам беришингизни сўрайман. Агар китобимни юртингизда чоп этиш истаги пайдо бўлса, бошим осмонга етарди.

Энг муҳими, Ер юзида Сиз каби адолатли, тинчлик ва барқарорлик учун курашиб, уни ҳимоя қилиб келаётган инсоннинг борлиги учун шукур қиламан.

Ҳурмат ва эҳтиром билан:

**Валентина Петроченкова,
Германия,
Мюнхен шаҳри**

2015 йил 20 май



Ҳурматли Ислом Абдуганиевич!

Мен Сизни Ўзбекистон Республикаси Президенти лавозимига қайта сайланганингиз билан чин кўнгилдан табриклайман. Ўзбекистон Республикасини ривожлантириш, халқ фаровонлигини ошириш ва мамлакатингизда тинчлик-барқарорликни таъминлаш йўлидаги машаққатли ишларингизда Яратгандан Сизга мустаҳкам соғлик ва узоқ умр тилайман. Оллоҳ Сизни улуг ёшларга етказсин.

**Одил Қаюмов,
Гвинея Республикаси
тоғ-геология институти
эксперт-профессори**

2015 йил 30 март



Мухтарам Президент жаноблари,

Мен «пантера» деб номланган ва дунёда йўқолиб кетиш хавфи остида бўлган катта мушукларни муҳофаза қилиш билан шуғулланувчи гуруҳ аъзосиман. Бугун гуруҳимиз томонидан эълон қилинган пресс-релизда Ўзбекистоннинг Ҳисор табиий қўриқхонасида илк маротаба кор леопарди суратга олингани ҳақидаги хабарни ўқиб, жуда хурсанд бўлдим.

Ёшим анча катта бўлгани боис ажойиб мамлакатингиз ва қўриқхонанинг ўзини бориб кўриш бахти менга, афсуски, насиб қилмаса керак. Шу боис Сизнинг раҳбарлигингиз остида Ўзбекистонда табиатни муҳофаза қилиш, унинг хилма-хиллигини сақлаб қолиш борасида амалга оширилаётган улкан ишлар учун самимий миннатдорлик изҳор этиб қоламан.

Фурсатдан фойдаланиб, Сизга мустаҳкам соғлик ва янгидан-янги зафарлар тилайман.

Самимий ҳурмат ила:

**Н. Лаура Миддлетон,
Америка Қўшма Штатлари, Вермонт
штати, Эссекс Жанкшн қишлоғи,
Виндбриж Роуд кўчаси, 8-уй**

2014 йил 16 январь

МУНДАРИЖА

Сузбоши ўрнида.....	3
Миннатдор қалблар шукронаси.....	11
Халқ сўзи – ҳақ сўз	81
Янгича фикрлаётган одамлар.....	154
Ёш авлод эҳтироми	216
Жаҳон аҳлининг юксак эътирофи	255

ПРЕЗИДЕНТГА МАКТУБЛАР

Тошкент «Маънавият» 2016

Нашр учун масъул Х. Султонов

Тўпловчи З. Мирзақулов

Мухаррир М. Қаришбоев

Нашриёт муҳаррири С. Аҳмедов

Рассом М. Агьямов

Мусаххих С. Тошқулова

Компьютерда тайёрловчи Ш. Соҳибов

Лицензия АІ №189, 10.05.2011 йилда берилган.

Босишга 22.07.2016 йилда рухсат этилди. Бичими 84x108 ¹/₃₂.
«Таймс» гарнитураси. Офсет босма усулида босилди. Шартли босма
табоғи 15,54 + 0,84 рангли вкл. Нашр табоғи 9,25 + 1,47 рангли вкл.
Буюртма №16-39. Адади 50 000 нусха. Нархи шартнома асосида.

«Маънавият» нашриётида чоп этилди.

100047. Тошкент, Тараққиёт 2-берккўча, 2-уй. Шартнома № 32–16.

